

756

93.

五

νε

Seng

He

A  
A  
Su  
De  
T  
In  
Lb  
Ho  
L  
L  
M



DEVS

Filius ipse tuus propria nos morte redemptus,  
Nos et in aethera's transtulit iste domos.

DEBITA NOS abire ex corde REMITT, MISERERE.

RVRSVS et ad VENIAM TRADA PAR-

TA SERVVS.

DAEMONIS INFIRMAS NUNQVAM TENT.

TO MENTES

VEXET, et ad stygios nos trahat arte lacus.

Semper nos tua dextra regat, Satanasq. foveat.

Pellat, ut afflicto nos regat amicus.

Heu mentis

Christiang. Risius

R. B. H. 1684

d. 2. Oct.

ANSHELMV. IN EX-

TRAMO DIE.

A dextris erunt peccata accusantia.

A sinistris infinita damonia.

Subto horrendum obor inferni.

Desuper iudex iratus.

Foris mundus ardens.

Intus conscientia urens.

Ibi vix iustus salvabitur.

Heu miser peccator, sic opprobrius quis fugiet?

Latere enim impossibile.

Repacere intolerabile.

Memorare ergo novissima, et in aternum

o peccabis.

M.

PH

O  
E

Corr

M.

Sn  
Ext  
ex



M. ANTONII MURET

PRESBYTERI, J. C. ET CIVIS RO-

MANI, Oratoris ac Poëta

Clariss.

ORATIONES,  
EPISTOLÆ, HY-  
MNIQUE SACRI,

EDITIO NOVA,

*Correcta & locupletata, juxta editio-  
nem postremam Ingolstadianam.*

Cum præmonitione JOAN. FRIDERICI  
Prof. publ.



M. DC.

XXIX.

Cum Gratia & Privilegio Elect. Saxon.

L I P S I Æ,

Summibus GOTTFREDI GROSSI Bibliopolæ

Exatorem Comiti. C. M. C. in Insula Weym.  
ex Legato F. Agathangeli.

ANTONIO MARRAS  
PRESIDENTE AC. F. S. R.  
MAN. G. S. R.

ORATIONES

EPISTOLAE

M. S. R.

EDITIONES

Epistola ex locupletata, Italia edita

M. S. R.

M. S. R.

M. S. R.

M. S. R.

M. S. R.

M. S. R.

M. S. R.

M. S. R.

M. S. R.

M. S. R.

M. S. R.

M. S. R.

M. S. R.



C



Bibl

Speci  
ratio

Epig

reni

vult

sissim

tia

per

reper


man

Ad



# Christiano Lectori

S.

 *U M Serenissimus*  
*Pr. Saxonia Elect.*  
*&c. Dominus no-*  
*ster Clementissimus,*  
*Gothofredo Grosio*  
*Bibliopola Lipsiensi, Privilegium*  
*speciale, quo M. Antonii Mureti O-*  
*rationes & Epistolae, cum adjunctis*  
*Epigrammatibus & Hymnis, in Se-*  
*reniss. ipsius Celsitatis Provinciis, di-*  
*vulgare typis & divendere ei gratio-*  
*sisimè permittitur, singulari clemen-*  
*tia indulserit; Et vero scriptis illis,*  
*per Autorem Pontificium, admixta*  
*reperiantur quadam, manifestis Ro-*  
*manensis Ecclesiae erroribus imbuta:*  
*Admonendum putavimus, statim*

AD LECTOREM.

*in hoc vestibulo, Lectorem Christianum, operis hujus editione non Religionis queri veritatem, quam aliunde hauriendā sincera pietatis studio si norunt; sed puritatem & elegantiam Orationis Latinæ; quam etiam in rebus factisq; minime probandis; quoties de iis, aut dicendi aut scribendi, vel occasio, vel necessitas sese offert, negligi nō oportet. Quicquid igitur in hoc volumine à sinceriori Evangelicā & historicā veritate alienum reperitur, eo neq; pius Lector offendatur, neq; exultet temerè Pontificius; quasi ejus videamur opinioni, per hanc editionem, ullo modo suffragari. Ceterum uterq; ut rectè valeat & sapiat, ex animo precamur. Lipsiæ V. Idus Nov. Anno 1619.*

JO. FRIDERICHUS, Linguarum  
& Historiarum Professor.


S C I





SCIPIONI GON-  
ZAGÆ MARCHIONI  
ET S. R. I. PRINCIPI.

MARCUS ANTONIUS  
MURETUS S. D.



F E E R O tibi munus,  
SCIPIO GONZAGA, si  
aut ex sua, aut ex tua di-  
gnitate spectetur, perexi-  
gnum; si ex viribus meis,  
mediocre; si ex animo, magnum. Ora-  
tiones quædam sunt, variis à me tem-  
poribus habitæ: quas, cum partim dis-  
persæ atq; errantes vagarentur, partim  
apud me in adversariis neglectæ jace-  
rent, nunc in unum corpus collectas  
ut edicac divulgari paterer, amici qui-  
dam, multò mei, hac quidem in parte,  
quàm

P R Æ F A T I O.

quàm par est, & quàm ego ipse vellem,  
studiosiores, impulerunt. Satis su-  
perq; fuerat, earum partim in scho-  
lastico pulvere, atq; in illis, erudito-  
rum hominum umbraculis, non tan-  
tùm recto, ut dicitur, stetisse talo, sed  
plausum etiam & *Ἰσχυράσας* tulisse:  
partim in illo confesso, quo, nullum  
habet terrarum orbis angustiores, &  
silentio auditas, & principum viro-  
rum testimonio commendatas fuisse.  
Superârat fortuna spes meas: quam sæ-  
pius sine causa experiri, negant esse sa-  
pientis. Neq; nescius eram, morosio-  
ra ac difficiliora esse legentium, quàm  
audientium, iudicia: sæpeq; accidere,  
ut, quæ audientes mirabamur, eadem  
legentes rideamus. Sed quid facerem?  
Cupienti mihi jam latere, amici ob-  
stitērunt; quibus parendum fuit: ne, si  
in negando pertinax essem, superbiæ  
deniq; id potius, quàm modestiæ, ad-  
scriberetur. Cùm igitur inibi esset, ut  
ede-



ederentur, libenter arripui occasione  
 diu optatam inscribendi tibi, ut nunc  
 fit, aliquid depromptum ex studiis me-  
 is, eademq; opera testificandi & judi-  
 cii de te, & mirifici cujusdam amoris  
 erga te mei. Verè enim hoc dicā, SCI-  
 PIO, cū omnes, qui te nōrunt, ita te  
 ament, ut eorum nemo sit, qui se stu-  
dio atq; observantia tui cedere cui-  
quam putet; ego tamen mihi videor  
 diuturna & accurata notatione &  
 observatione earum rerum, quæ te  
 usq; eò omnibus amabilem reddunt,  
 singulare quiddam præter cæteros  
 τῷ ποτὶ θέναι. Quid est enim, quod ad cō-  
 ciliandas ac devinciendas hominum  
 voluntates valeat, quin id in te om-  
 ni ex parte perfectum reperiatur? Ni-  
 hil hīc de summa atq; antiquissima  
 gentis vestræ aut nobilitate, aut potē-  
 tia dicam: nihil de toto illo genere bo-  
 norum, quod ita tuum est, ut & alio-  
 rum sit. Alios & ista amatores habent.

# PREFATIO.

Ego in te nihil amo, nisi te ipsū. Itaq;  
 ut ille Rex potentissimus ex amicis  
 suis alium dicebat esse φιλοβασιλέα: ali-  
 um φιλαλέξανδρον: ita tu, alios esse, qui  
 & alia in te ament, me planē & ex ani-  
 mo φιλοσκηπίωνα esse tibi persuadeas li-  
 cet. Ac te ipsum cū dico, ne illam  
 quidem dico & oris & totius corporis  
 dignitatē, quæ tibi omnium elegan-  
 tiorum hominum animos primo sta-  
 tim ad specū conciliat, constituens,  
 quoad ejus fieri potest, ante eorum  
 oculos, & ingenium, & mores tuos.  
 Quamvis enim verē dixit nescio quis  
 Poetarum, gratiorem in pulchro cor-  
 pore esse virtutem: ea tamen est in te  
 veriorum ac solidiorum bonorum  
 copia, quæ de his secundæ, ut ita dixe-  
 rim, notæ bonis censeri non sinat. In-  
 genium excellens, & in quo, tanquam  
 in pingui ac feraci solo, omnes te dig-  
 næ artes ita facilem comprehendant;  
 ut eas non ab aliis accipere, sed ex tei-  
 plo



pso parere ac proferre videaris. Quo  
 tu usus ita ut decuit, à Græcæ Latinæq;  
 linguæ intelligentia, à Poetarum, Hi-  
 storiorum, Rhetorum cognitione ad  
 Philosophiam, & ad eam, quam tibi ab  
 ineunte ætate proposueras, quæq; ti-  
 binunc in amoribus ac deliciis est,  
 Theologiam ea celeritate properasti,  
 ut, quæ honoris ac dignitatis præmia  
 confecto studiorum curriculo tribui  
 ac decerni solent, ea tu nunc meritis-  
 simo consecutus sis, cum adhuc matu-  
 rum videri poterat, de animo ad illas  
 graviores disciplinas adjiciendo, cogi-  
 tare: Atque ut iustius generis ingenium  
 nunquam ita esse otiosum potest, ut  
 omninò nihil agat: quod tibi dabatur  
 à severioribus studiis excepti ac sub-  
 secivi temporis, eo tu, quasi ludibun-  
 dus, eas artes, in quibus ingenui ado-  
 lescentes exerceri olim Athenis sole-  
 bant, ita omnes didicisti, itaq; te in eis  
 exercuisti, ut in earum qua libet cum


*P R Æ F A T I O.*

summis artificibus comparari facile possis. Quid nunc ego mores illos tuos planè, ut Poetæ loquuntur, aureos laudem? Potuitne quisquam unquam bonus tecum biduum vivere, tuæq; suavitatis partem aliquam gustare, quin, ut sibi totam ætatē tecum exigere liceret, optaverit? ita tu, quod rarissimū exempli est, summam integritatē vitæ, cum summa ac comitate facilitate copulasti. Sed nolo nunc plura de te: ne ipsi tibi molesti sim. Equidē cūm de scriptis meis non magno perē laborare soleā; tamē hunc librum præcipuē cupio & celebrari nunc, & ad posteros pervenire: ut exstet aliquod testimonium iudicii de singulis tuis virtutibus mei. In quo ne fortē quis eorum, qui te non nōrunt (Nam de iis, quibus tu notus es, nihil tale metuo) assentationi & consuetudini datum esse aliquid suspicetur; **DEUM** immortalem testor, nihil unquam

AD SCIP. GONZ.

quam à me verius, magisq; ex animi  
mei sententia scriptum esse, quàm ea,  
quæ de tuis laudibus scripsi. A te pe-  
to, ut me ames: quo me ipsi mihi  
efficias cariorem. Vale. Romæ

Kalend. Maji 1571.



IN-





# INDEX ORATIONUM.

- I. De dignitate ac præstantia studii Theologici
- II. De laudibus literarum
- III. De utilitate ac præstantia literarum humaniorum, adversus quosdam earum vituperatores.
- IV. De philosophiæ & eloquentiæ conjunctione.
- V. Pro Francisco II. Rege Galliarum, ad Pium IV. Pont. Max.
- VI. Pro Antonio Borbonio Rege Navarræ ad pium IV. Pont. Max.
- VII. De Moralis Philosophiæ laudibus, cum inciperet explicare libros Ethicorum.
- IIIX. De moralis Philosophiæ necessitate, cum venisset ad eam partem, in qua de temperantia agitur.
- IX. De Justitiæ laudibus.
- X. De sui cognitione, deq; omnibus humani animi facultatibus

XI. Pro

*INDEX ORATIONUM.*

- XI. Pro Alfonso II. Duce Ferrariæ, ad Pium IV. Pont. Max.
- XII. Pro eodem Alfonso ad Pium V. Pont. Max.
- XIII. Pro Carolo IX. Rege Christianissimo, ad Pium V. Pont. Max.
- XIV. Pro Sigismundo Augusto, Rege Poloniae, ad Pium V. Pont. Max.
- XV. De toto studiorum suorum cursu, deq; eloquentia ac cæteris disciplinis cum Jurisprudentia conjungendis; cum inciperet publice interpretari Pandectas Juris civilis.
- XVI. Cur ad munus docendi, quo se spontè acdibaverat, revocatus sit.
- XVII. De Doctoris officio, deq; modo Jurisprudentiam docendi.
- XIIX. De auctoritate & officio Judicum, cum inciperet interpretari titul. de Judiciis.
- XIX. In reditu ad urbem Marci Antonii Columnæ, post Turcas navali prælio victos.
- XX. In funere Pii V. Pont. Max.
- XXI. De via & ratione ad eloquentiæ laudem perveniendi, cum in eloquentiæ Doctoris locum susceptus M. Cicerone.



*INDEX ORATIONUM.*

- ceronis Tuscul. Quæst. explicaturus  
esset.
- XXII. Pro Carolo IX. Galliarum Rege  
Christianissimo, ad Gregorium XIII.  
Pont. Max.
- XXIII. De utilitate, jucunditate ac præstan-  
tia literarum.
- XXIV. In funere Caroli IX. Galliarum Re-  
gis.
- XXV. Ad Gregorium XIII. Pont. Max.  
pro Heinricho III. Galliarum & Poloniarum  
Rege, quem à rebus in adolescentia præclarè  
gestis laudat, &c.
- XXVI. In funere Pauli Foxii Archiepisco-  
pi Tolosani, & Galliarum Regis ad  
Sedem Apostolicam Legati.



AD

AD  
M. ANTONIUM  
MURETUM PRESBYTE-  
rum J.C. & Civem Romanum, Orato-  
rem & Poëtam Clarissimum.

RHETORA te tantum si secula prisca tulissent,  
Jam jam immortalis lingua diserta foret.  
Secula si tantum novissent prisca poëtam,

Jam jam immortalis Musa canora foret.  
RHETORA sed postquam simul hac genuere  
poëtam,

Secula, noster eris Virgilius, Cicero.

Te tua posteritas Ciceronem sæpè vocabit:

Teg, ut Virgilium mente manuq, reret.

A L I U D.

Delicia, Veneres, gravitas simul, ac majestas;

Miscentur scriptis, docte MURETE, tuis,

A L I U D.

Tantus es Orator, tantusq, Poëta, MURETE,

Ut possis dici, Tullius atq, Maro.

M. AN-



**M. ANTONII MU-**  
**RETI, &c. TUMULUS.**

**H**ic. Marci. caros. cineres. Roma. inclita. servat.  
Quos. patr.a. optasset. Gallia. habere. sinu.  
Stat. colle. hortorum. tumultus. stat. proximus. astris.  
Quæ. propius. puro. contigit. ille. animo.  
Tu sacros. latices. lacrumans. asperge. viator.  
Et. dic. HEV. LINGVÆ. HIC. FVLMINA. FRA-  
CTA. JACENT.

Obiit Anno Dom. c l o. l o. Lxxx.  
Ætatis sue LX.  
XY. Kalend. Quintil.




**M. AN-**

**M. ANTONII**  
**MURETI PRESBYTERI,**  
**ET CIVIS ROMANI,**

De dignitate ac præstantia stu-  
 dii Theologici.

ORATIO PRIMA.

HABITA LUTETIÆ PARISIORUM  
 Non. Feb. cld. Id. LII.

 *Um omnes mihi singulari quadam, ac  
 præcipua laude digni videntur, qui in asse-  
 quenda honestarum artium scientia operam  
 & industriam suam collocant, tum ii præci-  
 pue, qui veluti majore quodam numinis afflatu percul-  
 si, cæteris omnibus posthabitis, ad divinarum rerum in-  
 telligentiam omnes cogitationes suas, atq; omnia studia  
 contulerunt. Nam si eorum omnium, que in hac immen-  
 sa rerum universitate cernuntur, unumquodq; natura-  
 li perficiendi sui desiderio tenetur: & animus noster ad  
 similitudinem divinitatis effectus tanto perfectior est,  
 quanto propius ad illud, ex quo ductus & propagatus  
 est, exemplar accedit: dubitari profecto non potest,  
 quin ea sit omnium præstantissima facultas, que, quoad  
ejus fieri potest, cum humanis divina copulando, mor-  
talitatem nostram, quantum illius imbecillitas patitur  
divina natura arctissima colligatione devincit. De illius  
 mihi*



mibi facultatis laudibus, hodie, no die, demandatum est  
 ab eis, quorum ~~et~~ apud me plurimum valet, ~~et~~ apud  
 omnes per aquē ~~valere~~ debet auctoritas: non ut eas  
 quidem singulū impetensere omnes, ac flare orationis  
 convestire conaret, (quod ~~et~~ imperare inquam esset,  
~~et~~ ~~fuisse~~ ~~pere~~ ~~temerarium~~.) sed ut ex earum innumera-  
 bili copia pauca quaedam seligerem, de quibus ex hoc  
 amplissimo loco, vel is audientibus explicarem. Quae die  
 re cum mecum in iūdo ageretur, refugiebam equidem  
 tanti oneris magnitudinem, veritus ne idem mihi con-  
 tingeret, quod ~~vobis~~ olim sophistae apud Annibalem de  
 rebus bellis longa accurataque oratione disputanti con-  
 sigisse dicitur: sibi homo adolescens, ~~et~~ cum a ceteris re-  
 bus satis tenuiter instructus, tū in hoc genere peni-  
 tus rudis, inter tot eruditissimos viros, ad dicendum de  
 rebus divinis aggredideret. Illud etiam me commovebat,  
 quod praecclare a Platone scriptum noveram, orationi,  
~~et~~ ~~his~~ ~~rebus~~, quae oratione tractantur, quandam inter se  
 cognationem intercedere oportere, ex quo facile intel-  
 ligebam consequi, ut ad res divinas pro dignitate tra-  
 ctandas divinum quoddam requireretur orationis ge-  
 nus. At ista quidem, re adhuc integra: fortassis maiore  
 quadam cautione providenda fuerint: nunc quidem  
 iam semel altum ingressis, quae nos cumq̃ tempestas ex-  
 ceptura est, ~~vel~~ ~~animurum~~ ~~facienda~~ ~~sunt~~. Illud modō au-  
 tequam ulterius provehar, a vobis summopere contē-  
 do, ut quando omne mihi per fugium in vestra bonitate  
 ac clementia suum est, tenuitatem meam vestro favore,  
~~et~~ ~~silentio~~ ~~sublevetis~~, quō mea oratio his veluti fecun-  
 dis subvestra ventis, quae sibi propulsae, portum faci-  
 lius consequatur. Atq̃ ut hinc exordiamur, si aliquid di-  
 cremus aliud, nisi eam, quae antiquissimo vocabulo  
 Theologia dicitur, scientiam esse quandam, quae divinae  
 sapieu-

sapientia thesauros hominibus recluderet, tamen illud,  
 ut opinor, liquido constaret, quanto eterna nativitas im-  
 mortalitas caducis, divina humanis antecellunt, tanto  
 esse hanc facultatem ceteris omnibus anteponendam.  
 Sed quemadmodum qui præclari alicuius ædificii pul-  
 chritudinem pervidere, ac penitus cognoscere cupiunt,  
 non satis sibi esse ducunt illud uno tantum aspectu con-  
 templari, sed singulas etiam sibi partes accuratè per-  
 lustrandas, ac seorsum considerandas putant: ita nos-  
 si huius præstantissimæ facultatis partes paulisper ex-  
 cutere voluerimus, tum demum, quanta illius pulchri-  
 tudo sit intelligimus. Theologia igitur, viri eruditissimi,  
 ut à maioribus nostris accepimus, duabus præcipuis  
 partibus continetur, quarum una in lege posita est, al-  
 tera in Evangelio. Est verò etiam lex, de qua loquimur,  
 non ab humano profecta consilio, neque similis earum,  
 quæ hominum libidine statuuntur, in quibus multa im-  
 pedit ac ridicula, nonnulla etiam impia ac nefaria sancta  
 reperias, sed primum quidem ab illo huius universita-  
 tis parente, ac opifice Deo in omnium hominum impres-  
 sa, atque insignita animis, post etiam ejusdem Dei digi-  
 to in tabulis insculpta lapideis, ne improbis ulla præ-  
 tendende facinoribus suis ignorantia occasio relinque-  
 retur. Cumq; eam in duo summa capita tribuere li-  
 ceat, eorum prius, quæ ad cultum numinis, posterius,  
 quæ ad tuendam hominum inter se societatem perti-  
 nent, omnia summa brevitate complectitur. Atque hinc  
 vel in primis natura nostra imbecillitatem licet agno-  
 scere, quod cum pauca admodum, eaq; suapte natura  
 facillima præcepta sint, semper tamen deficiamus ali-  
 cubi, neq; unquam stabilem, inoffensumq; cursum perpe-  
 tuò retineamus. Tremefactus itaq; comparatione sui cum  
 divinis præceptis animus Christo se indigere cognoscit,

in cuius sinum confugiat, cuius se viribus provehat, sub  
 cuius bonitate, tanquam sub firmissimo aliquo elypeo,  
 tutus ab iis, quæ lege proposita sunt, supplicis delite-  
 scat, ut rectissime Paulus legem pedagogum, qui nos  
 veluti manu apprehensos ad Christum deduceret, nomi-  
 nasse videatur. Est nunc Lucianus aliquis: perfricat  
 frontem: & dicat ullam esse legem, quæ cum hac lege  
 ulla ex parte comparari queat. Quid enim? quæ Deum  
 immortalē, portenta in omnibus omnino legibus, si ab  
 hac discesseris, reperiuntur? Quarum aliæ furti, aliæ  
 adulterii, aliæ etiam quædam multò turpiora permit-  
 tunt, ut nihil penè tam turpe sit, quod non legislator a-  
 liquis licere voluerit. Hanc verò sapientissimus ille Mo-  
 ses, non Jove quodam commentitio, ut Minos; non ab  
 Apolline, ut Lycurgus; non ab Ageria, ut Numa;  
 sed ab eo, qui solus veri Dei nomine censendus est,  
 sibi per manus traditam accepit, ita numeris omni-  
 bus absolutam, ut nihil neque immutari, neque adjici,  
 neque detrahi possit. Sed ea tamen, uti antea dixi,  
 morbum quidem nostrum commonstrare ac detegere  
 nobis potest: depellere eundem, ac sanare non potest.  
 Morbi autem cognitio magnam ea quidem vim maxi-  
 mum, & momentum ad vires recuperandas habet, neque  
 tamen tantum, ut in ea posita sint omnia. Quare Evan-  
 gelio nobis Christus aperitur, qui, modò firmā in ipsum  
 fide nitamur, non vanā illā quidem, & otiosa, quam mul-  
 ti stultè & inaniter iactant, sed solidā & bonarum a-  
 ctionum perpetuò fecundā, nos, velut humeris suis im-  
 positos tollit in cælum. O rem omni prædicatione maio-  
 rem! O nuncium verè iucundum & lætibilem! Cùm hu-  
 mana natura primi parentis depressa lapsu pestum tota  
 ferretur, tantam fuisse in Filio Dei clementiam, ut dela-  
 psus à cælo humanam formam induere veluerit, ut cor-  
 pora-



poratus, ac carne tectus in finis sese laboribus, ut cruciatibus, erumnis, morti denique deterrime, atque acerbissimae exposuerit, quò sudore ac sanguine suo ab annis nostris durissimum iugum aeterna depelleret servitutis. Tene, Christe optime, ut nos liberali causa assereres manu, omnium dominus cum esses, servi formam assumsisse? Tene, nobis quietem tuis laboribus, libertatem tuâ servitute, vitam denique tuâ morte peperisse? Admirantur historiae veteres Pythagoreum quendam, qui se pro amico in causa capitis vadem dare veritus non est: at hoc quanto admirabilius est, Dei Filium, Deumque ipsum, ut nos merito nostro inimicos sibi, aeternis eriperet suppliciis, tot, tam dura, ac vel dictu, vel cogitatu aspera, & horribilia sustinere voluisse? Et quisquam est, qui alias omnes, si in unum conferantur, scientias cum hac, qua ista tam pulchra, tam admirabilia, tam divina traduntur, ullo modo comparandas putet? Hæc verò una est omni curâ studie, contentione dignissima. Hæc una est non tam liberalis vocanda, quam liberatrix. Hæc aurea illa catena est, qua cum caelestibus terrestria copulantur. Hæc scala illa est, quam olim per quietem sanctissimus Patriarcha vidit, cujus gradibus in cælum scandere liceat, atque illis Deum intueri, admirari, adorare, demittentem semetipsum est augustissimo illo majestatis suæ fastigio, seseque accommodantem ad humanæ conditionis humilitatem: rursusque eundem defunctum nobili illa servandorum mortalium provincia, spoliatisque inferis (et rem omni humana cogitatione sublimior) in cælum sublimem raptum, vallatumque ac stipatum infinita tum geniorum concinentium, tum hominum de caliginosissimis illis Satanae ergastulis erutorum multitudine, justo ac pleno triumpho Cælum ingredientem, neque disiecta muri parte, sed valvis suo sanguine

reclusis; iter eodem nobis omnibus aperientem. Atq; hec  
 quidem quamvis ejusmodi sunt, ut ad excitandum, in-  
 flammandumq; quemlibet torpentem animum sufficere  
 posse videantur, tamen ex tam ubere campo alia qua-  
 dam, nisi molestum est proferamus. Verè cum illud af-  
 firmare posse videor eruditissimi viri, quemadmodum  
 Platonisi elementorum in corporibus cœlestibus quen-  
 dam veluti florem, in hisce inferioribus quandam vel-  
 uti facem esse dicebant; ita rerum omnium cognitione  
 dignarum in Theologia florem; in aliis scientiis facem  
 contineri. Namq; ut hinc nostra se primò efferat oratio,  
 quia nescit, quantopere se in perscrutandis rerum prin-  
 cipiis veteres Philosophi corserint, quamq; nihil, si res ad  
 verum exigatur, effecerint? Dum alius mundum hunc,  
 & quicquid in eo vel aspectabile, vel tractabile contine-  
 tur, putat ex temeraria quadam minutissimorum corpo-  
 rum concarsione coaluisse: qui si vel unam earum, quas  
 somniabat, atomum cerebri habuisset, nunquàm ista tam  
 stultè incogitanterq; scripsisset: alius æternum esse eum;  
 neq; desitutum unquam neq; exordium ducentem ab ul-  
 lo temporis principatu, non animadvertens hac ratione  
 illam, a qua ipse tantopere abhorrebat, infinitatem in-  
 duci: qui verò optimè sensisse creduntur, tamen Deo vel-  
 uti comitem quandam materiam adjungunt, quasi ut  
 artifex, ita Deus sine materia nihil possit efficere. Quid  
 Theologi? huius universitatis autorem esse, ac effecto-  
 rem Deum, qui cùm innumerabilibus seculis antecessis-  
 set, quo temporis puncto ipsi placuit, mundum hunc, &  
 quæ illius ambitu continentur, sine ullis vestibulis, sine  
 ullis ferramentis, sine ulla materia, verbo tantum ac  
 nutu suo ex nihilo architectatus est: eundemq; assidue  
 sua bonitate ac prudentia continet, moderatur, fovet;  
 omnes in eo rerum ac temporum varietates, vicissitudi-

nes efficit. Quod statos orbium celestium cursus, quod  
 certas siderum trajectiones; quod constitutis vicibus  
 insignes ac notabiles rerum commutationes intuemur,  
 haec & cetera omnia ad eum modum non fortuna te-  
 meritate, aut vi ulla materiae dirigi, sed divina provi-  
 dentia temperari. Contemplemur & aia. Quid de animo  
 humano Philosophi. Alius eum cor ipsum esse dicit, alius  
 cerebrum, alius cordi suffusum sanguinem, alius spiri-  
 tum innatantem sanguini, alius harmoniam quandam,  
 alius eum ex numeris conficit, alius ex atomis, ut multi,  
quidem ista consideranti certamen aliquod infanie sua  
scripsisse videantur. Ita ex hoc tam confuso, tam vario,  
 tam multiplici rerum opinionum veluti cinno-  
 mbi ferè colligere possumus, nisi semper copiosissimam  
 messem hominum variè insipientium fuisse. Nam non-  
 nulli quidem ea dicunt, ut eos in re tam seria risum ca-  
 ptare atq. aucupari putes, ut apud Dicaearchum Phe-  
 crates, qui animum nihil omnino esse contendit, veritus  
 credo, ne quid posset tam absurdè aut fatuè dici, ut id  
 nemo dixisset Philosophorum. Illa verò multo etiam a-  
 pud eos perturbator, atq. implicatio quæstio est, per-  
 manens animus corporeis solutus vinculis, an qui  
 corporum idem sit interitus animorum. Epicurus in-  
 ter se eos putat, nefas ratus, cum tam multa sibi cum  
 suis convenirent, se hoc uno ab eis interesse. Stoici  
 longam eis vitam ut cornicibus, sed non pèrpetuam tri-  
 buunt. Pythagoras verò iucundus est, qui remanere il-  
 los quidem docet, sed ex corporibus in alia corpora mi-  
 grare, ut idè sit fortè hodie gallus gallinaceus, qui tem-  
 pore belli Trojani fuerat Agamemnon. Quid Plato? Quid  
 Aristoteles? de hoc quidem illud Homericum dici potest:

Τὸ δὲ δὴν δ' αὖτ' ἀνὰ πύλας πτόλιος κτείνῃ.

Ἢ γὰρ πτόλιον ὅμιλον ἔμετ' ἀχαιῶν.

B a

Ob



Obscuritate enim se involvens sua in neutram partem satis aperte propendet, ut pend in legem Solonis incur-rere videatur: Ille autem proximè quidem omnium ac-  
cedit ad veritatem, sed etiam multa mendacia admiscet, ut non absurdè dicant, qui eum dicunt poeticè philoso-phari. Quid porro de iisdem rebus Theologi? Animum hominis simplicem quandam & individua[m] esse natu-  
 ram ad exemplar divinitatis expressam, licet ortus par-  
 ticipem, tamen interitus expertem, quæ corpore soluta,  
 si se purè ac piè gesserit, in cælum evolet, æternam illic  
 Dei beneficio adeptura felicitatem: sin se malis, iisq; in-  
 expiabilibus cupiditatibus corrupendam dederit, ad  
 inferos nunquam desituriis damnanda supplicis depri-  
 matur. Quod si quæ de Deo à balbutientibus Philo-  
 sophis dicta sunt, cum solida Theologorum doctrina com-  
 parare collibuerit, reperiemus hos quidem certa omnia  
 & explorata, & salutaria tradere: Illos verò neq; satis  
 quid dicant intelligere, & credula ingenia perniciosissi-  
 marum opinionum laqueis implicare. Itaq; quod Ho-  
 merus de Tiresia: Cato de Scipione dixit, idem de Theo-  
 logia dici potest, eam videlicet sapere solam, reliquas  
 disciplinas, velut umbras per inane volitantes vagari.  
 Quod si quis eam, quæ ex levioribus studiis percipitur,  
 amoenitatem requirit, ne eam quidem in foracissimis  
 Theologiæ campis frustra desideraverit. Nam si re-poë-  
 ticiis modulationibus aures demulcere meditamur, quis  
 unquam ita in hoc genere excelluit, ut cum Davide com-  
 paratus non sordeat? Nisi fortè Orpheum, Homerum,  
 Pindarum de levissimis plerumq; nugis verba funden-  
 tes audire præstat, quàm illum Deo acceptissimum re-  
 gem, nunc Dei laudes plena hilaritatis oratione refe-  
 rentem, nunc eiusdem auxilium in summis suis difficul-  
 tatibus implorantem, nunc iniectantem improbos, nunc

commendantem probos, nunc ea quæ multis postea scul-  
culis contigerunt, ita subicientem oculis, ut nullus ex  
melius Apelles in tabula expingere potuisset. Sive histo-  
ria cognitione ducimur, unde veriores, unde scitu di-  
gniores historias, quàm ex sacris literis repetere pote-  
rimus? An verò suavius est cognoscere, quid Cræso in  
Medos, quid Pyrrho in Romanos expeditionem paranti  
oblique Apollo, quàm quid Mosi ad Pharaonem quid  
Samuëli in Palæstinos proficiscenti, aperte ac perspicue  
Deus ipse responderit? Quomodo Regulus à Carthagi-  
nenibus, quàm quomodo Servator & Sator humani ge-  
neris CHRISTUS, à Judæis omni crudelissimorum suppli-  
ciorum genere divexatus fuerit? Jucundiusne, aut fru-  
ctuosius arbitramur, intelligere, quibus artibus Assyrii,  
Persæ, Romani cæteras nationes devicerint, quàm qui-  
bz augustissimi illi religionis nostræ principes, olus de-  
inceps innumerabiles eorum vestigia secuti Christiane  
ditionis terminos ampliaverint? O hebetes, stupidis,  
aut, ut verius dicam, miseros & perditos, si qui harum  
rerum suavitatem, fructumque non sentiunt: Contra ve-  
rò o ter & quater beatos illos, quorum ita est affectus  
animus, ut nusquam suavius, quàm in his studiis con-  
quiescat, non eos aut inanium dignitatum, aut fluxa-  
rum opum adurit sitis: non eos voluptatum illecebræ  
molliant, liberi & pravis omnibus cupiditatibus soluti,  
ex illo perenni puteo aquam æterna vita effatricem  
hauriunt: ex illis perpetuò virentibus campis flores  
suavissimos colligunt, ex quibus qui odores affluunt,  
eorum nunquam est intermorigura suavitas: De fer-  
riunt, Deo adherent, eius tantum glorie velificantur,  
eo fruuntur, quæ olim plenè percepturi sunt gaudia,  
ea jam nunc mente ac cogitatione præcipiunt. Ergo sive  
domi, sive foris versentur, cum Deo assidue colloquun-

sur, siue prosperis rerum utantur successibus, eidem ut prosperitatis suae auctori gratias agunt: siue quid eis aduersi accidit (quanquam quid ejusmodi viris accidere aduersi queat?) Sed tamen si quid eis accidit earum rerum, quas vulgus aduersas vocat, neque indignantur, neque concidunt animis, sed verbo divino sese solantes, quidquid à Deo immittitur, summi beneficii loco habendum esse ducunt. ~~Pro Deum immortalē!~~ quid est, si hoc non est feliciter vivere; & in terris vitam celestium imitari? ~~O vite Theologia dux,~~ o virtutum omnium parens, vitiorum expultrix, animorum liberatrix: Quid sine te non modò nos, sed omnino vita hominum esse potuisset? tu depravatas impurissimis opinionibus hominum mentes, velut de integro interpolasti: tu distractos, dissipatosq; variis idolorum cultibus homines in unius verae Religionis societatem convocasti: tu magistra morum ac disciplinae fuisti: ac veluti Sol exoriens nubium caliginem dissipat: veluti sidus, quod Castoris & Pollucis dicitur, exortu suo maris rabiem placat, tempestatesq; dispellit: ita tu divinitus exorta & tenebras ignorantiae dissipasti, & illo tuo salutari fulgore procellas veterum superstitionum dispulisti. Tu nobis velut Helice, aut Cynesura quæpiam es, ad quam universus navigationis, id est, vite nostræ cursus dirigatur. ~~Frigus ille celestis es,~~ quem verus ille Prometheus, id est, Christus in terras attulit, sine quo vita constare non potest. Tu vita tranquillitatem largita nobis es, & mortis terrorem sustulisti. Beatos igitur qui ad te, tanquam ad portum, confugiunt: beatos qui se tibi à teneris iugiculis penitus totosq; tradunt: miseros contrà, qui, ut proci Homerici, ancillarum amoribus irretiti, te, quæ omnium artium domina es, negligunt. Tu enim earum rerum scientiam prosteris, quæ

tum



rum plena cognitio eternam beatitatem, ignoratio eternum exitium hominibus pollicetur. At vos viri optimi, quos partim hujus præstantissimæ discipline veritatem consecutos, partim illius sacris imbutos animi, intactos videmus, nulli, inquam, nulli animis, neque vos aut labor deterreat, aut voluptates avocent, quod minus in sacratissima illius adyta penetretis. Vobis enim vigiliarum sudorumque vestrorum, & magna hic inter homines præmia, & infinitis partibus majora sunt in cælo divinitus constituta. DIXI.

## De laudibus Literarum.

## ORATIO II.

HABITA VENETIIS MENSE

Octobri anno cło 15 LIV.



*Ne singula hominibus ad dicendum accedentibus timorem facere consueverunt, patres amplissimi, usque ceteri cives ornatissimi, ea mihi sese hodie no die obiciunt univ[er]sa. Si-  
ve enim loci amplitudo asserre perturbationis aliquid potest, Venetiis dicimus: sive audientium dignitas, magna testissimorum hominum adstante frequentia dicimus: sive ipsa orationis mater, dicendique conditio, ita dicimus, ut sit nobis eodem tempore de ingenio, de doctrina, de gloria, ornamentoque omnibus in hoc literarum certamine periclitandum Venetiis dicere, si quisquam est, qui parum putet, cum necesse est in maximarum, earundemque toto orbe notissimarum rerum ignorance versari. Equis enim est hodie tam inaccessus, tam ab omni hominum consortio remotus in terris locus, quo non hujus præstantissimæ civitatis fama perperasne*

auct

quis populus, quæ gens, quæ hominum natio vel tam  
 immanis atq; barbara, vel tam exculta disciplinis atque  
 artibus, quam non iam quidem florentissima Veneto-  
 rum Respublica non gloria modò & splendore nominis  
 sui, verùm etiam admiratione compleverit? Hæc verò  
 firmamenta Reipublicæ, hæc ornamenta Italia, hæc vir-  
 tutum omnium, laudandarumq; artium præclarissima  
 lumina intuentem, non commoveri, tantum id quidem  
 est, ut, non dicam in meam hanc mediocritatem inge-  
 nii, sed vix in quenquam hominem, qui cæterorum de se  
 iudicia extimescat, cadere posse videatur. Etenim si elæ-  
 quantissimos olim viros accepimus, cum ad dicendum  
venisset, unus Principis aspectu ita conturbatos fuisse,  
ut obmutescerent: quid mihi tandem animi esse oportet,  
qui neq; comparandus cum illis omninò sum, & apud  
vos dico, Senatores amplissimi, ad quos cum oculorum  
converto aciem, totidem mihi confessum principum vi-  
deor intueri? Ac cæteri quidem sæpe ad eam excusatio-  
 nem confugiunt, ut se, cum tenuitatis suæ consciî essent,  
 tamen vel necessitate, vel officio impulsos, vel amicorum  
 sive precibus, sive tempore aliquo adductos, dicendi mu-  
 nus non tam appetivisse, quàm detrectare non potuisse  
 dicant; quam totam rationem nobis hodierno die ipsa  
 rei natura, conditioq; præcludit. Non enim detrectantes,  
 sed ultro nobis deposcentes hanc dicendi provinciam, ad  
 eam non alienis precibus impulsî, sed vestra incredibili  
 benignitate admissi sumus: ut si minus ex aliqua parte  
 nostra vobis approbata fuerit industria, causa nulla  
 sit, quin omnes accusandam potius nostram temerita-  
 tem, quàm imbecillitatem sublevandam putent. Equi-  
 dem cum & ab ineunte ætate, tum domesticis excitatus  
 exemplis, tum ipsa hortante natura, honestarum ar-  
 tium studia coluerim, & ubi primum per ætatem licuit,  
 quæ

quā mihi meo ipse labore pepereram, aliis tradere in-  
 gressus, novem prope jam annos in hac dicendi, ac docē-  
 di exercitatione consumpserim, tamen superiora illa  
 considerans, ita commovebar animo, facile ut hoc po-  
 tuerim abstinere consilio, nisi me huc summa vestra sin-  
 gulari humanitate concepta spes, & magna quedam  
 approbanda vobis, si minus eruditionis, at certe volun-  
 tatis mea cupiditas impulisset. *Ac mihi quidem, & cu-*  
*jus rei causa in hunc locum descenderim, & ad quos*  
*verba facturus sum, cogitanti, prorsus ita videtur;*  
 nullo in argumento meam commodius orationem posse  
 versari, quam si, litterarum disciplina quantum non  
 ornamenti solum, verum etiam praesidii bene tempera-  
 tis civitatibus afferat, tum adhibitis rationibus, tum  
 etiam exemplis, atq; ex veteribus seculis reperta me-  
 moria exponam: minimè id quidem, quo vos, tales vi-  
 ros, commonefaciam, excellentibus à natura ingenis *Docto.*  
 praeditos, à studiis liberalium doctrinarum eruditos, à  
 diuturno assiduoq; magnarum rerum usu peritos: sed  
 quia libenter facio, ut, quarum artium percepta scien-  
 tia unumquemq; vestrum vehementer affici constat, ea-  
 rum animos vestros jucunda commemoratione dele-  
 ctem. Quæ cum ita se habeant, mihiq; ipsa per se delecta  
 ad dicendum materiae dignitas satis magnam audien-  
 tiam ~~factura~~ videatur: tamen magis consuetudine,  
 quam quod ita necessarium judicem, petam à vobis, ut  
 mihi res pulcherrimas brevi oratione comprehendere  
 meditati, exigui temporis attentionem ne denegetis.  
 Magna omnino vis magnumq; momentum positum est  
 in literis, viri amplissimi, ad conservandas bonisq; cu-  
 mulandas omnibus civitates. Nam cum felicitas publi-  
 ca, ad quam humana omnia referenda sunt, è singulo-  
 rum civium felicitate constet: singulorum autem felici-



Civitas  
sine literis  
florere non  
potest.

cas in excelenda, exercendaq; virtute præcipue sita sit;  
 & ad perfectam virtutem consequendam, necessariam  
 quandam præcursoriem adhibeant litera, illud profectò  
 consequitur, ut, nisi in qua literarum cultura vigeat;  
 florere absolute civitas nulla possit. Ponite vobis ante  
 oculos, omnes ætatis humane partes; omnem publico-  
 rum temporum varietatem; omnes instituenda vice  
 rationes & vias animi & cogitatione percurrite: nul-  
 lum ammodo reperietis, quæ non ita literarum auxilio  
 indigeat, ut eas si quis sustulerit, Solem ipsum de mundo  
 sustulisse videatur. Ex nos, ubi primùm firmis incede-  
 dere, atq; articulatiùs loqui cœpimus, de ipso prope nu-  
 tritum accepit sinu, mellatione quadam honestissima  
 voluptatis alliciunt, allectos præceptis saluberrimis  
 complent: non tantùm beneducendi, verùm etiam bene  
 vivere adi commonestrant vias: excitant in animis nostris  
 igniculos gloriæ: quantus sit in virtute splendor, quan-  
 ta in vitis deformitas, edocent: quæ qui semel bene pe-  
 nitius imbuerint, illi nunquam non postea & vitii turpi-  
 tudinem omni studio refugient, & officii honestatisq; ra-  
 tionem rebus aliis omnibus, anteponent. Ut autem in se-  
 nente posita spes accessit, ita totius reliquæ vitæ ex-  
 spectatio ab educatione pueritiæ pendet. Ut verò infir-  
 mam illam ineuntis ætatis temeritatem robur adole-  
 sentie exceperit, quæ tandem alia res, aut animum præ-  
 carum rerum sit idio accendere, aut efferentibus sese  
 cupiditatibus, quibus ea pars insigniter agitari solet,  
 se non sinit, præter literarum tractationem, peteſt.  
 Themistoclem, lios, cum somnum capere adolescens non  
 posset, dicere solitum iradunt, se Miliadis trophæo, qui  
 effere volentem, excitari: quânto eos acrius incendi, atq;  
 inflammari necesse est, qui quotidie non unius, sed innu-  
 merabilium hominum virtute præstantiū trophæa non  
 e mar-

emarmore constituta ad exigui prædicationem tempo-  
 ris; sed ad omnem æternitatem commendata litteris in-  
 fruentur? Neg. verò pertimescendum est, ne aut laboro  
 frangantur, aut voluptatis irretiantur illecebris ii, qui  
 ætatis suæ florem litterarum studiis dedicandum esse  
 statuerunt. Tanta siquidem est oblectatio paulatim as-  
 quirenda cognitione rerū sese pascentis animi, ut ea, qui  
 fruentur, ab iis neq. laboris iadium, neq. ætantiū vo-  
 luptatum blanditiis sentiantur. Itaq. sapienter Poëta,  
 cum ceteros omnes Deos Veneris Imperio subdidissent,  
 in Minervam modò & in studiorum præfides Musas ni-  
 hil ei, nihil Cupidini iuris esse voluerunt. Quin etiam il-  
 lud ab iisdem memoria præditum est, Jansenem olim, ca-  
 terosq. Argonautas, cum tam insulam, quæ ab ætæni-  
 tate, floremq. copia non eni venerat, præternavigarēt,  
 periculumq. esset, ne molli, ac delicato Sirenium cantu, quæ  
 eam insulam incolebant, ad exitium perducerentur; unū  
 in Orpheo persequi habuisse: qui, cum assedisset in puppi,  
 simulq. fidos blandis impellere argitis, simul vocem illā,  
 quæ rupes nemoraq. traxerat, explicare cōpisset, tanta  
 simul aures animosq. audientium voluptate complevit,  
 ut jam Sirenium vocibus nemo navigantium moveretur.  
 Hoc figmento quid tandem aliud doctissimi homines, nisi  
 id, quod nos volumus, inducunt? Florida videlicet illa  
 insula juventus est. Eam qui quasi prætervehuntur,  
 magno in periculo sunt, ne Sirenium, id est, voluptatum  
 blanditiis decepti, & recto itinere abducti, in vada &  
 scopulos deferantur. Quodnam igitur huic tanto peri-  
 culo comparatum remedium est? Quod, nisi Orphei, opti-  
 mi ac sapientissimi vatis, lyrae cuius suavitatē qui per-  
 ciunt, ii & Acheloidum cantus pro nihilo putant, &  
 tandem institutum illud iter emensi, velus aureum, i.e.  
 virtutē cum immortalī conjunctā gloriā consequuntur.

Nisi-

Nimirum ut major lux minorem, ita minoris voluptatis sensum perceptio majoris extingvit. Quantò autem voluptas ea, quæ discendo sentitur, cæteris omnibus major, sinceriorq; sit, vel illud indicio est, quod aliarum, etiam qui eis plurimum tribuunt, satietatem tamen quandam esse ac tædium, confitentur; hujus ut quisq; percepit plurimum, ita eam acrius atq; avidius concupiscit. Quod si cui forte dubium est, prodeat in medium Chrysippus, qui sæpè studio intentus tanta voluptate perfruebatur; ut eum tanquam extra se positum cibi putionisq; caperet oblitio. Prodeat solertissimus ille cælestium orbium non per scrutator tantum, sed etiam imitator, Syracusanus Archimedes, qui non modò earum rerum, quas natura fert, præ ea, quam capiebat è stidiis, oblectatione memor non erat; sed in illa ipsa Syracusanæ urbis direptione, ita defixus erat in studio, ut prius hostilis gladii cuspidem corpore exceperis: quàm urbem in hostium potestatem venisse sentiret. O rem omnium seculorum admiratione dignissimam. Diripiebatur urbs ea tempestate omnium opulentissima; effusi per vias milites, ut in quemq; inciderant, sine ullo sexus, ætatis, ordinis discrimine obvios contrucidabant; undiq; gladii fulgor præstringebat oculos; undiq; armorum sonitus; undiq; cadentium tectorum fragor audiebatur: puerorum ejulatus, mulierum laments, morientium gemitibus, militum clamoribus, privata publicoq; omnia circumsonabant; ipsa urbs penè dimota et convulsa sedibus suis, suorum civium in cede ac sanguine natabat: cum unius hominis mens in media civitate, civitatis ipsius casum ac ruinam non sentiebat. Solonem verò accepimus, cum in lectulo, morti proximus, decumberet, inaudissetq; assidentes amicos de re quæpiam, submisit, ne ipsi molestiam parerent, disputantes, ere-

eredo, u  
aliquan  
quid dise  
re. Od  
nerosa i  
mus gra  
MUTIL  
scessera  
turus,  
quid su  
vobis  
cogniti  
le est fi  
nisi disc  
thenien  
nuit dyl  
prelari  
dici prof  
enim, vo  
potest, e  
quantò  
sint, cum  
tus ad R  
bus arti  
justitia  
omnium  
numenti  
tendam.  
neminem  
velut in  
eos mura  
futuros.  
sint, unum



erecto, ut potuit, jam semimortuo capite, rogasse eos, ut aliquanto loqueretur clarius, sibi, si etiam moriens aliquid discere potuisset, discissum e vita jucundiorē fore. O discendi cupiditas: quid non efficias, ubi semel generosa ingenia occupasti? ~~Tenebatur~~ homo sapientissimus gravissima ~~in morbi defixus in lecto~~: vicinū te jam mortis ab omnibus pene corporis partibus sensus abscesserat: egregius ille animus, mox liber ac solutus futurus, e corporeis vinculis exsilire cupiebat: nūm quid quid supererat virum, eo contulit, ut deficiente lingua, vocibusq; interruptis, ac morientibus suum de stirpe, cognitionisq; æstherium indicaret. Quid hunc verissimile est firmum ac valentem fecisse; qui ne mori quidem, nisi discendo, voluerit? Merito igitur tam diu floruit Atheniensium Respublica, quā diu tam præclari viri tenuit disciplinam. Sed, ut eò redeamus, unde nos facta præclarissimorum hominum mentio paulisper abduxit, dici profecto non potest, adolescentes nobilissimi: vos enim, vos mea jam compellabit oratio: dici, inquam, non potest, ea studia, in qua nunc totū pectore incumbitis, quāto olim vobis & ornamento, & auxilio futura sint, cum vos & generis vestri nobilitas, & vestra virtus ad Reipublicæ gubernacula admovent. Etenim quibus artibus civitates præcipuè conservantur, pietate, justitia, sortitudine, in primisq; prudentia, earum sunt omnium artium quasi semina litterarum prodita monumentis. Neq; verò hac a me ita disputantur, ut contentandam, nisi litteris eruditum civem patria utilem esse neminem posse: sed hoc dico; nisi litteris excolti sint, qui velut in Reipubl. puppi sedentes, clavum tenent, multis eos muneris sui; iisq; præcipuis partibus necessario defuturos. Nam, cum duo publicorum temporum genera sint, unum pacis, alterum belli, quorum alterum semper

optabile est, alterum nunquam optabile, nonnunquam  
 necessarium: quomodo ut hanc partem priore loco at-  
 tingamus, in pace, civibus jura describere, quantum cuiq;  
 tribuendum sit intelligere, civium inter se dissidia com-  
 ponere, verba publice facere, legationes cum laude ge-  
 rere, praterita tenere, futura prospicere, quid in omni-  
 bus rebus factis optimum sit, videre, & ex aliis alia col-  
 ligere poterit, nisi qui hac sibi de litterarum fontibus  
 haurienda omnia existimaverit? Nisi verò eorum reci-  
 pienda sententia est, qui fieri putant posse, ut qui Rei-  
 publ. praeest, quamvis litterarum sit expers, tamen ad  
 eas res, quas modò enumeravimus, aliena opera non  
 incommode utatur. An verò T. Manlium Torquatium,  
 memoria proditum est, cum consul declaratus fuisset,  
 excusasse valetudinem oculorum, & summum impe-  
 rium detrectasse; quod indignum duceret, ei capita ac  
 fortunas ceterorum committi, qui alienis oculis omnia  
 gerere cogeretur: qui alieno ingenio, alienaq; lingua ad  
 omnia uti necesse habebunt, ii satis ad gubernandos ca-  
 teros idonei videbuntur? At oculorum quidem lumine  
 carentes nihil prohibet acie ingenii etiam futura cernere,  
 optimeq; consulere: quales in fabulis Tiresiam, in hi-  
 storiis Appium legimus: cuius verò doctrinarum luce  
 careat animus, quid is tandem gerere, quid suscipere,  
 quid cogitare, praclarum potest? Sed sunt quidam ho-  
 mines, qui cum litterarum tractationem tranquillis pa-  
 catisq; temporibus, & honestam imprimis & utilem esse  
 fateantur: idem tamen cum occupata bello aliquo ci-  
 vitas est: latere eas, quasi perterritas metu, & inter  
 tubarum lituerumq; clangorem, nullum sui amplius  
 praebere vijam arbitrantur. Quorum nobis hac in par-  
 te coarguendus error est, & quantum vel in medio bel-  
 lorum tumultu litera valeant operiendum. Etenim si

cor-

corporis  
 rentur;  
 qui cum  
 dentia le  
 studio et  
 firmari  
 bello in  
 lud reg  
 cilius p  
 decem  
 vendit  
 fert hui  
 lis inte  
 rum ve  
 legisse  
 bi diu  
 bus, quo  
 lis inter  
 spectare  
 ram ad  
 eventus  
 lici om  
 versant  
 si seden  
 eruditiss  
 charita  
 qua pos  
 ac fortit  
 ea ignor  
 vera ac  
 Quid ill  
 deficient  
 fuisse re

corporis tantum, non etiam animi, viribus bella gererentur, tamen isti fortasse aliquid dicerent: nunc quis est, qui cum mihi & maximum esse in bellis consilio ac prudentiæ locum, & eas virtutes bona ex parte literarum studio comparari, certè quidem insigniter augeri, confirmariq; concesserit; idem tamen earum scientiam in bello inutilem esse contendat? An ignoramus celebre illud regum regis Agamemnonis votum, qui ut Troja facilius potiretur, non Achillis, aut Ajacis, sed Nestoris decem similes optabat sibi? Neque temporis nobis ad vivendum à natura præscripti ea longitudo est, neq; ita fert humanarum rerum ratio, ut multis admodum bellis interfuisse unus idemq; possit: itaque qui unum alterum vè spectant, multum sibi militaris prudentiæ collexisse existimantur. Quid eos judicabimus, qui hoc sibi diuturna librorum evolutione pepererunt, ut omnibus, quotquot post hominum memoriæ gesta sunt, bellis interfuisse videantur? Quod si quis ita bella aliquos spectare posset, ut utriusq; partis consilia teneres, rerum administrandarum viam, rationemq; cognosceret, eventus animo cerneret, quid non ei postea in rebus bellicis omnium consensu tribueretur? Ad hæc omnia; qui versantur in literis, aliaq; plurima ac pulcherrima otiosi sedentes cōsequuntur. Taceo, quàm multa expressa sint eruditissimorum hominū scriptis de virtute, de gloria, de charitate patriæ, de animorum aternitate, de præmiis, quæ post mortem manent eos, qui se pro patria animosè ac fortiter gesserint, quæ tantā vim habent, ut neq; qui ea ignorent, verè laudis habere gestū, neq; qui tractant, verè ac solidè gloriæ ullā omnino rem anteferre possint. Quid illud, an nō quantivis est, quod sæpe labantem jam ac deficientem exercitum eloquentiū hominū voce legimus fuisse revoatos? Citetur testis Lacedæmon civitas, cujus



exercitus Tyrtæi Poëta versibus inflammatus, pulcherrimam illam de Messeniis victoriam reportavit. Dies me deficiet, si aut eruditos homines, qui bellicis laudibus præstiterunt, aut fortissimos Imperatores, qui eruditionis & doctrinæ gloria excelluerunt; enumerare instituam. Nam & Architam Tarentinum sexies exercitum duxisse comperimus, & Melissum navalibus aliquot victoriis insignem fuisse, & ter stipendia fecisse Socratem, & PLATONEM, & Xenophontem egregiam in bello civibus suis operam præstitisse. Quid illa propugnacula Græcia, Periclem, Themistoclem, Epaminondam loquar? Quid illa Romani Imperii columnina, Scipiones, Lucullos, Fabios, Marcellos, aliosq; innumerabiles proferam? quos omnes cum bellicis laudibus claros, tum præstantes doctrinæ studiis fuisse, historiæ loquuntur. Nam Julium Casarem, quis nescit, utra laude præstaret, ambiguum posteris reliquisse? Brutus autem, quanto litterarum ardore flagraverit, vel ex eo colligi potest, quod ea ipsa nocte, quæ mortem ipsius antecessit, Platonis dialogum de animorum immortalitate legisse aliquoties, dicitur. Atq; hoc præclare olim intellexisse videntur Mitylenæi, præcipuam esse in Republica vim litterarum, qui, quos populos bello devicerant, nullam eis aliam pœnam irrogabant, nisi, ut ne liberos suos litteras edocerent. Sciebant videlicet eas tantum civitates florere posse, in quibus litterarum studia colerentur. Cujus rei cur tandem aliunde exempla repetamus? An verò cives, quod viget hodiè vestra Respublica, quod floret, quod beata est, quod cum ceteræ orbis universi partes gravissimis bellorum tempestatibus agitentur, una hæc (quod ei Deus Opt. Max. proprium ac perpetuum faxit) in pace atq; in otio conquiescit, aliunde id fieri creditis, quàm quod ei & præsumunt homines cum

cete-

ceteris  
clarissim  
vine Pl  
ra, Tu  
fore, cū  
regeret  
culum  
Venet  
gins in  
plior  
Sed &  
tia, ut  
spiciam  
quenq;  
earum  
piofius  
mibi no  
stra sati  
vos pri  
à me or  
amplit  
meum  
betis.  
audiat  
forte  
votis  
vis viri  
mibi no  
fru

ceteris omnibus tum hac eruditionis & scientiæ lande clarissimi, & semper eorum simillimi præfuerunt? O divine Plato, tua sunt omnia & dicta & cogitata præclara, Tu dicere solebas, tunc demum Respublicas beatas fore, cum eas aut Philosophi cæpissent regere, aut qui regerent, philosophari. Tuum hoc sapientissimum oraculum perpetua jam mille amplius annorum felicitate Venetorum Respublica comprobavit. Equidem quo longius in altum evehor, Patres amplissimi, eò mihi amplior & patentior orationis quasi cursus ostenditur. Sed & temporis me ratio, & vestra singularis sapientia, ut veta contraham, portumq; tandem aliquando respiciam, monet. Neq; enim credibile est, posse aut me, aut quenquam de litterarum præstantia, fructibusq; qui ex earum tractatione capiuntur, vobiscum melius aut copiosius, quam unumquemque vestrum secum loqui: & mihi non tam orationis conquirenda copia est, quam vestra satietas refugienda. Itaq; finem dicendi faciam, si vos prius etiam atq; etiam rogavero, ut si fortè minus à me ornatè ac copiosè dictum est, quàm ut hujus loci amplitudo, & summa audientium dignitas postulabat, meum tamen idcirco placendi vobis studium ne improbetis. Ego quidem si non indignus à vobis, qui sapius audias, judicer, erit, quod mihi magnopere gratuler: sin fortè; sed reprimam me, neq; committam, ut meis ipse votis videar malè ominari: qui tamen à tot, tam præclaris viris, tanta benignitate auditus fuerim, magnum mihi non hujus modò laboris, sed totius antea vite fructum hodierno die vestro singulari beneficio videor consecutus.

DIXI.

De utilitate ac præstantia litterarum Humaniorum adversus quosdam earum vituperatores.

ORATIO III.

HABITA VENETIIS POSTRIDIE  
Non. Octob. An. clō 15 LV.



PERMULTO esse intelligo, qui de his litteris, quæ humaniores vocantur, eam animo imbibere sententiam, ut ~~eorum~~ tractationem leve quiddam esse, ac nugatorium existiment: neque aut magnos admodum labores ab iis suscipi, qui eas juventuti tradant; aut eorum magnoperè fructuosam esse Reipubl. industriam, in eis deniq. non exquisitā ullam ac reconditam, sed circumforaneam quandam, haustamq. de triviis ac circulis requiri doctrinam putent. A quibus ego, quoniam ita dissentio, ut ex omnibus, qui se aliquid docere profitentur, horum vel gravissimum munus esse contendam: neque ullos esse, qui aut laborum plus perferant, aut majores in Republ. pariant fructus; doctrina deniq. à nullo hominum genere majorem aut copiam requiri, aut varietatem arbitrer: constitui hodiernis die, Patres amplissimi, vosq. ceteri viri ornatissimi, eam mihi ad dicendum materiam sumere, et nobilissimam studiorum partem, quantum id quidem in me positum erit, à contemptu atque ab intolerabili ineruditorum hominum insolentia vindicare. Et verò quid aut huic tempori, aut omnino meo muneri facere convenientius possum, quam ut, quæ mihi studia celebritatis aliquid cum aliis in locis, tum hac ipsa in civitate pepererunt, à quorum ego veluti fontibus

bus ad h  
iis quo  
afferre a  
rum gen  
de vestr  
bus reb  
perbia  
quam i  
morit  
bellis st  
doctrin  
eo certa  
ex erav  
istorum  
si hebet  
pervide  
men vest  
gnum ess  
cum iis  
dum est  
parias  
littera  
eum  
tius, no  
pauli  
fia meli  
sit istoru  
scere. Q  
nullum f  
non adj  
dicenda  
opinion  
dam fab



bus ad hanc quantulamcunq; profluxi hominū famam,  
 iis quoq; ricissim oratione mea splendoris ac claritatis  
 asferre aliquid coner? Præsertim cū, qui hoc littera-  
 rum genus aspernantur, facere nullo modo possint, quin  
 de vestra, patres amplissimi, singulari, spectatoq; in omni-  
 bus rebus ac penē diuina sapientia nonnihil eadem su-  
 perbia detrahant. Etenim si hac tota res tam levis est,  
 quā istī eam videri volunt: quā vos tandem causa cō-  
 mouit, ut proximo superiore anno, propositis publicē li-  
 bellis studiosorum hominū animos ad nobilē illā ingenii  
 doctrināq; contentiōē excitaretis; utq; iis, qui vobis in  
 eo certamine probati essent, honestissimū postea præmiū  
 ex ærario decerneretis? Quæ certē una res ad coercendū  
 istorum temeritatem satis ponderis habere debebat: ut  
 si hebetiores eos natura, stolidioresq; finxisset, quā ut  
 pervidere harum rerum præstantiam possent; quod ta-  
 men vestro talium virorū iudicio probatum foret, ma-  
 gnum esse aliquid ac præclarū, suspicarentur. Sed quoniā  
 cum iis, qui auctoritate nō moventur, rationibus agen-  
 dum est, adesse animis: mibiq; breuiter ostendenti, quā  
 varia, quāq; multiplex eruditio requiratur in iis, qui  
 litteras humaniores docent, eademq; opera, quantos ex  
 eorum navitate atq; industria Respubl. percipiat fru-  
 ctus, non aures modō, sed mentes quoq; attentas: quas o,  
 paulisper adhibete. At quo adeo, ut hac tota controver-  
 sia melius dijudicetur, opera præsum est, initio quanam  
 sit istorum contemptorum humanitatis oratio, cognos-  
 cere. Qui quoniam eas, qui hasce litteras tractant, ad  
 nullum ferē majoris momenti negotiū adhiberi vident,  
 non ad iudicandas lites, non ad agendas causas, non ad  
 dicendam de rebus gravioribus sententiam faciliē in eam  
 opinionem prolabantur, ut ab eis, præter Poeticas quas-  
 dam fabulas ad pueriles animos hilarādos compositas,

atla

& aliquot levia comendæ ac poliendæ orationis præcepta, nihil omnino teneri putent. Quid autem magni negotii est, inquit, in puerorum confesso de ejusmodi figmentis commemorare, ac modò de Thebano, modò de Trojano bello, modò de Ulyssis aut Æneæ erroribus molli, & ad inanem oblectationem composito sermonis genere differere; identidemq; velut è quibusdam arcalis accommodata colorandæ orationi pigmenta depromere? Ecquæ autem magna eruditio est scire, quot navibus Græci ad oppugnandum Ilium accesserint; quot filios habuerit Priamus; Helenam rapuerit Alexander, ut Homerus, an Helenæ simulachrum, ut Euripides prodidit? quod emolumentum ex istorum omnium scientia; quod detrimentum ex ignoracione percipi potest: Nam caterarum quidem artium Professores, quantum utilitatis afferant, per facile est ad intelligendum. Sive enim Dialecticos spectes, ab iis certa quedam veri falsiq; in rebus omnibus cognoscendi ratio traditur: ii se, quid cuiq; consentaneum sit, quid repugnans, quid ex quoq; efficiatur; quæ sit dividendi, quæ finiendi, quæ argumentandi ratio, & tenere, & alios docere præseferunt. Quid Physici? qui rerum principia causasq; tractant; qui, quomodo, quidq; gignatur, quoq; modo intereat, edisserunt; qui nimborum, fulminum, tempestatumq; causas; qui corporum cælestium magnitudines, intervalla, cursus, progressiones, institutiones: qui animi naturam, qui rationem sensuum, qui animantium omnium ortus, victus, figuras, qui stirpium, qui omnium ferme rerum, quæ gignuntur è terra, naturas ita persequuntur, nulla ut pars ab eis cælo, mari, terra, ut Poëta loquuntur, prætermissa sit; hæc cum tractant, mediocriterne Reipubl. profunt? Nam si ad eos te convertas, qui eam susceperunt Philosophiæ partem, in qua de rebus expe-  
 ten-

tendis fugiendisq; differitur; ii verò sunt, quorum industria nulla unquam poterunt præmia satis ampla reperiri. Quibus enim quamq; præclaris in rebus eorum disputationes consumi videmus? Qui hoc primum docent, qui sit finis, quid extremum, quid ultimum bonorum omnium: quod unum intueri: quò omnes actiones, omnes cogitationes, omnia consilia referri oporteat: quot sint virtutum, quotq; vitiorum genera; quibusq; modis illas assequi, ab his declinare possimus: quomodo exsultant, jactantq; se, & de recta rationis imperium frenos injicere oporteat cupiditati: tum quomodo quisq; se in re familiari gubernanda gerere debeat: postremo quo nihil pulchrius, nihil præclarius, nihil denique divinius, ne votis quidem conceptis percipi possit, quibus moribus, institutis, legibus temperanda sint civitates: quibus illæ modis fundari atq; institui, quibus augeri, atq; amplificari, quibus deniq; copiosissime, laetissime, uno verbo, beatissime effici possint. Quæ præclaras, ardentissimo studio, summaq; corporis atq; animi contentione dignissimas. Optimæ Philosophiæ gubernatrix. O virtutum omnium parens, vitiorum omnium expultrix. Tuum est falsarum opinionum temeritatem diripere, tuum est omnium inanitatem & errorem amputare, ac circumcidere: tuum est vitiorum fibras evellere, stirpes elidere, semina exstinguere. Atque ritò divinus Plato nihil te præstantius hominum generi à Diis immortalibus dari potuisse dicebat. Etiam isti verborum magistri, fabularum interpretes, augurum architecti: perscrutant frontem si quam habent, & se ulla ex parte cum Philosophiæ doctrinis conferre eos esse prædicant. Qui si aliquid fortè paulò obfuscatius inquendi genus, aut aliquam viculam non ita pervigilem, aut quampiam paulò reconditorem fabularum



perire potuerunt, dignos se inaurata statua putant, nonnunquam etiam de ejusmodi tricis ita inter se digladiantur, ut pro aris & focis certamen suscepisse videantur. *Hæc ferè est*, Patres amplissimi, eorum, qui studia laboresq; nostros deprimere conantur, oratio: qui quoddam PHILOSOPHIAM laudant, libentibus id nobis, atque approbantibus faciunt: nunquam enim cuiquam concedemus; ut eam non plus amet, pluris re faciat: quod autem nullum censent studiis atque artibus nostris cum ea esse commercium; in eo quanta operè fallantur, facile ex iis, quæ dicturus sum, intelligetur. Nam primum omnium, si hoc ipsis concederemus, nil aliud à nobis quàm Poëticas fabulas, & exornandæ orationis præcepta tradi: non ex eo tamen efflueretur, quod isti volunt, inanem quandam, & ludicram nostram omnem esse doctrinam, neque aliò, quàm ad puerorum animos vana quadam oblectatione demulcendos, referri. *Etenim Poëtarum fabula*, quas isti tantoperè exagitant & insectantur, non levia quædam, & frugis expertia otiosorum hominum commenta sunt: immò verò sub eis, velut involucriis, atque integumentis, omnis doctrina elegans, omnis ingenuo homine digna cognitio, omnis denig sapientia continetur. *Eratosthenem* quendam fuisse ajunt, qui Poëticen ita contemneret, ut Homerum ineptæ loquacitatis magistrum nominaret. *Ac* certè *Plato* ac *Aristoteles*, quorum non paulò major est, quàm nescio cuius *Eratosthenis* auctoritas, ita sepe repetitis ex eo testimoniis utuntur ad confirmandæ ea, quæ tradunt, ut eum non tantùm studiosissimè legisset, sed vix unquam de manibus deposuisse videantur. Itaq; mirari soleo, cum quidam, qui se Philosophos videri cupiunt, & quidem ejusmodi Philosophos, ut, tanquam *Atlante cælum*, ita *Philosophiam* supercilio suo

niti

niti put  
pta aff  
Philoso  
Philoso  
tres ac  
filios v  
esse in  
in om  
nitiis ut  
losophi  
Quod  
sine du  
ro esse  
fuisse  
tiam do  
terti  
celis di  
dem ju  
enim id  
sarum  
mnia p  
eis det  
tur, cu  
bellis,  
quand  
minime  
pta sapi  
bili qua  
Quid cu  
mus, lu  
pem lo  
An nesc  
rum op

niti putent, ita despicatui ducunt Poëtas, ut eorum scripta aspicere se dignari negent. Qui quidem cujusmodi Philosophi sint, ipsi viderint; cum eos contemnant, quos Philosophorum coryphaeus Plato modò sapientiæ Patres ac Duces, modò Deorum Interpretes, modò Deorum filios vocat. Aristoteles autem, cuius isti se germanos esse Interpretes gloriantur, non tantum, ut antè dixi, in omnibus scriptis suis identidem Poëtarum testimoniis utitur, verum etiam libro primo de sapientia, Philosophum omnem, fabularum amatorem esse confirmat. Quod igitur Aristoteles esse se ajunt, fortasse verius, sine dubio quidem verisimilius dicerent, si se ab Epicuro esse affirmarent: hunc enim ex omni memoria unum fuisse Philosophum accepimus, qui cum omnem elegantiam doctrina, tum Poëtarum præcipue scripta contemneret. Quod quidem se, negligendis Poëtis, ex Aristotelis disciplina ac familia censerì volunt, in eo, meo quidem judicio, faciunt & impudenter, & imperitè. At enim id mihi hoc tempore propositum non est, ut de Poëtarum laude dicam: quod si esset, facile ostenderem, omnia præcepta vitæ, omnia virtutum officia nihilo ab eis deterius, quàm à Philosophis ipsis, doceri. Non igitur, cum Poëtarum libros interpretamur, inanibus fabellis, natricum more animos ducimus; sed sementem quandam virtutis atq; doctrinæ facimus: non in levibus, minimeq; frugiferis rebus operam sumimus; sed præcepta sapientiæ, quò facilius in animos influant, insatiabili quadam admirabilium rerum varietate condimus. Quid cum ornatè ac copiosè loquendi præcepta tradimus, ludere videmur, an ea docere, quæ semper principem locum in omni benè instituta civitate tenuerunt? An nescimus, eloquentiam à gravissimis auctoribus rerum omnium reginam vocari? Hæc enim est illa virtus,  
quæ

quæ quamlibet in partem arbitrato suo flectit audien-  
 tium animos, eosq; pulchritudinis suæ splendore obstu-  
 pesfactos, quibusdam velut habenis numerosa orationis  
 regit. Hac illa est, quæ consolatur merentes, afflictos  
 excitat, jacentes erigit: quæ sceleratis exitio est, inno-  
 centibus præsidio, improbis terrori, probis ornamento.  
 Hac Cicero fævus Catilinæ furores, & nefaria in pa-  
 triam inita consilia dissipavit: Hac togatus superavie  
 armatos: ut vel inimicorum confessione omnibus trium-  
 phis majorem adeptus laurea diceretur. Hac instru-  
ti qui sunt, majus omnibus Tyrannis imperium in ho-  
 mines obtinent. Siquidem Tyranni possunt illi quidem  
 corpora constringere: animis nullam adhibere vim pos-  
 sunt: hi verò dominantur in animis: quæq; ipsis hone-  
 sta atq; utilia videntur, ea non facere modò alios, sed et-  
 iam velle cogunt: illi invitis imperant; hi volentibus; illi  
 & oderunt omnes, & odiosi sunt omnibus: his in omne  
 hominum genus beneficos, perpetua omnium benevo-  
 lentia comitatur. Neg. verò non qui eloquentiam con-  
 temnere se simulant, illius præstantiam intelligunt: sed  
 quod assequi non queunt, invidiosè vituperare malunt,  
 quàm ingenuè de imbecillitate suarum virium confite-  
 ri. Orationis igitur meæ summa eò redit deniq; etiamsi  
nihil aliud à nobis requireretur, quàm ut explicare-  
 mus poëtarum fabulas; & inventuti quasi vias, qui-  
 bus ad dicendi facultatem pervenire posset, indicare-  
 mus; tamen neg. mediocriter Reipublicæ prodesse nos,  
 neg. parvis in rebus contemnendisq; versari. Nunc tan-  
tum abest, ut ea solum requirantur à nobis, ut nulla sit  
 ars digna hominis liberaliter educati studio, cujus non  
 aliqua cognitione oporteat tinctum esse eum, qui munus  
 hoc cum laude sustinere meditetur. Itaq; hoc inter nos  
 & alios interest, quod alii eos tractant scriptores, quo-  
 rum

rum uno  
 ferè in  
 quibus  
 quidqua  
 psis, de q  
 nobis ii  
 sint à vi  
 biles loc  
 habent.  
 quam do  
 men suffi  
 aut med  
 perito v  
 re. Nos  
 varietas  
 nitus, sed  
 Non long  
 nes in Ver  
 explicare  
 propemo  
 Libras  
 suscipim  
 partibus  
 que libro  
 Quid ter  
 satiore se  
 profiteri  
 qui homin  
 bil in doc  
 pari pite  
 est, quod  
 neg. eleg  
 postulatu



rum uno aliquo de genere tota disputatio est. Non enim  
 ferè in libris Dialecticorum, Physicorumve, aut in iis  
 quibus medicinæ jurisve civilis scientia continetur,  
 quidquam reperias, cujus intelligentiam non ex illis i-  
 psis, de quibus inscripti sunt, artibus repetere possis: at  
nobis ii quotidie sunt explicandi libri, qui cùm scripti  
 sint à viris omni scientia excultis, ipsi quoque innumera-  
 biles locos ex omni disciplina: um genere depromptos  
 habent. Itaque ceteri etiam si eam unam artem teneant,  
 quam docent, aliarum omnium sint omninò rudes: ta-  
 men sufficere posse suo muneri existimantur: neque unquã  
 aut medico turpe habitum est, nescire leges, aut juris-  
 perito vel medicinam, vel astrorum scientiam non tene-  
 re. Nos uni sumus, quibus omnis illa liberalium artium  
 varietas, non pertractanda quidem, ac pernosceda pe-  
 nitus, sed degustanda tamen, & delibanda necessariò est.  
 Non longè abierimus. Superiore anno Ciceronis oratio-  
 nes in Verrem interpretati sumus. Quam multa ibi nos  
 explicare meminerunt, qui tum aderant: in quibus alios  
 propemodum omnes juris civilis ignoratio fefellerat?  
 Libros ejusdem de finibus nunc ipsos interpretandos  
 suscipimus. Quam multa nobis ex omnibus Philosophiæ  
 partibus depromenda erunt, quibus ignoratis, hos quo-  
 que libros ignorare neesse est? Quid astrorum ratio?  
 Quid terrarum situs? nisi qui hæc utraq; utcumq; teneat  
 satissime se quisquam idoneum poetarum interpretem  
 profiteri potest? Et tamen usq; eò alienis laboribus ini-  
 qui homines reperientur, qui ludere nos, ac jocari & ni-  
 hil in docendo aliud, quàm puerilem voluptatem aucu-  
 pari putent? Nam illud quoque minimè prætermittendum  
 est, quod à graviorum artium doctoribus neque ornata,  
 neque elegans, neque multis quidem in locis, Latina oratio  
 postulatur. Itaque ruant licet in dicendo, & impure, im-  
 pra-

proprie, barbarè, loquantur, suo id eis quodam jure licere creditur: *At nobis dicentibus*, sunt, qui quosdam quasi laqueos tendant, ut si quid exciderit parum expositum, diem nobis continuo dicant violatæ latinitatîs; quodq; postremæ iniquitatîs est, peccare nos putant, nisi in eis etiam, quæ subito fundimus, plurimi illigati sint & verborum & sententiarum lepores. *Quæ cum ita sint*, quis est qui non intelligat, si hominum expectationi huius professionis satisfacere cupiamus, infinitos esse nobis labores exhortandos? *Desinant igitur*, desinant isti alieni industriæ contemptores, gloriæ obtrectatores: comprimant vocem stultitiæ atq; invidentiæ indicem. *Vos verò*, patres amplissimi, pergite, ut facitis, benignitate vestra labores nostros fovere ut hæc florentissima, & bonarum artium studîis deditissima juventus, exercitationibus hisce nostris ad virtutem præparata atque præculta, vestra nolum in hac felicissima Republica gubernanda sapientiam facilius imitari queat. DIXI.

## De Philosophiæ & Eloquentiæ conjunctione.

### ORATIO IV.

HABITA VENETIIS MENSE  
Octobri anno c10 10 LVII.



*I quis fortè vestrum est*, auditores, cui admirabile videatur, quod cum ceteri ordinis mei homines in orationis ferè alicujus, aut poematis explicatione versari soleant, eos sibi liberos, quibus abditarum retrusarumq; rerum ex uberimis illis hausta Philosophiæ fontibus tractatio continetur,

metur, interpretandi quidem causa, vix esse attingendos putent: ego contra & altero ab hinc anno quinq; Ciceronis libros, quibus de summo bono in contrarias partes copiosissime disputatur, explicaverim, & hoc tempore Tusculanas mihi potissimum disputationes, in quibus hujus anni curriculum conficerem, elegerim: is si mei consilii atq; instituti causam rationemq; cognoverit, simul & id, quod facio, probabit, & me si aliter fecissem, justam doctorum & intelligentium reprehensionē nulla pacto effugere potuisse existimabit. Ego enim, auditores, semper in ea fui sententia, præclaram illam minime communium contritarumq; rerum scientiā, quam tribosopha & tenere se, & aliis tradere profiterentur, ita esse cum facultate ornatē copiosēq; dicendi conjunctam atq; copulatam; ut eas qui distrabere ac divellere conarentur, & vel rerum cognitionem sine ullo facta ac polita orationis instrumento consecrari se dicerent, vel verborum sterculis contenti, ne aspirarent quidem ad reconditos sapientiæ fructus; pessimē utrosque tum suis, tum alienis studiis consulere, & exitiale quasi corporis & animi dissidium inducere arbitrarer. Igitur & ab ipso ætatis meæ principio ita studiorum meorum rationem comparavi, ut exornanda orationis curam cum rerum investigatione conjungerem: & postea omnibus, qui se in disciplinam mihi dederunt, auctor fui, ut eandem illam viam, quam præsertim præstantissimorum omnis memoriæ hominum signatam atque impressam vestigiis viderent, ipsi quoque toto pectore, omniq; animi contentione sequerentur. Animadvertam enim, & eos, quorum omnis in concinnitate vocum, & in verbis tanquam ad normam dirigendis, quadrandis, componendis cōsumeretur industria, ab iis, quibus cor, ut ajunt, saperet, ut leves futilesq; contemni:

& eos



Et eos qui se ita penitus rerum indagatiōi tradidissent, ut de comparanda laute orationis suppellectile non laborassent, quasi agrestes ac barbarus quosdam ab omnibus elegantibus hominum cœtibus repudiari. Ergo simul arguam publicè munus illud assignatum est, ut iter vobis ad ea studia prætexem, quibus exulta, Respublice aliquando usum aliquem afferre pissetis: statim id consilium cepi, ut alternis annis modò Ciceronis orationes, modò ejusdem ad Philosophiam pertinentes libros interpretarer. Itaque primus, ut meministis, annus in aliqua Verrinæ accusationis librorum explicatione consumptus est. Secundo, dissidentes veterum de summo bono sententias, quinque libris expositas, accuratè persequi sumus. Tertium, Catilinarie sibi orationes vindicarunt. Hoc autem quarto, quem unum festibus ingrediuntur auspiciis, quas vobis, auditores quam exquisitas, quamque præclaras a viduarum doctrinæ mentium epulas apparavi? Decrevi enim animos vestros ipsa sui cognitione pacere, eorumque vim ab omnibus rebus externis advocatam, totam in seipsam colligere, Et ad naturæ suæ contemplationem traducere, vos denique ipsos vobis ostendere, Et illam divinæ auriæ particulam, quæ in nobis omnibus latet, considerandam, cognoscendamque proponere. Excutiendæ nobis erunt omnes veterum Philosophorum Bibliotheca: perlustranda omnis antiquitas, replicanda omnium veterum historiarum, monumentorumque memoria: ut sciamus, quid homines sapientissimi de humanis animis senserint, quibus rationibus Et argumentis adducti divinos esse eos, Et interitus experites cum sibi, cum aliis persuaserint: exagitanda Et coarguenda eorum cœcitas, amentia, immanitas, qui alia in opinione fuerint: confirmandus ac revivendus animus adversus mortis metum; proferenda exempla eo-

TUM

rum, qui  
buerint,  
stantem  
men ut a  
immorta  
liberi, in  
gione an  
rent. C  
concur  
scripsit  
cung pr  
cognitio  
per vagi  
quis est  
animi, q  
quamlib  
esse par  
velutid  
manu co  
quantog  
hominu  
contuer  
quod vi  
eas nos  
proster  
doribus  
chritudo  
modis o  
facilem  
dumque  
mecum  
dita. Il  
dua; illo

rum, qui mortem partim adventantem despicatui habuerint, ac pro nihilo putaverint, partim etiam cunctantem cupide accerferint. Stultè illi quidem: sed tamen ut aperte ostenderent, se nullo modo de animorum immortalitate dubitare: ut corporeis vinculis exuti ac liberi, in illas sedes, in quibus puros à scelerum contagione animos post obitum versari acceperant, evolerent. O præclaram disputationem, & vestro omnium concursu studio, attentione dignissimam. Etenim si verè scripsit Aristoteles, magis expetendam esse quantulumcumque præstantium rerum, & remotarum à captu vulgi cognitionem & intelligentiam, quam communium & per vagatarum quamlibet exquisitam tractationem: quis est qui non videat, quantulumcumque cognitionem animi, quo nihil est divinæ naturæ propius aut similis, quamlibet accuratæ aliarum rerum cognitioni multis esse partibus anteponendam? Et si nemo est, quem non vel nitido conceptu speculo, vel periti artificis expressa manu corporis sui figura deleat: quanto jucundius quantoque suavius esse debet, expressam doctissimorum hominum ingenii animi sui, quasi quandam imaginem contueri? Quid illud? quanti tandem faciendum putatis, quod vitam nihil magis conturbet, quam mortis metus, eas nos rationes, quibus ille pellatur, allaturos esse prostermus? Non sine magnis hæc necis laboribus, sudoribus, vigiliis fient: sed mihi cum rerum ipsarum pulchritudo, tum flagrantissima cupiditas studia vestra modis omnibus adjuvandi, omnem laborem non modò facilem ac tolerabilem, verum etiam dulcem jucundumque reddit. Alios vulgaria atque obsoleta delectent: vos mecum, auditores, ad hæc recondita & abstracta contendite. Illos humilia, nos sublimia: illos proclivia, nos ardua: illos in promptu posita, nos à vulgarium oculis re-

mota delectent: illos deterreat & examinet difficultas,  
 nos exacuat & exstimulet: illos frangat ac debilitet, nos  
 confirmet ac reficiat labor: illi nihil sibi proponant,  
 quod non quilibet unus è multis consequi possit: nos  
 quidquid ignavi vel sperare audeant: nostro indignum  
 studio esse ducamus. sed quoniam nonnulli reperiuntur,  
 qui, quod vel erroris caligine occacati, hæc Philosophiæ  
 cum ingenia conjunctio, quam sit fructuosa; non vi-  
 dent, vel invidia reventi suffusi, ad quæ aspirare ipsi  
 non queunt, ea præstare alios indignantur: vel denique,  
 quæ si summa aliorum consilia atq; instituta reprehend-  
 unt, ita se demum sibi aliquam judicii famam confectur-  
 os esse confidunt: quæ in re nobis laus ac commendatio  
 debetur, ea in ipsa reprehendere nos atq; excusare non  
 verentur: clamantq; regendos esse professionum fines,  
 suisq; quamq; limitibus ac terminis coercendam: neque  
 patiendum ut aut Philosophi, quæ sunt eloquentium,  
 usurpent: aut disertæ Philosophicæ attingant: ejusq; rei  
 rationes quasdam afferant, non admodum validas illas  
 quidem, sed quæ tamen aliquem minus peritum in frau-  
 dem inducere posse videantur: statui hodie no die, audi-  
 tores, vobis disceptatoribus atque arbitris adversus  
 eos differere, & quidem ea lege differere, ut nisi eos non  
 dicam ego, sed ipsa Philosophia eloquentiæ armis instru-  
 ita fregerit atque abjecerit, causam nullam dicam, quin  
 illi præclarè sentire, nos desipere; illi consideratè ac sa-  
 pienter loqui, nos vaticinari atq; insanire: illi studiis  
 adolescentium optimè consulere, nos iisdem vehementis-  
 simè officere judicemur. intelligitis autem; esse mihi cum  
 duplici hominum genere negotium: quorum alii le-  
 vem & ineruditam loquacitatem, alii inornatam &  
 indiseratam Philosophiam colunt: adversus quos utros-  
 que dum differo, peto à vobis per eas ipsas artes, de  
 qui-



quibus dicere institui, quarum utramq; vobis maximaperē curā esse nori, ut studium meum attentione vestra excitetis, attentionem silentio induceris. Primum autem congregiamur cum delicatis istis & mollibus, quos, perinde ac parvos puerulos, severa & torva quodammodo Philosophiæ facies ita deterret, ut ad eam propius accedere non audeant: efficiemus enim de duobus alterum: ut aut fusi ac fugati, molesti nobis esse desinant, aut, quod malim, confirmati, ac bene sperare iussi, socios se vobis honestissimi laboris adiungant. Vos igitur alloquor, quicumque vocum illecebris tanquam aliqua dulcedine cantuum capti, ad eas tanquam ad Sireneos scopulos, adherescendum putatis. Ecquid intelligis, omnem rationem ex rebus constare & ex verbis: rerum autem copiam & ubertatem non aliunde, quam à Philosophis peti posse: idcirco, esse Philosophiæ cognitionem eloquenti futuro necessariam? Non enim ut lascivias canendi, sic hominibus loquendi facultatem oblectationis causa natura concessit: nec tantum munus suū, tamq; præclarū ad aures modò demulcendas voluit adhiberi: sed cum ~~ess~~ ita fabricata esset, ut eis rationis societatem cum Divinis immortalibus intercedere voluisset, aptosq; eos fecisset ad rerum præstantissimarū cognitionem adhibito studio consequendam, instrumentum etiam largita est, quo de illis rebus inter se differere, easq; alii cum aliis communicare possent. Placet autem hoc loco huius disputationis principia paulò altius repetere: & ex ipsis Philosophorum libris causam nostrā firmamentā desumere, atq; istis Philosophiæ contemptoribus earum rerum, quas contemnunt, specimen aliquod exhibere. Interjectum quodammodo & intermediū est hominum genus inter animantes cōsiliū expertes, & inter purissimas illas mētes ab omni corporū societate secretas:

ita ut illa quidem superius perfectiusq. sit, his autem inferius, minusq. perfectum. Nam illa quidem sensibus tantum degentes, nulla prorsus ratione ad intelligentiam & cognitionem progredi queunt: hæc verò sine ullo sensuum adminiculo ac ministerio, simplicissimis notionibus, quæcunque ipsis ad intelligendum objecta sunt, apprehendunt. Homines autem possunt illi quidem ad verum intelligentiam provehi, eoque sunt mutis animantibus superiores: sed quoniam immortalis ipsorum, & simplex & cælestis animus, mortalis, & concreti, & terrestris domicilio corporis habeatur, eo fit, ut ad cognitionem & scientiam sine sensuum ministerio pervenire non possit. Itaque rectè Plato mentis internuncios, quasiq. satellites sensus nominavit, eosdemq. duces ad veritatem esse dixit: ejus autem auditor Aristoteles pronuntiavit, nihil intelligi, nisi prius aliquid sensu perceptum fuisset, quod quasi viam stravisset, ad illud intelligendum. Idemq. alio loco statuit, si cui sensum aliquem à primo ortu naturæ denegaverit, eidem necessario aliquam esse scientiam desitutam. Cum autem duobus tanquam itineribus ad scientiam pervenire liceat: quod alia reperimus ipsi per nos, quasiq. pariter, alia verò ab aliis accipimus: quorum illam inventionem, hanc disciplinam vocamus: necesse erat, ad earum utramque sensum aliquem accommodari. Sed cum ceteræ ad eam rem minus aptæ forent, oculorum quidem sensus ad rerum præstantissimarum indagacionem, aurium verò ad earundem, cum ab alio traderentur, perceptionem ab ipsa natura constitutus est. Instrumentum autem communicandarum participandarumq. animi notionum eadem natura orationem esse voluit: cumq. ceteris animantibus sanos modò quosdam dedisset, quibus voluptatem, dolorem, desiderium naturæ, affectus deniq. indigerent:

carent: a  
cem, un  
ipsi arbi  
pacto st  
eo instr  
cienda n  
percipio  
animis  
vendas  
tio: qu  
isdemq  
chinata  
notionu  
que, ut  
te secu  
qui poss  
in huius  
oblectan  
butam:  
set, habe  
vocare  
eum me  
victi  
phor  
dem ip  
cepta  
in terr  
Qui her  
progre  
Philoso  
institue  
tant? P  
lis, à P

carent: distinctam hominibus, articulataque tribuit vocem, unde eos Homerus πικτας nominavit: quod cum ipsi arbitrati suo flexissent atque variassent, quasi quod pacto statuissent, quam cuiusque voci vim esse vellent, tum eo instrumento ad ea, quae animo concepissent, patefacienda uterentur. Sic sit, ut res quidem ipsae singulares percipiantur sensibus: quae ex perceptione existunt in animis rerum universarum notiones: ad eas vero evolvendas & in medium proferendas adhiberi debeat oratio: cuius usus cum ad eos tantum, qui eodem tempore isdemque in locis viverent, pertineret, hoc amplius machinata est hominum solertia, litteras, quae, ut ~~voces~~ notionum, sic ~~haec~~ vocum ipsarum essent notae, efficerentque, ut ~~et~~ absentes cum absentibus, & ii, qui multis ante seculis foruissent, cum omni posteritate quasi colloqui possent. Ex hisce liquidò constare arbitror id, quod in huius sermonis ingressione posueram orationem non oblectandarum aurium causa nobis esse à natura tributam: sed ut animus, cum se rerum cognitione saturasset, haberet, quomodo alios ad earum communicationem vocare posset. ~~Quomodo autem poterunt aut quidquam~~ et ~~communicare cum aliis, qui nihil ipsi, nisi loqui didicerint: aut quidquam egregium discere, nisi qui Philosophorum monumenta contriverint?~~ Etenim qui sunt tantum scriptores illi, qui distinctè ordinatèque dicendi praecepta tradunt? Philosophi. Qui rerum admirabilium, quae in terris, mundoque fiunt, causas aperiunt? Philosophi. Qui herbarum, qui stirpium, qui animantium, cretus, progressus, naturas, vires, utilitates prosequuntur? Philosophi. Qui de officio, qui de virtute, qui de ratione instituenda vitae, qui de moderandis affectibus disputant? Philosophi. A Philosophis omnis doctrina liberalis, à Philosophis omnis historia, à Philosophis omnis



artium varietas sumi potest: ab his Oratores, ab his Imperatores, ab his Rerumpublicarum rectores exstiterunt: neq. quisquam unquam aut in dicendo, aut in rebus gerendis excelluit, qui non prius in Philosophorum officina politus ac limatus fuisset. Ac mihi quidem saepenumero permirum videri solet, reperiri nonnullos usq. ad excoordes, ut oratoris munus ab homine Philosophiæ ignaro sustineri posse credant. Nam cum illi ipsi fateantur, tria esse, quæ orator dicendo efficere debeat, ut fidem faciat iis, qui audiunt, ut eos suauitate perfundat, & ut eorum animos aptis & accommodatis ad obtinendum id, quod vult, affectibus concitet: nullum est horum, quod mihi sine Philosophiæ auxilio perfici posse videatur. An verò faciendæ fidei erit idoneus, qui non illis à Philosophis propositos fontes animo & memoria contineat, ex quibus ad omnem disputationem incredibilis argumentorum copia emanat? Ratiocinationes autem contexere, & id, quod probandum susceperis, acutè circumscripta conclusione consicere, tum ea quæ ab aduersariis allata sint, subtiliter dissolvere, quorum tandem est, nisi Philosophorum? Neq. verò puto, quomodo delectare, nisi fortè pueros, aut homines puero- rum simillimos, queat inanibus & nullo librata sententiarum pondere oratio. Quid ita? nempe quod, ut præclare docet Aristoteles, is demum motus efficit voluptatem, qui perducit id, quod moeretur, ad statum naturæ ipsius accommodatum & congruentem. Itaq. corpora cum aut exinanita sunt, aut redundant, tum perceptione cibi ac potum, tum depulsione & ejectione superfluentium rerum lætantur; & in animis idem usu venire credendum est. Quid est autem, quod natura ducere concupiscat animus, ad quod feratur, cuius perpetua quasi fame sitig. teneatur? Doctrina nimirum atque cognitio,

gnitio  
est: eo  
illi  
vinci  
per se  
notis  
fonce  
xii, no  
audito  
tu defi  
offici  
re affe  
quocun  
phia m  
resting  
morem  
cprdiar  
tes, &  
arbitra  
Etium  
mo qui  
ne in sp  
guam  
ex ipsis  
quid, q  
cateris  
tantum  
scrutand  
consume  
persuad  
rare, q  
ci veter

gnitio, hic illi cibus, hic pastus proprius ac naturalis  
 est: eo alitur ac reficitur, eo saturatur ac grescit. Ergo  
 illi tantum concionis animos insatiabili oblectatione di-  
 uincunt, quorum omnis sermo cum urbanitatis sale  
 perspersus est, tum distinctus & illuminatus doctrina  
 notis, quorum ex ore, tanquam ex perenni quodam  
 fonte, nunquam intermittente, nusquam insistente flu-  
 xu, novarum usque & admirabilium rerum copia incre-  
 ditulis prefluit: u demum modò clamores faciunt, modò  
 auditores admiratione percussos silere, & uno in obtu-  
 tu defixos harere cogunt. Illud verò, quod in oratoris  
 officio tertium ponitur, concutere audientes omni gene-  
 re affectum, eorumque pertractare intimos sensus, &  
 quocumque collibuit flectere, quis unquam nisi Philoso-  
 phia munitus consequetur? An verò vel accendere, vel  
 restringere iracundiam, vel incutere, vel excutere ti-  
 morem, vel conflare invidiam, vel levare, vel ad miseri-  
 cordiam adducere, vel à misericordia abducere audien-  
 tes, & eos quasi gubernaculo quodam linguae impellere  
 arbitratu suo poterit is, qui non horum omnium affe-  
 ctuum causas rationesque pernoverit? Sed increbuit ser-  
 mo quidam hominum imperitorum, qui ita discitant, ut  
 ne inspiciantur quidem Philosophorum libri, satis ma-  
 gnanim tamen earum omnium rerum uberemque notitiam  
 ex ipsis Rhetorum scriptis posse desumi. Quid sita est,  
 quid, quaeso, commovit veteres illos, qui dicendi iude  
 ceteris antecelluisse perhibentur, ut tantam curam  
 tantumque studium in audiendis Philosophis, & in per-  
 scrutandis penitusque cognoscendis eorum praeceptis  
 consumerent? Quid Periculum illum, cuius in labris  
 persuadendi Deam sessitavisse dictum est, quem fulgu-  
 rare, quem tonare, quem permiscere Gracian Crimi-  
 ci veteres tradiderunt? Quid igitur illum impulit,

ut Anaxagoræ se Physico erudiendum daret, eumq; asse-  
ctaretur, sed ad illam, ad quam aspirabat, eloquentiæ  
laudem, nihil in illius doctrina intellexerat esse momen-  
ti? Quid Demosthenem, quid M. Tullium commemorem?  
tantam in utroq; dicendi copiam fuisse censeremus, nisi  
ille Platonem, hic Philonem, Diodorum, Possidonium, a-  
liosq; permultos nobiles Philosophos studiosè ac dili-  
genter audisset? Qui si ea, quæ ab illis accipiebant, à di-  
cendi magistris accipere potuissent, non ab alienis illa  
mutuari & corrogare potius, quam domo & à suis pe-  
tere maluissent. At queruntur asperam quodammodo  
& salebrosam esse Philosophiam, inamœnumq; illius stu-  
dium, quodq; nulla dulcitudine aut allicere aut allectos  
detinere annos possit. *O molles ac voluptuarios homi-  
nes.* Vos igitur in tanta rerum præstantia ac dignitate  
etiam delicias queritis? & quo vobis itinere ad sapien-  
tiam aditus patet, suscipere illud abnuitis, nisi viam vi-  
deatis tum ~~mollissimam & planissimam, tum~~ *rosis &  
violis constrictam, quamq; viridantes omni ex parte o-  
pacent* ~~potularum arborum comæ?~~ At etiam si perpetuò  
per Athonis & Caucaſi nives, si per ferventes Lybiæ  
arenas gradiendum foret, tamen, si viri essetis, omnem  
laborem omnemq; difficultatem contemneretis. Sed non  
patiar vos diutius in errore versari. Scitote enim, hoc  
studium, quod vos asperum & inamœnum putatis, ita  
esse dulce, itaq; iucundum, ut nihil suavius, aut iucun-  
dus ne votis quidem conceptis expeti possit. Cui rei vel  
illud argumento sit, quod, qui se illi semel penitus tradi-  
derunt, ii postea neq; rei familiaris cura, neq; honorum  
cupidine, neq; corporearum voluptatum blandimen-  
tis ab eo avocari queunt. *Possent hoc loco evagari la-  
tius, & id, quod dixi, tum repetitis è veteri memoria,  
tum vivis ac spirantibus exemplis confirmare, nisi me*  
tem-

*temporis ratio brevem esse admoneret. Nunc igitur, quam poterimus brevissime, eorum refutemus errorem, qui se ita Philosophie studio contentos esse ajunt, ut omnem orationis cultum penitus negligant. Quorum non unum genus est. Quidam enim nihil aliud dicunt, nisi verborum elegantiam Philosopho minime necessariam esse. Quidam etiam indecoram esse contendunt. Sunt qui, cum eam non indecoram esse fateantur, fieri tamen negant posse, ut unus idemque, in utroque, excellat, et tum rerum scientia polleat, tum dicendi facultate præstet, idcircoque nolle se insequendo eo, quod assequi nunquam possint, operam perdere. Cum primis illis non multum nobis negotii est. Nam ne nos quidem dicimus, ita necessariam esse Philosopho eloquentiam, ut, ea si careat, nomen suum tueri ac retinere non possit. Sed profecto sordida hominum, planeque misera vita sit, si studia nostra necessitate tantum, non etiam commoditate et ornatu dirigantur. Casis contestis stramine, et angustis tuguriis ac gurgustis, opertis etiam plaustreis, ut Scythæ, aut, ut Cynici, doliis cæli defendere injurias possumus: idque ad necessitatem satis est. Num idcirco adificandi artem repudiemus? In vestitu cultusque corporis, si nihil spectemus aliud, nisi ut imbres, ut nives, ut ventos, ut Solem, ut frigus arceamus: satis fuerit, vel pellibus animalium corpus amicare: an quisquam propterea honestior civilem ea in re consuetudinem negliget? Sic et in hoc genere studiorum non in iis modo carere, verum etiam in iis, quibus satis commodè carere non possumus, elaborandum: neque tantum necessitas, verum etiam dignitas, et pulchritudo spectanda est: præcipue cum omnibus propemodum in rebus decorem et elegantiam cum summa utilitate natura ipsa copulaverit. Nos igitur sine ulla contumelia dimittimus; tantum mandamus.*



ut, si in omnibus vita partibus ornatus rationem habendam esse ducunt, in studiis quoque eam omittendam non esse, facto refellendi fateantur. Isti nobis acrius insectandi sunt, vehementiusque repellendi, qui dedita opera barbariem in loquendo diligunt, & non aliter se Philosophos visum iri putant, quam si dictione inquinatissima utantur, & ut fies in luto ac ceno, sic ipsi in orationis sordibus volutentur. Antiquis temporibus quoddam stultorum genus fuisse proditum est, qui pedore ac squalore horridi, pannis obsiti, semper illoti, semper intonsi, semper impexi, illo ipso incultu ac neglectu corporis, Philosophorum nomen in vulgus assequiebantur. Non valde dissimilis est eorum amentia, qui orationem nullo studio excultam, nulla diligentia expolitam, nullo artificio elaboratam Philosophiae Professoribus convenire ajunt. Atque illi tamen eo tolerabiliores: quod corporis colendi curam multi, ornandae orationis studium nemo olim, qui aliquo inter Philosophos loco haberetur, neglexit. Nisi forte quis Epicurum, & eos qui ab eo sunt, objiciat, quos ego vix in hominum; in Philosophorum quidem numero nullo modo habendos esse censeo. Et autem operae pretium audire, quomodo hanc suam tam praeposteram tamque absurdam opinionem confirmant. Gravis alicujus & severae matronae Philosophiam similem esse ajunt, quam omnis facus dedeceat: quae nativa pulchritudine contenta, augere eam pigmentis & lenociniis non laboret. Ut incultos & horrentes solitariosque lucos plus habere majestatis ac venerationis, quam nitidas & viridicatas, & digestis in quincuncem arboribus consitas sylvas; sic squalentem, & ut ita dixerim, impexam, nescio quo modo augustiorem & majestatis pleniorē videri, quam compitam, & quasi unguentis delibutam orationem. Quibus nos ita responsum

sum volumus: non si calamistro intortus capillus, & bacca minio ac cerussa fluentes, & vulsa supercilia, & quasitus arte dentium candor matronam dedecet: continuo illuviem & situm, ac sordes decere. Est & suus, non modò matrifamilias, verùm etiam viro cultus. Et, ut reprehendendus sit, si quis quotidie radatur ad speculum, quod tamen Africanum fecisse accepimus, & facie feminibus ~~q. leuatis in publicum~~ prodeat; sic si quis Patroclum illum imitari velit, quem capillans Aristophanes, nunquam in vita lavisse dicit, ita ut nunquã os, nunquam manus abluat, nunquam sudorem detergeat, nemo sit, qui non fœdum illius adspectum, & tetrum ac virulentum, qui ex eo afflabitur, odorem abominetur. Neq. verò nos à Philosopho exigimus, ut verborum paritatem ac similitudinẽ aucupetur, neq. ut in rotundandis periodicis occupetur, neq. si agrestem esse illius & inconcinnam locutionem nolumus, effœminatam & canticorum similem volumus: neq. tam ut rerum præstantiã verborum splendore illuminet, quàm ut ne illam orationis impuritate contamineat, postulamus. Tu mihi, cum de rebus cognitu dignissimis dicere ingressus sis, ea verborum portenta evomas, ut, qui aderunt, non hominem loqui, sed asinum rudere existiment? & tamen ea fatuitate atq. impudentia sis, ut homines politè dicendi cupidos despicias, & istud, quod tu facis, voces philosophicè loqui? Nam illud, quod in eo majestatem quandam & quasi religionem inesse vis, vide, ne potius impium sit, ut ~~Vasa~~ Deo dicata impuris manibus, ita Philosophiam impuro sermone tractare. Enim verò si ea demum sacra ac religiosa sunt, quæ ornatu carent: removeatur aurum à templis: gemmæ, signa, tabula, donaria deniq. omnis generis removeantur. Sin hoc vel cogitare nefarium est, fateamur id, quod ratio quodammodo ipsa præscribit.

scribit, neque opes usquam melius, quàm in DEI cultu, neq. dicendi copiam, præclarius, quàm in excolenda exornandaq. Philosophia collocari. Superest, ut iis satisfaciamus, qui negant, Philosophiã cum eloquentia posse conjungi; necessarioq. qui alteram ex animo colat, ei esse alteram deferendam: qui ad utramq. animum adjecerit, ne utraq. excidat periculum esse. Qui cum hæc dicunt, si de sũtantũ ingenii imbecillitate loquerentur, ferendi essent, nunc cum ex seipsis alios metiantur, & quod se præstare posse diffidunt, id universè ac generatim fieri non posse pronuncient, in eo quàm vehementer errent, admonendi videntur. Usq. eò ne rerum veterum, & ejus ipsius, quam profitemini, imperiti estis, ut summã in Philosophis veteribus extitisse dicendi vim ac copiam nesciatis? Ecquis unquã Platonem aut Philosophiæ scientia, aut dicendi facilitate superavit? de quo Cicero bonus in primis aestimator eloquentiæ ita magnificè sentiebat, Jovem ut ipsum, si Græcè loqui vellet, non alio quàm Platonis sermone usurum esse diceret. Quid Aristoteles? non & ipse dicendi præcepta unus omnium optimè tradidit, & ea dicendi copia fuit, ut eum idem Cicero auro fluentem flavium nominarit? non Xenophontis summi Philosophi ore Musas quasi locutas ferunt? non Theophrastus à loquendi divinitate nomen invenit? non posterioribus seculis eam in Carneade vim fuisse proditiũ est, nullam ut unquam rem confirmandam suscepit, quam non probaverit; nullam impugnandam, quam non everterit? sed quid vetera & externa exempla conquirimus; cum recentium & domesticorum copia suppetat? hæc civitas quàm multos & olim protulit, & quotidie profert, qui ut nemini non utraq. laude præstiterint, ita omnibus, utra potius præstiterint, ambigũ relinquant; quorum vos adolescentes, per Deum immortalem, ex-

emplum  
que  
virorum  
parens  
præcla  
bus, q  
erudit  
erudit  
nes, non  
plo. ad  
sedem  
rium  
consens  
clarant  
diem  
scere a  
nos, Ba  
secreta  
nunqua  
sen, m  
hortat  
tionem  
spectat  
que no  
quanda  
confut  
nere du  
licet val  
blica vo  
in is  
idiana  
bori: ab  
que effi

emplum imitamini, neque committite, ut Veneta civitas, que semper toto orbe terrarum habitata est fecundissima virorum omni virtutis & doctrina laude præstantium parens, per vestram ignaviam atque desidiam ista tam præclara laude spoliatur. An verò vos, illis orti majoribus, qui nihil unquam sibi dulce præter virtutem & eruditionem putarunt, quidquam virtuti, quidquam eruditioni anteponendum esse ducetis? at exteræ nationes, non alio potius, quam Venetorum hominum exemplo, ad eas colendas excitari, atque inflammari solent. Hic sedem virtutis, hic domicilium litterarum, hic seminarium quoddam præstantium virorum esse omnes uno consensu gentes exteræ consentunt. Hanc vos tam præclaram, tamque magnificam laudem, quæ ad hunc usque diem, semper & crevit & floruit, vestra culpa decre-scere ac deflorescere patiemini? non per illos Contare-nos, Barbaros, Bembo, Donatos, ceterosque heroas, con-secrata ad omnem posteritatis memoriam nomina, qui nunquam in cælum hominum prædicatione conscendis-sent, nisi, quam diu vixere, illam, ad quam mea vos co-hortatur oratio, Philosophia cum eloquentia conjun-ctionem, posthabita cunctis aliis cogitatione coluissent. Hos spectate adolescentes, hos intuemini, horum de gloria dres, voslesque cogitate, & ad eam vestra industria exa-quandam commendate. Habetis in hac civitate publice constitutos homines eruditissimos, qui vobis in illo itin-erare duces optimi esse possunt. Quorum me in societatem, licet valde ipsis omnibus imparem, quando ipsa Respu-blica vocavit, & eo me collocavit in gradu, unde possem in ipsius civitatis oculis voluntatis erga vos meæ quo-tidianas significatiores dare: equidem non parcam la-bori: abjectisque aliis omnibus curis, quantum coniti at-que efficere potero, tantum conferam ad ingenia vestra omni



omni in genere disciplinarum liberalium, quantum quidem in me fuerit, excolenda. DIXI.

Pro Francisco II. Galliarum.  
Rege ad Pium Quartum Pontif. Max.

ORATIO V.

HABITA ROMÆ POSTRIDIE  
Kal. Maj. Anno clō 15 LX.



MNES quidem Christianos Principes, PIE Pontifex Maxime, credibile est, accepto delati tuis maximis virtutibus honoris amplissimi nuncio, admirabili quadam letitia perfusos esse: nec eorum fuisse quenquam, quin, sublati in cælum manibus, omnium rerum Moderatori Deo singularibus verbis gratias egerit, quod sacrosancto Cardinalium Collegio eam mentem dedisset, ut te potissimum deligerent, quem in ista dignitatis sede celsissima concordibus suffragiis collocarent. Sed quanta nostri reges observantia erga Romanam Ecclesiam, & insigni atque assiduo defendenda ornandaq; illius studio ceteros ex omni antiquitate superarunt: tanto Francisci II. Regis, te Pontifice declarato, majus quam pro virili parte gaudium fuit. Quare etsi non dubitabat, quin tu de clarissimo viro, Episcopo Engolismensi, Oratore apud te suo, cujus fidem, & integritatem tibi plane perspectam esse novit, animum suum erga te, & erga hanc orbis terrarum principem Ecclesiam, & optime & libentissime cogniturus esses, tamen ut illustriorem etiam & expressiorem significationem voluntatis suae omnibus hominibus daret, judicavit, sibi faciendum esse, ut ad te ex suis eo proprio nomine ejusmodi quempiam mitteret, in quo

& di-

& digni  
requirit  
tibi unu  
fore con  
equitem  
nominat  
rum om  
rebus g  
quig pra  
neg frati  
amborum  
te consili  
bi, Beati  
blica, qu  
bonorum  
opinionib  
obsolefec  
raturam,  
ac sapient  
divina m  
teneat: c  
ges ipsi  
qui deniq  
ereflus,  
si divine  
tem ac vi  
in omni e  
que gravi  
neri posse  
tia, uno v  
commenda  
imperio c  
vita ceter

& dignitas inesset ea, quæ ad tantum munus obeundum  
 requiritur; & aliâ præterea causâ, propter quas eum  
 tibi unum ex omnibus gratissimum atq; acceptissimum  
 fore consideret. Misit igitur clarissimum & nobilissimū  
 equitem, Joannem Babonē à Burdastia, ejus quem modò  
 nominavi Episcopi fratrem, arcanorum regni, & regio-  
 rum omnium consiliorum participem, cujus in maximis  
 rebus gerendis virtutem, & fidem exploratam habet,  
 quib; præterea pietate, & observantia erga hanc Sedem  
 neq; fratri, neq; cuiquam mortalium cedit. Quorum ega  
 amborum permissu, regiæ voluntatis hodierno die apud  
 te constitutus Interpres, gratulor non tam equidem ti-  
 bi, Beatissime Pater, quam universæ Christianæ Reipub-  
 licæ, quæ pristinum illum splendorem suum, qui magna  
 bonorum omnium merore apud plerasq; gentes pravis  
 opinionibus corruptas, magis ac magis in singulos dies  
 obsolecebat, brevi se tuo ductu atque auspiciis recupe-  
 raturam, non dubitanter sibi de tua præstanti bonitate  
 ac sapientia pollicetur. Summa planè omnia ac prope  
 divina in eo requiruntur, qui claxum in Ecclesiæ navi  
 teneat: cujus è nutu pendeant leges: cujus ad pedes Re-  
 ges ipsi se abijciant: cujus arbitrio pandatur cælum:  
 qui denique supra omne humanæ dignitatis fastigium  
 erectus, Dei personam inter homines sustineat. Nam  
 si divinæ litteræ à quolibet Episcopo tantam integritatē  
 ac virtutis perfectionem exigi volunt, nullus us  
 in omni eius vita reprehensioni pateat locus: ne-  
 que gravitatem ejus muneris dignè à quoquam susti-  
 neri posse tradunt, nisi quem pietas, prudentia, iusti-  
 tia, uno verbo, virtus suis omnibus numeris absoluta  
 commendet: quid in eo, qui omni tempore cum summo  
 Imperio tractare gubernacula Ecclesiæ debeat, cujus  
 vita ceteris omnibus pro exemplo, voluntas pro lege,

vox pro oraculo futura sit, quando hæc omnia requiri  
 majora, & divinitati propiora censemus : Itaq, ut alia,  
 sic hoc quoq, sanctè ac sapienter institutum est à majori-  
 bus, ut quoties de summo Pontifice in demortui locum  
 eligendo ageretur : interea dum ea de re amplissimus  
 Cardinalium ordo deliberaret, nullus intermitteretur  
 dies, quo non omnes, & privatim & publicè precaren-  
 tur à Deo, ut cum ipse gregi suo præficeret, quem dignis-  
 simum, quem ad publicam concordiam, & tranquillita-  
 tem aut constituendam ; aut conservandam aptissimum,  
 quem deniq, quantum humana conditio fert, sui simili-  
 mum judicaret. Quod si ejusmodi Pontificem ulla un-  
 quam tempora desiderârunt ; nostrorum certè is status  
 est, ut nunquam magis ex istius Sedis auctoritate uni-  
 versi orbis salus pependisse videatur. Non enim Petri  
 navis, ut solebat, placido mari, secundis conspirantium  
 ventorum flatibus impulsæ fertur. Horribiles eam pro-  
 cellæ, & turbinum vis vel exercitissimis metuenda  
 reffloribus agitat : ut quanquam à naufragio quidem  
 nullum periculum est, non mediocris tamen animos te-  
 neat metus, notam sæva tempestas multos mortales,  
 novarum opinionum fluctibus involutos, in ea breviter  
 præcipientes abripiat, unde postea nec enatare ipsi, nec e-  
 vadere atq, emergere alieno auxilio possint. Quo nos o-  
 mnes divinæ bonitati majores agere gratias convenit,  
 quæ deploratis propè iam rebus, certè quidem in sum-  
 mum discrimen adductis, & extrema spe pendentibus  
 eum gubernatorem dedit, quo meliorem, & ad hæc o-  
 mnia in melius convertenda accommodatiorem, non di-  
 cam reperire, sed ne optare quidem, aut etiam cogitando  
 informare poteramus. Jam nunc igitur percipimus  
 mentibus ejus diæ lætitiæ, quo gentes illæ, quæ tum  
 fallacibus improborum hominum sermonibus in la-  
 queos

queos erroris inducā, cum fortassis etiam, quorundam e nobis licentiori, & dissolutiori vivendi genere offensa, absciderunt seipsas a corpore Ecclesiæ, & adversus eam ipsum ac nefarium bellum susceperunt, mutato consilio, ad sanitatem redeant, & erroris sui veniam petentes, de posita omni contumacia, sanctissimis precibus suis oculos figant, O præclarum illum triumphum, & cum omnibus, cum is præcipue, ac quibus agatur, optabilem. Non enim tu illos opprimere, sed compresserigere, non in servitutem abducere, sed a terribili servitute in veram libertatem asserere; non perdere, sed servare vis; non eorum sanguinem fundere, sed, ne sanguis JESU CHRISTI frustra pro eis effusus sit, efficere: non rectoris per se tergum manibus, colla catenis gravato, ante currum ducere, sed is ipsis vinculis, quibus impediti tenentur, exsolvere medullas. Quibus igitur ipsis, nisi in eo, ut vincantur, nulla spes salutis est: credimus usque eò præfatos ac pericaces fore: ut ad extremum perire, per obstinationē animi malint, quā cedendo & obsequendo servari? Immo verò certa spes est, cessuram tandem aliquando rationi temeritatem, luci tenebras, mendacium veritati. Quantam ille dies non terris modò, sed cælo ipsi hilaritatem allaturus est? Nam si, cum unus aliquis, qui à recto vivendi tramite deflexerit, in viam redit, innumerabiles illas legiones Angelorum exultare, ac gestire gaudio credimus: quid tandem facturās esse auguramur, cum tot hominum miserabiliter nunc in suam perniciem ruentium milia resipuerint, & unde Satana instigatione discesserant, eò Sancti Spiritus afflatu instincta se receperint? Age igitur optime maxime Pontifex: præripe posteris tuis hanc gloriam, & quo aliquando fieri necesse est, id ut te potissimum Pontifice fiat, enitere. Addatur decus hoc

E: . . . . . anna



annalibus nostris, ut in eis olim legatur, pestilentissimas opiniones, quæ, quasi contagine quadam paulatim serpentes, per omnes propemodum Christiani nominis provincias pervaserant, auctoritate tua disiectas, dissipatas, extinctas, exterminatas fuisse. Damnentur votorum suorum per te omnes veræ pietatis studiosi, qui multos jam annos nihil ardentius à Deo, quam concordiam, & harum dissensionum finem efflagitant. Signetur hoc præcipue titulo Pontificatus tuus: ut, si quis quondam non expressu nomine P I U M Quartum intelligi velit, eum Pontificem dicat, qui afflicti, & ægrotis Ecclesiæ membris tam salubrem medicinam adhibuerit, ut etiam ea, quæ desperata videbantur, integra & incolumia conservarit. O nos beatos, cum illa, ut speramus, evenerint: O te Pontificem modis omnibus maximum ac beatissimum. Quæ futura est tam barbara, aut tam longinqua natio, quod non, tam divini beneficii à te in totum hominum genus collocati, fama perveniat? Quæ tam ingrata litteræ, quæ de tuis laudibus conticeant? Quæ tam surda posteritas, quæ clamores nostros admiratione virtutis ac felicitatis tuæ excitatos non exaudiat? Magnam verò tam præclaræ rei & suscipienda occasionem, & ex animi sententia conficienda spem tibi offerre tempus ipsum videtur. Nam superioribus annis, cum duo Christianorum maximi potentissimiq; Reges, gravi & diuturno bello inter se contenderent, cæterorum autem Principum non fere quisquam esset, qui non ad alterutram partem aut suapte voluntate inclinares, aut aliqua officii ratione adduceretur, aut etiam necessitate traheretur: cum undique armorum fulgor, strepitus, terror, omnium oculos, aures, animos, præstringeret, obtunderet, consterneret: eum quibusdam locis, pauciores jam reperirentur, qui fructus ex agris perciperent, quam qui agros ipsos aut

suæ, aut a  
fierent:  
sione &  
suarum v  
puniis s  
occupati  
vertere  
cùm alia  
le anima  
plerumq  
nunc, cu  
tus refed  
missa, eo  
bilibus d  
xerit: qu  
soluti, ad  
piorum  
vellenda  
Quod qui  
nunc dili  
indies fa  
majorib  
exstirpa  
mè prop  
tam arg  
difficili  
dandum  
An ille c  
Childebe  
innumer  
dei assert  
gnatores  
progenie

sua, aut aliena cæde quotidie cruentando pinguior es-  
ficerent: eveniebat, ut in illa rerum omnium perturba-  
tione & improbi & conscelerati homines opinionum  
suarum venena per omnes populos fidentius atque im-  
punius spargerent, & principes, aliis cogitationibus  
occupati, ad coercendam illorum audaciam animum con-  
vertere non satis commodè possent. Habet in se bellum  
cùm alia mala plurima, tum illud in primis, quod & ma-  
le animatis hominibus affert peccandi facultatem, &  
plerumque principibus connivendi necessitatem. At  
nunc, cum divino numine, atroces illi bellorum impe-  
tus resederint: cum illa tandiu exoptata pax, cælo de-  
missa, eorum animos, qui odus, ut videbantur, implaca-  
bilibus dissidebant, eterno, ut speramus, fœdere conju-  
xerit: quis non intelligit, fore ut principes, aliis curis  
soluti, ad purgandas provincias suas, & ad omnes im-  
piorum dogmatum fibras elidendas, omnes radices e-  
vellendas, atque excidendas toto pectore incumbant?  
Quod quidem Franciscus, Rex Christianissimus, & jam  
nunc diligentissimè facit, & diligentius atq; animosius  
indies facturum se esse profitetur. Meminit enim, eis se  
majoribus editū, qui, ut sectas religioni nostræ inimicas  
exstirparent, ut Christiani nominis fines quàm longissi-  
mè propagarent, ut Apostolicæ Sedis auctoritatem san-  
ctam atq; inviolatam præstarent; nullam sibi unquam  
difficultatem pertimescendam, nullum periculum deire-  
tandum, nullam dimicationem refugiendam putarunt.  
An ille cùm vetera illa Christianæ pietatis columina  
Childebertos, Marcellos, Pipinos, Carlemanos, aliosq;  
innumerabiles heroas, hæresum exstinctores, veræ fi-  
dei assertores, Pontificiæ dignitatis vindices ac propu-  
gnatores memoria repetat: eorumq; se sanguinem ac  
progeniem esse cogitet, quorum pro Christi doctrina,

exp.

expeditionibus, bellis, victoriis totus terrarum orbis nobilitatus est; & ut vetera taceantur, cum se Francisco primo propugnatum, Erico secundo natum recedatur, duobus post hominum memoriam præstantissimis Regibus, quorum utriusq; tanta tamq; insignia exstiterunt in Ecclesiam promerita, maximo animo majorum suorum vestigia non persequatur? Ille verò faciet: nec adæquare modò eorum gloriam, verum etiam, si fieri possit, superare conabitur, quiq; se principem inter Ecclesie filios locum obtinere intelligat, ut illo se honore dignissimum præstet, omni studio elaborabit. Tu meò, Pater Beatissime, pro tua singulari, & eximia sapientia, quid ad compescendos tumultus, & ad statum Ecclesie componendum utilissimum sit, statuito. Notum est, maximas sæpe, & perniciosissimas in Ecclesia dissensiones ritè convocato ex omnibus Christianæ ditionis partibus Episcoporum Concilio sedatas fuisse. Eodem remedio si tibi nunc quoque ægrotis exulceratisq; rebus subveniendum esse videatur: nihil est, quod Regi gratius, aut optatius possit accidere: neq; tibi dubium esse debet, quin ipse omnes vires suas ed collocaturus sit, ut quæcunq; ab ejusmodi Concilio decreta fuerint, p. d. inviolateq; serventur. Omnino autem, Beatissime Pater, quæcunq; obedientia ab optimo, & obsequentissimo filio præstari potest, eam tibi Rex summa fide, summaq; constantia præstaturus est, idq; se semper facturum esse, per hos clarissimos, & ornatissimos viros, oratores suos sanctissime pollicetur: Tu vicissim perge, ut facias, & Regem ipsum, & universum Gallie Regnum paterna caritate complecti. Multa sunt causa, quæ te, ut id facias, excitare debent. Primum ipsa muneris amplissimi, quod te Deus in terris sustinere voluit, ratio. Deinde ardentissimum illud studium, quod semper usq; à Clodoveo vixit in Re-

in Regib  
quonies  
pertum  
boranti  
& eoru  
mine d  
bet illa  
lectissim  
fœminar  
cùm ei,  
ipse om  
sua sum  
attuler  
ptaver  
studio p  
eodem p  
& rege  
nem men  
dient fu  
secuntur  
Hac  
11. Chi  
cùm id  
nores,  
& opes  
Aricat  
bi, quæ  
centur.  
cessu sit

in Regibus nostris, adjuvandi Romanam Ecclesiam: ut, quatenus ita tempora tulerunt, se, regnumq; suum in apertum discrimen obicere maluerint, quam Ecclesie laboranti deesse. Quæ ex re illud asseruti sunt, ut & ipsis, & eorum posteris primus inter Ecclesie filius locus, nomine dissentiente, tribuatur. Valere etiam apud te debet illa nominis sanguinisq; conjunctio, quæ inter te, & lectissimam, omnisq; laude & prædicatione dignissimam faminam Catharinam: regis matrem intercedit. Nam cum ei, neque quidquam unquam optatius fuerit, ut tu ipse omnium optime nosti, quam ut te tertium è gente sua summum Pontificem videret: neq; maiorem lætitiæ attulerit, quam cum intellexit, se id, quod tanto opere optaverat, consecutam: æquum est, tanto illius erga te studio parem à te voluntatem referri. Possemus & alia eodem pertinentia proferre, nisi ea jam mutua inter te & regem voluntatis testimonia utrinq; data essent, quæ neminem dubitare patiuntur, quin & ipse tibi dicto audiendus futurus sit, & tu eum paterna benevolentia prosecuturus.

Hæc habuimus, beatissime Pater, quæ tibi Francisci II. Christianissimi Regis nomine exponeremus. Nunc, cum idem Scotiæ regnum obtineat, unâ ipse cum Maria uxore, à qua illud dotis nomine accepit, omnes tibi ejus & opes, & copias deferunt, seq; omnibus in rebus auctoritati tuæ libentissime obtemperaturos, omnemq; tibi, quæ à filio debetur, obedientiam præstituros pollicemur. Nos, ne rursus orationem à capite arcessere necesse sit, quæcumq; de Galliæ regno diximus, eadem, ut de

Scotiæ quoq; regno dicta esse existimes, obsecramus. DIXI.





Pro Antonio Rege Navarrae ad  
Pium IV. Pont. Max.

ORATIO VI.

HABITA ROMÆ POSTRIDIE  
Decemb. Anno clō 15 LX.

Quo tempore Joanna missis ad summum Pontificem litteris sua manu subscriptis se & Catholicam esse profitebatur, & se nunquam à S. R. E. obedientia descituram pollicebatur.



QUANTUM lætitiæ Pontificatus tui Antonio Regi Navarrae, & Joannæ ipsius uxori attulit, Beatissime Pater, tantum eis commodatis ad eam lætitiæ, nulla interjecta mora, tibi significandam tempora tribuissent: nihil omnino habuissent antiquius, quàm ut ad te statim mitterent, qui tibi summum honorem, huic amplissimo Cardinalium Collegio summam prudentiæ ac iudicii laudem, universæ Christianæ Reipub. magnam & prope exploratam antiquæ dignitatis recuperandæ spem suo nomine gratularetur. Sed quoniam, quantum ex optimi, & ad sedendas horum temporum discordias aptissimi Pontificis creatione gaudium caperent, in ipsorum probitate, ac fide positum fuit: quam vacuum tempus, & ad legationem ejus rei causa subito decernendam idoneum haberent, non fuit: judicarunt, si temporibus suis parerent, & quod recenti re facere, cum magnoperè cuperent, non satis commodè poterant, id in diem differrent, nihilominus ea causa testificationem voluntatis suæ aut sibi honorificam aut tibi jucundam, atq; acceptam fore. Et verò, Beatissime Pater, si apud te, & apud hoc

san-

sanctissim  
opinionib  
gratulat  
tem aliq  
perdere  
tatis ac  
primum  
consilio  
dii sui  
fore, ut  
noribus  
nullus a  
plificati  
gna pro  
cur uac  
nitebatu  
ficatus  
est inter  
sunt: qu  
za, & ex  
commo  
terita,  
firmat  
fidei hab  
prope ja  
orbem sa  
siebant,  
experim  
augurari  
circo à n  
suerint  
quemad  
debant, q

sanctissimum, augustissimumq; concilium non ex vulgi opininibus, sed ex veritate unaquæque res penditur: gratulatio paulò serius facta, non tam propter tarditatem aliquid de illa novitatis suavitate, ac dulcedine perdere, quam propter maturitatem aliquid auctoritatis ac fidei acquirere videtur. Etenim qui tibi, cum primum ad istum cælo proximum in terris locum divino consilio sublatus es, gratulabantur, eam tantum gaudii sui causam asferre poterant, quòd certò sperarent fore, ut qui te per totam vitam omnibus maximis honoribus dignissimum præbuissem, eum consecutus, quo nullus amplior exoptari potest, tantam dignitatis amplificationem pari virtutis accessione cumulares. Magna prorsus illis, & illustria suppeditabant argumenta, cur ita crederent: neque non firmissimis fundamentis nitebatur incredibilis illa spes, quam de futura Pontificatus tui felicitate conceperant. Sed quantum interest inter ea, quæ futura creduntur, & ea quæ jam sunt: quantò experta iam & explorata, quam sperata, & expectata, majorem lætitiâ in animis hominum commovent: quantò certius & verius homines præterita, & præsentia commendare, quam de futuris affirmatè pronunciare possunt; tantò plus ponderis ac fidei habere debet ea gratulatio, quæ tibi fit, annum propè jam integrum ex ista sanctissima Sede universum orbem sapientissimè gubernandi, quàm illæ, quæ tum fiebant, cum homines, qualem esse te plus plusq; indes experiuntur, solum futurum esse prospicerent, quasiq; augurarentur. Neque verò hæc in eam sententiam idcirco à me disputantur, quod non libentissimè facturi fuerint Antonius Rex & Joanna Regina Navarre, at, quemadmodum nulli Christianorum Principum concedebant, qui majus ex tuis dignitate gaudium percepisset.

ita nemini, quantum per locorum intervalla licuisset, concederent, qui tibi citius de illius adeptione gratularetur: si quàm soluta ipsis esset libera voluntates, tam soluta etiam, & nullis impedita difficultatibus tempora fuissent. Sed ita cogitârunt: si rerum suarum incommodo maturarent id facere: ipsi tibi, cui maxime probare studium suum cuperent, pro tua in se paterna caritate, ubi rem cognosces, insuavem fore celeritatem sine ulla necessitate cum ipsorum incommodatione susceptam. Nunc autem miserunt ad te, clarissimum & spectatissimum virum Petrum Albertium, propinquum suum, qui genibus tuis suppliciter advolutus, tibi, vero JESU CHRISTI in terris Vicario, cerussino Petri Apostolorum principis successori, communi totius Ecclesiæ Christianæ pistori ac gubernatori, debitam obedientiam suo amborum nomine præstaret atq; exhiberet: ibiq; atque huic sacrosancto Collegio confirmaret, Antonium Regem, & Joannam Reginam Navarræ, uti veros Ecclesiæ filius decet, tibi semper dicto audientes futuros: neq; ullam evenire posse rem tantam, quæ ipsos ab hujus sanctæ & Apostolicæ Sedis observantia, & ab ea, quam sibi per manus à majoribus traditam summa firmitate ac constantia perpetuò retinuerûnt, persuasione divellat. Hic ego, Beatissime Pater, si orationis velâ pandere, & quasi aperto inveltus mari, per eorum Principum limes, quorum nomine apud te verba facio, decurrere instituam, vereor, ne, cum d. cendi principium vel facillimè reperero, exitum reperire non possim. Nam quæ tandem nominari potest ullo in genere virtus, quæ non in eorum utraq; ita emineat, ut ad quamcunq; se quis animo & cogitatione converterit, ea demùm excellere ac præstare videantur? Sed quoniam & ipsi nos hoc tempore suæ modò voluntatis interpretes, non etiam

suarum  
virtus  
lo. sub  
mum  
picissim  
ribus  
tur, &  
atque  
suam  
mandis  
lice Sed  
ris mem  
storis  
Gallor  
titer ge  
verit, a  
per om  
vum m  
curricul  
remissio  
& Ant  
quasi  
cunt: a  
plures  
pemodu  
eandem  
tanti be  
gari op  
plurim  
rupta v  
quæ  
inter se  
divo L

suarum laudum explicatores esse voluerunt, & eorum  
 virtus excelsa atq; illustrata loco, satis ipsa per se nul-  
 lo adhibito aliene prædicationis lumine in oculos o-  
 mnium incurrit: laudandis ipsis, quod verissimè ac co-  
 piosissimè facere possem, super sedebam: tamen à veteri-  
 bus historiis nonnulla proferam, ex quibus intelliga-  
 tur, & ab his illos ortos esse maioribus, & in eorum opes  
 atque imperia successisse, qui sibi posterisq; suis ampu-  
 sinam gloriam nulla re magis, quàm frangendis, ac do-  
 mandis nostræ religionis hostibus, defendendaq; Aposto-  
 licæ Sedis dignitate pepererunt. Quis est enim ille vete-  
 ris memorie ignarus, ita in superiorum temporum hi-  
 storis peregrinus atq; hospes, qui non divi Ludovici  
 Gallorum regis optimi ac sanctissimi res pro ecclesia for-  
 titer gestas, si minus è scriptorum monumentis cogno-  
 verit, ac auditione certè al qua acceperit? Cuius viri  
 per omnem vitam domi forisq; spectata virtus, & vi-  
 rum maxima laude cumulavit, & conspecto huius vitæ  
 curriculo in cœlestium concilio collocatum ad Divorum  
 religionem & sanctimoniam consecravit. Ab eo igitur,  
 & Antonius Rex, & Joanna Regina Navarra, duobus  
 quasi rivis ex eodem capite manantibus originem du-  
 cunt: ut non sine divino consilio sancti Regis soboles in  
 plures familias sparsa atq; ducta, post trecentos pro-  
 pemodum annos matrimonii fœdere copulata in unam  
 eandemq; domum denuo coaluisse videatur. Etenim &  
 tanti herois progeniem quàm latissimè fundi & propa-  
 gari oportebat, ut à stirpe generis, ac seminis quam  
 plurimis populorum rectoribus integra illa & incor-  
 rupta religio, quæ in eo fuerat, ingeneraretur; & æ-  
 quum erat, ex ea profectos tandem aliquando rursum  
 inter se conjungi, ut exstarent, qui utraq; stirpe possent  
 divo Ludovico generis sui auctore, ac principe gloriari.

E

Quod



Quod si mihi fas est, beatissime Pater, audiente te, in hoc augustissimo religionis antistitum confessu, res divinas attingere, & de Divorum sensibus, ac cogitationibus aliquid dicere: credo equidem divum Ludovicum, pro caritate illa, quæ beatos ne tum quidem deserit, cum spes, fides, fides suum cōsecuta deficiunt, credo, inquam, eum è cœlo in suos intuentem; horum, de quibus loquimur, principii conjunctione letari, & assiduus hoc à Deo precibus exorare, ut à se ortu per sua vestigia gradiantur, utq; in vero Dei cultu non tantum ipsi se, populosq; suos contineant, verum etiam illius propagationem primam sibi omnium rerum putent. Inde fit igitur, ut & Galliarum Reges ejus gloriæ, quæ conservanda & propaganda religione paritur, principatum sibi præter ceteros appetant; & qui eis genere proximi sunt (arctiori autem eos, quam Navarra Rex, & Regina, necessitudine attingit nemo) nulla in re magis elaborent, quam ut se perpetuè ejusdem laudis societate dignissimos præstent. Nam quid ego nunc Ludovicum, Philippi & re & cognomine Animosi Galliarum Regis filium, D. Ludovici nepotem, Eburonicum Comitem, Regem Navarra, à quo per multos gradus nunquam interrupto successionis ordine, hæreditas regni ad Joannam Reginam pervenit; eum igitur cur mihi pluribus verbis commendandum putem? Quid ejus Philippum filium? Qui non tantum regni, verum etiam patriæ atq; avitæ virtutis hæres, pro Christianæ pietatis defensione cum Granatæ Rege acerrimo per id tempus CHRISTIANORUM hoste, magnum & diuturnum bellum, summa & fortitudine & prudentia administravit. Theobaldi verò Campaniæ Comitis, cui & ipse Navarris regio imperio præfuit, virtutem quis se unquam satis pro dignitate laudare posse confidat? qui cum totam prope statem in oppu-

gnandis  
rei caus  
multa pr  
tandem e  
tatus fu  
ros evol  
varroru  
omnia po  
fortunat  
cunctatio  
verò ita  
gnoverit  
posse, qu  
intis, &  
mag mem  
ditum est  
ginta bar  
randa, occ  
Christian  
Hispania  
derent;  
magia, qu  
esse, cum  
jurasset, n  
rum. Exco  
bendas in  
quasdam  
equitatu  
pia spes fa  
nihil viri  
consilia: d  
ne: imbeci  
Deo duce

gnandis CHRISTI adversariis consumisset, ejusque rei causa usq; in Africam in victum exercitum duxisset, multa praelia commississet, multas victorias reportasset, tandem è sacro bello, ad quod divum Ludovicum comitatus fuerat, rediens, paucis post eum diebus ad Superos evolavit. Fuit, fuit illa semper, & adhuc est, in Navarrorum Regibus virtus, ut religionis defensionem alia omnia posthaberent: pro ea, quoties ita res ferret, non fortunas modò suas, verùm etiam sua capita sine ulla cunctatione in quodlibet periculum offerrent. Neque verò ita eos animatos esse mirabitur quisquam, qui cognoverit nunquam eos ipsa regni sui insignia adspicere posse, quin recordentur antiquæ majorum suorum virtutis, & laborum, quos illi pro religione nostra maximeq; memorabiles pertulerant. Ita enim memoria proditum est, Castellæ regnum in Hispania quondam à triginta barbarorum Regibus, Duce atq; Imperatore smaragdo, occupatum fuisse. Unde cum illi magnum omnibus Christianis terrorem injicerent, brevique, se tota reliqua Hispania, quæ Christianorum erat, potituros esse confiderent: Sanctium Navarrorum Regem, collecto fortissima, quàm numerofo exercitu, adversus eos profectum esse, cum prius pulcherrimum clarissimūq; iurjurandum jurasset, nunquā se ex bello, nisi parta victoria, reversurum. Excogitaverant barbari cum alia multa ad prohibendas nostrorum incursiones aptissima, tum catenas quasdam ferreas, quibus ita vias omnes occluserant, ut equitatu, quo plurimum valebant nostri, omnis adempta spes faciendæ in hostem irruptionis videretur. Sed nihil virium habet adversus prudentiā subdola & astuta consilia: debiles sunt omnes adversus constantiā machinæ: imbecilla & inutilis adversus fortitudinē multitudo. Deo duce per medios hostes sibi & suis viam ferro fa-

ciens Sanctius non prius destitit, quam barbares fusos, fugatos, castris exutos docuit, victoriam non in munitionibus operibusque bellicis, sed in causa bonitate positam esse: qui pro CHRISTI nomine dimicarent, eorum impetum non posse, ne collatis quidem in unum aliorum omnium viribus, sustineri. Superatis igitur, & in potestatem reductis hostibus, multum nostrorum & imperatorum & militum incredulis concussus ad Sanctium factus est: alium amplexari eum, alius ad genua accidere, alius sortem illam dexteram barbarorum domitricem, Hispaniam liberatricem, victoriae confetricem, exsultantem: qui propter multitudinem propius accedere non poterant, vultu, oculis, manibus, corpore, quasiunque poterant, animi sui significationes dabant: unum omnes voce, & bellatorem fortissimum, & imperatorem invictissimum consalutabant. Inde cum de dividenda praeda agi ceptum esset, quae tanta erat, quantum triginta potentissimorum Regum collatae unum in locum opes coacervare potuerant: nemo erat in universo exercitu, qui non ita sentiret, itaque predicaret, quantumcumque sibi partem ex ea vel depisceret, vel etiam suo iure sumeret Sanctius, nunquam tantum ad eum perventurum esse, ut non multo plus ipsius virtuti praeclearisque factis deberetur. Erat in castris barbarorum auri, argenti facti infictique, permagna vis: gemmarum maximi pecuniae adiuvantibus multitudine: multum tapetum, multum coramplacitum, multum veristrumatum: ut est illis etiam in bellis luxuriosi: gens armorum multis generis optimorum & exquisitissimo artificio fabricatorum insculptus prope numerus equi praestantes permul-  
<sup>etiam</sup>tiphaleratum, ephippiorum, ceterorumque ornamento-  
<sup>etiam</sup>rum equitum incredibilis copia: captivi longe plurimi ex quibus ingens pecunia confici posset: quibus omni-

bus ex re-  
meret, su-  
vultu, cui  
significass  
ditas, ut  
stans cor  
Christian  
regionis  
vindican  
diderunt.  
vestra, mi  
ut majori  
pias, qua  
Ornament  
vorum, et  
posita, pa  
tempus ne  
endam pen  
nem exsu  
pro his q  
firmitate  
habeant  
litate atq  
ad me at  
adjuvanti  
illam gent  
jacentem  
prostratum  
Smagdu  
praemium  
dam tam  
dos success  
pro insign

bus ex rebus, Sanctum, ut quantum vellet, sibi ipse su-  
 meret, summo omnes consensu obsecrabant. Illi, alacri  
 vultu, cum gratam sibi esse illam exercitus voluntatem  
 significasset: Non me, inquit, barbararum copum cupi-  
 duas, ut in hoc bellum ingrederer, aut in prima acie  
 stans corpus meum tela hostium objicerem, induxit.  
 Christiana mihi pietatis ardor, & huius pulcherrimæ  
 regionis ab injusto immanium belluarum dominatu  
 vindicanda studium, facies ad eam rem, & stimulos sub-  
 diderunt. Nunc, cum id, quod volui divino beneficio &  
 vestra, milites, virtute consecutus sum: non committam,  
 ut majori animo videar armatarum & stantium co-  
 pias, quam inermium & jacentium spolia contempsisse.  
 Ornamento sint ista primum immortalis Dei nostri Di-  
 vorumque templis ac delubris, ut parum in sacrariis re-  
 posita, partim et ibolis pendulia, propagent in omne  
 tempus memoriam nostri: posterisque nostros ad suscipi-  
 endam semper magno animo vel gentis nostræ defensionem  
 exsuscitent: Ditent cetera egenos & exhaustos,  
 pro suis quæque meritis, milites: ut iam juventutis suæ  
 firmitatem in periculis & laboribus consueverint,  
 habeant olim, quo senectutis infirmitatem in tranquillitate  
 atque in otio sustentare possint. Ego quidem, quod  
 ad me attinet, præter has catenas, quas spectantibus  
 adjuvantibusque vobis perfregi atque perrupi: & præter  
 illam gemmam, illam, quam meis manibus dejectam, illic  
 jacentem videtis (hæc autem dicens, ostendebat illis  
 prostratum, & in sanguine suo involutum exanimem  
 Smaragdum) nullam omnino mihi mercedem, nullum  
 præmium, aut posulo, aut appeto. Ergo ad conservan-  
 dam tam nobilis victoriæ memoriam simulque ad vitan-  
 dos successorum suorum animos, & ipse postea catenas  
 pro insignibus gestavit; & instituit, ut isdem insignibus  
 ceteri



cateri post se Reges uterentur. Ac quoniam eo in prælio præcipuum, quem dixi, barbarorum doctorem Smaragdum sua ipse manu obruncaverat: ejusdem nominis gemmam medio illarum catenarum complexu voluit contineri. Quin etiam propter hanc aliasq; similes victorias, Regibus Navarrae honoris ergò tributum est, ut inungantur, coronentur, consecrentur. O beatum illud seculum, cum Christiani & principes, & populi sine ullis discordiis, sine ulla opinionum varietate ac discrepantia, summo consensu, omnes vires suas ad proferendos Christianæ ditionis terminos conferebant. N. stra aetas & Christianos principes alios aliorum viribus collisos attritosq; vidit, & in populis, ne quid abesset miseris nestris, gravissimas pestilentissimasq; seditiones ab improbis hominibus, qui cupiditatibus suis falsò religionis nomen prætexerent, concitatas. Quibus malis finem per te impositum iri, P. I. E. Pontifex optime & sanctissime, omnes ita confidunt, ut, si hæc spes si fellerit, omnia quæ possunt evenire miserrima maximeq; detestanda vereantur. Erexisti animos omnium, indito, quod tanto perire prætabatur, universo Concilio: Injecisti spem, fore, ut, hæresim peste sublata, sacrosanctum JESU CHRISTI nomen eodem animo, eadem voce, iisdem ritibus ab omnibus invocetur. Agedum, Beatissime Pater, ita te Deus ille, cujus tu personam in terris sustines, quam diutissime, & quam felicissime Ecclesie suæ præesse velit, urge constanter, ut facis, istud proprium: omnemq; diligentiam adhibe, ad prohibendum, ne tam tetri mali contagio latius serpat. Memento, te nostrum omnium communem patrem, & pastorem esse: nostram omnium salutem ab eo tibi commissam, ac creditam; qui cum Deus esset, humana natura assumpta, quin sanguine suo viam nobis in cælum panderes, non recusavit.

Omnia

Omnia spe  
rantis tan  
strata.  
constitua  
tur veter  
dia, ne un  
ciatur. M  
ta dignita  
recipiat, d  
recuperan  
assuturos  
Regina N  
quæcunq;  
cias, in t  
quentissim  
non libent  
centur. P

Der

HAB



dituros off  
quidquid h  
cum utilita  
tudinis lon  
gudo et si m

Omnia speramus à te excitatum iri, quæ jacere sentis, tantis tamq̃ diuturnis dissensionibus perculsa atq; prostrata. *Videre jam videmur illud tempus, cum per te constituatur Ecclesiastici ordinis auctoritas, confirmantur veteres ritus, prave opiniones aboleantur, concordia, ne unquam postea dissolvi possit, severis legibus vinciatur. Multa perdidit Ecclesiasticus ordo & ornamenta dignitatis, & præsidia stabilitatis suæ: quæ nisi per te recipiat, à nemine sibi restitui posse censet. Ad ea autem recuperanda cum cæteros Principes Christianos tibi affuturos esse credimus: tum Antonius Rex, & Joanna Regina Navarra, se Regnamq; suum, & Bearniam, & quas cunq; deniq; summo cum imperio obtinent provincias, in tua potestate semper fore, seq; ut par est, obsequentissimos Ecclesiæ filios, auctoritati tuæ nunquam non libentissimè obtemperaturos esse, sanctissimè pollicentur.* DIXI.

## De moralis Philosophiæ laudibus.

### ORATIO VII.

HABITA ROMÆ XVI. KALEND.

Decemb. Anno cdo id LIIL.

**V**ETERI consuetudine receptum est, ut omnes, qui artem aliquam publicè docend. m suscipiunt, eam primam habeant concionem, qua rationem instituti sui cum ejus, quam se tradituros esse proficiuntur, artis laude conjungant, eozq; quidquid habent, in dicendo virium conferant, ut in ea cum utilitatis & emolumenti, tam dignitatis & amplitudinis longè plurimum inesse confirmet. Quæ consuetudo etsi minime reprehendenda mihi quidem videtur: quod

quod omnia laudanda sunt, quæ ad amplificandam honestarum artium dignitatem, & ad excitandum in hominum animis earum studium pertinent: tamen illud habet incommo-  
 dum, quod dum omnes promiscuè usdem ferre solentur laudibus, ejusdemque rei gloriam diversarum artium homines ad suam quisque traducere ac transferre conantur: sic, ut in vulgus elevetur omnium auctoritas: & ut, quo res aliquis de quacunque arte quicquam honorificè ac splendide dicere ingressus est, circa infusa multitudo ita eum loqui se putet, non quod ita sit, sed quod eam tunc artem ornandam celebrandamque susceperit, de alia dicturus, si alia sibi extollenda & exaggeranda esset. Ergo, ut qui comedas aut tragedias spectant, cum histrionem aliquem in proscenio auro ac purpura fulgentem viderint, facile intelligunt, illa ornamenta ipsius propria non esse: sed futurum, ut æquè illis indueretur, qui belatius e grege, qui ad tempus eam personam sustineret: sic, qui ejusmodi orationes audiunt, cum hanc eundem artem magnificis & exquisitis ornata laudibus vident, statim judicant, nihil magis eas in hanc, quam in illam, convenire, futurumque, ut eadem de qualibet alia dicerentur, cui orator tanquam choragus, eas quæ si partes mandare atque imponere voluisset. Quæ cum mihi de principio in mentem venirent, propemodum in eam me sententiam adduxerant, ut eam Philosophæ partem quæ ad confirmandos mores, instituendæque vitæ rationem pertinet, quotidianis disputationibus, quantum mea vires ferrent, illustrarurus, nihil initis, quo dignitatem ipsius vobis commendarem, dicendum arbitrarer; verentem, ne cum suis eam modò ac propriis laudibus extulissem; communes tamen illa nonnullis ac iralaticia viderentur. Simul autem illud cogitabam, si qui nondum pervidissent,

vidissent,  
 etatio qu  
 dum, for  
 quæ mul  
 ex mea,  
 ea me se  
 auctoritas  
 attulerunt  
 cuiquam  
 minimi co  
 eum in ip  
 Quomodo  
 ralis vbi  
 suis cultor  
 oratorio  
 aut que  
 jus extoll  
 loquias  
 merio te  
 orationis  
 ripides  
 Primus  
 humana  
 ne, ad qu  
 nit, pend  
 iusq; suis  
 excellere  
 eum, ut  
 ratur ta  
 ped instr  
 re, verba  
 copias  
 tam mult

vidissent, assidua, & diligens harum præceptionum tractatio quantum momenti habeat ad bene beatèq; vivendum, fore ut brevi eis promeres ipsa lequeretur: ex qua multò id eos melius, multòq; perfectius, quàm aut ex mea, aut ex cuiusquam oratione cognituros. Sed ab ea me sententia abduxit amicorum aliter sentientium auctoritas, qui cum alia multa, tum hoc argumentum attulerunt: cum hæc ipsa Philosophia præcipiat, non esse cuiquam temerè à publica consuetudine discedendum, minimè convenire, qui eam se traditurum, proficeretur, eum in ipso quasi vestibulo illius præcepta migrare. Quocirca dicam hodierno die breviter & modice de moralis Philosophiæ laudibus, deque fructibus, quos illa suis cultoribus pollicetur: sed philosophico magis, quàm oratorio more: non ut ei quidquam alieni affingam, aut quæ ipsius propria sunt, amplificandi causa in majus extollam: quorum alterutrum si coner, ipsa mihi Philosophia, ut est veritatis amans, tanquam Achilli Homericæ Pallas, manum injiciat: sed ut nudo ac simpliciter orationis genere, quale veritatis proprium esse, ait Euripides, ea, quæ ad rem facere videbuntur, exponam. Primum igitur non artium modo, sed omnium omninò humanarum rerum dignitatem atq; præstantiam ex fine, ad quem earum quæq; dirigitur, quemq; sibi proponit, pendi ac spectari arbitror oportere: ut, quanto iusq; finis præstantior ac diviniore est, tanto ipsa ceteris excellere judicetur. Quo posito: est enim ita perspicuum, ut probationis non indigeat: quis unquam reperietur tanta vi præditus ingenii, tantâ eloquentiæ copia instructus, qui se de Philosophia pro ipsius dignitate, verba facere posse confidat? Non enim illa sibi opes ac copias, quæ & sæpe possessoribus suis exiitio sunt, & tam multis casibus eripi possunt; non honores & imperia,



ria, quæ, quod concupiverint, multi, quod aspernatus sit  
 nem, nunquam vituperatus est, non quidquam demque  
 proponit ejusmodi, quo & carere sine probro, & abun-  
 dere sine gloria liceat: sed eam, ad quam omnes adffi-  
 rant, quam sibi votis omnibus expetunt, ad quam omnes  
 suas actiones, omniaq; consilia referunt, felicitatem.  
 Quam igitur ceteris omnibus bonis antestat felicitas,  
 tanto Philosophia ceteris artibus antecellit. Quod si  
 tanto studio coluntur artes quædã, quæ nihil sibi aliud,  
 quam lucrum, & rei familiaris amplificationem tum  
 incertam, tum laboris ac periculi plenam proponunt:  
 quanto hæc studio digna est, quæ parantur vera illa o-  
 pes animi, quæ non furto eripi, non incendio absumi, non  
 naufragio absorberi possunt, quæq; certam rectamq; vi-  
 am commonstrant ad persequendum id bonum, quo cæ-  
 tera omnia continentur? Si tanto in honore medicina  
 est, quod habere levitationem morborum, quibus tenta-  
 tur corpus, bonæq; valetudinis ac firmitatis tum effe-  
 ctrix esse, tum observatrix creditur: qui tandem hono-  
 res excogitari poterunt ea arte digni, quæ se in animis  
 idem effecturam proficitur? Nam & præstantior cor-  
 pore animus est; & hujus, quam illius, multo plures  
 morbi, multoq; periculosiores. Quod si cui forte dubium  
 est, excutiat ille paulisper intelligentiam suam, secumq;  
 reputet, quam sapè unus hominis ambitio, avaritia, li-  
 bido, integras funditis everterit civitates. His autem  
 & similibus morbis medetur Philosophia, eamq; in suis  
 efficit animi firmitudinem, quam non voluptatum illece-  
 bræ, non d. lorum faces, non divitiarum splendor, non  
 obscura & contempta paupertas, non honorum sitis,  
 non ignominie metus, non vitæ cupiditas, non mortis  
 terror convellere ac labejattare possit. Ut enim Olympi  
 cæsumen Poëtæ, semper quietum esse ajunt: propterea  
 quod

quod altius sit, quàm ut ed vis ventorum tempestatumq̃  
 perveniat: sic Philosophorum animus sublimior & ex-  
 celsior est, quàm ut istos flatus sentiat furentium, & de  
 rebus abjectissimis inter se humi digladiantium cupidi-  
 zatium. Stat ille, ut medio mari edita & altissimis defixa  
 radicibus rupes: cuius summa fluctus ne attingunt qui-  
 dem; infima sic verberant, non ut eam commoveant, sed  
 ut ipsi frangantur. Novū Philosophus vulgarium volu-  
 ptatum blanditiis partim pueriliū oblectamentorū simi-  
 les esse, indignas non modò, quas consueverunt, seu quas  
 respiciat viri; partim cum dedecore ac turpitudine con-  
 junctas, ut satius sit, quovis dolore lacerari, quàm ve-  
 nena ac pestifera carū suavitatem mulceri. Habet alias  
 ex sese proprias ac perpetuas voluptates, easdemq̃ sin-  
 cerissimas, nullaq̃ ne minima quidē permissione molestia  
 cōtaminatas, quas ex ipsa virtute, & ex honestis actio-  
 nibus capit: his fruatur, his mentem pascit, his se oblectat,  
 eas solas caras ac jucundas habet. Nam ut in beatorū  
 insulis dicuntur esse arbores quadā adpectu jucundissi-  
 me, quarum in ramis toto anni tempore cernere est alios  
 fructus mites jam, & ad maturitatem perductos, alios  
 maturiscentes, alios pubentes adhuc & in primum se  
 florent induentes sic in eorū, qui verè ac seriò philoso-  
 phantur, animi. toto vita tempore alie actiones honeste  
 ac laudabiles confecta jam sunt, & absolute, alie in eo  
 sunt, ut absolvantur, alie inchoantur adhuc & infor-  
 mantur, primūq̃, ut ita dixerim, lineis designantur. Itaq̃  
 aliarum recordatione ac conscientia, aliarum tractatio-  
 ne ac presentia, aliarum meditatione & prospiciētia, se  
 afficiuntur, nihil ut sibi præterea jucundum aut amabi-  
 le existiment. Immensa etiam illa & inexplebilis accu-  
 mulandarum opum aviditas, quam incertum est, co-  
 pia an inopia magis incendat, radices agere in animo

Philosophiæ præceptis confito & exculcto non potest. Quid ita? Nimirum quia hæc id vel præcipue in suorum animis inserit, naturales opes & terminatas esse, & facile parabiles: eas qui adeptus sit, nihil ei amplius appetendum, non qui plurimum habeat, sed qui minimum desideret, ditissimum esse: nihil magnificiendum, quod equè possimus atq; optimus quisq; consequi possit. Negatamen eorum consiliū probat, qui aut aurū in mare abie-  
cisse, aut possessiones suas incultas ac desertas reliquisse  
 memorantur: hæc enim aut ignavorum hominum videntur, aut pecunia uti nescientium: quorum utrumq; in vitio, non in laude ponendum est. Ac fuere quidem ii, de  
quibus illa narrantur, Philosophi, sed rudior illa quæ-  
dam, & simplicior Philosophia tum fuit, politior nostra  
 hæc, & ad usum civilem accommodatior: quæ docet, opes, si quis aut à parentibus acceperit, aut industria sua quasierit, aut alia quapiam honesta ratione ad eas pervenerit, non aspernandas aut rejiciendas esse, sed ita habendas, ut virtutis, non ut luxuriæ, administras.  
 Nam illud mihi quidem per mirum videri solet, quid ita veteres illi iudicarent, non posse se simul & rem habere, & in sapientiæ studia incumbere: qui mihi etiam videntur, quo facto summam divitiarum contemptiorem significare ac præ se ferre voluerunt, eo ipso indicasse, nimiam quandam erga eas naturæ suæ propensionem, si nummos in arcam condere non poterant, ut non omnes cogitationes suas in eandam arcam includerent: neque, quamdiu patrimonium habebant, imperare sibi, ut aliis rebus contemplandis ac cognoscendis vacarent. Equidem nunquam eum militem laudaverim, neque fortem habendum duxerim, qui adversarium à se quàm longissimè amoveat, ne cum eo manus conserat: sed eum potius, qui & congregiatur, & vincat.

Neque

Neque  
 studis,  
 non hab  
 quo qu  
 diis det  
 gendos  
 si habe  
 aut au  
 nunc d  
 ius: i  
 um am  
 mel occ  
 vissim  
 illius u  
 fusa pri  
 vero et  
 concep  
 Ea enim  
 decus, v  
 qui cons  
 laborat  
 & imp  
 dandos  
 quam c  
 sapient  
 sibi poss  
 sita fuis  
 esse se, u  
 pimus m  
 perant, a  
 si adept  
 guntur  
 quando

Neque verò video, quì minus impedimento sit egestas studiis, quàm divitiæ. Necesse est enim, qui, unde vivat, non habet, eum sibi vitæ subsidia aliunde querere: in quo quantum temporis ponit, tantum de sapientia studiis detrahit. Melius igitur Philosophia, cui, qui se regendos permittunt, ii opes, si non habent, non requirunt; si habent, utuntur, ut decet: neque unquam torquentur, aut augendi cupiditate, aut amittendi metu. Quid ego nunc de perturbatrice humanarum rerum, optimi cuiusq; ingenii corruptrice, concitatrice bellorum omnium, ambitione, quam semper vivere in eorum, quos semel occupavit, animis, neq; unquam confensescere, gravissimus auctor ait Thucydides, verba faciam? Nunquid illius unquam facibus accendi poterit peñus, quod infusa prius Philosophiæ præcepta irrigaverint? Immo verò etiam si antea subiecti ab ea ignis aliquid fortè conceperit, id totum instillata Philosophia restinguet. Ea enim magistra ac præceptrice cognoscimus, verum decus, veramq; gloriam in sola virtute positam esse: eam qui consecutus sit, quid alii de se iudicent, non admodum laborare oportere: præcipue verò despiciendam levis & imperita multitudinis temeritatem, quæ ad mandandos honores cæco sapius & inconsiderato impetu, quàm certo & explorato iudicio fertur. Præclare & sapienter Cato: malle se dicebat, querere homines, cur sibi posita non esset statua, quàm si quærent, cur posita fuisset. Eodem animo sunt viri omnes Philosophi: esse se, ut de Amphiarao ait Æschylus, quàm videri optimos malunt: honores autem & magistratus aut non petunt, aut alienæ, non suæ utilitatis causa petunt: neq; si adepti sint, exsultant: neq; si repulsam tulerint, anguntur animo: sed pacatè & moderatè ferunt: aut, si quando dolent, Reipublica dolent vicem, non suam, Co-



sarem ferunt, cum Pontificatum petiturus ad comitia  
 descenderet, matri dixisse, illam eo, die, aut Pontificem  
 habituram filium, aut exulem, jam tunc prasagire ac  
 praecognoscere licebat, ambitionem illam ingens aliquod  
 malum civitati daturam. Itaque quid postea effeceris,  
 videmus. At Cato, in petitione Præturæ etiam Vatinius  
 perhibitus, a quissimo ac moderatissimo animo tulit. Ita  
 sunt Philosophi. Maximam voluptatem in prætermitt-  
 endis voluptatibus: maximas opes in quieto, ac con-  
 sento suis animo, maximam gloriam, in non ambienda  
 gloria petunt. Satis honoratum putant esse, qui honore  
 dignus sit; satis magnum Regem, qui seipsum regere; sa-  
 tis potentem Imperatorem, qui cupiditatibus suis impe-  
 rare possit: qui verò eis planè domitis ac subactis ju-  
 gum rationis, quod illis ne conentur quidem unquam  
 recutere, imposuerit, ab eo omnes aliorum victorias  
 triumphosq; superatos. Quod si libidinem, avaritiam,  
 ambitionem, pestes quasdam ac farias esse noverimus,  
 quæ funditus humanam vitam conturbent: quantum  
 honor habendus est Philosophiæ, quæ se omnes earum  
 conatus repulsuram, omnes igniculos repressuram, om-  
 nia semina elisuram, non magnificentius, quàm ve-  
 rius, pollicetur? Videre vos opinor, quàm se latus ora-  
 tioni meæ campus ostendat, si, quæcumq; hoc loco se offe-  
 runt, persequi, & in singulis insistere atque immorari  
 velim. Nam cum virtus nulla sit, de qua non splendide  
 & ornate dicere, nullum vitium, in quod non graviter,  
 & copiose invehi liceat: quidquid de eorum utrolibet  
 dici potest, idem ad Philosophiam laudandam accommo-  
 dari potest: quam virtutis indagatricem, vitiorum ex-  
 pultricem, Latinorum omnium eloquentissimus verè ac  
 merito nominavit. Sed non committam, ut cuiquam vi-  
 deat transilire eos terminos, quos initio pepigi: potiusq;  
 repre-

reprebe  
 licuisse  
 illare u  
 bi temp  
 conside  
 modò, s  
 si quis  
 pernici  
 da hono  
 duorum  
 rumq; r  
 illam, ut  
 quentia  
 solet: qu  
 ed illum  
 maveris  
 imperia  
 & robor  
 cendi ad  
 Rempub  
 miscend  
 minime  
 ciendum  
 huius illu  
 Xenopho  
 ne scient  
 Philosoph  
 valere. C  
 mala qui  
 desse poss  
 esse homi  
 Cicerò, u  
 litati au

reprehendi me patiar, quod multa, quæ fusiùs explicare  
 licuisset, compresserim, ac coarctaverim, quàm quod in  
 illa re dilatanda effectus sim longius iusto, neq. satis mi-  
 hi temperare potuerim. Nunc illud tibi etiam atq. etiã  
 considerate: caterarum omnium artium fines, neq. eos  
 modò, sed omnia prorsus, quæ bona putantur in vita, ni-  
 si quis Philosophiam, vitæ ducem habeat, pestifera ac  
 perniciose esse. Da homini nò Philosopho, opes ac copias:  
 da honores atq. imperia: da firmam valetudinem: da glori-  
 atorium totius corporis robur: da multarum magna-  
 rumq. rerum cognitionem ac scientiam: da flexanimitatem  
 illam, ut Poëtæ vocant, & omnium rerum reginam elo-  
 quentiam: da quidquid in filiis parentum votis optari  
 solet: quò ejusmodi plura in talem hominem congesse-  
 rit, ed illum magis & in suam, & in aliorum perniciem ar-  
 maveris. Opibus abutetur ad suam libidinem explendã:  
 imperiis ad alienam libertatem opprimendam: firmitate  
 & robore ad obeunda facinora: scientiam copiamq. di-  
 cendi ad circumveniendos cives suos, ad perturbandam  
 Rempubl. ad omnia deniq. tum sacra, tum profana per-  
 mittere, & evertenda convertet. Da hæc eadem vero,  
 minimeq. fucato Philosopho: Deum quendam ad benefa-  
 ciendum humano generi è cælo demissum esse dices. Atq.  
 hæc illud est, quod in Alcibiade minore sive Plato, sive  
 Xenophon disputat, ea quæ suapte natura bona sunt, si-  
 ne scientia ejus quod optimum est, quam eandem &  
 Philosophiam esse statuo, ad perniciem, non ad salutem  
 valere. O præclaram laudem Philosophiæ, cuius ope ne  
 mala quidem nocere, quæ detracta, ne bona quidem pro-  
 desse possunt. Merito dixit Plato, nullum à Diis datum  
 esse hominibus eã maius aut præclarius donum. Merito  
 Cetero, unum diem ex ejus præceptis actum immorta-  
 litati anteponendum. Neque verò non illud ad ejus,

de qua proprie sermo nobis institutus est, Philosophiæ laudem ac commendationem facit; quod omnia prope-  
modum, quæ à veteribus de Philosophia honorifice dicta  
sunt, ad hanc pertinent, quæ in vitæ ac morum emenda-  
tione versatur. Non enim Plato, cum illam nobilissimam  
vocem, tanquam ex oraculo, edidit, tum demum beatas  
civitates fore, cum aut regnarent Philosophi, aut Reges  
philosopharentur, intellexit, tum id eventurum, cum  
Reges aut in differendi subtilitate, aut in peruestigandis  
rerum naturalium causis occupati essent: quæ, quan-  
quam præclara sunt, longissime tamen absunt ab eo, ut  
beatas Respublicas efficere possint: sed, cum virtutis  
pulchritudine incensi omnes vires suas ad eam non co-  
gnosendam modò, sed exercendam, excolendam, propa-  
gandam contulissent. At contra quidquid inanibus im-  
peritorum ac maledicorum sermunculis adversus Phi-  
losophum tactatum est, quoscumq; in eam aculeos scur-  
rilis quorundam libido consecit, quidquid ad minuendâ  
ipsius dignitatem veteris comædiæ licentia effutiit, id  
omne, si diligentius excutiat, ad Dialecticos potius,  
et ad Physicos, quàm ad Politicos pertinere videbitur.  
Quod si ullus in orbe terrarum locus est, ubi Politicæ  
florere, si anq; dignitatem obtinere deceat, Roma id, Ro-  
mæ potissimum fieri debet: cui urbi à primo ipsius ortu  
divino permissum datum est, ut aliis imperaret: unde le-  
ges, unde iura, unde religionem ceteræ nationes et o-  
lim petierunt, et nunc petunt: unde quondam exstite-  
runt multi clari viri, qui hæc præcepta, quæ nos tradi-  
turi sumus, exemplo suo comprobârunt. Nolite enim  
putare, illa lumina, Camillos, Curios, Fabricios, Fabios,  
Scipiones, Lælios, ceterosq; præstantes viros, quos olim  
hæc urbs innumerabiles tulit, quorum quotidie nomina  
auditis, facta legitis, monumenta cernitis, statuas tan-

ta cum

ta cum a  
quæ diffo  
sophos  
moribw  
cherrim  
tegrita  
virtute  
ad tant  
ut pler  
ita ac fa  
præclar  
ter glori  
glorien  
tes, inc  
Aristota  
plurima  
Constit  
Pontife  
plar est  
officii p  
rit, mo  
molesti  
sequar  
ubere, e  
historia  
tem à v  
summan  
liis, nu  
vestr

ta cum admiratione intuemini, quòd de Philosophia neque disputarunt ferè, neq. scripserant, eò minùs Philosophos fuisse. Vita illi, non oratione; factis, non dictis; moribus, non sermonibus philosophabantur: quod pulcherrimum ac verissimum est philosophandi genus. Integritatem, justitiam, fidem, fortitudinem, omnem deniq. virtutem & colebant ipsi, & alios colere jubebant: Eo ad tantam majestatem atq. amplitudinem pervenerunt, ut pleræq. gentes, quòd ipse olim à talibus viris subacta ac superata sint, quàm quòd ipse alias devicerint, præclarior sibi ac gloriosius ducant. Quantam oportet gloriam fuisse vincentium, cum victi tot pòst sæculis glorientur? Eorum ego potissimum exemplis, adulescentes, incitabo vos quotidie atq. exacuiam, neq. ullum ex Aristotele præceptum proferam, cujus non ex hac urbe plurima maximeq. illustra exempla repetantur. Constitui enim, quando Pius optimus ac sanctissimus Pontifex, qui ipse omnis virtutis perfectissimum exemplar est, eum mihi honorem detulit, ut à me virtutis & officii præcepta vobis præponi atque explicari voluerit, modis omnibus eniti, ut ea non arido, & inculto, & molestis implicato quæstionibus, orationis genere prosequar: sed, quantum id quidem in me erit, florido & ubere, & quasi stellis quibusdam, ita petitis ex vetere historia exemplis illuminato atque distincto. Pero autem à vobis, ut, si & in iis rebus, quas tractare institui, summam dignitatem inesse cernitis, & me nullis vigiliis, nullis laboribus, nulli denique rei parcentem, ut vestris commodis consulam, videbitis, industriam meam diligentia ac benevolentia vestris adjuvetis.

DIXI.



# De morali Philosophiæ necessitate.

## ORATIO VIII.

HABITA ROMÆ VII. ID. NOVEMB.

Anno c<sup>lo</sup> l<sup>o</sup> LXIV.

**S**UPERIORI anno, cum injunctum mihi Pontificis auctoritate munus obire inciperem, multa dixi de laudibus Philosophiæ, cohortatusq; vos sum, quàm potui diligentissime, si tranquillitatem vitæ, si libertatem, si dignitatem atque honestatem, si salutem deniq; & vestram & publicam charam haberetis: ut, quæ ars, tranquillaret animos: quæ eus à teterrima vitiorum servitute in justam plenamq; libertatem assertos, ad verum decus, quod in virtute positum est, traduceret, quæ deniq; & singulos privatim, & publice totas civitates conservaret, ejus in studium toto pectore, alia omni cogitatione posthabita, incumbereis. Quam cohortationem meam etsi non prætervectam esse aures vestras, sed in animis plurimorum penitus insedisse, vel ex eo probabiliter intelligi potuit, quod mihi postea ex hoc ipso loco Philosophiæ præcepta tradenti satis frequentes assiduam operam dedistis, facere tamen pro meo erga vos amore non possum, quin vos hoc quoq; tempore non adhorter tantum, sed obsecrem etiam & obtester, qui jam iter illud ingressi estis, ut constanter persequamini: qui nondum, ut id vobis, primo quoque tempore ingrediendum esse statueritis. Nulla enim vitæ pars, nulla vivendi ratio, carere fructu, qui ex eorum, quæ nos quotidie tractamus, cognitione percipitur, sine maximo incommodo potest. Magnum est, fateor, rerum naturalium principia cau-

sasq;

scire, nōsse: siderum, ceterorumq; corporum celestium  
 situs, magnitudines, intervalla scientia comprehensa re-  
 nere, praeclarum: illa verò etiam, quam in hac inferiora  
 visui habeant, quidq; ad quamlibet multos annos effecta-  
 ra sint, sine ullo errore posse praedicere, propè divinam.  
 Sed certè, quod ne illi quidem ipsi, qui ea se docere prosi-  
 tentur, negaverint, eorum, in quibus nostra exercetur  
 industria, & fructuosior cognitio est, & perniciosior i-  
 gnoratio. Itaq; ut nos iis, qui abdita illa & reclusa tra-  
 ctant, & ingenii acumine, & doctrinae magnitudine, &  
 rerum admirabilitate non inviti cedimus: ita ipsi nobis,  
 nisi valde iniqui sint, ea, quae disputantur à nobis, &  
 magis necessaria esse, & uberiores hominum generi fru-  
 ctus afferre fateantur necesse est. Nullus enim unquam,  
 quod illa aut non teneret, aut etiam negligeret, minus  
 propterea vir bonus, aut minus utilis patriae civis exi-  
 stimatus est: hac aut ignorata, aut neglecta non singu-  
 los modò perdiderunt homines, sed integras funditus  
 afflixerunt & everterunt civitates. Nos, quae adolescen-  
 tum, quae constantis aetatis, quae senum officia sint, quae-  
 rimus: nos quid domi, quid militiae, quid à privatis, quid  
 ab iis, qui cum imperio sunt, praestari debeat, disputamus:  
 ex nobis intelligit pauper, quo modo tolerare inopiam;  
 dives, quomodo uti divitiis debeat: à nobis, quid inter  
 patrem & liberos, quid inter virum & uxorem, quid in-  
 ter fratres, cognatos, amicos, cives, quid deniq; inter ho-  
 mines observari par sit, explicatur: nos fortitudinis,  
 nos temperantiae, nos liberalitatis, nos iustitiae, cetera-  
 rumq; virtutum vim atq; naturam disputationibus, no-  
 stris patefacere atq; illustrare conamur. Sine horum prae-  
 ceptorum cognitione muta conticescet eloquentia, man-  
 ca & mutila erit iuris legumq; cognitio: illa ipsa domina  
 & regina artium Theologia animos requirit diligenti  
 harum

harum rerum tractatione preparados atq; præcultos. Quæ cum ita sint, quamcumq; quis vitæ viam ingredi parat, ita statuere debet, cæterarum Philosophiæ partium cognitionem sibi & utilem, & honorificam hujus planè necessariam esse. Sed sunt quidam perversi homines ingenio, qui causas, propter quas & ipsi à pulcherrimo studio abstineant & ab eodem cæteros avocent, comminiscuntur. Partim enim communia & contrita esse dicunt, quæ hic docentur, ut ad ea percipienda doctore nihil opus sit: partim non habere eam vim: at ad virtutis studium excitent: cuius rei argumentum capiunt ex eo, quod innumerabiles, & olim fuerunt, & hodie sunt, qui cum hæc omnia se scire profiteantur: nequissimè tamen & flagitiosissimè vivunt. Quibus utrisq; breviter respondere institui: & efficere, si possum, ut ii, qui ista temerè jactant, cognoscant errorem suum, cumq; se nihil dicere videant, sententiam mutant: sin minus (nihil est enim difficilius, quàm vincere pertinaces) certè quidem, ut ne alii stultitiæ & malevolentia plena eorum oratione moveantur. Primum igitur agamus cum istis, qui, ut ad cibos, nimium dulces, ita ad disputationes nimium apertas & faciles nauseare se dicunt. Ex quibus libenter quæsierim: què tandem fiat, ut, quibus rebus omnes ad alia studia invitari atq; allici solent, iisdem se ipsi ab hoc studio averti absterrentq; dicant. Certè enim, cum antea, quæ docentur, utilia & præclara sunt, si eodem accedit, ut clara, perspicua, aperta, cognitu facilia sint, eò majores concursus ad eos, qui illa docent, fieri constat. Quid igitur cum illis agas, qui, quæ res ad concilianda cæterorum studia plurimum valere consuevit, ea se ipsi tardari ac retrahi ajunt? Ego verò, etiamsi præcepta virtutis quamlibet multis obstrueta difficultatibus forent, laborandum tamen, & sudandum,

& nun.

& nunqu  
scendum  
libet non  
mittenda  
ad vitam  
mos sum  
voluta &  
locari vi  
nimis obr  
quam qui  
mus, quo  
vulgo no  
consequi  
taliū ut  
la unquan  
spatavit  
tium atq;  
phon? qu  
etatis pri  
in hoc ge  
egregium  
tām, quæ  
ris mand  
temperant  
bent, nequ  
quin se de  
dar, idcirco  
scendis sic  
est, intere  
tenent non  
scriptis ac  
dicerunt.  
quibus fac

& nunquam nisi eis cognitis ac comprehensis conquie-  
 scendum putarem: nedum ea, quia, ut isti volunt, à quo-  
 libet non tardissimo atq; inertiſſimo percipi poſſunt, o-  
 mittenda aut minoris facienda cenſeam. An de rebus  
 ad vitam nihil pertinentibus inter homines erudiſſi-  
 mos ſumma contentione diſputabitur: in eisq; quia in-  
 voluta & præpè inenodabiles ſunt, opera præclare col-  
 locari videbitur: hæc, quæ vitam omnem continent, ut  
 nimis obvia, & in medio poſita, negligentur? Quam-  
 quam quid diutius ita diſputamus, quaſi eis conceda-  
 mus, quod volumus, nihil hîc doceri, quod non aut etiam  
 vulgò notum ſit, aut quivis ſine doctoris opera facile  
 conſequi poſſit? Ergo ille omnium, qui tunc erant, mor-  
 talium, ut creditum eſt, ſapientiſſimus Socrates, qui nul-  
 la unquam alia de re, quàm de virtutibus & vitiis di-  
 ſputavit, vulgaribus & ſatis per ſe notis in rebus ſpa-  
 tium ætatis omne conſumpſit? Quid Plato? quid Xeno-  
 phon? quid Ariſtoteles? quid cæteri ſua quiſq; ætatis  
 ætatis principes viri? Quid erat cauſa, cur tam multa  
 in hoc genere ſcripta poſteritati relinquerent, ſi nihil  
 egregium, nihil exquiſitum, nihil excellens, ſed ea tan-  
 tum, quæ quilibet è populo ſatis per ſe intelligeret, litte-  
 ris mandaturi erant? Videlicet, quia juſtitiam, fidem,  
 temperantiam, liberalitatem omnes oſſidue in ore ha-  
 bent, neque quiſquam eſt, ne ex ima quidem facie vulgi,  
 quin ſe de ejuſmodi rebus optime judicare poſſe confi-  
 dat, idcirco nullam magnam eruditionem in eis cogno-  
 ſcendis ſitam eſſe arbitrantur. Quod tamen longè ſecus  
 eſt, intereſtq; nimium quantum inter eos, qui tantum  
 tenent nomina, & eos, qui ex eraditorum hominum  
 ſcriptis ac ſermonibus de rebus ipsis verè judicare di-  
 dicerunt. Plena eſt exemplorum vita communis, ex  
 quibus facile intelligi licet, quàm ſæpe vulgus hominum

in ju-



in iudicandis virtutibus vitiisq; fallatur. Quod n̄ ita est, cedo causam: cur qui mimis, lenonibus, parasitis, adulatoribus plurima largiuntur, & suo & multorum iudicio sint liberales: cur multi restricti, tenaces, sordidi, qui facilius patiantur sibi dentem unum ex ore excuti, quam nummum unum ex arca moveri: parcimonia ac frugalitatis nomen ferant: cur tam multi ad audendum projecti & temerarii commendentur pro fortibus, tam multi timidi, & ignavi pro cautis & consideratis prædicentur. Quid? jurisconsultorum vigilia in quo consumuntur: quid spectant eorum labores, qua in re eorum acutissima exercentur ingenia, nisi ut videre & diiudicare possint, quid in quaq; iustum iniustumve sit? Non igitur, ut nimium facilis, despicienda est ars ea, quæ virtutum omnium vim naturamq; pertrahat, cum in una virtute cognoscenda videamus tam diu, tanta diligentia, ab hominibus summo ingenio præditis laborari. Informavit quidem natura & impressit in animis nostris adumbrata quasdam virtutum & vitiorum omnium notiones: sed illa tantam vim non habent, ut quisquam eis fretus confidere debeat: se sine disciplina vere de rebus expetendis fugiendisq; iudicaturum. Quod si nos nihil aliud, nisi hæc tam utilia, tamq; salutaria, quamlibet nudo & inornato dicendi genere traderemus, calumniari tamen nemo nos posset, nisi alienæ nimis iniquus æstimator industria, ut in rebus nimium per vulgatis & facilibus occupatos. Nunc eum & ad salubres animorum epulas condimentū sermonis, quantum in nobis est, adhibeamus, & res suapte sponte pulcherrimas, tum præstantissimorum omnis ævi scriptorum testimoniis fulcire ac corroborare, tum insatiabili quadam veterum exemplorum copia exornare atq; illustrare solemus, tamen ne invenientur, qui elevare labores nos

stros and  
ac vigilis  
bet unum  
dant? Q  
rumlibet  
finere &  
se elate a  
contumel  
enim, quo  
me plura,  
cerem, qu  
necesse ha  
tio est, q  
virtutem  
contingu  
verò, si di  
eis inesse  
evellere.  
ut vani at  
sua magn  
losophi  
homines  
nibus ex  
rum simi  
rore, ad la  
tamen au  
phia gloria  
vita morib  
ritatem an  
ut non per  
in omnib  
certe nega  
medeatur

fros audeant: quæ præstantur à nobis iis sudoribus,  
 ac vigiliis, quarum ipsi nobis conscii sumus, ea quemli-  
 bet unum è multis ludibundum perficere posse conten-  
 dant? Qui si periculum facerent ipsi, quàm non qua-  
 rumlibet virtutum sit munus hoc, ita ut nos facimus, su-  
 stinere & exequi, fortassis, experientia edocti, minus de  
 se elate ac magnifice sentirent, minus de aliis maledicè  
 contumelioseque loquerentur. Sed omittimus istos. Nescio  
 enim, quo modo factum est, ut de re dicere ingressus, de  
 me plura, quàm volueram, dixerim: quod ipsum ut fa-  
 cerem, quorundam me hominum, quos nominare nihil  
 necesse habeo, iniquitas coëgit. Difficilior cum eis lucta-  
 tio est, qui negant, sermonibus nostris quenquam ad  
 virtutem incitari: idque ex eo colligunt, quod sæpissimè  
 contingit, ut, qui optimè loquuntur, pessimè vivant. Nos  
 verò, si diceremus, eam in disputationibus Philosophi-  
 sis inesse vim, ut ex audientium animis vitia radicibus  
 evellere, virtutesque eisdem ingenerare possent, meritò  
 ut vani atque inepte gloriosi reprehenderemur. Mul-  
tas magnasque merces, ut ait Theognis, ferrent Phi-  
losophi, si, quem admodum Circe herbis & cantibus suis  
homines statim convertebat in feras, ita ipsi suis sermo-  
nibus ex feris homines facerent, id est, homines fera-  
rum simillimos ad virtutem à vitio, ad rationem à fu-  
rore, ad humanitatem ab immanitate revocarent. Et  
 tamen aliquid se aliquando ejusmodi effecisse Philoso-  
 phia gloriari licet. Producet n. Polemonem ab infami  
 vita moribusque perditissimis, ad bonam frugem & seve-  
 ritatem unica Xenocratis disputatione revocatum. Sed  
 ut non peræquè in omnibus campis agricultura, ita non  
 in omnibus animis Philosophia idem efficit. Illud quidem  
 ceritè negari non potest, aut nullà omninò esse artem, qua  
 medeatur animis, quæ quanta sit in vitiis deformitas,

quan-

quanta in virtute dignitas doceat, quæ ab illis avertat, ad hanc incitet: aut eum honorem Philosophiæ potissimum esse tribuendum. Quod autem obijciunt, plerosque Philosophorum faciliis dogmata sua evertere, neque ignem aquæ magis contrarium esse, quàm eorum mores orationi: ita enim loqui, ut vitio, ita vivere, ut virtuti bellum indixisse videantur. Utinam tale esset, ut id nobis inficiari liceret. Est enim acerbissimum negare non posse, quod sit turpissimum confiteri. Sed quoniam iis, quæ omnibus nota sunt, fidem abrogare velic dementia est: non negabimus verum esse, quod obijcitur: tantum deprecabimur, ne propter hominum vitia res ipsa in invidiam vocetur, neque, quorum facta meritò averfamur, eorumdem sermonem immeritò repudiemus. Ut enim quarundam ex Epicureis dogma reprehenditur: vita laudatur: sic horum vitam reprehendere, doctrinam amplectari debemus. Polycletum insignem statuarum opificem, tradunt, librum de artificio suo edidisse, quem Canonam, id est, Regulam inscripsit: quo libro omnia, quæ in statua hominis fingenda observari conveniret, quæ singularum partium, minimarum, maximarum figura esset, qui suus, quæ inter se proportio subtilissime et accuratissime persecutus est. Eodem autem tempore statuam à se factam publice proposuit, in qua ea omnia diligentissime observata erant: ne quid præcipere aliis videretur, quod non ipse præstaret: quam statuam ipsam quoque Canonam nominavit. Vellem eandem rationem Philosophi teneremus: neque tantum traderemus aliis præcepta, ad quæ vitam suam dirigerent, verum etiam vitam nostram ad ea conformatam ostenderemus. Magna sine ulla dubitatione præceptis nostris ex eo accederet auctoritas. Sed, quando id optandum potius, quàm sperandum videtur, quod in fragilibus, in fortibus


arborum, in corporibus animantium, quibus vescimur, facinus, ut resectis & amputatis iis, quæ inutilia sunt; iis, quæ prodesse possunt, utamur; idem in hoc genere Philosophorum faciendum est, ut, rejecta eorum turpi flagitioseque vita gravem severamque doctrinam non acribus tantum, sed multo magis animis combibamus. Non enim, si qui ex Medicis cibo se & potu aliquando ingurgitant, eò illis continentiam præcipientibus, qui sapiunt, minus parent: sed illi quidem, quid agant, non laborant, artis autem ipsius placitis & decretis obtemperant. Nam cum alicujus mores & præcepta congruant ac concinunt: tunc aut utraque laudanda sunt, aut utraq; vituperanda: cum discrepant & dissident: causa nulla dici potest, quin alterum retinendum sit, alterum rejiciendum, horum à dictis facta ita distare constat, ut non cælum a terra longius distet: sunt autem facta turpissima: igitur sermones quibus ea ipsa facta damnantur, ac reprehenduntur, dignissimi qui audiantur. Atque ut medici, quò majorem auctoritatem arti suæ conciliant, solent interdum enumerare quosdam è præcipuis auctoribus disciplinæ suæ, qui, quod ita se compararunt, ut præcepta sua non ostentationem scientiæ, sed legem vitæ putarent, diutissime saluberrimeque vixerunt: ita vos nihil, si volumus, impedit, quamlibet multos Philosophos nominare, qui, quòd decretis suis paruerint, quasque leges aliis proponebant, ipsi servaverint, merito sunt apud omnes populos nunquam inter morituram gloriam consecuti. Illi fortassis nominabunt Hippocratem, Aselepiadem, Galenum: quorum primus usque ad annum centesimum quartum ætate proventus est, alter eò processit artis suæ fiducia, ut ausus sit cum fortuna pansionem facere, ne medicus haberetur, si ullo unquam morbo tentatus esset: & victor cum ad extremam senectu-



neclutem sine ullo morbo pervenisset, scalarum lapsu  
 examinatus est: tertius cum imbecilliori valetudine usus  
 esset adolescens, ita eam arte correxit, ut ad septuagesimū  
 annum pervenerit. Nos ē Philosophiæ castris ad  
 repellendos ipsius vituperatores primū quidem in a-  
 ciem educemus illud honestatis, illud modestiæ, frugali-  
 tatis, innocentie, fortitudinis, omnis deniq; virtutis spe-  
 cimen & exemplar Socratem: qui ita locutus est, ut ex  
 e, us sermonibus omnes, quæ postea consecutæ sunt Phi-  
 losophorum disciplinæ, fluxerint: ita vixit, ut hodie quoq;  
 nomen illius non hominis, sed integritatis & innocentie  
 nomen putetur. Cui succedit par illud nobile in eodem  
 institutum ludo Xenophon & Plato: quorū uterq; sum-  
 mam in dissimili genere eloquentiæ laudem pari vitæ  
 gravitate cumulavit. Proximè hos Xenocrates: de cuius  
 eloquentia dicit Polemon: de continentia Phryne: de  
 frugalitate & contemptione pecuniæ Alexander, de fide  
 & iustitia universus populus Atheniensis, qui eum, dicto  
 publicè testimonio, ad aras jurandi causa accedentem,  
 una voce revocavit, ac jurare vetuit: parum sibi decoris  
 ratus, tam spectatæ fidei viro, nisi jurato, non credidisse.  
 Inde æternum Alexandri crimen Callisibenes unoq; ver-  
 bo tota vetus Academia, & Lyceum, & illa non tam Mi-  
 conis & Polygnoti picturis, quàm Zenonis & Chrysippi  
 disputationibus nobilitata Porticus, quibus ex omnibus  
 quasi virtutis & doctrinæ officinis innumerabiles viri  
 incertum doctiores, an meliores prodierunt. Agmen  
 elaudant Epictetus, Plutarchus, Musonius, ceteriq; illi  
 ætati suppare, quos ita philosophatos accepimus, ut iis,  
 quibus cum vivebant, ad omnia recta & laudabilia non  
 voce magis, quàm exemplo prærent. His copiis facile  
 speramus fore, ut eorum, qui Philosophiam maledictis  
 incussere audent, retundatur audacia. Qui si ita victi  
 erunt,

erunt, ut  
 velint, &  
 pendia s  
 oi dissimile  
 enim & v  
 bus erit la  
 percussos  
 tate atq; ol  
 sophilam, a  
 allatrabu  
 causa hic a  
 servium,  
 mnes vigi  
 ter propo  
 bus à sus  
 tuti esse  
 silina, &  
 min esse  
 tio, que v  
 sua esse  
 eripiat  
 sum pote  
 quotidie a  
 etiam vita

HAB  
 N



erunt, ut deinceps in nostrum se numerum aggregari velint, & in ejus ipsius, quam oppugnabant, castris stipendia facere incipiant, victoriam adepti erimus longe ei dissimilem, quam veteres Cadmeam nominabant. Illa enim & victori luctuosa erat, & victo: hæc & victoribus erit lætitiæ, & victis salutis. Sin; cum se fractos ac persulsos videant, permanebunt tamen in eadem pravitate atq; obstinatione animi: & ut ignavi canes, Philosophiam, ad quam propius accedere non audent, eminus allatrabunt; vos tamen, optimi adolescentes, quorum causa hic à me institutus est sermo, quibus mei labores serviunt, quorum ad utilitatem omnes mei conatus, omnes vigilæ, omnia studia referuntur, urgete constanter propositum: neq; patimini vos cujusquam sermonibus à suscepto studio abduci. In ea ætatis parte constituti estis, in qua & ingenium ad omnia percipienda docilius, & corpus ad tolerandos studiorum labores firmius esse consuevit. Videte, ut eam iis in studiis collocetis, quæ vobis olim maximo & usui & ornamento futura esse cognoveritis. Atq; ut obrectatoribus nostris eripiat omnem ansam maledicentiæ, connitimini, quantum potestis, ut virtutis & officii præcepta, quæ ex me quotidie auditis, non tantum excipiat animo, verum etiam vita & moribus exprimatis. DIXI.

## De justitiæ laudibus.

### ORATIO IX.

HABITA ROME POSTRIDIE

Non. Mart. Anno clō lō LXV.



VO D principio me, cum hos libros explicare ingrederer, dicere meministis, accuratam eorum translationem & intelligentiam

eam ad omnes vite partes utilissimam, tam is, qui in  
 iure civili excellere, locumq; aliquem, non inter circum-  
 foraneos: sed clamatores sed inter veros, & graves, &  
 veterum illorum simillimos jurisconsultos obtinere me-  
 ditarentur, necessariam esse: id & aliqua jam ex parte,  
 quam verum sit, judicare potuistis, & ex his precipue,  
 de quibus in hoc libro disputabimus, intelligetis. Ingre-  
diendum enim nobis est duce & quasi mystagogo Ari-  
stotele in augustissimum & religiosissimum iustitie tem-  
plum: lustranda oculis omnia illius adyta: contemplan-  
da imprimis ipsius Deae forma: & tum quae quantaq;  
vis illius potestasq; sit: tum quibus ipsa se rebus, quibus  
ritibus celi gaudeat: cognoscendum est. Hec illa est, au-  
ditores, omnium domina & regina virtutum: à qua in  
 omne hominum genus leges & jura manant: quae be-  
 nefactis honores & praemia, malefactis ignominias &  
 supplicia proponens, studia bonorum excitat, malorum  
 improbitatem coercet. quae sublata, non domus ulla, non  
 civitas, non hominum inter se societas, non ipsa denique  
 universitas rerum stare ac tueri se punctum temporis  
 posset. Etenim, quoniam hodiernus dies cetera dispu-  
 tationis praelusionem modò quandam habiturus est:  
 dabo tibi hanc veniam, ut, paulò alius huius ser-  
 monis principia repetens, percurram ea, quae prae-  
 ceteris temporibus, summa sapientia praediti homines de iusti-  
 tia tradiderunt. Iustitia originem e caelo esse dicebant:  
 illi eam & vigere, & ex omni aeternitate viguisse: cer-  
 to illi ordine atq; immutabili quadam lege gubernari  
 omnia: idcirco aeterna atq; immortalia esse. In his autem,  
 quae sub orbem lunae subiecta sunt, absolutam quidem  
 illam & omni ex parte perfectam iustitiam materia  
 vitio cerni non posse: esse tamen aliquam caelestis illius  
 imaginem alibi expressiorem, alibi minus expressam:

futu-

futurum enim alioqui, ut permiscerentur ac corruerent omnia. Atq; ut quæ res plura & certiora illius vestigia retineret, ita esse eam perfectiorem, stabiliorem, immortalitati viciniorē: ut pauciora minusq; certa ita minus perfectam, minusq; constantem, pluribusq; casibus atq; meritis deniq; obnoxiam. In elementis hoc primum notari volebant: eaq; dupliciter considerabant: quatenus unumquodq; eorum totum quiddam atq; integrum est: & quatenus ad compositionem quasiq; conglutinationem cæterorum corporum particula quadam illorum assidue permiscetur ac temperantur. Tota igitur elementa nisi sedes ac regiones sibi à natura datas, atq; attributas obtineant, si irruere in alienas & migrare conentur: si ignis proximè sibi suppositam animalem spiritualementq; naturam depascat, & absumat: si aqua non contenta in terminis, quos pepigit Deus, terram operias & obruat: quis non intelligit, peritura funditus omnia, & talem quandam confusionem, qualem Poëta ante orbem conditum fuisse fingunt, consequenturam? Quid cum partes eorum copulari ac enalescere ad alia corpora progignenda & constituenda oportet, nonne iustitia quadam temperationis illius moderatrice: pus est: ut tantum cuiusque pro rata portione, quantum satis est, admisceatur? In illa etiam quadripartita tempestatum varietate: qua distinctus est annus, idem observari posse dicebant. Quæ cum ita sunt, ut quadam ipsius nature quasi lege sancitum est: hoc est, cum & tellus conceptus seminibus hiberno frigore adstringitur, & vernis modicis imbribus ac tepore laxatur; cum & fruges fructusq; arborum æstivis calidibus probè percoquantur, & eodem sub autumnum remittente se paulatim ac frangente mitescunt: tam & saluberrimus annus est, & maxima rerum ad visum non



cessariarum ubertate ac copia insignis. Cùm conerà sit,  
 rùm & caritas existit annonæ, & variis morborum  
 generibus omne genus animalium tentari solet. Cùm  
 unusquisq; nostrum duabus ex partibus conjunctus con-  
 eretur & sit, corpore & animo: earum partium ex utraq;  
 quæ justitiæ injustitiæq; vis esset, liquidò perspicì posse  
 adserverant. Omnia enim mala, omnia damna, omnem  
 perniciem & corporibus & animis ex injustitia eve-  
 nire: justitiâ salutem, incolamitatem, bona deniq; omnia  
 effici ac contineri. Nam cùm in corporibus quatuor sint,  
 quæ quatuor elementis proportionè respondeant, ignis  
 flava bilis, aëri sanguis, aquæ pituita, bilis atra ter-  
 ra: quomdiu hæc cum æquabilitate quadam inter se  
 permixta sunt; valemus ac vigemus: cùm eorum aliquod  
 aut potentius, aut infirmius: aut plus aut minus justo  
 est, aut se à communione ceterorum segregavit: con-  
 flitiamur variis morbis, tandemq; interimus. Quade-  
 re principis Medicorum Hippocratis in libello de natu-  
 ra hominis hæc verba sunt: Corpus hominis habet in se  
 sanguinem, & pituitam, & bilem duorum generum, fla-  
 vam & nigram: ex iis omnibus ipsius corporis natura  
 est: eis fit, ut & doleat, & bene valeat. Bene igitur va-  
 let, cùm ea moderatè inter se affecta sunt & tempera-  
 tione & potestate, & copia: maximeq; permixta sunt:  
 dolet autem, cùm eorum aliquod aut plus aut minus  
 est, aut in corpore secretum, neq; cum ceteris omnibus  
 temperatum. Hæc Hippocratis verba ipsa expressi: ex  
 quibus intelligimus, in æquabilitate, cuius effectrix ju-  
 stitia est, sitam esse bonam corporis constitutionem. Sed  
 na aliquidem corpus utiliter ac salutariter sine aliqua  
 imagine justitiæ potest. Nisi enim vis aliqua sit, quæ &  
 siccum & humidum alimentum, ubi jam coctum atque  
 confectum & in succum ac sanguinem conversum est,  
 aqua-

æquabiliter distribuat ac differtiat, atq; id, quod cuique  
 parti aptum & accommodatum est, & quantum opus  
 est, tribuat, neq; alias partes tumidas & redundantes,  
 alias exhaustas & erectas esse patiatur: facile intelli-  
 gimus, hæc tam admirabilis fabrica corporis nostri  
 quantam deformitatem habitura & quam citò ruitura  
 sit. Atq; hæc in corporibus. Quid in animis? quantum  
 bonorum à iustitia, quantum malorum ab iniustitia ef-  
 fici creditis? In quibus cum pars una sit, qua intelli-  
 gimus, qua ratiocinamur, qua proximè ad divinam natu-  
 ram accedimus: altera, quæ rationis ipsa quidem, per se  
 particeps nō est, sed obtemperare tamen rationi potest:  
 cum quod fieri ius est, id sit, hoc est, cū pars illa superior  
 imperat, & tanquam habenas tenens, currum regit: pa-  
 ret altera, & quò illa cumq; ducet, sequitur: tum omnis  
 honestas, omnis dignitas, omnis officii ac virtutis splen-  
 dor elucet. At cum ex cunctis ac decepta rationis iugo, cu-  
 piditas quasi seditiosus aliquis ac turbulentus civis,  
fasces arripit, in arcem invadit, mentem de sua sede con-  
tra ius fasq; deturbat: tum, ut navis discordibus acta  
 ventis: sic hominis vita contrariis & inter se pugnantibus  
 sed dissimularum libidinum flatibus agitata, in omnem  
 scelerum ac flagitiorum turpitudinē præceps ruit. Ipsis  
igitur cunctis animarū & corporum nistrorū inter se par-  
tibus, ut utrisq; benè ac beatè sit, iustitiam quandam in-  
tercedere necesse est. Sed idem in societatibus con-  
stitutisq; hominum multò evidentius, multoq; illustrius cernitur.  
Quomodo enim patrifamilias cum uxore, cum liberis,  
cum servis quæ primæ conjunctiones sunt, convenire  
poterit: quæ eis omnibus vita erit, nisi & ille iustè im-  
peret, & hi iustè pareant? Si vir in uxorem injurius &  
contumeliosus esse velit, neque eum pro comite indivi-  
dua vitæ, pro divinarum humanarumq; omnium

sed pro scorto aut pro ancilla habere si uxor sua dome-  
 stica curatione non contenta, implicare se aliis rebus et  
 viri partes praeferre conetur: neque se ei morigeram  
 praebeat: si uterque liberos in servorum, servos in pecu-  
 dum loco ac numero habeat, duriorque eos quam ius est  
 imperio premat: si liberi parentum, servi dominorum  
 imperium detrectent, eisque obtemperare ac dicto au-  
 dientes esse abnuant: quis non videt, nullam in domo ita  
 instituta concordiam, nullam benevolentiam, nullam a-  
 nimorum voluntatumque consociationem, plena perpetuam  
 omnia rixarum, discordiarum, querelarum, contentio-  
 num fore? Ut in qualibet solitudine, in quamlibet vastis  
 ac desertis, et ab omni hominum cultu ac consortio re-  
 motis locis suavior vita, quam in ea domo, unde iustitia  
 exsulet, esse videatur. Ita omnem fructum, omnem dul-  
 cedinem, omnem amabilitatem vitae, vitam denique ipsam  
 tollit et vita, qui iustitiam tollit. Egre diamur, si videretur,  
 domo: et in forum ac publicum prodeamus. Quis est  
 omnium, qui eum, quem iniustum esse opinetur, aditus,  
 congressione, sermone dignum iudicet? quin eum, quasi  
 maleficum aliquod et noxium animal, refugiat, aver-  
 setur, odio habeat? quin ejus concursus durum sibi ac  
 tetrum atque ominosum putet? Quamvis enim omnia vi-  
 tia bonis viris odiosa atque invisa sunt: tamen iniustitia  
 praecipue alienat ab eis in quibus est, atrox animos:  
 omniumque sibi odia conflatur, conciliatur, colligit. Ceteris vi-  
 tiis affectus aliquo modo ferimus: quibusdam ignosci-  
 mus: quibusdam non nimis offendimur, quibusdam in  
 hac vita ac morum corruptione etiam oblectamur: pro-  
 digos multi amant: avaros tolerant: multos aliena in-  
 temperantia non offendit: qui voluptates nimis refu-  
 giant, etiam severitatis ac castimonie laudem ferunt:  
 audacium in bello interdum aliquis usus est: timidus et  
 nimis

nimis cupidis vita ignescitur: injustus communi omnium mortalium odio flagrat: suis, alienis, civibus, peregrinis, notis, ignotis juxta omnibus invidus, exosus, intolerandus est. Itaque etsi illud omnibus à natura tributum est, ut raris suis vitia agnoscant, eaq̃ modis omnibus tegere & occultare tenentur, aut etiam eis virtutum nomina imponere: ut se prodigi pro liberalibus, avari pro parvis ac frangi, timidi pro cautis ac consideratis, audaces pro fortibus haberi & prædicari velint: facilius tamen reperiatis, qui se avarum, timidum, audacem, libidinosum, quam qui injustum esse fateatur. Quin etiam ceteris vitis suis hanc aut defensionem aut excusationem prætere ac prætexere consueverunt, se in neminem invidiosum esse. Avarus sum fateor: sed ite, ut mea conseruem, suo neminem fraudem. Prodigus: sed cui, ut largiar, eripio? in quem contumeliosus sum? Indulgeo voluptati, hilarare viro: quidquid animo meo collubum est, facio: sed quid tum postea? mea libidines nemini nocent. Et ita ille apud Terentium homo impurissimus:

*Leno, inquit, sum, fateor: perniciēs communis adolescentium:*

*Perjurus, pestis, tamen tibi à me nulla est orta injuria.*

Ridete, quàm odiosa, quàmq̃ abhorrens à natura sit injustitia: quàm turpe atq̃ invidiosum injuriam facere: cum qui negare non possunt alios se vitis implicatos atque illaqueatos teneri, dum hoc careant, ferri se non posse tantum, sed propemodum etiam debere arbitrentur. Civitates verò & regna & imperia, quæ res alia nisi justitia aut initio fundare ac constituere, aut postea tam multa secula conservare ac propagare potuissent? Nam & convenerunt homines, & viam unam colere de-



creverunt, cum se a quo jure usuros, & quod suo sibi labore peperissent, eo sine metu fruturos esse, neq; manibus magis, quam legibus à vi atq; ab injuria tutos fore considerent: & quamdiu id obseruatur, tamdiu amici inter se ac concorditer vivunt: simul atq; ab aequitate, disceditur, partes, factiones, secessiones, seditiones, & bella civilia existunt. Praclare, ut omnia Euripides;

Custodia legum civitates continet.

Idemq; alio loco ait, justitia neglectum plerisq; civitatibus exitiosum esse. Justitia civitates à parvis & humilibus profectae principii brevi tempore ad magnam potentiam pervenerunt: injustitia florentissima & opulentissima breviori tempore funditus conciderunt. Neg enim adamantinis illis vinculis, quae Dionysius senior crebro in ore habebat, vi atq; metu, sed justitia & aequitate magna imperia retinentur. Quare sapiens Perseus ei ex regis liberis, qui natu maximus erat, quique in spe regni educabatur, cum alios ad virtutem magistros dabant, tum unum imprimis, à quo justitiam doceretur. Pedalios etiam in licam gentem literis praeclatum est. in sacris publicis nihil aliud à Diis, quam justitiam petere solitos esse: quod eam si consequerentur, affatim sibi bonorum omnium putarent fore. Justitiam enim & perpetuas illius, ut Poëta loquuntur, sive comites sive soceros, veritatem & fidem, pacem & amicitia, & bonarum artium cultus, & omnium rerum expetendarum abundantiam consequitur. Eam si colerent omnes, nunquam tuba nunquam litui audirentur: arma aut exederentur, rubigine, aut in ligones ac vomeres conflarentur: belli, dissensionis, inimiliarum ne nomina quidem hominibus cognita essent. Quod scite sanctus, & ex patriae suae consuetudine Agesilaus expressit: ex quo cum quaesitum esset, utra esset virtus praestantior, justitiane an fortitudo;

sudo: hæc, inquit, sine illa tantum ad perniciem valet:  
at, illi si pareant omnes, huius usus nullus futurus est.

Tutus hos etenim rura perambulat:

Nutrit rura Ceres, almaq; Faustitas:

Pacatum validant per mare navitæ:

Culpari meruit fides,

Nullis polluitur casta domus stupris:

Mos, & lex maculosum edomuit nefas:

Laudantur simili prole puerperæ:

Culpam pœna premit comes.

Quemadmodum suavissimè cecinit Horatius: ubicun-  
que iusticia dominatur, illinc fraudes, illinc doli, illinc  
perjuria exsulant: non adulteri, non raptores, non fu-  
res, non sicarii, non venefici, non latrones, non testamen-  
torum subiectores, non obseffores itinerum reperiun-  
tur: ea deniq; propemodum eveniunt, quæ aurea æta-  
tis hominibus evenisse memorantur. Nam ne tum qui-  
dem aliam ob causam:

Ver erat æternum placidumq; tepentibus auris

Mulcebant Zephyri natos sine semine flores:

Nec renovatus ager gravidis canebat aristas,

quàm quoniam homines,

Sponte sua sine lege fidem rectumq; colebant.

Neque enim debemus illa Poëtarum figmenta, tanquam  
inania modò quædam aurium oblectamenta accipere:  
sed ex eis discere, Deum ipsum favere hominibus iustis:  
eorum labores fortunare: eorum conatus ac consilia  
ad bonos exitus ducere. Nam neque dictu, neque co-  
gitatu fas est, eum, qui summè iustus est, aut ipsa po-  
tius iusticia, non esse amicum, benevolum, propitium  
iis, qui ad iustitiam omne suum studium conferant, eam-  
que toto pectore sequuntur. Itaque Hesiodus quoque,

non tantum aureus & ad verbum ediscendus Poeta, verum etiam Ph. Lysiphus imprans bonus multis verbis persequitur, ac percellit ea bona, quae à Deo tribuuntur cultoribus iustitiae, contraque eas, quae ab iniustis & civitatibus inferuntur calamitates. Illorum enim urbs lætas florere populis, nunquam bello, nunquam fame, nunquam aliis evasendi pestibus constiteri: hos & fame, & peste, & bello, & aliis innumerabilibus malis iniustitia sua penas dare Regulam verus ipsos: nisi Græca quidem huic sermone admiscere nollem: Latine autem me inaffectatam quandam illorum iucunditatem pari gravitate coniunctam assequi posse diffiderem. Quod si hæc non essent, sicque iniusti quidem abundarent omnibus copiis, in summa opum atque honorum affluentia viverent, fortunam sibi arbitrio suo fingerent ac temperarent: iustos a, odium, contemptus, egestas, exilia, orbitates, damna omnia sequerentur: tenere tamen mordicus deberemus id, quod à Pluone divinitus & religioni nostræ convenienter traditum ac disputatum est, iustus etiam si omnes fortune acerbitates excipiant, semper beatos, iniustos etiam in maximis prosperitatibus secundissimisque rebus infelicissimos esse. Dixi de iniustis, non quaecumque poteram: neque enim id tempus fuit, neque omnia in unum locum congerenda ac semel effundenda erant: sed ex infinita copia eorum, quae dici possunt, quantum satis esse hodiernæ disputationi iudicavi: quotidie autem, ut spero, plura & meliora dicentur. Nunc, quod interdum discreti homines facere animadverti, ut cum ad clausulam orationis ventum est, illi, de quibus egerunt, breviter ac summum colligant, quo ea in uno conspectu posita altius in audientium animis ac memoria insigant: id ego quoque facere cupio: sed quia ejus artis magistri singularis cujusdam

arti-

art. fici eam rem indigere ajunt, quod mihi deest, ab  
 alio mutuabor, recitaboq; vobis verba quaedam Poli  
 Lucani nobilis Philosophi, unus ex illis veteribus Py  
 thagoreis, qui tenuerunt eam partem Italiae, quae ma  
 gna Gracia vocabatur. Quibus verbis summa eorum  
 omnium, quae à me hodie dicta sunt, continetur. *Justitia*,  
 inquit, *ceterarum omnium virtutum parens, & altrix*  
*vocanda mihi videtur: neque sine ea fieri posse, ut quis-*  
*quam aut temperans sit. aut fortis, aut prudens. Est*  
*enim harmonia quaedam & pax totius animi cum apto*  
*& composito motu. Illius autem quanta sit vis, magis*  
*& ceterorum habituum inspectione cognosci potest. Nam*  
*ceterorum utilitates ad unum modum pertinent: hujus*  
*ad omnia, quae composita sunt, & ad multitudinem. Ea*  
*igitur in mundo quidem prov. dentia vocatur, & har-*  
*monia, & iudicium, & mens Deorum, qui ita statue-*  
*runt. In civitate autem pax & bona legum constitutio*  
*merito dicitur. In privata domo, viri quidem & uxoris*  
*mutua concordia, servorum autem in dominos bonus*  
*animus, & vicissim in dominis amica & benevola ser-*  
*vorum procuratio in corpore autem & animo, primum*  
*quidem ea, quae omnibus carissima sunt, vita, & bona*  
*valetudo, & integritas virium: tum autem sapientia*  
*omnisq; scientia. Quae igitur una & totum & partes ita*  
*regit & servat, efficient omnia inter se concordia &*  
*amica, quid ni communis omnium parens & altrix o-*  
*mnium suffragis pradicetur? Hec ille. Ego autem ad*  
*hujus virtutis translationem & cognitionem, & ad has*  
*pulcherrimas animorum opulas nobis omnibus ab A-*  
*ristotele paratas vos, auditores, voce, Cogitate, quid*  
*agatis. Virtus qua de agitur, praestantissima est. Qui de*  
*ea scripsit, Philosophus praestantissimus. Unum ex me*  
*quoque tertium argumentum sumi posset ad animos*  
 vestros



vestros excitandos. *Sed, quò minus doctrina & ingenio valeo, eò plus laboris ac diligentiae afferam.* Nullus autem est, quin adhibito labore efficere aliquid & navare possit. Multum à me operæ jam pridem in hoc libro positum est: multæ noctes vigilatæ, ut ad illius intelligentiam pervenirem: præcipuè olim, cùm in juris civilis studia incumberem: ad quæ hunc librum mirificè utilem esse intelligebam. Non puto me usq; adhuc valde fefellisse vestram de me opinionem, neque sepe id, quod pollicitus sim, non præstivisse. Mihi credite, si quantum ego ad docendum, tantam vos ad discendum diligentia afferetis, efficiam, ut multos magnosq; fructus ex hujus libri cognitione capiat. DIXI.

## De sui cognitione, deque omnibus humani animi facultatibus.

tibus.

### ORATIO X.

HABITA ROMÆ IV. ID. NOVEMB.  
Anno cIo Io LXV.



ROESUM olim Lydorum Regem opulentissimum petendi oraculi causa, Delphos misisse accepimus, qui sciscitarentur ex Deo, non leve quiddam & nugatorium, ut antea, cùm clam in eodem abeno testudinem simul & agnum coquens, experiri voluerat, nunquid eorum, quæ agerent homines, Deum lateret: neq; quid se facere oporteret, ut ex se procrearet liberos: neq; ecquid adversus Persas bellum suscipere deberet, neq; deniq; quidquam simile eorum, quæ prius quaesierat: sed rem omnium multo maximam, multoq; dignissimam, in qua cognoscenda plurimum ab omnibus operæ ac studii colloqueretur: quomodo

feli-

felicitatem consequi, & quid agens, id quod supererat  
 ætatis beatissimè transigere posset. Sapienter hoc qui-  
 dem, & non pro eâ, qua plerisq; in aliis rebus usus est,  
 inconsiderantia & temeritate: quod de via, quæ ad sum-  
 mum bonum ferret, neq; statuendum sibi ipse, neq; cujus-  
 quam hominis fidendum consilio, sed Deum consulendū  
 judicavit. Responsum autem ei redditum est planè præ-  
 clarum, & illa, quæ tūc de Apollinis sapientia erat, opi-  
 nione dignissimum: non si maximos auri argentiq; acer-  
 vos exstrueret, non si multos exercitus aleret, non si  
 terminos imperii sui longè lateq; proferret; sed si se ipsa  
 cognosceret, ita demum beatum fore. Jam etsi apud nos,  
 qui vera religione inbuti sumus, nihil Apollinis valere  
 debet auctoritas: tamen ejusmodi oracula, quæ præce-  
 ptum aliquod utile ad instituendā vitam continent, ama-  
 re & magnificere debemus. Constat enim, ea nihil esse  
 aliud, quàm insignes quasdam & eximias sapientissimo-  
 rum hominum sententias; quæ quoniam divinitus im-  
 missa in eorum animos videbantur, ad Deum refereban-  
 tur auctorem. Quoties igitur audimus Apollinem respon-  
 disse Cræso, beatum eum fore, si se cognosceret: quoties  
 præceptum eadē de re in templo Delphico inscriptum  
 fuisse legimus: toties illud cogitare debemus, magnum  
 quoddam bonum esse cognitionem sui: cū inter omnes  
 homines omnium ætatum sapientes viros convenerit, in  
 eo positum esse fundamentum felicitatis: neq; ulla re u-  
 numquemq; nostrum in plura aut graviora mala, quàm  
 sui ipsius ignorance, prolabi. Quod cū ita se habeat, om-  
 nibus virib; elaborandū est nobis, ut cognitionē nostrā  
 quando tantū in ea momenti ac ponderis ad beatam viā  
 sitū est, consequamur. sed in hac re illud primū viden-  
 dum est, quid sit nescire, eò secus quàm oportet, acce-  
 pto errore aliquo impletemur. Fieri n. prorsus nō potest,

ut re-

ut resẽ id faciamus, quod iubemur, nisi prius, quid iubeatur, intelligamus. Hoc autem non alius melius nos, quam Plato docuerit: apud quem Socrates in Alcibiade primo multa disputat, quibus hominem animum esse, non corpus ostendit. Semper enim id, quod aliqua re utitur, ab eo, quo utitur, aliud esse. Uti autem homines & paribus corporis sui, ut manibus pedibusque, & toto corpore, ex quo effici, ut, quantum inter hominem & instrumentum interest, tantum inter artificem & corpus intersit: quam sententiam & Aristoteles libro decimo Ethicorum comprobavit, & apud Ciceronem libro sexto de Republica his verbis Africanus expressit: *Mens cuiusque is est quisque, non ea figura, quæ digito demonstrari potest. Quod si homo non corpus est, sed animus: qui iubet, ut nos ipsos noscamus, illud videlicet iubet, ut noscamus animum nostrum. Atq; hoc à Platone acceptum ita extulit idem Cuius lib. Tusculanarum disputationum. Et illud quidem vel maximum, animo ipso animum videre: & nimirum hanc habet vim præceptum Apollinis: quo monet, ut se quisque noscat. Non enim credo, id præcipit, ut membra nostra, aut staturam figuram venosam: neque nos corpora sumus: neque ego tibi hæc dicens, corpori tuo dico. Cum igitur, Nosce te, dicit, hoc dicit, Nosce animum tuum: nam corpus quidem quasi vas est aliquod animi aut receptaculum. Duo sunt, quæ habemus probare studiumus: eximum quoddam bonum esse cognitionem sui, & nosse se nihil esse aliud, quam nosse animum suum. Nunc antequam progrediamur ulterius, illud admonendi estis, unam eandemque rem non uno eodemque modo à diversis artificibus considerari. Angulum rebus, aiebat Aristoteles primo horum librorum, alia ratione considerat Geometres, alia Faber. Sic & hominem aliter Medicus, aliter*

pistor;

*Homo est  
corpus*

pictor; & animum hominis aliter Physicus considerat,  
 aliter Politicus. Physici, quæ sit animorum natura,  
 quarunt: simplex, an composita atq; concreta: corporea,  
 an expers corporis, mortalis & caduca; an immortalis  
 & æterna: si ne totus animus in qualibet parte corpo-  
 ris, an unaquæq; illius facultas suam in corpore sedem  
 quasiq; domicilium habeat à cæteris secretum ac sepa-  
 ratum. Nos quæcunq; de iis & talibus ab eis, duntaxat  
 religioni nostræ consentanea, traduntur, tanquam vera  
 & indubitata ponentes, animum eâ tantum ratione con-  
 sideramus, quæ vel depravari & corrumpi vitiis, vel  
 virtutibus perfici & ad Dei similitudinem, quantum  
 natura patitur, perducipotest. Quare cum hodiè nobis  
 illud propositum sit, ut ex Aristotelis in iis libris, qui ad  
 moralem Philosophiam pertinent, sententia; de animi  
 humani partibus, deq; uniuscujusq; illarum perfectione  
 verba faciamus, (hoc enim potissimum modo præparan-  
 dos esse vos duxi ad cognitionem & intelligentiam eo-  
 rum, quæ in hujus sexti libri explicatione tradentur)  
 certos quasi cancellos circumdabimus orationi nostræ,  
 eamq; suis regibus ac terminis circumscribemus,  
 ut ab iis, quæ Physicorum sunt abstinentes, ea tantum,  
 quæ ad munus nostrum propriè pertinent, explicemus.  
 Hoc loco propè supervacaneum esse judico, petere à vo-  
 bis, ut me attentè audiat. Certè enim ea vobis causa  
 hûc veniendi fuit. Et ut ridiculus fuerit balneator, si  
 quos lavandi causa in balneas ingressos videt, ab eis  
 multis precibus petat, ut laveat; ita ego mihi videor ri-  
 diculus fore, quod facturi hûc convenistis, id est, ut facia-  
 tis, vos rogem. Oratorum iste mos est, qui, etiam cum  
 exploratum habent, se attentissimè auditum iri: tamen  
 attentionem petunt: non quod opus esse eo putent, sed  
 quoniam, si aliter fecerint, ad versus artis suæ præcepta  
 fecisse



fecisse se putant. Meum est conari, ut auditu digna adferam; vestrum, ne ea prætervolare patiamini, sed singula diligenter expedientes, penitus demittatis in animos vestros. Mihi, ut ne ad id, quod mearum partium est, præstandum imparatus venirem, provisum est: vos quæque ad me, quæ soletis benignitate & attentione audiendum satis vestrapte sponte paratos esse confido. Animi nostri sive partium, sive facultatum bipartita divisio est. Partim enim ipsarum ratione præditæ sunt, partim rationis expertes. Ac ratione quidem præditas eas vocamus, quæ ex omni animantium genere in solis hominibus; rationis autem expertes, quæ etiam in bestis atque ex aliqua parte in stirpibus reperiuntur. Rationis expertes (ab eis enim exordiri & ab infimis quasi per gradus ad summa contendere decrevimus) duplicem ipsæ quoque habent varietatem. Aliæ enim sunt, quæ vitam continent; aliæ, quæ animal constituunt. Quæ vitam continent, tres sunt: quas illa & in rebus inveniendis acutissima, & in eisdem appellandis disertissima Græcorum natio vocat τὸ δεῖν πρὸν, τὸ αἰετῆρον, τὸ ἰσχυρὸν. Nos quia vetera quidem Romana vocabula, quibus hæc exprimamus, non habemus, his autem, quæ postea cusa sunt, uti propter quandam, ut verum fatear, stultam & ineptam religionem non audemus, unum in plura spargere, ac diducere cogimur, dicimus vim nutriendi, vim augendi, & vim procreandi. Hæc omnes non in animalibus modò sunt, verum etiam in stirpibus. Quæ autem constituunt animal, duorum ipsa quoque generum sunt. Partim enim cognitione quadam & apprehensione, partim appetitione & declinatione cernuntur. Illas *νοῦστας* Græci, has *ὀρεσνάσας* vocant. *νοῦστας* in animalibus sunt duæ, sensus & phantasia: utendum enim est hoc, quando Latino caremus.

Sen-

ensibus apprehenduntur singula tantum, non etiam u-  
 versa, nisi quatenus sunt in singulis. Non enim lapidem  
 at lignum propriè ac per se videmus, sed hunc lapidem  
 & hoc lignum: aut potius neq; hunc lapidem neq; hoc li-  
 num, sed huius lapidis aut ligni colorem. Sensus enim  
 non percipit essentiam, ut Ciceronem locutum esse ajunt,  
 ive, ut posteriores locuti sunt, substantiam: sed ea tantum,  
 quæ ei adjuncta sunt: neq; resam aut videmus, aut olfa-  
 cimus, sed rosæ odorem olfacimus, colorem videmus.  
 Sensus autem sunt, ut notum est, numero quinque: quo-  
 rum tactus in omnibus est animalibus, ceterum alii in  
 aliis desiderantur. Phantasia rerum sensu perceptarum  
 formas quasdam, & ut Græci loquuntur, typos recon-  
 dit ac continet: ac præterea judicat de quibusdā, de qui-  
 bus sensus exteriores judicare non possunt: ut hoc flavū  
 esse dulce: & hunc, qui accedit, esse Socratem. Sensus in  
 eo, ad quod propriè percipiendum aptus est, nunquam  
 fallitur: dum & intervallum moderatum sit, & instru-  
 mentum, & id, quod interjicitur, probe affectum. *As*  
 phantasia sæpè fallitur: ut cū in picturis eminere vi-  
 dentur, quæ plana sunt: ut cū remus in aqua inflexus  
 videtur: ut cū canis *Æsopeo* imago carnis in aqua caro  
 videbatur. Hanc inesse in bestiis vel ex eo cognoscimus,  
 quod earū pleræq; & meminerunt & somniant: ut equi,  
 ut canes: quorum neutrum sine ea, de qua loquimur, fa-  
 cultate facere possent. Ex eis nascitur illæ, quas in per-  
 sequendo fugiendoq; cerni, & Græcis *ἰσχυράς* vocari  
 diximus. Nam cū omnem sensum voluptas aut mole-  
 stia comitetur: quarum altera naturæ consentanea &  
 amica est, altera adversa & inimica: fit, ut nullum ani-  
 mal sit, in quo non insit naturalis appetitio eorum, quæ  
 jucunda, & fuga eorum, quæ molesta esse videantur.  
*ἰσχυράς διδάσκει* Aristotelis Interpretes *Ἰαμβλίους*,  
 H 2 En-

Eustratius, & alii vulgè duas tantum faciunt, improprie  
 & iuvor. Sed intelligendum est, in omnibus animalibus  
 existere, & ex bono presenti lætitiā, & ex eo, quod  
 nondum adepti sunt cupiditatem, & ægritudinem ex  
 presenti malo, & metum ac declinationem si mali quid  
 imminere videatur. Hæc Stoici ut ne tertio ab hinc an-  
 no ex hoc ipso loco dicere memini, propria beatiis, non  
 ei cum cæteris animalibus communia esse voluerunt.  
 Neque enim metuere bestias, sed quasi metuere, nec cu-  
 pere, sed quasi cupere: eodemq; modo neq; vera ipsas  
 lætitiā, neq; vera molestia affici, sed utriusq; imaginem  
 modo quandam ac similitudinem habere. Quam opinio-  
 nem ut stultam & deliram exagitant Plutarchus, Ga-  
 lenus, Porphyrius, & alii. Sed Stoici, si dogmatum suo-  
 rum constantiam ac convenientiam retinere ac conser-  
 vare vellent, ita dicere necesse habebant. Hæc enim o-  
 mnia ita definiiebant, ut ex opinione nasci dicerent: ex  
 opinione boni presentis, lætitiā; ex opinione mali præ-  
 sentis, molestiam; ex opinione boni imminētis, cupidita-  
 tem; ex opinione mali imminētis, metum. Cum igitur  
 opinio in solis sit hominibus, sequebatur, ut ea quæque  
 hominum propria essent. Sed verius est hæc omnia con-  
 venire etiam in bestias: neque ex opinione tantum con-  
 sistere, sed etiam ex sensu aut phantasia boni malivæ  
 aut presentis aut imminētis. Omnes igitur illæ facul-  
 tates, de quibus hætenus diximus, in multis quidem  
 animalibus ita sunt rationis expertes, nullam ut pro-  
 priam cum ratione habeant aut communionem, aut socie-  
 tatem. In homine ea, quæ Græcorum lingua ὁρῶνται no-  
 minantur, etsi ratione prædita non sunt, rationem ta-  
 men audire, & ejus obtemperare imperio possunt. Quo-  
 rum utrumq; nobis paulò enucleatius explicandum vi-  
 detur. In eis igitur non inesse rationem, ex eo quivis  
 facile

facile intelligat, quod ratio ipsa secum pugnare non potest: ut saepenumero latitiam, molestiam, cupiditatem, necnon rationi adversari videmus. Rursus, esse iis omnibus aliquam cum ratione communionem, id indicio est, quod suscepti prae rationem animi motus, ratione adhibita, aut disponuntur, aut mitigantur. Itaque recte ex Aristotelis sententia dicitur, τὸ τῆς ἡμετέρας ψυχῆς ἄλογον διττὸν εἶναι, τὸ μὲν ὅτι αὐτῆς ἀπὸ τοῦ ἄλογον εἶναι, καὶ ἔστιν ὅτι περὶ λόγου συνίστην τὸ δὲ ἄλογον ὡς εἶναι, φύσιν, καὶ ἔστιν ὅτι περὶ λόγου. Hec Latine ita expeditur & ut ita dixerim, rotundè explicari non possunt. Sed nihil difficile amanti,

Libenter hos & omnem militabitur

bellum in vestrae spei gratia. Conabor, si qua ratione possim, haec ita Latine eloqui, ut intelligantur. Earum animi nostri facultatum, quae ratione carere dicuntur, duplex ratio est. Quaedam ita sunt rationis expertes, ut nulla prorsus eis intercedat cum ratione communio: Tales autem sunt quinque, vis alendi, vis augendi, vis generandi, sensus, & phantasia. Nam haec omnes & communes nobis sunt cum multis animantibus, & ratione nulli modo dirigi possunt. At eae duae, quarum in altera vis est concupiscendi bonum propositum, eiusque ademptione gaudendi, in altera declinandi malum imminens, & eo cum jam urget, dolendi, suapte quidem natura rationis expertes sunt, sed quodam modo tamen rationis participes dici queunt. Quibus eas argumentis rationis expertes esse cognoscimus? Primum quod his omnibus modis afficiuntur etiam bestia. Nam & concupiscunt, & latantur, & metuunt, & dolent. Deinde quod saepenumero cum ratione pugnant, ut cum incontinentem aliò ratio, aliò cupiditas trahit. Qualis est Ovidii Medea, quae se ait videre quidem & probare meliora; deteriora autem sequi. Nullo autem modo fieri



poteſt, ut eadem animi pars eodem tempore in contra-  
rias partes trahat. Quare cū aliò ratio, aliò cupiditas  
trahit, facile intelligitur, aliam à ratione eſſe cupidita-  
tem. Unde igitur colligimus, eas eſſe tamen in homi-  
nis rationis quodammodo participes? quoniam eas rationem  
audire imperium, eiꝫ parere interdum videmus. Aga-  
memnoni apud Homerum irascitur Achilles: multa ira-  
tus dicit, quæ neque eum, cui dicuntur, neque eum, à quo  
dicuntur, decent. Hinc cognoscas licet, iram à ratione  
alienam eſſe. Cū jam eò proceſſiſſet, ut ſtriſto gladio im-  
petum in Agamemnonem facere pararet, prohibet ra-  
tio: quam enim aliam accipiamus Pallada? Atque illi  
Achilles divinam illam & nunquam delendam ex ani-  
mis hominum ſententiam proferat:

ἀλλ' ἴδῃ σφωίτερόν γε ἦν ἐπὶ εἰρύσσει.  
καὶ μάλα περ τοῦδ' κεχολωμένοι. ὡς δ' ἄμεινον.

Homini quantumlibet irato, rationem tamen audien-  
dam, ejusꝫ obsequendum imperio dicit: id enim ſatiſ  
eſſe. Poſſe igitur iræ ſurentis impetus ratione cohiberi.  
verè dictum eſt ab antiquo Poëta, morbis hominum  
rationem mederi. Sic qui gaudent dolent re, quibus non  
oportet, aut plus minusve, quàm oportet: eodemꝫ modo  
qui aut cupidi ſunt, aut timidi, aut contrariis vitiis la-  
borant, rationis imperium accipere & conformare ſe  
ad illius præcepta poſſunt. Atq; hoc eſt, quod Ariſtoteles  
primo horum librorum dicebat, illam animi partem ra-  
tione quidem carere; ſed tamen quodammodo participem  
eſſe rationis. In ea igitur ſunt omnes eæ virtutes, de quibus  
in ſuperioribus libris diſputatum eſt: quæ uſitate  
jam & recepto vocabulo mortales nominantur. Sequi-  
tur nunc, ut eam animi partem conſideremus, quæ ſuapte  
natura ratione prædita & hominum propria eſt: cuius  
etiam ipſius vires ac poteſtates antiqui duorum generum  
eſſe dixerunt, quæ ſemper in malis, de re & d  
remus. & inveniuntur  
tamen de  
rationem,  
& in, que  
licet, Men  
magna qu  
oculum in  
annus, que  
mus, ſenſu  
ſenſus, ita  
que ſunt  
ſupra om  
Dens: app  
materie ſe  
que illius  
modi, que  
in intum  
abdicat &  
& ab on  
quandam  
cū ſe ap  
tiocinand  
xii ac con  
virtutum  
ſoſuer Gra  
ſecta ead  
carit ſive

esse dixerunt: *Appetitionis duas, voluntatem & concupis-*  
*centiam, quam vulgò electionem vocant: quarum voluntas*  
*semper tendit ad bonum, concupiscentia variat, & modò bo-*  
*na malis, interdum etiam mala bonis anteposit.* Sed hac  
 de re & diximus multa, cùm librum tertium expli-  
 cemus, & in librum septimum, ubi de continentia incon-  
 tinentiaq; d. disputabitur, plura dicenda erunt. Tres cogi-  
 tationis dōgma, id est, opinionem: *Ἀπόνοια*, quam mentis agi-  
 tationem, Cicerone, nisi fallor, auctore vocare institui:  
 & *ἔσθ*, quem aut mentem, aut intelligentiam vocemus.  
 licet. Mentis cum sensu, ac præcipuè cum sensu oculorū  
 magna quadam similitudo est: unde & sæpè Aristoteles  
 oculum mentis vocat: & dictum est id esse mentem in  
 animo, quod oculum in corpore: & ut suo loco ostendi-  
 mus, sensum ac mentem interdum confundit. Ut enim  
 sensus, ita mens quoq; extremorum est: sed sensus eorum,  
 quæ sunt inferiora demonstratione, mens eorum, quæ  
 supra omnem demonstrationem. Mente apprehenditur  
 Deus: apprehenduntur mentes illæ ab omni contagione  
 materiæ separatae: apprehenduntur mundi, & eorum,  
 quæ illius ambitu continentur, primordia, cæteraq; ejus-  
 modi, quæ multis magnisq; obscuritatibus involuta &  
 in intimis rerum omnium parentis naturæ recessibus  
 abscon- & reclusa, iis demùm perfectè patent, qui puro  
 & ab omnibus libero cupiditatibus animo, cælestem  
 quandam in terris vitam agunt. Ad illud mentis lumen,  
 cùm se applicuit, & admoritur *Ἀφροίτα* in qua inest vis ra-  
 tiocinandi, & ex aliis alia colligendi, ex eorum comple-  
 xu ac conjunctione existit, & exoritur illa omnium  
 virtutum suprema, quam magnificentissimo vocabulo  
*σοφία* Græci, Latini Sapientiam, nominarunt. Ea per-  
 fecta cadere in hominem non potest: restatque judi-  
 cavit sive *Thales Milesius*, sive quis alius (non enim

inter omnes convenit) solum Deum esse sapientem. Sed tamen priscis temporibus, qui de Deo rebusq; divinis, qui de mundi origine, qui de abditis rerum causis disseriebant, earumq; rerum cognitione ceteris excellere videbantur, eos sapientes vocabant. Sapientiam autem esse dicebant cognitionem divinarum humanarumq; rerum, & causarum, quibus ea continentur. Primus Pythagoras arrogantiam verbi fugiens, non Sophon se, id est, sapientem, sed Philosophum, i.e. sapientiæ amantem esse professus est: ab eoq; deinceps qui se isdem, quibus ille studium dederunt, Philosophorum appellationē retinuerunt. At mente in rebus tam sublimibus, tamq; arduis uti, paucissimis hominibus datū est. Pleraq; pars in fœdissimo eodemq; tenacissimo corporearum cupiditatum cæno hærentes, & quasi clavis quibusdam, ut Plato loquitur, terræ affixi, ad divina & cælestia ne aspirare quidem possumus. Quod cum ita sit, in omnibus tamen hominibus lucent quasi sentillæ quædam illius luminis: quibus sit, ut principia disciplinarum, & communes illas sententias, quas ~~ἀρχαίαι~~ aut ~~κοινὰς ἐντάλεις~~ vocant, ita videamus, quasi ea, quæ cernuntur oculis, eisq; sine causa firmius etiam ac certius quàm iis, quorum causam et nemus, assentiamur. Ad quas cum se admovit ~~ἀλόγοις~~, & ex illis alia quædam necessariò colloqu, efficitur ~~ἐμμένον~~, id est, scientia, quam esse ajunt cognitionem rei per primam, propriam & necessariam causam. Quid mens propriè, quidq; ~~ἀλογία~~ sit, diximus, simulq; paucis tam sapientiæ tùm scientiæ originem ostendimus. Quarum utraq; ad eam vim mentis pertinet, quam Græci ducto à contemplatione vocabulo ~~θεωρητικὸν~~ vocant. Est enim & altera, quæ ab iis dicitur ~~ὑποθετικὸν~~, aut latiori nomine & aptiori ad omnia complectenda, ~~ἐπιστήμη~~, quasi tu dicas mentem, quæ non simplicem, ut illa,

illa, v  
seat, se  
ad op  
videm  
munes  
peten  
minun  
ab ini  
itemq;  
ad vi  
primu  
alia ex  
tim lo  
accur  
rum,  
omni  
nesta  
virtut  
excog  
ille, q  
dè ca  
mutu  
nus p  
incert  
men e  
frenat  
omnia  
pro sa  
mines  
fissimo  
incert  
tur: m  
ratio

illa, veritatem sibi propositam habeat, in eaque acquiescat, sed referatur præterea aliò, ut ad actionem, aut ad operis alicujus molitionem & effectiorem. Hac autem videmus duce natura, aut certe facile percipimus communes quasdam sententias de rebus bonis & malis, expectendis & fugiendis: cujusmodi sunt, tuendam esse hominum inter ipsos societatem: colendam esse justitiam: ab injuria abstinendum: vim vi repellere jus fasque esse: itemque alias, quæ quasi principia sunt ac semina artium ad vitam necessariorum. Ad hæc principia, cum accessit primum *Algebra*, quæ, ut dixi, alia cum aliis comparans, alia ex aliis necitens progreditur ac provehitur paulatim longius: deinde diuturnus usus & experientia cum accurata & diligenti animadversione ac notatione eorum, quæ eveniant in vita, existit illa magistra vitæ, omnium bonorum consiliorum præceptrix, omnium honestarum actionum moderatrix, omnium moralium virtutum dux gubernatrixque prudentia: eademque illa vi excogitata, aucta, & ad summum perducta sunt artes illæ, quibus aut nullo modo, aut certe non satis commodè carere poteramus. Reliqua est opinio, varium & multiforme monstrumque non Proteus aut Vertumnus plures induerit species. Quanquam enim in rebus incertis & fortuitis proprium illius munus est: non tamen eis se finibus continet: sed indomita quadam & effrenata licentia per omne genus rerum temerè ruens, omnia permiscet atque perturbat. Interdum etiam sese pro sapientia, pro scientia, pro prudentia venditans, homines nimium fidentes sibi in gravissimos ac perniciosissimos inducit errores. Huic igitur, quoniam fallax, incerta, & instabilis est, nullius virtutis origo tribuitur: nisi quod bona opinio de iis, quæ sciri possunt præparatio quadam est ad scientiam: bona opinio de rebus



agendis, utiliter ad comparandam prudentiam antecedit. Immo, verò, ut in disciplinis quædam ponuntur, quibus sine ulla dubitatione credendum est: ita ait Aristoteles opinionibus ac sententiis senum, & eorum quos longa & multiplex rerum experientia cautos ac providos effecit, in consilio capiendo & in instituenda vita maximam fidem habendam esse: eas enim eandem vim ac prudentiam, quam illa principia ad scientiam obtinere. Dixi breviter, ut proposueram, de omnibus humani animi facultatibus: & quanquam hanc totam disputationem quotidianis verbis & inornato dicendi genere contexui; tamen confido, eam vobis non minùs gratam fuisse, quàm si omnes undique flosculos colligens, omnes ditendi lepores ac festivitates aucupans, concinno quodam ac modatato verborum sono aures vestras demulcere studuissem. Potestis autem faciliè perspicere ex iis, quæ dicta sunt, quibus de rebus in hoc sexto libro explicando disputaturi simus. Nam cum in superioribus libris, earum virtutum, quæ sunt in illa parte animi, quam per se ratione carere, sed rationi tamen parere posse diximus, natura pertractanda sit: in hoc de virtutibus illius superioris ac diviniore partis, hoc est, de intelligentia, sapientia, scientia, arte, prudentia, sed potissimum de prudentia differemus. Quid igitur? finemne statim faciam, (id enim à me jam expectari video) an priusquam desino, ad hæc toto pectore amplectenda paucis vos cohortabor? Ego verò ita faciam, neque committam, ut aut ad ineundam, aut ad persequendam pulcherrimam & fructuosissimam studiorum viam, ullo aut loco aut tempore, mea vobis cohortatio defuisse videatur. Dubitatis igitur, adolescentes, quin ad harum rerum cognitionem adipiscendam omnis vobis diligentia suscipienda, omnis labor perferendus, omnis corporis voluptas negli-

negligi-  
cienda  
plerumque  
summa  
doctri-  
vestitu-  
Quid  
dum in  
dianis  
licet  
gnitione  
plurim-  
manan-  
tie sci-  
quem  
usu po-  
lectem  
me aud  
cogniti  
At nos  
tos effe-  
bistori-  
alius  
lingua  
putati-  
mus. G  
tidid G  
aureum  
alius: P  
cis, non  
diendis  
bus, ab  
rum al

negligenda, omnia aliarum rerum cura ex animo ejicienda sit? Ubi, quæso, istam egregiam indolem, quam in plerisque vestram videmus, ubi istud ingenium ad omnia summa natum, ubi istam partem ætatis, ad concipienda doctrina virtutisq; semina omnium aptissimam, aut honestius, aut suavius, aut fructuosius collocare poteritis? Quid enim est, quo quisquam oblectari, quo ad discendum invitari atq; allici possit, cujus non in hisce quotidianis disputationibus nostris copiam reperire aliquam liceat? Est, quem arduarum rerum & remotarum à cognitione vulgi accurata tractatio capiat? Talia nobis plurima in animi partibus excutiendis, in principis humanarum actionum evolvendis, in patefacienda sapientiæ scientiæq; natura, necessariò tractanda erunt, Est, quem non tam ardua & sublimia, quam in quotidiano usu posita, & ad instituendam vitam accommodata, delectent? Utilissimis ad vitam præceptis aures eorum, qui me audient quotidie personabunt. Est, cui antiquitatis cognitio & veteris hystoriæ commemoratio jucunda sit? At nos quidem scitis vix ullum præceptum tradere solitos esse, quin ei illustrando repetitâ ex Græca Romanaq; hystoria, exemplorum lucem adhibeamus. Poëtarum alius amœnitate ducitur? Nos verò ex optimis utriusq; lingua Poëtis pulcherrima quæq; libantes, perpetuò disputationes nostras ejus quasi salis adpersione condimus. Græcam linguam amat aliquis? Aristoteli bis quotidie Græcè loquentem audiet: qui ea lingua dictus est aureum orationis flumen fundere. Latinam antepone alius? Dabimus nos quidem operam, ut ex optimis Græcis, non pessima Latina faciamus: neu quis à nobis audiendis, tanquam in latine loquendo non satis diligentibus, absterreatur. Omninoq; quicumq; tantâ hac animorum alacritatem tantamq; discendi cupiditatē adferent, quan.

quantam ego rerum optimarum varietatem, & quantum perspicue docendi studium adferam, fax, nunquam eis veniat in mentem, quod docenti mihi assiduam operam dederint pœnitere. DIXI.

Pro Alfonso II. Duce Ferrariæ,  
&c. ad Pium IV. Pont. Max.

ORATIO XI.

NON EST HABITA.



**S**I quis est, qui scire cupiat, Beatissime Pater, quanto gaudio peresus sit Alfonso II. Ferrariæ Dux, posteaquam te in summum istum & cælo proximum dignitatis, atq. amplitudinis gradum communi Patrum omnium voluntate ac iudicio sublatum esse cognovit: is, si orationem meam cogitatione sua subsi, qui, quasque ille gaudendi causas habuit, earum unaquæque quantum ponderis ac momenti habeat, diligenter expendere voluerit, simul & id, quod cupit, intelliget. & mihi, si sortè illius gaudii magnitudinem verbis exæquare non potuero, ignoscendum potius, quàm succensendum putabit. Nam cum ea dicendo tractanda sunt, quæ nullo verborum genere satis exprimi possunt, acris & intelligentis estimatoris est, non dicentis imbecillitatem accusare, sed eo ipso potius arguam, ut, ut id quod agitur, singulare quiddam & eximium esse iudicet, quod ad id exprimendam nulla potuerit satis rehemens atq. illustris oratio reperiri. Alfonso autem secundus, ut insignem quandam lætitiā perciperet ex eo, quod sapientiæ tuæ summa totius Ecclesiæ gubernatio delata esset, cum iisdem illis causis adductus est, quæ ceteros quoq. principes Christianos admirabili ob eam

ob eam rem voluptate cumulârunt, tum alius etiam quibusdam ad se propriè pertinentibus, quæ in communi omnium gaudio gaudium ipsius majus, & insignius reddunt. Ac primum quidem gratissimum ei, atque optatissimum accidit, illi potissimum summam rerum conceditam esse, qui per omne antea vitæ spatium talem se præstitisset, ut tanquam perfectum & absolutum antiquæ illius innocentiae, & integritatis exemplum omnium prædicatione commendaretur. Quis enim per illum, cuius locum in terris obtines, rerum omnium præpotentem Deum, multos jam annos ad istam sanctissimam sedem proventus est, te uno iis omnibus virtutibus, quas bonum, & omni ex parte absolutum principem habere decet, ornatior? Qui cum intelligeres, animum humanum duabus præcipue rebus perfici, & ad illud, ex quo ductus est, divinitatis exemplar proximè accedere, cognitione primum & intelligentia earum rerum, quæ dignæ sunt, in quibus studium collocetur: deinde procurandis hominum commodis, iisq; actionibus suscipiendis, ex quibus quàm maximus fructus ad quàm plurimos perveniret: jam inde à principio ita vitam instituisi tuam, ut perpetuò ad eos, quos dixi fines, omnia reclusisset, neque unquam ullum temporis punctum, mentis aciem ab eis aflexisse videaris. Itaq; totum illud adolescentia tempus, cui & cõmuni hominum consuetudine, & quadam prope ipsius naturæ tacita lege major quædam licentia tribui ac permitti solet, à te non in remissionibus animi, neque in eis voluptatibus, quibus ætas illa plerumq; etiam sine reprehensione capitur, positum, sed in assidua præstantium doctrina virorum consuetudine, diligentissimèq; cum omnium honestarum artium, tum earum præcipue, quæ populorum rectoribus necessaria sunt, per investigationem consumptum est. Neq; vero



verò te ab eo, quod tibi proposueras, curriculo, aut deterrere postea laboris asperitas, aut avocare voluptatum blandimenta potuerunt. Qui semel ad solidam & immortalē gloriam recto itinere contendere penitus imbibisses, omnia tibi, dum eò, quò institueras, pervenires, contemnenda, & pro nihilo putanda esse duxisti. Nimirum illam tu virtutis pulchritudinem, quam Plato, si cerneretur, mirabiles sui amoris excitaturam esse dicebat, non corporeis, sub quos illa non cadit, sed iis, qui, si nulla cupiditatum nubes opposita est, multò perspicacius & acutius cernunt, animi oculis videras: ejusq; desiderio incensus, nisi adeptā ea, vitam ipsam tibi acerbam, atque insuavem fore statuebas. Igitur cū Patavii primū, deinde Bononiæ, defixus in præstantissimarum artium studio, primam ætatis partem exegisses, iisq; adolescens egregiè navatæ in studiis operæ: insignibus atque ornamentis affectus esses, quæ amplissima in eis civitatibus tribui solent: judicasti tibi jam esse ex domestico illo, & umbratili vitæ genere, quod ad illud usq; tempus flagrantissimam illam cognitionis & doctrinæ sitim explere cupiens, necessariò colueras, in solem, quod dicitur, & in pulverem prodeundum: tempus esse, ut præclara illa semina, quæ diligenter subactō ac præparato animo colueras, omni ratione foveras, alueras, auxeras, efferrent tandem ipsa se, & fructus expectatione dignos hominum generi afferrent. Nec enim te fugiebat, omnem cognitionem, quam nulla consequeretur actio, mancam quodammodo & inchoatam esse: qui se ita studis abdiderant, ut nihil ex eis ad utilitatem publicam protulissent, eo nunquam magnoperè commendatos sæpe etiam reprehensos ac vituperatos fuisse. Quapropter in patriam reversus, ut, quæ te prima urbs nascentem gremio, & sinu suo exceperat, eadem quoq; primos per-

perciperet industria tuæ fructus, non tantum magnas  
controversias inter principes civitatis ortas, cum illi  
te communi consensu iudicem sumpsissent, sapientissime  
diremistis, verum etiam sedatis gravibus illis inter Fran-  
ciscum Sfortiam Mediolani Ducem, & Joannem Jaco-  
bum Medicem fratrem tuum discordiis, pacem, pacem  
inquā, quā nihil optabilius est, nihil salutarius, civibus  
tuis insperantibus reddidisti. O felix, & auspiciatum  
principium! O præclarè positum rudimentum! Quid non  
honorum ab eo sperare poterant cives, qui primum vir-  
tutis suæ specimen pace, & privatim, & publicè compo-  
nenda dedisset? Sed videlicet illa tanta virtus maiorem  
aliquem campum, in quo excurreret, majus theatrum,  
in quo spectaretur, requirebat. Roma te, Roma urbium  
princeps jam tunc ad se vocabat, & sub cujus olim im-  
perio beata futura erat, ejus præsentis virtutem tantò  
antè gustare, ac cognoscere cupiebat. Romam igitur ve-  
nisti, ubi virtutis tuæ tam multa, tamq̃ luculenta testi-  
monia, & pace, & bello dedisti, ut Paulus III. P. M. quem  
& omnes consentur & res ipsa loquitur, cum in cete-  
ris rebus rara quadam & exquisita prudentia, tum  
miro in pernoscentis hominum ingeniis acumine, & a-  
cerissimo in p̃nderandis cujusq̃ meritis judicio præditū  
fuisse, cum in plurimis maximi momenti negotiis pru-  
dentiam, fidem, magnitudinē animi tuam expertus esset,  
primum quidem de Epidaurio Archiepiscopatu cehone-  
staverit: deinde verò absentem Reipublicæ causa in au-  
gustissimum & sanctissimum Cardinalium Collegium  
adsciverit. Hic ego, si, quod Poëtæ solent, idem nobis quo-  
que facere liceret; Nestorem mihi aliquod, aut Ulixen  
eloquentiæ flumen optarem: ut quemadmodum unā  
cum honoris amplificatiōe, tua semper virtus accre-  
vit, ita mea quoque in explicatione laudum tuarum,  
quasi

quasi per gradus attolleretur, & seipsa grandior, ac  
 sublimior fieret oratio. Vix enim fas videtur de raris  
 inusitatisq; rebus dicentem, usitato, & quotidiano ge-  
 nere sermonis uti. Sed in hac conscientia tenuitatis meae  
 una me cogitatio subleuat, quod apud eos me dicere in-  
 telligo, qui rerum à te divinitus gestarum non testes  
 modò ac spectatores, sed existimatores etiam & exor-  
 natores fuerunt. Nam quo die tot amplissimi & illu-  
 strissimi Cardinales, non inconsulto aliquo & subito ani-  
 morum impetu, sed post accuratam in Conclavi aliquot  
 mensium deliberationem, ad deferendam tibi summam  
 in Ecclesia potestatem consenserunt, eodem die apertissi-  
 mum iudicium de perspecta sibi & explorata tua omnis  
 generis praestanti & eximia virtute fecerunt. Quare  
 non est mirandū, si te tali Pontifice creato, Alfonsus se-  
 cundus Ferrariae Dux, qui studium quoddam incredibili  
 erga hanc sacrosanctam Sedem à maioribus suis qua-  
 si hereditarium accepit, tanto ea ex re gudio affectus  
 est, quantum neque meā, neque cuiusquam oratione  
 exprimi potest. Nam ad eas laetitiae causas, quae com-  
 munes ipsi sunt cum ceteris omnibus Christianis Prin-  
 cipibus, non parvi quoque ponderis aliae accedunt. Pri-  
 mum quod, Ecclesiae ciliens cum sit, omnes opes ac facul-  
 tates suas huius sacrosanctae Sedis auctoritate nixas  
 & fundatas esse non ignorat: ut etiam hoc nomine im-  
 pendio magis omnibus, quae ad eius dignitatem perti-  
 nent, affici debere videatur. Deinde, qui & patrem ha-  
 buerit amplitudinis tuae studiosissimum, & ipse non pa-  
 terni magis imperii, quam illius in te observantiae ha-  
 reditatem creverit, sciatq; praeterea è suis omnibus ne-  
 minem esse cuiuscunq; ordinis, qui non eodem planè ani-  
 mo sit, semperq; fuerit, quiq; honori tuo ex animo, atq;  
 ex illa summa voluntate non faverit, cui dubium est,

quin

quin is, facta ad gloriam tuam ea, quæ maxima fieri potuit, accessione, incredibilem quandam ex eo hauseris voluptatem? Pestremò, qui sese haud ita pridem cum illusterrimo Principæ Cosmo Florentinorum & Senensium Duce, gentili tuo, ducta in matrimonium illius filia, affinitate devinxerit, cur non immortaliter gaudeat, qua ex gente ipse uxorem acceperit, ex eadem, qui universam Ecclesiam cum summo imperio regeret, exstitisse? Ille verò statim accepto nuncio sese in viam dedisset, neque ullam moram interponendam putasset, quin præsens tibi gratularetur, pedibusq. tuis suppliciter advolatus in tua potestate esse se ac semper fore ostenderet, nisi prius perculsis & afflictis, nec opinata patris sui optimi ac præstantissimi principis morte, suorum animis aliquid consolationis adhibendum esse duxisset. Quam quidem excusationem partim inevitabili necessitate, partim naturali pietate subnixam, à te, Beatissime Pater, a quo animo acceptum iri confidui: quodq. multò antea, si licuisset, facturum erat, ad pedes tuos prostratus, te patrem ac dominum agnoscit, tibi se suaq. omnia in fidem & clientelam tradit: & ut unà cum sententia, verborum quoque formulam apud majores hac in re usitatam retineamus, DEBITAM TIBI OBEDIENTIAM PRÆSTAT; seq. semper non ad fortunas modò suas, veràm ad sanguinem quoque & vitam pro huius sanctissimæ Sedis dignitate profundendam paratissimum fore, omni asseveratione confirmat.





Pro Alfonso II. Duce Ferrariæ,  
&c. ad Pium V. Pont. Max.

ORATIO XII.

HABITA ROMÆ XV. KALEND.  
Quinct. Anno cIdo Id LXVI.

**I**N COMMUNI omnium Christianorum Principum gaudio, quo eos optatissima summi honoris ad te concordibus horum amplissimorum Patrum suffragiis delati fama cumulavit, PIER V. Pontifex Maximæ, si præcipuam quandam ac prope singularem Alfonso II. Ferrariæ Ducis lætitiā extinxisse dixerō, vereor ne quis id magis ex veteri, & quotidiana omnium consuetudine, quā quod ipsi præter ceteros gratum id ac jucundum acciderit, à me dictum arbitretur. Ita enim jam usitatum est, ut omnibus Pontificibus, omnium Principum nomine eadem illa dicantur, ut & eos, qui audiunt verisimile sit ea modo sibi videri audire, qui cuilibet alii eundem adepto honorem dicerentur: & ii qui dicunt non tam ex suo sensu orationem depromere, quā ex veteri aliquo libro soleunem, & certis conceptam verbis gratulandi summis Pontificibus formulam recitare videantur. Neque verò dubitari potest, quin æquissimum atq; honestissimum sit, quemcūq; hic plenissimus ordo ad Ecclesiæ gubernacula admoventis, quod totum illud negotium non humanis consiliis, sed divini Spiritus instinctu, atque afflatu administrari certissimum est, ejus ut ceteri quoque Principes libentissimis animis imperium accipiant, auctoritatem agnoscant, leges observent, se suæque omnia ejus potestati tradant ac permittant: eum denique, qui

PRO

Deo maximè placuit, sibi quoque gratissimam acceptissimamque esse profiteantur. Sed tamen & longè alia illa est animorum alacritas, cum homines eum, quicumque sibi rector divinitus sibi datus est, libenter accipiunt: alia cum quem semper ipsi eo munere dignissimum judicarunt, quemque semper toto pectore optaverant, eum divino quoque iudicio probatum vident: & quanquam omnium publicè interest, qualis sit Pontifex, non est tamen obscurum, esse quosdam populos, quosdamque Principes, quorum id privatim multis de causis maximè intersit. Ex quibus ut unum esse Alfonsum secundum Ferrariæ Ducei omnes homines intelligant: neque vulgarem illam, aut mediocrem letitiam fuisse, qua ipse accepto Pontificatus tui nuncio peresus est, idque ed dici, non quòd ita dici soleat, sed quod verissimum sit: constitui, si per te liceat, Beatissime Pater, primum quidem breviter exponere, cur tibi potissimum boni omnes communibus votis istum honorem mandari & optaverint, & optare debuerint, deinde verò, quas privatim causas Alfonsus habueris, propter quas eximiam quandam ex eo perceperit voluntatem. Sed quoniam prior orationis meæ pars explicari aliter non potest, quin de tuis laudibus nonnulla dicantur, idque cum aliqua tua molestia fieri necesse est; propterea quòd, ut quisque laude dignissimus est, ita minimè libenter laudes suas audire consuevit, supplex à te etià atque etiam peto hanc veniam, Pater optime ac sanctissime, ut quæ de virtutibus tuis toto orbe jam pridè sparsa ac disseminata sunt, ea me strictim ac modicè attingere ac delibare patiaris. Vos autem, patres amplissimi, oro atque obtestor, ut si me sublimia humiliter, ampla tenuiter, illustria inornatè tractantè, & ex innumerabilibus, quæ ad dicendum suppetunt, plurima præmittentem,

pauca proponentem verius, quàm exponentem audie-  
 ris: cogitetis cum animis vestris, neq. posse quempiam  
 in tam ubere materia omnia persequi, neq. ea, quæ satis  
 per se splendida & magnifica sunt, ornatu verborum  
 indigere, & mihi eam imprimis cautionem adhibendam  
 fuisse, ne sanctissimi ejusdemq. modestissimi Principis pa-  
 trisq. nostri aures, quanquam verissimis, & omnium  
 sermone celebratissimis: inusitatis tamen, & longè mul-  
 tumq. supra exempla vulgaria positis laudibus suis of-  
 fenderentur: Atque equidem, Beatissime Pater, ut mea  
 tibi quantum in me situm est, minimè molesta sit oratio,  
 abducam, & avocabo eam à persona tua & de te reti-  
 cens rem tantùm ipsam excutiendam considerandamq.  
 proponam. Si quis igitur reperiretur, qui ab ipso ineun-  
 tis ætatis principio illud arduum ac cum labore ad vir-  
 tutem directum iter ingressus, hoc robore animi, atque  
 hac indole continentie esset, ut omnia blandimenta vo-  
 luptatum respuens, & aspernans, nihil in vita expeten-  
 dum, aut magnificandum putaret, nisi quod esset cum  
 laude & cum dignitate conjunctum, seq. iam tum à cor-  
 pore quàm maximè abstrahens ad divinarum rerum  
 cognitionē cura omni studioq. raperetur: quis non facile  
 auguraretur, ex illa herbescentis adhuc, seq. paulatim  
 exserentis ingenii teneritate magnas aliquando virtu-  
 tis ac sapientie fruges exstituras? Quod si idem, cum se  
 paulum jam corroborasset, ut plane liber ab omnibus  
 impedimentis iter sibi destinatum expeditius conficeret,  
 secederet, segregaretq. se à commercio vulgi, & solita-  
 riam vitam amplexus, nomen daret in eam sedalitatem,  
 qua, ex quo primùm instituta est, perpetuum quoddam  
 inexhaustæ fecunditatis seminarium hominum & do-  
 ctrina & virtute præstantium fuit, quis non in ea spe,  
 quam jam antea concepisset, magis ac magis confirma-  
 retur?

retur? Jam verò si multos annos in eodem ordine ita  
vixisset, ut non æqualibus modò suis, aut minoribus na-  
tu, sed ipsis senioribus exemplum innocentie, & integri-  
tatis esset, nullam unquam ullius turpitudinis, aut fla-  
gitii, ne tenuissimam quidem suspicionem dedisset, neque  
in castis aliis delictis remissus esset; & tamen  
aliis omnibus faciliùs ignosceret, quàm sibi: pium ac ius-  
tum bellum indixisset; cùm omnibus vitiis, tum præci-  
puè pravis, & verè ac Catholicæ religioni contrariis  
opinionibus, multos mortales, aut errore lapsos, aut ab  
aliis in fraudem inductos revocasset in viam; obstinatos,  
& pertinaces, ne eorum contagio bonis abesset, repres-  
sisset legum habentis. & omnes vires suas ad eos exter-  
minandos contulisset, eiusq; rei causa nullam offensio-  
nem, nullam similitatem, nullum odium, nullam denique  
capitis dimicationem sibi unquam defugiendam putasset;  
nemo, ut opinor, inveniretur, qui non tantum illud  
virtutis & constantie lumen in excelsis aliquo & illu-  
stri loco collocandum arbitraretur. Ad hæc omnia si  
judicium & auctoritas acris alicujus, ac severi Ponti-  
ficis accederet, qui nulla prorsus alia re, quàm illa præ-  
stanti virtute commotus, eum virum, de quo loquimur,  
nihil tale ambientem ac ne cogitantem quidem, in sacro-  
sanctum Cardinalium Collegium adscisceret, isq; se in  
illo dignitatis gradu constitutus, eundem toto decennio  
præstaret, quem in aliis vitæ partibus præstisset, quis  
non ei bonus Pontificatus maximum spe & votis omni-  
bus destinaret? Quis non omnes Christiani nominis &  
animi provincias gaudio triumphaturas, florentesq;  
beatas futuras, tali sibi dato gubernatore consideret?  
Si hæc in extremis Gallie aut Hispanie, aut etiàm re-  
motioris alicujus provincie finibus dicerem, pro certo  
tamen haberem cognitum iri ab omnibus, te, Pie Quin-



de, eum esse, quem mea jam dudam notaret ac designares oratio. Nam quæ tandem vitæ tuæ pars non ejusmodi fuit, ut in ea cum semper reperirent boni, quod imitarentur, nihil reperire possent improbi, quod calumniarentur? Majori tu & tranquilliori animo paupertatem tulisti, quàm ceteri divitias ferant. Nunquam tu honores secutus es: sed recto semper itinere gradientem, & de sola virtute sollicitum, de aliis rebus non laborantem, ipsi te ultrò sunt honores consecuti. Nihil te Cardinalatus dignitas immutavit; nisi quod ut tua virtus à pluribus cognosceretur, effecit: eandem, quam privatus, comitatem, atq; affabilitatem, eundem cultum, eandem vitæ ac disciplina severitatem retinuisti. Una erat omnium vox, neminem esse, qui majore libertate sententiam diceret, qui minùs ad gratiam loqueretur, qui quæ vera rectaq; erant constantius, aut animosius tueretur. Itaq; non in sermone tantùm, sed in vultu ipso ac nutu tuo magna inesse putabatur auctoritas. Tanto igitur, & tam repentino omnium consensu Pontifex renunciatus, ut si cui fortè adhuc dubium fuerat, hominùmne iudicio, an divino numine summi Pontifices crearentur, quod tamen nemini unquam bono dubium fuit, ea tota dubitatio proximis comitiis sublata esse videatur. Non enim fumosæ majorum imagines, non invidiosa divitiarum magnitudo, non blanditiæ principum commendationes viam tibi ad Pontificatum munierunt: eadem illa virtus, quæ te ab ipsis incunabilis susceptum perpetuò comitata erat, seriùs omninò & votis nostris, & meritis tuis; sed tamen in isto te tandem celsissimo dignitatis inter homines Deo proxime solio, suis ipsamet manibus collocavit. Et hæc quidem omninò omnibus Christianis & principibus & populis ingentem letitiam attulerunt. Quas autem causas habuerit Alfonsus II. eur

ex eo

ex eo pr  
ut exp  
Reipubl  
tamen  
qui reg  
posui, e  
zificis in  
vè prin  
magis a  
ad eos,  
Apostol  
nobilissi  
à Ponti  
dem du  
semper  
servit: c  
religion  
rum pri  
pricipu  
suo Alf  
nescius  
simus C  
mo save  
venire c  
simò plu  
ipsum, e  
cum ita  
mos ac  
mum lab  
posuit, n  
rie Duc  
iores ips  
runt, to

ex eo præcipuum quoddam gaudium caperet, sequitur  
ut exponam. Non est dubium, quin totius Christianæ  
Reipublicæ inter sit, quàm optimos Pontifices creari; sed  
tamen id magis quodammodo pertinet ad eos populos,  
qui reguntur ab ipso Pontifice, quàm ad illos, qui procul  
posui, etiam si in iis, quæ ad religionem pertinent, Pon-  
tificis imperio parent, in cæteris tamen à Regibus aliis-  
ve principibus gubernantur: itidemq; inter principes:  
magis ad eos, qui sunt in fide ac clientela Ecclesiæ, quàm  
ad eos, quibus nulla talis intercedit cum hac sancta &  
Apostolica sede coniunctio. Cùm igitur antiquissima, &  
nobilissima Principum Estensium familia & antiquitus  
à Pontificibus Romanis Ferrariam acceperit, & ab eis-  
dem ducali nomine atque auctoritate decorata fuerit,  
semperq; ex eo in huius sanctæ Sedis patrocinio perman-  
serit: constat, cuiusmodi Pontifices sint, quàm amantes  
religionis ac iustitiæ, eorum magis, quàm multorū alio-  
rum principum, interesse. Deinde cùm ex aliis multis &  
præcipuè ex illustrissimo Cardinali Ferrariensi patro-  
suo Alfonso II. de tua præstanti virtute cognosset: neq;  
nescius esset, quanto opere & is, & frater suus illustris-  
simus Cardinalis Estensis dignitati tuæ verè atq; ex ani-  
mo faverent, fieri nullo modo poterat, ut non & idem e-  
venire cuperet, quod & patrum, quem semper meritis-  
simò plurimi fecit, & fratrem, quem æquè amat ac se-  
ipsum, tanto studio procurare intelligebat. Postremo,  
cùm ita natura comparatum sit, ut eos quisq; ornatissi-  
mos ac florentissimos esse cupiat, quorum causa pluri-  
mùm laboravit, in plurimāq; se ac maxima pericula ex-  
posuit, necesse est, insigniter caram esse Alfonso Ferra-  
riæ Duci, huius sanctæ Sedis dignitatem, pro qua ma-  
iores ipsius tot labores susceperunt, tot d. summa adie-  
runt, toties de vita fortunisque omnibus dimicrunt.

Nihil augendi aut amplificandi causa loquar, Pater Beatissime: sed id tantum optima fide testabor, quod si opus sit, certissimis ac locupletissimis auctoribus probare nullo negotio possum: si ea minutatim persequi velim, quæ à principibus Estensibus pro Apostolica Sedis auctoritate, ac totius Italiae salute fortiter facta sunt, non dies modò me, sed vox ipsa viresq; deficiant: Sed, ut omittam ea, quæ nimis antiqua videri possunt (siquidem mille jam anni, & eo amplius sunt, cum hæc nobilissima familia floret, aliosq; assidue ex aliis Principes perpetua quadam serie propagat) illud certè prætermitti non potest, quod cum Fridericus Abenobardus à Gregorio Nono damnatus atq; hostis iudicatus, ob idque implacabili adversus Ecclesiam Romanam odio flagrans, per Italiam immanissimi latronis more baccharetur, vastaret agros, oppida diriperet, depopularetur, incenderet, non sexui, non ordini, non ætati ulli parceret; eadè ac sanguine compleret omnia, administrumq; ac satellitem crudelitatis suæ haberet Eccellinum, quem non tam inter sceleratos tyrannos, quàm inter tetras, & immanes belluas, numerare meritò possumus: utriusq; copias non tam numeroso, quàm valido exercitu fudit, ac fugavit AZO Nonus Marchio Estensis. Quin etiam cum Salin-guerra Taurellus, qui Eccellini sororem in matrimonio habebat, eiq; in omni scelere gëminus erat, Ferrariam vi & armis occupatam & oppressam teneret, miserorūq; civium cervicibus prædo crudelissimus incubaret, ejusdem AZonis virtute, & armis Ferraria ab illius tyrannide vindicata est. Cujus rei causa primùm quidem universus populus Ferrariensis AZonem ipsum dominum, ac principem suum consalutavit, deinde verò Pontifices, habita ratione & sumptuum, quos ipse in liberanda Ferraria fecerat, & beneficii, quod ab ea Apostolica Se-

des acc  
bandan  
ries al  
Estens  
promp  
que es  
tum an  
sis suff  
rum an  
dita, &  
tantan  
fices, u  
que p  
illius a  
Pater,  
observ  
virtut  
ie Pon  
gaudiu  
quàm  
Elissim  
huic s  
declar  
ita ev  
in id  
rap: j  
quo an  
celebr  
commo  
sanda  
vina d  
simus  
nume

des acceperat, eandem illam urbem plerisq; ejusdem habendam ac regendam concesserunt. Neque unquam, quoties aliqua sese obtulit occasio, recusarunt principes Estenses, dum pro Ecclesia propugnarent, se suaq; omnia prompto animo in discrimen opponere. Quæ omnia aliaque ejusdem generis plurima non Ferrariensium tantum annalibus, quorum hac in parte fides alicui fortassis suspecta esse possit, sed optimi cujusq; illorum temporum aut etiam inferiorum scriptoris monumentis prodita, & testata sunt. His virtutibus domus Estensis ad tantam gloriam jam pridem pervenit, ut summi Pontifices, ut Imperatores, ut Hungaria, ut Gallia Reges, alique potentissimi Principes pulchram sibi ac decoram illius affinitatem judicarent. Hæ causæ sunt, Beatissime Pater, cur Alfonso II. qui neque pietate in Deum, neq; observantia erga Sedem Apostolicam, neque ulla deniq; virtute cuiquam ex majoribus suis cedere meditatur, te Pontifice declarato, incredibile quoddam ex ea re gaudium cøperit. Neque quidquam libentius fecisset, quàm ut ad te primo quoque tempore veniret, & sanctissimis pedibus tuis advolutus quantoperè tibi, & huic sanctæ Sedi devotus addictusq; sit, modis omnibus declararet, nisi id temporum ratio prohibuisset. Sed cum ita evenisset, ut felicissimi Pontificatus tui principium in id tempus incidisset, quo ipse uxorem domum duxerat: judicavit te pro tua singulari clementia non iniquo animo laturum, si prius cæpta nuptiarum solennia celebraret, ac cum uxore unum, aut alterum mensem commoraretur: deinde ad debitum officium tibi præstandum veniret. Nunc autem aliud interea multò gravius objectum est impedimentum. Nam cum sceleratissimus ille religionis nostræ hostis Turcarum tyrannus numerosissimo exercitu Hungariæ immineat, generosissimus



simus Princeps, qui admirabili studio ardent incedendi assidue per vestigia majorum suorum, Maximiliano Imperatori uxoria sua fratri, sponte se in belli, ac discriminis societatem obtulit, eiq; pollicitus est, simul atque accersitus esset, se ad eum nullâ interjectâ morâ, cum quantis pisset copiis esse venturum. O vis virtutis, quid non in pectoribus verè generosis efficit? Non dulcedine patriæ, quam abitu suo mortuam & parentem relinquit, non nuper ductæ uxoris caritate, quæ sibi eo discendente à visceribus suis distrahi ac divelli videtur, non hostis feritate, non periculi magnitudine retineri fortissimus Princeps potest. Valeant, inquit, valeant alia omnia, ubi Christiana Reipublica defensio agitur, indignus sim maioribus meis, si quidquam ei anteponendum putem. Verebatur autem, si huc iter cœpisset, ne interea accideret aliquid, ut statim regredi, atque in Hungariam proficisci necesse haberet: neque dubitabat fore, ut hæc excusatio sua à te quoq; Beatissime Pater, non modò acciperetur, verùm etiam commendaretur. Sed quod ipse si licuisset præsens facturus erat, idem nunc per hunc illustrissimum Principem ac Marchionem Franciscum Estensem patrum suum facit: quo deligere neminem poterat, in quo plus inesset vel fidei vel auctoritatis. Per eum igitur, Beatissime Pater, Alfonsus II. Ferrariæ Dux eam, quam debet tibi, ET SANCTÆ SEDI APOSTOLICÆ OBEDIENTIAM PRÆSTAT, SE SUAQVE OMNIA TIBI TRADIT AC CONSECRAT, SEMPERQVE SE IN TUA ATQVE HUIUS SANCTÆ SEDIS potestate fore sanctissime pollicetur. Tu eum vicissim, Beatissime Pater, ut ipse te sine ulla dubitatione facturum esse confidit, paternâ benevolentia complectere: & quemadmodum ipse semper omnes vires suas ad defendendam tuam, & Apostolicæ Sedis dignitatem studio-

sissime

fissim  
sem,  
modo  
indies

Pro



esse,  
fimo  
plex  
rerum  
tum e  
minue  
tonis  
IX. l  
facien  
que e  
seculi  
viter  
esse,  
ligion  
atiterg

*ssimè conferret: ita tu eum totamq̃ unā familiam Estensem, eximium nobilitatis Italicae florem, non tuendam modò tibi, ac conservandam, sed amplificandam etiam indies ac cohonestandam iudicato. DIXI.*

**Pro Carolo IX. Rege Christianissimo ad Pium V. Pont. Max.**

**ORATIO XIII.**

**HABITA ROMÆ ANNO  
cdo Id LXVI.**

**S**I EORUM, quæ oratione tractantur, magnitudo & præstantia non aliunde, quàm ex ejus, qui de eis differit, ingenio & dicendi copia penderetur: magnoperè mihi verendum esset, Beatissime Pater, ne hodierno die, in hoc augustissimo & ad dicendum amplissimo orbis terrarum loco, splendor, ac dignitas maximarum pulcherrimarumq̃ rerum, quarum explicandarum munus mihi mandatum est, ingenii mei tenuitate & orationis inopia imminueretur. Dicturus enim, hujus clarissimi viri Oratoris ad te regii jussu, quantum gaudium Rex Carolus IX. te Pontifice declarato, perceperit, intellego mihi faciendum esse, ut veteri atque usitato, de singulari atque eximia pietate, qua Reges nostri, multis ab hinc seculis præ cæteris omnibus perpetuò floruerunt, breviter differam: & non omnia quidem, quod infinitum esset, sed aliqua tamen eorum, quæ illi tum pro religione, tum pro hujus sanctæ Sedis defensione pie fortiterq̃ gesserunt, commemorem: ostendam deinde, quan-

quanto studio atque ardore animi, Rex noster jam nunc in hoc ineuntis adolescentiæ flore, per illorum vestigia gradiatur: quamque sibi hujus præcipue laudis principatum appetat ac concupiscat: quibus expetitis, illud quoque facile intelligetur, quanti ipsi curæ esse debeat Ecclesiæ status: qui cum, secundum Deum, ex Pontifice potissimum pendeat: quanto per te tali viro, his turbulentiſſimis temporibus dignitius Pontifice, creato, sibi præter ceteros gaudendum arbitretur. Quæ omnia si quis ita se tractare posse confidat, ut rerum magnitudini orationis pulchritudo respondeat: eum oportet aut ita exercitatum esse in dicendo, ut facultate sua fretus, nihil sibi difficile atque arduum putet, aut ita inexercitatum, ut errore ductus, rerum pondera & momenta satis acutè atque intelligenter perspicere ac judicare non possit. Neque mihi nunc alia ulla res periculosa ac debilitata hac cogitatione animum erigat ac confirmat, quàm quod apud te dicendum est, Beatisſime Pater, qui & ea sapientia es, ut, quanti quæque res sit, ex natura ipsius, non ex iis, quæ de ea dicuntur, ponderes; & ea lenitate ac mansuetudine, ut eis, qui potius, quàm officium deserant, ejus onere opprimi malunt, facile ac libenter ignoscas. Mihi verò memoria vetera repotenti, & mentis oculos per antiqua Regum nostrorum decora circumferenti, non unde incipere, sed ubi desinere debeat, statuere difficile videtur. Tanta est enim rerum ab eis gestarum magnitudo, tanta copia, ut neque possit quisquam, ne si mentiri quidem velit, majora confingere, neque vera consecrari, omni tam brevi temporis spatio persequi: sed aut ab ipso multa, aut ipsum à tempore deferri necesse sit. Nam quæ tandem gens in toto orbe terrarum nominari potest, quæ semel susceptam JESU CHRISTI Salvatoris nostri religionem majore

con-

constantia p̄ram intorruptamq; servaverit? Quae plu-  
 res atrocioresve illius hostes aut exstinxerit, aut belli-  
 ca virtute domitis errorem suum deponere, seq; ad Ec-  
 clesiae societatem recipere coegerit? quae Apostolica Sedi  
 laboranti tam sepe subvenerit, eamq; Tyrannorum ini-  
 quitate & injuria oppressam non in pristinam modò di-  
 gnitatem restituerit; sed tam multis ornamentis affe-  
 cerit, tam firmis praesidiis muniverit? Omnia, quae ab  
 alijs regibus, aut gentibus in hoc genere gesta sunt, si  
 unum in locum collata cum ijs, quae nostri gesserunt,  
 comparentur, & numero eorum & magnitudine ob-  
 ruentur. Mille jam anni sunt, & aliquanto amplius  
 cum Hlodoveus, qui postea Hlodovicus vocatus est,  
 primus Regum nostrorum, salutaris aqua ablatus, no-  
 men in Christi militiam dedit. Neque diu cunctatus su-  
 scepio bello in Visigothos, pertinacissimos haereseos A-  
 rianae defensores, eos commisso in Pictonibus praelio vi-  
 cit, regemq; eorum Alaricum manu sua interfecit. Neq;  
 multò post haud procul Burdigala reliquias eorum  
 confecit in campo, qui ex eo etiam hodie Campus Aria-  
 nus vocatur. Itaq; ob id factum Anastasius Imperator,  
 honoris causa, tunicam ei purpuream, sive, at tum lo-  
 quebatur, blatteam misit. simulq; coronam auream ma-  
 gni ponderis, admirabili opere perfectam, multis in-  
 gentis pretii gemmis, unionibusq; colucentem: atq; eum  
 per legatos non consulem modò ac patricium, sed defen-  
 sorem Christiani nominis, sed liberatorem imperii, sed  
 generis humani patrem vocavit: felicem praeicans,  
 cujus purissimam manu divina providentia illos urbis  
 Romanae eversores, provinciarum vastatores, Dei ho-  
 minumq; hostes cadere voluisset. Ille, ut principem verò  
 magnanimum decuit, munera quidem Imperatoris non  
 repudiavit: sed illum, quam dixi, coronam augustius  
 quid-



quiddam & magnificentius esse duxit, quàm ut cuiquam mortalium conveniret: dignam rem sacrario, dignam, quæ non humano usui, sed divino cultui addiceretur: Itaque eam summa cum veneratione, in templum Lateranense missam, D. Petro Apostolorum principi consecravit. Nimirum ut belli principia ex solo divini cultus studio exstiterant, ita victoriæ insignia non alibi, quam in celeberrimo aliquo templo, collocari par fuit: ut omnibus seculis in illo nobili munere, non tam illa clarissimarum gemmarum multitudo, quàm Hlodovei regis pietas religioꝝ fulgeret. Neque se tantò patre parum dignum præstitit Childebertus: qui Almaricum Alarici filium, cui etiam sancienti fœderis causa sororem Hlodildem in matrimonium dederat, cum in paterna impietate perstare, ideoꝝ in uxorem, quam abducere à Catholica religione non poterat, injuriam ac contumeliosum esse cognosset: bello eum persequi non prius destitit: quàm & Tyrannum ipsum obtruncavit, & populos, qui ei paruerant, ab Arianae opinionis pravitare revocavit: O sancta bella, quæ non ad unius hominis ambitionem, aut avaritiam explendam, sed ad veram & Catholicam religionem latius spargendam suscipiebantur! O felices victorias, quæ & victoribus immortalem gloriam, & victis eternam salutem afferebant! sed ita magna & memorabilia sunt, quæ mihi se ad dicendum offerunt, ut, cum singula intueor, nihil eorum sine flagitio prætermitti posse existimem: ita multa rursus, ut, cum universa contemplor, plurima mihi necessariò omittere esse cognoscam. Dagoberti tamen primi singularem eximiamꝝ pietatem tacitus præterire non possum: qui, & edicto proposito omnes, qui fidem Catholicam non amplecterentur, intra certam diem, aut Gallie finibus excedere, aut capitis supplicio affici jussit: & in

& in reliquis vitæ partibus ita se gessit, ut, qui honores  
 more nostro relatis in divos haberi solent, eos illi post  
 mortem Ecclesia decreverit. De Carolo autem Mar-  
 tello quid primum, quid postremum eloquar? Ille Sara-  
 cenos, ferocissimam, & Christiano nomini inimicissimam  
 gentem profligavit, quorum infinitam quandam multi-  
 tudinem uno ad Ligerim prælio cecidisse, cum e nostris  
 paucissimi desiderati sint, historicorum monumenta tes-  
 tantur. Ille Eristas, impio falorum Deorum cultui de-  
 ditos, & à Christiana religione abhorrentes, repudiato  
 superstitione, Christo initiari coëgit. Ille Visigothos &  
 Saracenos conjunctis copiis bellum renovare, & Nar-  
 bonensem provinciam occupare ausos aggressus, agros  
 eorum eadaveribus stravit, fluvios eorum sanguine in-  
 fecit. Ille cum Gregorius III. Pontifex maximus, re-  
 bus suis diffidens, opem ejus implorasset, Luitprandum,  
 Longobardorum Regem, ab hac urbe obsidenda, sola  
 nominis sui auctoritate deterruit. Sed non omnia perse-  
 quenda sunt. Vocat enim nos ad se Pipinus, neque me  
 diutius de rebus suis tacere patitur. Hic ille est Pipi-  
 nus, Beatissimæ Pater, ille, inquam, Pipinus, Patres amo-  
 plissimi, à quo est Pontificum maximorum auctoritas  
 à contemptu vindicata, opes auctæ, potentia stabilita.  
 Etenim, ut ab optimis auctoribus memoriæ proditum  
 est, cum Aistulphus Rex Longobardorum universam  
 Italiam sub imperium subungere meditaretur, jamque  
 Ravennam, & magnam præterea Flaminia partem oc-  
 cupasset, Stephanus Secundus Pontifex, cum prius opem  
 ab Imperatore Constantino petisset: atque ab eo neglectus  
 esset, consilium cepit eundi in Galliam ad Pipinum: il-  
 lum unum & ea pietate esse, ut auxiliū sibi libentissimè  
 laturus esset, iis viribus, uti facile posset. Neque eum sua  
 frustrata est opinio, Nam Pipinus & illum excepit iis

omnibus honoribus, qui maximi poterant excogitari, usque eò, ut ei obviam profectus, tria millia passuum pedibus confecerit, manu sua frenum equi, quo ille vehebatur, tenens; & cùm Alpes incredibili celeritate superasset, transportato in Italiam exercitu, tantum terrorem intulit Aistulpho, ut, collatis signis depugnare non ausus, Ticini se manibus tueretur. Ubi tam diu obsessus est, dum se omnia, quæ abstulerat, restitutum, neq; unquam Pontifici molestiam exhibitum, interposito etiam iurejurando, fidem daret. Qua postea neglecta, cùm, longè lateq; omnia populatus, postremò hanc ipsam urbem obsidione cinxisset; Pipinus, qui tanquara re confecta, in Galliam redierat, in Italiam denud reversus, virtute & armis perfecit, ut Aistulphus supplex easdem conditiones denud acciperet; neque prius pedem ex Italia movit, quàm praefectura Ravennatum, sinibus longè maximis, utpote quibus & Flaminia & Emilia tota contineretur, Pontifici restituta est. Exstat adhuc tabula marmorea in turri, cui Borgiae nomen est, in qua hæc omnia olim honoris ergò incisa & perscripta fuisse constat. Ita enim in ea adhuc legitur. PIPINUS PIUS PRIMUS AMPLIFICANDÆ ECCLESIAE VIAM APERUIT ET EXARCHATUM RAVENNÆ CUM AMPLISSIMIS. Pars tabula, in qua reliqua scripta erant, aut casu aliquo, aut temporum, aut hominum injuria confracta est. At aenea quidem & marmorea monumenta conficere ac consummare longinquitas temporis potuit. Pipini certè gloriam nulla unquam delebit vetustas, nulla inobscurabit oblivio. Sentio tantas res multò brevius multoq; exilius à me tractari, quàm dignitati atq; amplitudini ipsarum conveniret. Sed quis modus futurus erat, si quæ sic quoque vix à me percursa sunt, iis in singulis

immo-

immorari, atque insistere voluissim? Nunc quoque si de  
 Caroli Magni laudibus differere vellem, quantum se mi-  
 bi campus aperiret? Dicerem Aquitaniam, in qua hæ-  
 reses denuo efferre se & subcrescere cæperant, ab ado-  
 lescentulo perpurgatam. Dicerem immanissimam Saxo-  
 num gentem, semper victam, semper rebellantem, cum  
 inter se constantia Caroli, & illorum perveracia certa-  
 rent, vix tandem continuo triginta trium annorum bel-  
 lo perdomitam, & abjecto idolorum cultu CHRISTI  
 leges accipere coactam. Dicerem Italiam vincendo per-  
 agratam, dignitatem Hadriani Pontificis vindicatam,  
 Desiderium Astulphi successorem, cum eadem, quæ ille  
 moliretur, oppressum: additam ditioni Pontificiæ Cor-  
 sicam, additos ducatus Spoletanum & Beneventanum,  
 additum quidquid Lucam & Parmam interjacet. Neque  
 præterirem redditum in Italiam, & Leonem III. Hadria-  
 ni successorem in sedem, & fractis & obtritibus hostium  
 Ecclesiæ viribus, restitutum. Illa verò quanto plenior  
 ore laudare: relicto amplissimo & florentissimo regno,  
 susceptum iter impeditissimum, & difficultatis ac periculi  
 plenum, & ducto per tam varias gentes validissimo  
 exercitu, terram illam, quæ vagitus JESU CHRISTI  
 nascentis excepit, quæ eum concionantem audit, admi-  
 randis operibus certissima divinitatis suæ signa dantem  
 obstupuit, spectavit sublatum in crucem, & suo sangui-  
 ne peccata nostra expiantem, ex impiorum manibus e-  
 reptam & recuperatam? Talia quamlibet multa dice-  
 rem, multa tamen necessario præterirem, summa omnia,  
 & illo nobili Magni cognomine majora. Quod si vellem  
 ulterius progredi, & tum quæ priscis temporibus Hlu-  
 dovicus Pius, Philippus primus, Hludovicus Crassus,  
 Philippus Augustus, Divus Hludovicus, alii reges, tum  
 recenti memoria Franciscus primus, Henricus secun-  
 dus,



dus, Franciscus secundus religionis & sedis Apostolicæ  
 causa fecerunt, exponere: commemorarem, quàm multi  
 ex eis ad eam defendendam in Italiam cum exercitu ve-  
 nerint: quàm multi Pontifices laborantibus rebus suis  
 in Galliam confugerint: quàm multa Concilia, cum alibi  
 nusquam possent, in Gallia tutò ac liberè celebraverint,  
 multorum dierum multorumq; voluminum, non unius  
 horæ & unius orationis negotium esset. Ob quæ omnia  
 semper summi Pontifices & quoscunq; potuerunt hono-  
 res habuerunt regibus nostris, & ex omni antiquitate  
 in scriptis suis omnibus exquisitissimis laudibus extu-  
 lerunt. Exstat epistola D. Gregorii ad CHILDEBERTUM  
 regem, cuius hoc principium est: QVANTO CÆTEROS  
 HOMINIS REGIA DIGNITAS ANTECELLIT, TANTO  
 CÆTERARUM GENTIUM REGNA REGNI VESTRI  
 CULMEN EXCELLIT. Innocentius III. REGES GAL-  
 LORUM, PRÆ CÆTERIS TOTIUS ORBIS REGIBUS,  
 ait, SEMPER APOSTOLICÆ SEDI, ut ipsius verba po-  
 nam, OBSEQVIOSOS, ET DEVOTOS EXSTITISSE. Hono-  
 rius III. eandem OPPOSUISSE SE TANQVAM MURUM  
 INEXPUGNABILEM PRO POPULO CHRISTIANO. Gregorius IX.  
 REGNUM GALLIÆ, ait, ESSE QVASI  
 PHARETRAM, QVAM CHRISTUS SIBI CIRCA FEMUR  
 ACCINXIT, EX QVA SAGITTAS ELECTAS EXTRAHENS,  
 IPSAS, UT SIBI GENTES, ET REGNA, SUB-  
 IICIAT IN ARCU, ita enim loquitur, BRACHII  
 POTENTIS EMITTIT. REGEM GALLIÆ Gre-  
 gorius I. REGEM CATHOLICUM, ET PRÆ-  
 CELLENTISSIMUM FILIUM SUUM; Gre-  
 gorius IX. CHRISTIANISSIMUM INTER  
 OMNES CHRISTIANOS; Innocentius IV. CA-  
 THOLICUM PRINCIPEM ET CHRISTIA-

NISSIMUM REGEM; *urbanus IV.* PRINCIPEM  
 INCLITA DEVOTIONE PRÆCLARUM, PRIN-  
 CIPEM CHRISTIANISSIMUM PRÆCEL-  
 LENTIUM MERITORUM, ATHLETAM  
 CHRISTI STRENUUM, ET SOLICITUM  
 FIDEI CHRISTIANÆ DEFENSOREM VO-  
 CAT. Quæ omnia honoris & dignitatis plenissima  
 nomina, & illum, quem tot seculis obtinuerunt, atque  
 obtinent, inter omnes Reges principem locum, Re-  
 ges nostri, non aut ambitione sua, aut aliena assen-  
 tatione consecuti sunt: sed ipsi suis laboribus, suis pe-  
 riculis, suo sudore ac sanguine comparârunt. Ab his  
 igitur maioribus oriens *Carolus IX.* nihil aliud sibi  
 studio habet, nihil aliud dies noctesque curat ac cogi-  
 tat, quàm quomodo possit eorum quàm similis eva-  
 dere, & quam nobilitatem à maioribus accepit, ean-  
 dem tradere posteris suis insigni aliqua accessione cu-  
 mulatum. Quam ad rem divinus adolescens & ipse  
 per se naturali quodam impetu animi fertur, & assiduus  
*Catharina* matris, omnium, quas hodie dol adfficit, sa-  
 pientissimæ, ac præstantissimæ mulieris vocibus incita-  
 tur. Itaque in his acerbitatibus, quas superioribus  
 annis pertulit *Gallia*, habuit tamen aliquod solatium  
 ex pulcherrimo spectaculo, matris omnia recta & salu-  
 taria suadentis, & filii omnibus maternis consiliis li-  
 bentissimè obsequentis. Quàm multa ex eo adhuc pue-  
 rulo audite sunt voces, erumpente foràs, siquid jam tum  
 patefaciente natura, quæ & excellens acumen ingenii,  
 & indolè virtutis omnia mox egregia exempla edituræ  
 indicarent? Quorum ego si nonnullas preferre insitiuâ,  
 facile convincam; neque *Cyriillus* veteris, neque *Alexandri*  
*M.* dicta quædam in pueritia, quæ in admiratione sunt,

nullo modo esse cum Caroli dictis, comparanda. Sed nihil dictis opus est, ubi facta ipsa loqui quodammodo videntur. Quis est enim hodie in terris locus, qui non audierit, quibus haud ita pridem Gallia procellis, ac tempestatibus agitata sit? Nam cum inaudita quadam ante hoc tempus calamitate, multorum ex nostris hominibus animos nefaria quædam & execranda opiniones occupassent, atque in eis insedissent, ut ipsi nihil sibi non tenendum putarent, quo nobilissimum regnum ab Ecclesiæ communione, & ab hujus sanctæ Sedis obedientia abducerent: tanta ex eo consecuta est rerum omnium perturbatio, ut toti Galliæ ultimum, quod impiorum potius capiti sit, venisse exitium videretur. Videre erat eadem in domo filios à patribus, fratres à fratribus, viros ab uxoribus propter hanc de religione dissensionem, capitali odio dissidentes. Neq; se privatis parietibus continuit mali vis. Inita occulta primum, mox etiam aperta adversus Deum, adversus Regem, & Reginam, adversus omnes recte sentientes scelerata consilia. Perditi quidam ac nefarii homines, quos illa furens turba, quasi nuper cælo delapsos novi Evangelii doctores, sequebatur, convocatos suos, nocturnis concionibus ad contemnendos magistratus, ad regium imperium tollendum, ad occupanda oppida, ad eadem & sanguinem, ad rapinas & ad prædas incitabant. Horum vocibus, quasi quibusdam furiarum facibus, cum accensa impiorum pectora essent, itum est ad arma: occupatæ improvisò opulentissimæ ac munitissimæ urbes: interceptæ regie pecunie: direptæ bonorum fortune, ipsi aut expulsi aut occisi: antiquissima & religiosissima templa partim spoliata, partim inflammata: partim diruta & solo aquata: quæ dejecta non sunt, in iis ea patrata, quæ commemorari sine horrore non possunt. O illorum temporum

rel

vel memoriam ipsam acerbam ac luctuosam: cum de le-  
 gum auctoritate sceleratorum audacia triumphabat:  
 cum prostrata religioni victrix insultabat impietas:  
 cum tremefactis omnibus bonis & optimo quoque pessima  
 omnia metuente, & volitantum huc illuc, & in publicis  
 ruinis bacchantium improborum voces undique audie-  
 bantur. In his tantis malis ac difficultatibus Carolus  
 Rex plura se & difficiliora, propagandæ religionis cau-  
 sa, fecisse ac præstitisse, quàm quenquam alium ex omni  
 memoria principem, verè ac merito gloriari potest.  
 Omnes enim alii in externos bella gesserunt, hic suis  
 bellum inferre coactus est. Alii & à suis & ab alienis  
 adjuvabantur, hunc & sui, & alieni oppugnârunt. A-  
 liis, si vincerent, proposita erat, præter gloriam, imperi-  
 ac potentiæ suæ amplificatio: sin vincerentur, erat, quod  
 se reciperent: Huic, siue vinceret, spectanda magna stra-  
 ges suorum, cum insigni virium suarum imminatione;  
 siue casu aliquo vinceretur, regno fortassis carendum  
 fuit. Et hæc tamen omnia cum non deteruerunt, quo  
 minus urbes suas obsideret, earum mœnia tormentis  
 bellicis quateret, agros popularetur, obsessos commea-  
 tibus intercluderet, prælia, in quibus multi fortissimi  
 imperatores militesque ceciderunt, committeret: omnia  
 denique in solo suo faceret, quæ in hostili fieri solent. Neque  
 ut opinor, aliud bellum ætate nostra gestum est, in quo,  
 quidquid ex utraque parte periret, uni periret. Quam-  
 quam autem messes se suas, ut dicitur, urere intellige-  
 bat: tamen, quoniam integritas religionis aliter con-  
 servari non poterat, omnia sibi perferenda esse statue-  
 bat. Regina autem in illis tumultibus quod studium,  
 quæ sollicitudo, quæ concursationes fuerunt? Quid non  
 illa tentavit, quid non molita est, ut omnia quàm mini-  
 mo damno componerentur: ut & conservaretur Catho-



lica religio, quod semper ei præcipuum fuit, & quàm  
 minimum sanguinis funderetur? In quo fecit rem gen-  
 tis suæ nomini mirificè congruentem. Medicata enim est  
 consilio ac prudentia sua communibus totius Gallie  
 malis, & eam se difficilissimis temporibus præstitit, ut non  
 jam verius mater Regis, quàm mater regni nominari  
 meritissimè possit. Eius enim præcipuè, & aliorum regni  
 sui procerum, consiliis, & virtute fortissimorum impe-  
 ratorum, ac militum suorum, quorum alii occubuerunt,  
 alii adhuc superstites sunt, Carolus Rex Galliam ex a-  
 trocissima tempestate servavit, & in eum, in quo nunc  
 est, statum redegit. Quod si nondum omnia, quod velle-  
 mus planè perducta sunt, cogitare debemus: bene agi  
 cum iis, qui tam graviter ægotârunt, cum etiamsi non  
 dum recuperârunt pristinam firmitatem, salus tamen  
 eorum in tuto est. Etiam prudentes Medici solent ex  
 malè affectis corporibus viciosos humores paulatim  
 educere: ne, si semel universos exhaurire voluerint,  
 quos sanare conantur, occidant. Non est verendum, ne  
 faciliora non perficiat is, qui jam difficiliora perfecit.  
 Idem tandem erit exitus horum tumultuum, qui fuit  
 eorum, quos olim Albingenses D. Hludovici temporibus  
 concitârunt. Duodecim annos natus erat D. Hludovi-  
 cus, cum ad regnum vocatus est. Carolum, aliquanto  
 etiam minorem natum, fratris mors in regio solo colloca-  
 vit Tum Blanca Regis mater, & filium sanctissimè edu-  
 cabat, & propter teneram illius ætatem, ipsa Galliam  
 administrabat. Horum numerum utroque ita Cathari-  
 na persuncta est, ut omnes nihil perfectius fieri potuisse  
 fateantur. Tum Albigeneses, pueritiam Regis, occasio-  
 nem suam rati, omnia in Gallia permiscere tentârunt.  
 Albigenibus multò teteriores nostrorum temporum  
 hæretici, eadem spe delusi, Regem regno, regnum reli-  
 gione

gione spoliare studuerunt. Illi cum saepe viderent, quod quiescere, neque ad sanitatem redire vellent, castro eundem delectis sunt. Non alia hos quoque fortuna, nisi respiciant, coniecitur. Ad errores Albigensum confutandos, & ad multorum animos eis liberandos, D. Dominici conciones & vita sanctitas incredibiliter profuerunt. Non minus te, beatissime Pater, qui & in D. Dominici familia educatus es, & illum moribus refers, & singulari in nos Dei beneficio summum in terris auctoritatem obtines, Carolus Rex ad hos exitiosos errores tollendos profuturum esse confidit. Novit enim eximiam integritatem vite tue: novit perpetuum purganda Ecclesie studium, novit labores in extirpandis haeresibus abincedente aetate susceptos: novit animum nihil nisi de Deo & de utilitate publica cogitantem. Neque nostris ignota sunt, quae tu ad mores hominum corrigendos, & ad auferendam improbis omnem maledicendi occasionem, & jam fecisti, & quotidie facis. Refrenatas libidines repressam & cohibitam luxuriam, expulsa nequitiae instrumenta, sublatam penitus omnem Ecclesiasticarum rerum nundinationem, composuisti, & iussu, & exemplo tuo aliorum mores, mutatam in melius urbem faciem, nos vidimus, illi auderant. His omnibus ex rebus Carolus Rex incredibile gaudium cepit: & ut quod facis, quam diutissime facere possis, à Deo optimo maximo votis omnibus petit. Quem animum suum ut tibi patefaceret, legavit hunc clarissimum & nobilissimum virum Justum Thurnonium, Comitem Russilicis, magni illius Francisci Cardinalis Thurnonii, cujus memoriam & tibi, beatissime Pater, & vobis in multis, Patres Amplissimi, gratam esse ac jucundam scio, fratris nepotem, hunc minem, ad omnia uno verbo complectar, tuo genere dignissimum: cujus egregiam virtutem & sate alias, & proxime in illo

memorabili adversus hæreticos prælio spectatam, Rex ipse amplis & honorificis præmiis persecutus est, cooptato eo in equites ordinis sui & quinquaginta cataphractis equitibus præesse iussit. Per eum Carolus Rex, Beatissime Pater, sibi, & toti Ecclesiæ de tuo Pontificatu gratulatur: te verum JESU CHRISTI Vicarium, verum Petri successorem, non dubitanter agnoscit: tibi & huic sanctæ Sedi verè atque ex animo, quam debet, obedientiam præstat ac defert: & ut certò sperat, se in omnibus, quæ à te præstari poterunt, à te adjutum, atq; ornatum iri: ita se omnes vires suas ad Ecclesiæ & Sedis Apostolicæ defensionem semper promptissimo animo collaturum, neque hac in re cuiquam mortalium concessurum pollicetur. DIXI.

## Pro Sigismundo Augusto Rege

Poloniæ ad Pium V. Pont.

Max.

### ORATIO XIV.

HABITA ROMÆ XIIIX. KALEND.

Febr. Anno cIdo Id. LXVII.



VANTO opere gavisus sit universus orbis Christianus, posteaquam auditum est, summum honorem, jampridem summis virtutibus tuis debitum, tandem aliquando tibi divinitus delatum esse, PIE Quinte Pontifex maxime, vel ex hoc intelligi potest, quod concepti ex ea re gaudii vis non vicinarum se regionum, ac provinciarum finibus continuit, sed solis instar, omnia, simul ut exortus est sua luce complentis, ad remotissimas gentes, & posita in ipsis Christianæ ditionis finibus regna, admirabili cele-

ritate

ritate penetravit. Neque verò ei contigit, quod venis solet, qui, cum unde oriuntur, ibi vehementissimi sint, ad longinqua fracti ferè, debilitatig perveniunt; sed quod ingentibus, vastisq fluminibus: quæ, cum ab ortu ipso magna sint, perpetuò tamen aucta, & tumefacta progressu, eò majores undas volvunt, eò amplioribus, ac capacioribus feruntur alveis, quò à fontibus ac capitibus suis longius recesserunt. Ut cum aliis permultis nominibus beatissimum te omnium mortalium prædicare liceat, tum hoc non minimum sit, quod ex honore tibi habito, & ad illos, qui eum tibi decreverunt, immortalis gloria, & ad omnes bonos, qui eum tibi delatum audierunt, incredibilis lætitia redundarit. Ac ceteri quidem viciniore principes, ac populi quanta omnes animorum alacritate recentem Pontificatus tuum nuncium acceperint, ex legatis, quos ad te, gratulandi causa, suo quisq tempore miserunt, cognoscere potuisti, hodierno autem die intelliges, etiam in illis regionibus, quibus Christianorum Imperium terminatur, quanto gaudio pii omnes exultaverint, quas inter se gratulationes fecerint, quanto consensu meliora & prosperiora omnia sperare cœperint, cum, quò jam pridem sanctitatis tue fama pervenerat, eodem te in istam celsissimam dignitatis, atq honoris sedem ascendisse perlatum est. Potentissimus enim, idemq religiosissimus Princeps, Sigismundus Augustus Rex Poloniæ, quàm jucundus & exoptatus sibi suisq populis ejus rei nuncius acciderit, testari cupiens, ea de causa legavit hunc illustrem virum Petrum Barzium, Senatorem Regni, ex quo hæc omnia non minùs certò cognoscere, quàm si Regis ipsius non os modò intueri, & sermonem audire, verùm etiam penitus perspicere intimos sensus animi posses. Is cum mihi mandaverit, ut hodie apud te, in hoc dignitatis majestatisq



plenissimo cœtu, & de regni antiquitate, atq; amplitudine, & de rebus, quas, multis ab hinc seculis, Polonorum Reges ad Christiani Imperii fines tunc tuendos tunc propagandos, sine ulli propemodam intermissione gesserunt, & de ipsius Sigismundi Augusti Regis pietate, animi magnitudine, fortitudine ac constantia, deq; quotidianis pro Christiana Republica laboribus ac periculis dicerem: quæso, obtestorq; te, beatissime Pater, tribue mihi hoc beneficium, ut, dum hæc summam persequor, orationis meæ cursus aurâ lenitatis ac facilitatis tuæ adjuvetur. Maximas res, memoratuq; ac cognitu dignissimas asseram, & quanquam notas atq; illustres, tunc suepte splendore ac magnitudine, tunc propter regie fortunæ sublimitatem, quæ magnorum & potentum Regum actiones obscuras esse non patitur: tamen eò minus pervulgatas, quod Polonorum gens semper in præclaris rebus gerendis, quàm in iis, quæ gessisset, memorie prodendis, occupatior fuit: semperq; majorum suorum virtutem imitari, quàm celebrare gloriosius duxit. Atque ut, unde proposui, exordiar, & Polonia Rex quàm longè lateq; dominetur, expediā: tota illa Germaniæ pars orienti soli propior, quæ est inter fluvios Curiam, quem hodie Odram vocant, & Vistulam, qui antiquis temporibus Germaniam à Sarmatia dividebat, & Sarmatia, quantum est à Vistula ad Beryllhenem, & à Ponto Fuxino usq; ad sinum Veredicum, inter quos plus mille Italica passuum millia interjecta sunt, illius imperio continetur. Regio præpè tota æqua, & plana, multis magnisq; fluminibus. & ad fertilitatem, & ad mercaturas, comme dissimilis irrigua, rebus ad vitam necessariis usq; ad abundantiam dives. Habitatorum autem ea multitudo, ut, tunc equitatus regius ex solis nobilibus constet, centum quadraginta equitum millia

millia armare, & in aciem secum, si res ferat, educere Rex Polonia possit. Homines natura fortes & animosi, quique non facile aut voluptatibus molliantur, aut periculis terreantur. Mortem per decus obitam immortalitatis instar; vitam per dedecus retentam, quavis morte pejorem putant. Ignominiam, ut fugiant, nihil non fecerint; ut mortem, nihil. Hæc hominum, hæc locorum ingenia. Cinguntur autem omni propemodum ex parte ferocissimis gentibus, & partim ab Ecclesiæ cōmunionē dissociatis ac direptis, partim apertis & capitalibus Christiani nominis hostibus, ut in illo confinio, tanquā in communi quadā arce ac propugnaculo, fortissimi viri ad sustinendam & propulsandā barbarorum immanitatē, & ad agendas perpetuas pro Christianis omnibus excubias divino consilio constituti ac collocati esse videantur: quod essent ceteri Polonorum virtute testē, Polonorum laboribus quieti, Polonorum periculis tuti. Neque mihi videor quidquam à suscepto munere futurus alienum, si breviter exposuero, quemadmodum illos DEUS, ante sexcentos abhinc annos, discussis errorum, quibus involuti erant, tenebris, ad Evangelii lucem perduxerit. Quod dum facere ingredior, adeste, quaeso, animis, quicumque corporibus adestis, & in re maximi momenti divinæ bonitatis ac sapientiæ magnitudinem considerare. Omnes ferè magnæ & memorabiles in rebus humanis mutationes aliquanto antea aut uno, aut pluribus illustribus ac notabilibus signis divinitus portendi ac præsignificari solent. Cum igitur tempus illud appropinquaret, quo se DEUS Polonis patefacere, eosque impia superstitione purgatos cælesti doctrina imbueri statuerat: adven-tantis jam, & instantis salutaris illius mutationis hanc, quam mox audietis, significationem dedit. Imperabat Polonis Ziemomistus Lesci filius, Princeps (quatenus

hæc convenire in hominem non Christianum queunt) & justitiæ, & clementiæ, & beneficiæ, & aliarum virtutum laude cumulatus: & in quo nihil præter Christi cognitionem desiderares. Huic, cum multos annos sine liberis esset, graviterq; eâ re angeretur, tandem natus est filius, sed oculis captus: ita ut non facile dijudicari posset, majorémne dolorem percepisset ex orbitate, an perciperet ex unici filii cecitate. Omnia remedia, omnes medicorum conatus mali pertinacia elusit. Jam ad septimum annum pervenerat puer, eiq; patrio quodam ritu primam comam tonderi, nomenq; imponi oportebat: cum præter omnium spem subito oculis uti capit. Incredibili lætitiæ persusus pater convocatos ad se haviolos consulit, quid ex tam admirabili successu filio suo, quid toti Polonia portenderetur, respondent, eo imperante, Poloniam mirabiliter illustratum iri. Ex ea spe atq; omine puero nomen inditum Miecislao, quod gentis lingua significabat eum, qui sibi gloriam gladio pariturus esset. Nullo enim alio modo illustrari posse Poloniam, quàm bello, & armis cogitabant. Jam adoleverat Miecislao: jam ad virilem ætatem pervenerat: jam mortuo patre rerum potiebatur: & cæteris quidem virtutibus patri non absimilis, nihil cæteroqui bello egregium aut memorabile gerebat: ita ut tota Polonia, & se credulitatis, & vanitatis vatum suorum responsa damnaret. Sed majus quiddam, quàm quod illi suspicari erant, parabat DEUS. Miecislao, ductis barbarico more septem uxoribus, nullos tamen ex ulla earum liberos procreare poterat. Interea fundente se, ac spargente quotidie latius Christiana religione, pervenerant & in Poloniam sancti quidam viri, qui aut solitariæ vitæ, ut quietioris, & ad res divinas sine ullo impedimento contemplandas aptioris, studio ducti, aut periculorum metu, in ab-

ditis,

ditis, & remotis sylvarum recessibus delitescentes, Christo, ut poterant, serviebant. Horum quibusdam in animum immittit Deus, ut ad Principem adeant, ei que polliceantur & liberos, & alia multò majora, si, repudiato falserum numinum cultu, Christum verum Deum agnoscere, & traditam ab eo doctrinam suscipere vellet. Ipse quoque divini spiritus repentino tactus afflatu, promptam se, ac facilem salutaribus illorum monitis præbuit. Neglongius res ducta est, quam dum prima ac præcipua religionis nostræ capita edoceretur. Quæ, ut percepit, magna pompa, ac celebriate publicè baptizatus, brevi tempore totam Poloniam ad Christianam pietatem & exemplo suo incitavit, & cohortationibus ac præmiis allexit; & minis ac suppliciis adversus pertinaces propositis perpulit. Tum demùm cognitum est, quod Miecislavus totos septem annos cæcus fuisset, significatam esse hoc modo diuturnam Poloniæ gentis cæcitatem; quod, omnibus humanis auxiliis frustra tentatis, tandem divino beneficio lucem asperxisset, fore ut populi quoque cæcitas nullâ humanâ ope sanabilis divinitus depelleretur. Neque vana fuit harialorum prædictio: Eo enim rerum potiente, Polonia splendore divini luminis illustrata est. Notum est autem, interdum fieri, ut etiam superstiti, si & impii homines, Deo permittente, vera vaticinentur. Neque temerè inditum nomen. Gladio enim sibi & suis gloriam peperit, non quidem ferro, aut ulla ex alia materia confecto, sed gladio illo utrinque acuto, gladio Spiritus, quod, ut ait Paulus, est verbum Dei. Ut autem ab ea Ecclesia, quæ cæterarum omnium mater ac magistra est Christiane vivendi leges acciperent, & ex eo fonte haurirent, unde nihil non purum & incorruptum hauriri potest, Legatos miserunt ad Johannem Pontificem ejus nominis tertium decimum, per



per quos & eum, ut communem totius Ecclesiæ Pastorem, venerarentur, & ab eo sibi peterent Episcopos mitti, à quibus regi, & quæ sibi credenda, quæq; facienda essent, cognoscere accuratius possent. Misit ille Italorum hominum spectatæ probitatis & eruditionis idoneum numerum: qui primi novellas illas ac teneras nuper in horto CHRISTI de pascuis ac consitas plantas, copiosis sanctorum præceptorum imbribus irrigaverunt. Huius Mœcistii soror Adeida, cum Geisa Ungarorum Principi nuptia esset, cohortationibus suis perfecit, ut ipse quoque cum tota Hungaria Christi Sacramento adigeretur. Neque verò ejus filius Boleslaus primus Poloniæ Rex, aut majoribus suis laude bellica, aut patri propaganda religionis studio cessit. Qui suscepto adversus Saxones bello, & ea, quæ illi dudum Polonis ademerant, recuperaverit, & cum universam illam aram ad Albim & Salum fluvios, & Chersonesum Cimbricam, quæ hodie Dania vocatur, sub Imperium suum junxisset, ut ostenderet, eam se victoriam Christo quæsisse, non sibi, nihil in victos acerbè, aut crudeliter statuit: sed cum eos ad accipiendam Christi doctrinam compulisset, fixis memoriæ causa in Sala ripa tribus ferreis columnis, in Poloniam se recepit. Nunquid igitur ea laude contentus, otio se postea tradidit? Imò verò declaravit, nunquam desidem atq; ignavam esse virtutem: nullas ei esse à præclaris actionibus ferias: fortes & constantes viros honestorum laborum ac munerum persensione, non ad quietem invitari, sed ad alia ex alius assidue suscipienda incitari. Nam cum Prussii aliquot ante annis divum ADALBERTUM interfecissent: ejusq; corpus quidem ipsi æquo auri pondere à Barbaris redemisset. (mirum hoc quoq; pietatis argumentum: sed in tanta temporis angustia multa necessariò præmittenda

tenda sunt) cadis autem ultionem in aliud tempus distulisse: tunc demum ratus advenisse tempus illud, cum & punienda eorum audacia, & armis frangenda pertinacia esset, bellum eis intulit, neq; magno negotio victor non aliam eis pœnam imposuit, quam ut erroribus suis depositis CHRISTO initiarentur. Hic mihi, beatissime Pater, venit in mentem, quod olim à quodam Græco Imperatore dictum est, qui à suis in exilium pulsus, cum apud hostes, ad quos confugerat, multò lautius ac magnificentiùs haberetur, quam apud suos; Perieramus, inquit, nisi perissemus. Ita enim, & qui ab illo principe vincebantur, dicere poterant, se, nisi ab eo victi essent, perituros fuisse. Quid ego jam, ut Pomerani à Boleslao tertio, Prussi à Boleslao quarto ad Christum, à quo defecerant, revocati sint, persequar? Rerum me copia, Beatissime Pater, inopem consiliū reddidit. Quod si in me ulla dicendi vis ac facultas esset, optarem equidem aliquam mihi non tam uberem ac copiosam ad dicendum materiā dari: ut in singulis ejus partibus accuratè perconsendis, copiosè exornandis, artificiosè exaggerandis, jactare atq; ostentare me possem. Nunc enim, ut p̃etior, cui in exigua tabella ingens aliqua multitudo hominum exprimenda est, nonnullorum vultus tantum atq; ora, multorum summa modo capita cernit, totum reliquū corpus abscondit, ita me, cui innumerabilia Populorum regum ac populorum æternis dignissima laudibus facta, in angustum unius brevissimæ orationis curriculum candelanda sunt, multa, quæ si pandi explicariq; possent, quasiq; spectanda proponi, incredibilem admirationem excitarent sui, delibare modò, & attingere, multa etiam significare potius, quam ostendere, necesse est. Ideoque ne de bello quidem, quod Boleslaus Quintus cognomento Pudicus adversus Izigas, qui hodie partem Palachi,

par-

partim Ungari sunt, gessit, copiosius dicam: tantum quasi prateriens admonebo, eum, cum gentem illam ferocissimam devicisset, illos omnes, quorum virtuti, ut ait vetus Poëta, fortuna belli pepercerat, quasi opima quædam spolia Christo consecrâsse, neque aliud eis, quam ut Christiani fierent, imperâsse. Ad Iagellonem enim Sigismundi Augusti proavum festinat animus, cuius admirabili inusitataq; virtuti utinam par à me adferri posset orationis genus. Sed ita prorsus existimo: omnes, qui ubique sunt eloquentissimos homines, si communi studio ad eum celebrandum quidquid habent in dicendo viriû, conferant, omnia tamen illius dignitate inferiora dicturos. Id ita se habere eos, qui me attentè audire non gravabuntur, facile cogituros esse confido. Lituania, beatissime Pater, amplissima, & fortium virorum feracissima regio, cæteris finitimis populis ad religionem Christianam adductis, in veteri superstitione perstabat. Colebant autem ejus provincie homines ignem pro Deo, ei aras, ei templa ponebant, eum summa diligentia in celeberrimis quibusq; oppidis perpetuum esserrabant. Fulmini quoque divinitatem quandam inesse credebant, idq; sua lingua Deum Percunnum nominabant. Sed & lucos & selectas quasdam in sylvis eximie proceritatis arbores venerabantur ut Deos. Viperis quoq; & aliis serpentibus eundem tribuebant honorem. Quicquid harum violâisset, inexpressibile ab eo scelus conceptum putabant. Cum hoc per se miserabile erat, talem tantamq; provinciam tanto tempore in tanta errorum fœditate versari, tum illud accedebat incommodi, quod gens bellicosa, & ferox finitimos sibi Christianos quotidianis incursionibus laceffens, nunquam quiescere patiebatur. Ei genti annos abhinc amplius ducentos viginti imperabat Iagello, idemq; præterea & Samogitiam & magnam

nam Rus  
seps, & o  
nitia us  
animo ab  
ous mort  
proceres  
erat, in  
Iagellone  
suis velle  
xor daret  
sue provi  
ut nunqu  
Polonia  
est dicere  
gerunt on  
rum popu  
lioni. Ip  
christiani  
trimonio  
totamq; r  
oratores  
quibus il  
num. Lon  
dire velle  
& ad rel  
rent Polo  
deliberata  
regno util  
sententia,  
viam mag  
tassis à m  
rum mem  
dum CH

gnam Rusciae partem obtinebat, fortis & strenuus Princeps, & quanquam religionis nostrae mysteriis nondum initiatus, tamen, ut qui Christiana matre genitus esset, animo ab ea non prorsus alieno. Cum igitur per id tempus mortuo Ladovico Ungariae & Poloniae Rege: regni proceres de Hedvigi ejus filia, ad quam regnum delatū erat, in matrimonium collocanda deliberarent, ecce ab Iagellone legati, qui renunciarent, eum cum omnibus suis velle Christianum fieri, petere, ut sibi Hedvigis uxore daretur: hoc si fieret, paratum esse omnes ditionis suae provincias cum Poloniae regno ea lege conjungere, ut nunquam divellerentur. Quam lubentibus animis Poloniae proceres eam legationem audierint, nihil opus est dicere. Sustulerunt manus ad cælum, & gratias egerunt omnium bonorum auctori Deo, qui tandem illorum populorum misertus, eam mentem immisisset Iagelloni. Ipsa tamen Hedvigis, in qua eximiam formae pulchritudinem singularis modestia equabat, nihil de matrimonio suo sine matris auctoritate statuere voluit: totamque rem ad illius voluntatem rejecit. Missi ad eam oratores in Ungariam, quod se mortuo viro contulerat, quibus illa responsum dedit pietatis & prudentiae plenum. Longè à se abesse eam mentem, ut quidquam impedire vellet, quod & ad amplificandum regnum Poloniae, & ad religionem latius spargendam pertineret. Cogitarent Poloni, & in commune consulerent, reque maturè deliberata id facerent, quod & DEO acceptissimum, & regno utilissimum putarent fore. De procerum igitur sententia, constituto ad nuptias celebrandas die, Cracoviam magno septus comitatu venit Iagello: & quia fortassis à matre puer acceperat, sanctos illos Reges, quorum memoriam nuper Ecclesia recolebat, ad adorandum CHRISTUM recens natum non sine muneribus venif-



venisse, ne ipse quidem immunis ad Christum venire voluit, eiꝯ pro munere non thus, non aurum, non myrrham, sed fratres suos, quos secum baptizari voluit, sed Lituaniam, sed Samogitiã, sed Russiã, sed omnes uno verbo, quos in potestate habebat, populos obtulit. Quàm iucundum illud non hominibus modò, sed angelis ipsis fuisse spectaculum credimus, cùm vir fortissimus ad sacros fontes incredibili alacritate properaret: cùm se in vas ad eam rem præparatum cupidissimè immergeret, cum magna & clara voce DEUM & homines testaretur, ut in se aqua illa spargeretur, ita se pro Christo sanguinem suum, ubi res ferret, sparsurum esse. Baptizatus igitur & novo nomine *Vladislaus Iagello dictus*, postridie Idus Februarias, eodem die reginam in matrimonium duxit, neq; multò pòst consecratus & inunctus, ac coronatus Rex Poloniae, totum eum annum in pacando regno consumpsit. Eo autem anno, qui proximè secutus est, cùm ei nihil longius videretur, quàm dum populos suos in Christianorum numerum aggregatos videret, eomitatus uxore & multis principibus viris, multis itè Episcopis ac Sacerdotibus in Lituaniam profectus, quàm multis, quàm certis, quàm inusitatis documentis pietatis suæ magnitudinè testatus est? Nam cùm populū agrè ab inveterata superstitione avelli videret, ipse omnibus inspectantibus, manu sua illis, quas aliquando coluerat, arboribus, magnā vi secures impingens, easq; ab radicibus deturbans, tūm ingentem vim aquæ profundens in illos tamdiu adoratos ignes; Non est, clamabat, non est Deus, quod exscindi ac dejici, non quod extinguī potest. O mirificos Deos, quorū alter alteri pro pabulo est, alter alterum absunit. In venenatis a. & mortiferis animalibus, quæ potest esse divinitatis similitudo? Agnoscite,

agno-

agnoscite, miseri, errorem vestrum, & respiscite, Et tandem aliquando mentis oculos ad Deum omnium rerum effectorem convertite: ne dum aeternum (ut falsò putatis) ignem colitis, in alium ignem verè aeterni incidatis. Simul hæc, simul eis religionis nostra principia, ut poterat, edissererebat, ut eodem tempore & vetus ille ignis pro Deo habitus, exstingeretur, & novus ignis divini amoris in eorum pectoribus accenderetur. Cumq; neq; sacerdotes, quos secum adduxerat, Lituanicam linguam, neq; Litvani ullam aliam intelligerent, ipsemet eos summam fidei nostræ ab Apostolis traditam, quam symbolum vocamus, ipse formulam precandi à CHRISTO JESU institutam, ipse cætera, quæ discere solent ii, quos Catechumenos vocamus, in Lituanicum sermonem convertens, neq; ullum in ea re laborem subterfugiens, edocebat. O regem rari & singularis exempli! O ardorè animi commemorabilem! O pietatem omnibus seculis prædicandam! Ita igitur inflammavit Lituanorum animos, ut ad danda Christo nomina, & ad sacrosanctam illam aquæ asperfusionem simul omnes facto agmine concurrerent; seq; longiorem moram pati non posse clamarent. Ideoq; solis nobilibus singulatim baptizatis, cætera multitudo idem sacramentum catervatim distributa suscepit. Quid ego nunc exstructarum ab eo sacrarum adium multitudinè, quid divitiarum Ecclesiastici ordinis hominibus attributarum magnitudinem exponam? Quid susceptos in Samogitia ad Christum traducenda labores, & obita eadem illa munera, quæ in Litvania obierat? Illud verò minime prætereundum est, quod ne regnandi quidem suavitas, maxima illecebra peccandi, quæ sæpenumerò multos adversus alia omnia satis firmos abstulit, ullam vim habuit, ad Unladislai fidem ac constantiam labefactandam. Nam cum Bohemi, quorum animis,

paulò ante Johannes Huß & Hieronymus Pragensis pe-  
 siferum opinionum suarum virus afflaverant, mor-  
 tuo Vencislao rege suo, Legatos ad eum misissent, per  
 quos ei regnum deferebant, multisq; precibus obsecra-  
 bant, ut id aut ipse, aut Vitoldus frater ipsius patriu-  
 suscipere, maximo uterq; animo eorum preces repudia-  
 vit, addita illa nobili, & nunquam satis celebrata voce:  
 Religionem sibi esse, hereticis imperare. Non patitur  
 temporis brevitatis, ut aut plura de hoc dicam, aut de  
 ejus filio Vladislao tertio Poloniae & Ungariae Rege,  
 qui, ut Pontificis maximi auctoritati pareret, cum Tur-  
 cis, quos diu vexaverat, multisq; praeliis fuderat, frege-  
 rat, affluerat, redintegrato adversus pactas cum eis in-  
 ductas bello, tum quoque magna eorum edita strage, in  
 ipsa tandem acie fortissimè dimicans interfectus est. Ea-  
 demq; me causa cogit, tum alios aliquot reges silentio  
 involvere, tum in Sigismundo primo Sigismundi Augusti  
 patre laudando esse breviorē. Cujus pietatem quidem  
 ac religionē magnificentissima templa partim instaura-  
 ta, & refecta, partim ditata, partim etiam à fundamen-  
 tis excitata, & perpetuum prohibendarum à regno suo  
 novarum opinionum studium, bellicam verò fortitudi-  
 nem tam multā, tamq; memorabiles de Moscis, Vala-  
 chis, de Tartaris, de Turcis victoriae, & ut cetera ta-  
 ceam, octoginta Tartarorum millia uno ad Borysthenem  
 praelio profligata testantur. Qui cum octoginta duos vi-  
 xisset annos, carus suis, metuendus hostibus, virisq; ve-  
 nerandus, satur vitæ, satur gloriæ, moriens, Sigismun-  
 dum Augustum non regni magis quàm virtutum suarum  
 heredem reliquit. Hic, si præsens adesset, beatissi-  
 me Pater, sanctissimos pedes tuos deosculatus, hac ad te  
 oratione uteretur: Magno gaudio affectus sum, Pater  
 sanctissime, cum te ad Ecclesie gubernacula admotum,

& in

Et in isto celsissimo inter mortales folio collocatum esse  
 cognovi. Qualem enim jam dudum certa & constanti fa-  
 ma esse te acceperam, tali gubernatore navim Ecclesie  
 in his turbulentissimis tempestatibus egere intelligebam.  
 Quem in locum Christiana Respublica deducta sit, eisi du-  
 bitandum non est, quin tu ex ista edita ac præcelsa spe-  
 cula optime videas; nos tamen, qui ab hostibus undique  
 circumfessi sumus, certe propius intuemur. Et ab hoste  
 immanissimo ac potentissimo invadimur, & domesticis  
 seditionibus laboramus. Neque ulla res majores ei ani-  
 mos facit, quam quod intelligit graviori, & implacabi-  
 liori odio Christianos à Christianis, quam Christianos à  
 Turcis dissidere. Ita qui conjuncti ac conspirantes terro-  
 ri essemus, divisi ac dissentientes ludibrio & despectui  
 sumus. Jamq; mali vis, invictissimis, & ne quidquam  
 renitentibus nobis, non obscure per partes usq; adhuc  
 integras serpit. Et alia hoc regna nuper magno bono-  
 rum omnium mœrore senserunt, & nos, quanquã omnia  
 prohibendi causa facimus, pervincere tamen non possu-  
 mus, ut nihil populis nostris vicinitate ac contagione  
 noceatur. Hem, nunquãne his tot, tam gravibus, tam  
 diuturnis calamitatibus remedium aliquod reperietur?  
 At tu, beatissime Pater, cujus & apud Deum preces pro-  
 pter sanctitatem, & apud homines jussa, propter aucto-  
 ritatem plurimum valent, per illam qua genus huma-  
 num complecteris charitatem, per illam curam quam  
 Christianis omnibus & debes & præstas, per illum  
 ipsum, cujus in terris vice fungeris JESUM CHRISTUM,  
 succurre ac subveni communibus malis, & omnes co-  
 gitaciones, omnia consilia, omnem auctoritatem ac po-  
 tentiam tuam confer ad Christianos populos & pur-  
 gandos ab erroribus, & firma ac stabili concordia inter  
 se devinciendos. Quod igitur Rex ipse per se facere pro-  
 pter



pter locorum distantiam non potest, id per hunc clarissimum virum Oratorem ad te suum facit: per eum tibi gratulatur, per eum ad te omnes vires ac copias suas defert: per eum tibi & huic sanctæ Sedi obedientiam præstat, quamq; laudem à maioribus suis hæreditariam accepit excubandi assidue pro Christianis, & quicunque hostes Christi atq; Ecclesiæ fuerint, eosdem habendi pro suis, eam se diligentissime ut semper fecit, conservaturum, neque unquam ab eorum virtute degeneraturum esse promittit. Tibi autem, beatissime Pater, cum omnia fausta & prospera precatur, tum quò facilius ea, quæ à te expectantur, perficere possis, illud à Deo votis omnibus petit, ut publico Ecclesiæ bono non minus diu Pontifex vivas, quàm te Pontificatu dignum vixisse, omnes, qui verè & incorruptè iuicant, consententur.

DIXI.

De toto studiorum suorum cursu, deq; Eloquentia ac cæteris disciplinis cum Jurisprudencia coniungendis.

### ORATIO XV.

HABITA ROMÆ ANNO  
cło 10 LXVII.



ON ex am nescius, càm hanc Pandectarum interpretandarum provinciam susceperem, fore, ut multis sermonem darem: quibus mirum ac novum videretur, me, qui tot annos in hoc docendi munere ita consumpsissem, ut eos modò libros attingerem, qui, aut ad eloquentiam, aut ad Philosophiam pertinerent, mutata subito voluntate ad

tra-

tractationem juris Civilis tam longo intervallo redire : à quo me plerique jam pridem animum omnino avocasse, & ad mitiora studia, tanquam ad Sirenum scopulos, adhesisse, aut quasi lori cujusdam Homerici, ut illo-  
 rum dulcedine, ac suavitare captum, hujus jam ne per somnum quidem meminisse arbitrarentur. Quibus ut satisfaciam, simulq; vobis omnibus hujus consilii atque instituti mei rationem reddam : eisi non libenter facio, ut de me loquar, tamen antequam progrediar longius, pauca quædam de toto studiorum meorum cursu breviter commemorare constitui; quæ si audire ac cognoscere grave non erit, spero fore, ut gravissimi quidem & eruditissimi homines, quos hic adesse video, factum meum non improbent : vos autem optimi & studiosissimi adolescentes, etiam fructum aliquem ex hac narratione capiat. Cum enim, quæ præcipue res progressus meos retardaverit, meq; decurso jam spatio à calce ad carceres, ut dicitur, revocaverit, cognoscetis : forsitan, exemplo meo edocti, melius ipsi vestris rationibus consulatis. Ego igitur, ut primum puer Grammaticorum & Rhetorum præceptis visus sum utcumq; imbutus esse, leviter gustatis dialecticæ principijs; cæteris autem Philosophiæ partibus ne à limine quidem salutatis, nulla Græcæ linguæ intelligentia, nullo rerum usu, nulla antiquitatis cognitione instructus, animum ad Jus Civile appuli, & iis doctoribus, qui tùm illis in locis optimi putabantur, annos aliquot operam dedi. Jamq; eò processeram, ut, quæ tùm præcipue laudes habebantur, & in argumentando satis acutus, & in respondendo non incautus, & quacumq; de re ageretur, abunde loquax essem : & quod multis palmarum videbatur, multarum legum non intellectarum principia uno spiritu citare, multorum interpretum nomina recensere, multos versus, multas paginas,

I. 4. mul-

multas columnas, porticus etiam, ut opinor, peristylia  
 & intercolumnia, nullo negotio, numerare quamlibet  
 multa possem. Cum ipse me eo nomine circumspiciebam,  
 meque pulchrum, ac beatum putabam, tum uno ore om-  
 nēs, ut ait Comicus, omnia bona d. cere, & Laudare for-  
tunas meas, qui tantula ætate tantum mihi, ut ipsi pu-  
 tabant, sapientiæ; ut res ipsa docuit, stultitiæ & ina-  
 nium supellestilem, comparāsem. Jam omnes me mei fe-  
 ro & cancellis & subsellis destinabant: magnamq; in-  
 spem venerant, rabulam me aliquem non in postremis  
 fore, confidentem, acrem, contentiosum, præsertim cum  
 & natura essem firmis lateribus, & voce magna, &  
 quod caput est, illi me quos dixi magistris, si non multum  
 sapere, at certè, quod apud eos pro eodem erat, multum  
 audere, multumq; clamare docuissent. Quid verbis opus  
 est? Inibi jam erat, ut illud vitæ genus ingrederer, cum  
 Deus (Deus enim fuit: neque hoc mihi ex animo excuti  
 potest) Deus igitur effecit, ut quædam Budæi & Alciati  
 & aliorum ejusdem notæ hominum scripta, quæ nun-  
 quam ante illud tempus adspexeram, in manus meas  
 venirent. Quæ, cum evolvere cœpissem, passimq; in eis  
 multa reperirem, quæ de magistris meis nunquam au-  
 dissem: multas sententias, quas illi me ratas ac firmas  
 esse docuissent, gravissimis argumentis convulsas ac la-  
 befactatas, multa ex Græcis Scriptoribus deprompta,  
 multa ex antiquitate repetita, quibus in omnibus mihi  
 tenebræ essent: nolite quærere, quid mihi animi fuerit.  
 Visus mihi sum de cælo decidisse: aut in alium quendam  
 orbem delatus esse neque aliter affectus sum, quàm ege-  
 ni & inopes homines interdum solent, qui cum totam  
 noctem somniant se divites repente factos esse, ubi diu  
 gemmas, aurum, purpuram dormientes contrēclā runt,  
 experrecti, omnia domi suæ obtenta telis aranearum  
 vident.

vident.  
 ferox, cū  
 dissent,  
 versari,  
 clanculū  
 in Græci  
 & discip  
 perlustr  
 unum ve  
 accurate  
 gens, qui  
 tior fieri  
 tum in L  
 sapē me  
 otiosi sen  
 rum quæ  
 Etas ven  
 quàm Ze  
 ut magn  
 nobiliū  
 capita i  
 illos sap  
 manasse  
 toto orb  
 homines  
 qui, me  
 profectu  
 reliquit  
 quam, a  
 tum, au  
 bris orn  
 seponit,  
 me per d

vident. Quid facerem? ego ille paulò antè timidus & ferox, cum mihi derepente vultus, animus, verba cecidissent: jamq; suffusus pudore, verecundarer inter eos versari, qui de me ita magnificè senserant, subdixi me clanculum ex illis, in quibus diu merueram, castris, & in Græciam navigavi: id est, ad Græcorum literarum & disciplinarum magistros me contuli: eademq; opera perlustravi etiam vetus illud Latium, id est, omnes ad unum veteres linguae Latinae Scriptores diligenter & accuratè pervolutavi, sedulò undecunque omnia colligens, quibus mihi jurisprudentia instructior, & ornatior fieri posse videretur. Atque in hac peregrinatione, tum in Lycæi ambulationibus, tum in Academiæ spatiis, sæpè me exercui: neq; aut illius è Gargetio delicati atq; otiosi senis hortos in visis præterii, quanquam venenorum quàm salubrium herbarum feraciores, neq; disiectas veteris illius Pæciles, non tam Polygnoti manu, quàm Zenonis ingenio nobilitate, reliquias neglexi: Et ut magnam voluptatem capiunt, qui ad magnorum ac nobilium fluminum, Euphratis puta; aut Nili, fontes ac capita ipsa venerunt: juvit me incredibiliter, cum apud illos sapientissimos senes cernerem, quibus ex fontibus manassent amplissima illa juris civilis flumina per quæ toto orbe sparsa atq; diffusa, tam multi assidue summo homines ingenio navigarent. Interea, ut paterfamilias, qui, mercaturæ causa in longinquas terrarum oras profectus, dulcem eximieq; animo caram domi uxorem reliquit, sæpè de ea cogitans, situbi aut gemmam aliquam, aut scitè tornatum annulum, aut monile baccatum, aut segmentatam vestem, aut alia mundi mulieris ornamenta conspexit: studiosè omnia comparat ac seponit, quibus eam domum reversus, maneretur: sic me per omne scriptorum genus vagantem nunquam ea

L. 5. cura



cura ac cogitatio deferebat, ecquid decerpere ac delibare ex eorum unoquoque possem, quod, cum ad jurisprudentiam reverterer, ad eam expoliendam & exornandam accommodatum esset. Sciebam enim, quam turpe haberetur, & diu manere, & inane redire. Quod autem Homerus ait: Ulixem in illo diuturno errore crebro spectare solitum Ithacam versus: itidem ego ad jurisprudentiam identidem refletebam oculos: & ab ea tam diu abesse me, vix satis æquo animo ferebam. Quin etiam, ne me amceniores illa disciplina usu quodammodo suum facerent, multa sæpenumerò faciebam usucapionis interrumpendæ gratia: quod & mea qualiacunque scripta declarant, crebris jurisconsultorum adspersa sententiis, & quotidianæ disputationes, quibus, quoties erat occasio, aliquid ex hac disciplina petitum intexebatur, non obscure indicabant. Nunc, cum mihi videar non ea quidem omnia, quæ animo conceperam, perfecisse, sed usque eò tamen progressus esse, ut iis, qui Juris Civilis cognitionem ex ipsis fontibus haurire cupiunt, opis aliquid adferre possim: putavi tempus jam ipsum postulare, ut prodiro, & navata in hoc genere studiorum operæ, specimen aliquod darem. Cur autem Pandectis potissimum extra ordinem interpretari voluerim, causa hæc fuit. Videbam eruditissimos in schola viros, quibus docendi juris munus mandatum est, ita se in eo gerere, ut ipsa si loqui posset Jurisprudentia, non eertius, aut copiosius, aut majori cum dignitate videatur explicatura sensus suos, quam ab illis quotidie explicantur. Omnia ex eorum ore profluunt, quæ in hac arte, aut cogitari prudenter, aut disputari acutè, aut certò definiiri ac statui possunt. Itaque, cum in omnibus habeam, quod admirer, in nullo habeo, quod desiderem. Sed illi tamen, quod dignitati suæ, ei quæ, quam meritissimò ob-

rinent,

tinent, auctoritati consentaneum sit, intelligentes, per-  
 petuò in gravium & arduarum questionum tractatione  
 versantur: exquisitam singularum vocum explicatione;  
 ut humile quiddam, neque satis dignum, in quo tempus  
 conterant, aut prætermittunt, aut modicè attingunt.  
 Plane; si ad eos audiendos ii tantàm accederent, quos  
 oporteret, id est, qui prius in Grammaticorum, Rhetorù,  
 Philosophorum scholis diu multumq; exercitati essent:  
 nihil amplius, quàm quod ipsi cumulatissimè præstant,  
 requireretur. Nunc, quod ego me principiò fecisse dixi,  
 ut ad ius audiendum aliarum omnium artium rudis ac-  
 cederem, in eo vereor, ne etiam hodie à plerisq; peccetur.  
 Cogitavi igitur, si pro mea virili parte huic incommodo  
 mederi studerem, neq; invidiosum id mihi, neque inutile  
 aliis fore. Nam neq; invidiam habet ullam, quod ab alijs  
 neglectum jaceat, id sumere: & in exercitu non tantum  
 Imperatorum & tribunorum ac centurionum, sed &  
 gregariorum militum, & calanum quoque ac lixarum  
 aliquis usus est. Neque, si gubernatorum in navi re-  
 genda præcipuum est munus, non ii quoque utiles sunt,  
 quorum in sentina exhaurienda omnis consumitur la-  
 bor. Quamquam si id, quod res est, fateri, si recta & ve-  
 ra speciosis, ac fucatis antepondere, si quanti res quæq;  
 sit, non quanti vulgò fiat, spectare volumus; multò plus  
 est in hac pura & simplici verborum explicatione mo-  
 menti, quàm plerique fortasse suspicarentur. Nam cum  
 verba, ut ait Aristoteles, sint eorum, quæ animo con-  
 ceepimus, notæ: fieri nullo modo potest, ut, qui vim ver-  
 borum non percipit, eam sententiam, quæ illis ver-  
 bis expressa est, assequatur. Itaq; & idem Aristoteles a-  
 libi ait, eos, qui, quid quoq; verbo propriè indicetur, non  
 satis intelligunt, in rebus indicandis sæpenumerò falli:  
 & apud Platonem Cratylus ex verborum intelligentia  
 cogni-

cognitionem rerum pendere dicit. Et quis tandem est, qui nesciat, patrum avorumque nostrorum memoria, cum perversa quædam ac pestifera opinio invaluisset, nihil cultum orationis, nihil historia veteris notitiam ad eos, qui graves ac serias disciplinas tractarent, pertinere; Græcas verò literas etiam impedimento esse, quantæ et quàm densa caligo universum propè terrarum orbem obtexerit? quantaque verborum neglectum, rerum ignorantia consecuta sit? Sed quid necesse est huic rei aliunde argumenta petere? Illi ipsi, quorum libros quotidie terimus, veteres jurisconsulti in explicandis legibus, Senatusconsultis, edictis prætorum aut ædilium, constitutionibus, decretis, epistolis principum, quamquæso viam rationemque tenuerunt? Nempe in patefacienda singularum vocum vi ac proprietate tam multi tamque assidui sunt, ut magnam industriæ suæ partem in eo consumere videantur. Quod prolatis ac productis ipsorum loci probarem, si quàm facile, tam necessarium esset. Antistium Labeonem jurisconsultum nobilissimum tam alicubi valde commendasset Gellius, ad postremum addit: Latinarum vocum origines rationesque percalluerat: eaque præcipue scientia ad enodandos juris laqueos utebatur. Hos me sequentem duces, nemo, ut opinor, merito culpaverit. Quam igitur interpretandi viam nobis Ulpianus, Paulus, Gajus, Marcellus, ceterique juris Antistites præiverunt, eam sequemur, et eorum vestigiis, quantum vires nostræ ferent, insistentes, summa ope conabimur, efficere, ut neque prætermittamus necessaria, neque inutilia consectemur: et quotidie tamen aliquid minimè vulgare minimèque contritum adferamus. Quod ut jam nunc perspicere possitis, dum ad titulum de iustitia et jure interpretandum accedo: quæso, diligenter attendite. DIXI.

Cur

Cur ad munus docendi, quò se  
spontè abdicaverat, revoca-  
tus sit,

## ORATIO XVI.

HABITA ROMÆ PRIDIE KALEND.

Mart. Anno dñi 15 LXIX.



UOD antiquitus à sapientissimis viris dictum  
est, non licere cuiquam mortalium quid fa-  
cturus, aut non facturus sit, certò pronun-  
ciare: quòd in vita multa eveniunt; tùm ut  
ea ne facias, quæ facere decreveris: tùm ea ut facias,  
quæ nunquam facere constitueris: id ego & sæpè ante-  
hac in aliis, & in meipso nuper verissimum esse cognovi.  
Nam in hoc publicè docendi munere quinquennium jam  
cum aliqua hominum approbatione versatus, eo me, ut  
scitis, superioribus mensibus spontè abdicaveram: idq̃  
eo animo, ut, quod ex me sæpè auditum est, nunquam  
me postea eandem provinciam suscepturum, nunquam  
eosdem labores denuò subiturum putàrem. Cogitabam,  
satiùs esse desinere quàm deficere: me, si ve placuissem,  
satis jam spectatum esse: si ve displicuissem, plus satis:  
satiùs esse cum desiderio, quàm cum satietate discedere:  
utcunq̃ esset, tradendum quasi cursu aliis lampada,  
qui & laboris patientiores & doctrinæ copia instru-  
tiores, institutam hìc & inchoatam à nobis majore  
animo, quàm viribus jurisprudentiæ cum eloquentia,  
& cum antiquitatis cognitione conjunctionem ex ædifi-  
carent, ad summumq̃ perducerent. Mibi, ad nominis mei  
commendationem, abundè videbatur tanti ac tam præ-  
clari operis, aliqua saltem fundamenta jecisse, & præ-  
stando



*Sciendo, quod possem, alios qui plus possent, ut experiri  
 vellent, exemplo meo excitasse. Jamq̃ totus in eo eram,  
 non ut me languori quidem ac desidia dederem: qui sem-  
 per ignavorum vitam mortemq̃ juxta aestimasse: sed  
 ad eas artes mecum incolendas ac celebrandas refer-  
 rem, quibus usq̃ à puero deditus fui: & ad mandandas  
 litera cogitationes quasdam meas, quibus efficerem,  
 conarer quidem certè, ut quod mihi otium Hippoliti Car-  
 dinalis Ferrariensis studiorum ac fortunarum mearum  
 patroni summa liberalitate conceditur, ejus aliquis fru-  
 ctus non ad praesentes modo & eos, qui nunc sunt, sed &  
 nunc ad externos, & olim ad posteros perveniret. In hac  
 me cogitatione defixum, & tanquam in portis, compli-  
 catis velis, ceterisq̃ armamentis omnibus compositis  
 quiescentem, vestra, Cardinales Amplissimi, auctoritas  
 expergisci denuò, & subduòtam jam navim mutato con-  
 silio, deducere, & vela ventis pandere coegit. Quae mihi  
 res eò mirabilior visa est, quòd non deerant homines &  
 ingeniosi, & eruditi, & exercitati, qui vobis ad hoc ma-  
 nus obeundum ultro studium atq̃ operam praeferentur  
 suam, quorum etiam unum à me ipso verè atq̃ ex animo  
 commendatum esse memini. Itaq̃, ut in historiis est, eos,  
 qui M. CATONEM in pratura petitione superarunt,  
 ipsosmet mirari solitos, quòd se tali viro populus Roma-  
 nus praeulisset: sic fateor, mihi mirum visum esse, quid  
 ita vobis potius libuerit, me alia jam omnia cogitantem,  
 etiam cum aliqua ad vetus honorarium accessione re-  
 vocare: quàm in locum meum aliquem ex iis sufficere ac  
 substituere, qui id in beneficii loco petebant. Quod ego  
 neq̃ ita me ignoro, ut mihi tribuam, ac non vestra potius  
 humanitati, quàm ulli merito meo acceptum feram; &  
 tamen non debeo esse, aut adversus dignitatem meam,  
 aut adversus vestra judicia improbe curiosus. Nam,  
 sive*

si ve aliquid esse in me, cur hîc honos mihi habendus esset, judicâstis, potius enim ac contendere debeo, ut vestram de me opinionem rebus confirmem, quam ut verbis refellam: si ve, quod magis credo: vestra tantum in eo humanitas & quædam erga me voluntatis propensio valuit, non minus optabile, aut honorificum duco; à vobis amari, quàm magna aliqua si ve eruditione, si ve eloquentiâ præditum judicari. Illud quidem neq; reticere, neq; dissimulare possum, recentem istam vestræ erga me voluntatis significationem magnum mihi onus imposuisse, magnam curam & sollicitudinē, magnam vigilandi, laborandi, contendendi omnes industriæ meæ nervos necessitatem attulisse. Non enim mihi tantum elaborandum est, ut, si quam mihi existimationem superiorum annorum labores, vigiliæq; pepererunt, eam conservem ac tuear: sed multò magis, ut vestra de me judicia sustineam, & aliqua saltem ex parte respondeam illi expectationi, quam de me, verisimile est, in multorum animis pondus auctoritatis vestræ concitavit. Quod quidem me studiosissimè constantissimeq; facturum vobis omni adseveratione confirmo, daturumq; operam, ut hac, quæ nunc cincti ac circumfusi estis, studiosorum adolescentiû multitudo, si nulla alia re, at certè industria & assiduitate vix alium quemquam à vobis ad rationes suas accommodatorem huic muneri præfici potuisse fateatur. Sed jam tempus esse videtur, ut specimen vobis aliquod exhibeam ejus rationis ac viæ, quam & usque adhuc in docendo tenui, &, nisi vos aliud jubeatis, deinceps perpetuò tenere decrevi. Quod dum facio, date mihi, obsecro, hanc veniam, ut avertam à vobis orationem, atque ita differam, quasi in tantum adessent, quorum causa me rude jam, ut arbitrabar, donatum, in hanc arenam denudò revocandum censuissetis. DIXI.

De

# De Doctoris officio, deq; modo Jurisprudentiam docendi.

## ORATIO XVII.

HABITA ROMÆ PRID. NON. NOVEMB. Anno clō Io LXIX.

**M**AIOREM indes fructum capio ex hoc consilio atq; instituto meo, exornandi juris Civilis, neq; lautius modò ac nitidius, sed distinctius etiam & ad rudiorum captum accommodatius, quàm pleriq; vulgò solent, explicandi. Nam, et si satis intelligo, non tantum mihi esse vel virium vel auctoritatis, quantum ad hoc, quod animo concepi, quodq; omnibus votis expeto; planè perficiendum requireretur: jurat tamen, tanti ac tam præclari operis qualiacumq; fundamenta jacere experiri, si fortè alios rebus omnibus instructiores commovere, & ad eandem cogitationem suscipiendam excitare possim: efficere deniq; ut quicumq; olim de hoc meo conatu verè judicare & poterunt, & volent, quidvis mihi potius, quàm aut in deligenda rectè docendi ratione ac via judicium aut in eadem aliis monstranda voluntatem defuisse fateantur. Quibus enim rebus ejus, qui quamcumq; artem docere instituit, officium contineri arbitror, eas ut præstarem, & alias semper & præcipuè, ex quo libros Pandectarum explicare ingressus sum, inaguo mihi studio elaboratum est. Ac ne quis fortè querat, quæ tandem illa sint, in quibus & multum opere posuisse me dico, & multum pernandum esse omnibus, qui docendi munus, ita ut oportet obire ac sustinere meditantur: exponam ea, ut potero, breviter, vobisq; potestatem faciam, ex iis,

quæ

qua hodierno die de doctoris officio dicam, existimandi  
 quid me in posterum non expectare tantum, sed etiam  
 exigere debeatis. Existimo igitur duobus verbis com-  
prehendisse munus ejus qui docet: videndum enim ei  
 esse, quid doceat, & quomodo. Prius illud eam vim ha-  
 bet: curandum esse ei, primum ut vera doceat; tum ut  
 propria ejus artis, in qua versatur, aut certo tam eo  
 quod agitur conjuncta & coherentia. Medus autem  
 docendi is est, ut perspicue doceat: quod duabus rebus  
 conficitur, ordine, & genere sermonis ad res enodandas  
& enucleandas accommodato. Hec omnia qui praestet,  
 ut in docendo & vera tradat, & pertinentia ad eam  
 artem quam docet, & ea ita distinguat, ut suo quidque  
 loco digerat ac collocet, & verbis propriis, significanti-  
bus, ut eorum, qui pure ac nitide loquuntur, consuetu-  
dine non abhorrentibus efferat, atq; eloquatur, ei ego  
 nihil omnino ad summi ac perfecti doctoris laudem de-  
 esse statuo: qui autem cum ea plene quidem & absolute  
 prestare non posse se agnoscit, eo tamen quicquid habet,  
virium confert, ut ad eas laudes quam potest proximè  
 accedat, dignissimum esse, cujus honestissimos conatus, &  
 industriam ad praeclara tendentem, bonorum omnium  
 perpetuus applausus approbatioq; comitetur. In his o-  
 mnibus variè peccatum esse video à multis eorum, qui  
 quadringentos fere ab hinc annos jus civile tractarunt:  
 quorum etiam nonnulli tanto apud multos in pretio  
 sunt, ut, quasi Atlantis humeris caelum, ita eorum au-  
 thoritate hujus artis dignitas sustineri putetur. Nam  
 & multa saepe pro veris falsa docuerunt: & referse-  
 runt libros suos alienissimis quaestionibus: & sine ullo  
 ordine omnia tradiderunt: & cum Latine loqui nesci-  
 rent, novum quoddam & monstruosum sibi confinxerunt  
loquendi genus, ut si veteres illi Pauli, & Ulpiani, &



Papiniani & ceteri juris antistites reviviscant, multis  
 interpretibus eis opus futurum sit, ad eos qui scripta  
 sua interpretati sunt intelligendos. At cur falsa quidem  
 pro veris tradiderint, non negaverim alias quoque fuisse  
 causas: duas tamen precipuas fuisse arbitror: ignora-  
 tionem antiquitatis, & perversum quoddam studium  
 contradicendi. Etenim cum tota Republica atque imperii  
 Romani facies ita versa atque immutata esset, ut nullum  
 retineret veteris forma vestigium, aliae consuetudines  
 essent, aliae leges, alia religio, alii magistratus, alia judi-  
 cia: extincto autem lumine Latinarum & Graecarum  
 literarum, omnia densissimis ignorantiae tenebris sepul-  
 ta atque obruta tenerentur, fieri nullo modo potuit, quin  
 homines ejus Republicae ignari, cujus leges & jura  
 tractabant, tanquam in illi nocte sine lumine erran-  
 tes, saepe offenderent, saepe laberentur, saepe quovis po-  
 tius, quam quo instituerunt; pervenirent. Ad quod in-  
 commodum cum aliud accessisset, ex prava quadam am-  
 bitione, quae multorum ex illis animos occuparat, ut in-  
 decorum putarent, cuiquam assentiri, ac tum demum  
 sibi pulchri ac beati viderentur, si superiorum placita  
 labefactare ac subvertere; ipsi autem aliquid quod ante  
 se nemo dixisset, adferre potuissent: quasi clavum cla-  
 vo, sic opinionem opinione trudentes, eo tandem rem  
 perduxerunt, ut, cum receptum sit, in rebus judicandis  
 communem interpretum sententiam sequendam esse,  
 sapenumero, quae in plures probata sit, in tanta discre-  
 pantia ac varietate dubitetur. Scitum autem est, quod  
 ait Plato, semper inter se consentire eos, qui aliquid sci-  
 unt. Nam neque sciri potest nisi quod verum est: neque in  
 quaque re verum esse amplius uno potest. Jam, quod se-  
 cundo loco posui, multas saepe ab eis inculcatas quastio-  
 nes, neque juris civilis proprias, neque ad id quod in mani-  
 bus

bus erat, ullo modo pertinentes, id quia verum sit, dubium nemini unquam futurum est, qui eorum scripta vel per transennam, ut dici solet, adspexerit. Nisi forte querere, quæ sit potestas, ablativi, ut loquuntur, absoluti, aut gerundi, aut relativi, Qui, Quæ, Quod, & similia, quæ vel referre piget, Grammaticorum non est potius quam Jurisconsultorum: aut quæ sit ratio definiendi, quid intersit inter definitionem & notationem vocabuli, quando liceat argumentari ab enumeratione partium, non Dialectici potius, quam juris civilis professores, docere debent; aut denique innumerabilia, quæ eorum commentarios legentibus passim occurrunt, non melius & verius ab iis artificibus, quorum propria sunt, explicantur. Nam de ordine quid dicam? quem semper sapientissimus quisque plurimum fecit: cui tantum tribuerunt quidam ex veteribus Philosophis, ut summum ac supremum hujus universitatis parentem, atque opificem Deum dicerent in orbe condendo nihil aliud præstitisse, quam quod confusas & permixtas inter se rudis materiæ partes discrevisset, certoque ordine suis quamque in sedibus collocasset. Impia opinio, fateor. Omnia enim non tantum digessit ac disposuit, sed ex nihilo effecit ac procreavit Deus. Sed tamen ex eo intelligi potest, quæ illorum de ordine opinio fuerit, quantamque vim in eo inesse crediderint: cum à quo nihil amplius quam confusas mundi partes in ordinem adductas esse dicebant, eum tamen ipsi quodque cum ceteris verissimo nomine parentem ac conditorem omnium rerum vocarent. Exstat præclara sententia apud Xenophontem in Oeconomico, nihil esse aut pulchrius, aut ad usum commodius quam ordinem: nihil contra aut ad speculum foedius ac deformius, aut quod plura omnibus rebus incommoda adferat,

Ordo.

Ordo

quàm confusionem ac perturbationem. At nōſci illi cūm  
 dialecticē aut nōn didiciſſent, aut ita didiciſſent, ut nōn  
 didiciſſe exſtaret: quibus, quaſo, modis omnia miſcuerunt?  
 qualem nobis, cujusq; generis præceptorum far-  
 raginem reliquerunt? Ut ſi quis ruſticus herdeum, triti-  
 cum, viciam, legumina in unum acervum conſerat, nō  
 illius acervum commentariis exiſtimem perturbationem fore.  
 Mihi quidem, cūm in eos inſpicio, ſapiffimē Ovidiana illa de  
 Chao in mentem veniunt:

Quaq; erat & tellus, illic & pontus, & aer.

Non aliter enim apud hos, ubi verbi cauſſa, de auctori-  
 tate magiſtratum agitur, dicetur etiam aliquid de te-  
 ſtamentiſ, ubi de emptione & venditione diſſeritur, ali-  
 quid de pœnis, aut de auctōritate tutorum inſeretur: ni-  
 hil eſt denique quod certam ſedem ac domicilium ha-  
 beat: nihil quod nō alieniſſimo æquē facile ac ſuo loco  
 pertractatum repariatur. Inde illæ crebræ ex uno in  
 alium locum reſeſſiones: cūm te, quod hic agendum ac  
 tractandum erat, id jubent ex alio petere, in quo tale  
 quidquam agi, nunquam, niſi admonitus, divinare po-  
 tuiſſes. Proxus ut ſi quis pater familias veſtem nō in  
 veſtiario, ſed in arca panaria conderet: panem ex puteo  
 hauriret, piſces in nemore, lepores in piſcina inſuſos  
 haberet. Apud Ariſtoelem primo Phyiſicorum recenſe-  
 tur opinio veterum quorundam, in quibus fuit & Ana-  
 xagoras, qui quidlibet in quolibet ineſſe dicebant: idq;  
 exprimēbant hemiſtichio quodam, ut opinor, Empedo-  
 clis, *ἢν ἐν παντί μίμναι*. Hoc an in Phyiſicis verē dicatur,  
 viderint, qui illa tractant: in talium certē interpretum  
 commentariis veriſſimē dici poteſt. Atq; hoc ſunt etiam,  
 qui eos de induſtria feciſſe dicant, ut artem juris obſcu-  
 riorē, ac difficiliorem cognitu redderent, & ad ceteros  
 labores illum quoque adderent, quo excarnificarent diſcen-

discentium ingenia, pervolutandi sæpè illas ingentes li-  
 brorum moles, & omnia alieno loco potius quærendi  
 quam suo. Quod si verum est, (nam ego quidem aliam  
 potius fuisse causam suspicor, neq; ita de eis malè sentio,  
 ut, cum melius possent, noluisse credam) sed tamen si ita  
 est, non obscurum est, quàm eis pro tam sancto atq; ho-  
 nesto proposito gratiam debeamus. Ultimus locus erat  
 de genere dicendi, quo dixi eos, quidquid docent, uti de-  
 bere nitido, perspicuo, usitato, tali denique, ut sine ullis  
 salebris, siue ulla asperitate influat in aures animosq;  
 discentium, eisq; se non adscita fuciaq; ac pigmentis qua-  
 sita, sed naturali pulchritudine ac suavitate commen-  
 det. A quo in, quos dico, quàm longè omnes absuerint,  
 quis non videt? Et sunt tamen qui eos defendant: ut  
 nulla est tam mala causa qua patronos non inveniat:  
 dicuntq; eloquentiam in eo qui ius docet non requiri: sa-  
 tis esse si artem suam teneat: ejus præcepta dum tradat,  
 quibus ea verba pronunciet, nihil interesse. Citant et-  
 iam in eam rem verba quædam Ciceronis, quibus ait, se  
 in Philosopho eloquentiam, si adferat, non aspernari: si  
 careat, non admodum requirere: Nimiùm delicatos esse,  
 qui in tanta præclarissimam rerum copia etiam ver-  
 borum concinnitatè requirant: & perinde facere, ac si o-  
 ptimos & saluberrimos cibos fastidiret, nisi in auro aut  
 in gemmis apponerentur. Tum præterea facilius intel-  
 ligi ac percipi, quàm qualibuscunq; verbis sine delectu ef-  
 feruntur, quàm si quis in eisdem pura ac Latina ora-  
 tione exprimendis elaboraret. Postremò, usu hoc jam &  
 experientia compertum esse, quibus verborum cura est,  
 eos ex succos ferè, & aridos, & ex sanguines, & gramma-  
 ticos potius aut ludimagistros, quàm veros & solidos  
 jurisconsultos evadere: cum contrà, qui magno & forti  
 animo contempserunt sermonis delicias, & illud horri-  
 dum,



*rum, incomptum, agreste, rusticum dicendi genus ad-*  
*marunt, ii demum juris ac legum cognitione impleant*  
*perfectus; in consultationibus, in foris, in subsellis regnent,*  
*in omnium majoris momenti controversiarum disce-*  
*ptatione ac dijudicatione dominentur. Quibus ut respon-*  
*deam, primum dico, non existimare me eloquentiam, ne-*  
*que ad jus neq. ad ullam omnino artem tractandam, ne-*  
*cessario requiri: ne ad illam quidem ipsam, qua fieri elo-*  
*quentes putantur. Multos enim accepimus, cum ipsi e-*  
*loquentes non essent, optimos tamen aliis ad eloquentiam*  
*duces ac magistros fuisse: qualem in Græcia Hermoge-*  
*nem, in hac urbe Quintilianum fuisse ajunt. Et Aristo-*  
*teles, si se ad dicendum contulisset, fortasse multos ha-*  
*buisset superiores, quo tamen eloquentiam præcepta ne-*  
*mo unquam melius, aut perfectius tradidit. Munditiam*  
*quidem sermonis non in artibus modo docendis, sed et-*  
*iam in congressibus & in familiari colloquio ab omni-*  
*bis ingenuis & paulo liberalius institutis hominibus*  
*requirendam puto. Non gemmas, non aurum, non em-*  
*blemata requiro. Fictilibus æquo animo cænare possum:*  
*præsertim si epulæ sint, ut ais, exquisitæ: sed illa ipsa fi-*  
*ctilia tersa sint, niteant, appetentiam potius quam vo-*  
*mitum concitent. Aut tu convivatorem feras, qui quam-*  
*libet lautos cibos in vasis cæno ac luto confurcat is ap-*  
*ponat? Nam quod ajunt, facilius intelligi quæ ita dicun-*  
*tur: credo equidem hoc inter ipsos verum esse. Balbi enim*  
*balbos, ut est in proverbio, melius intelligunt. Ingenii*  
*quidem adolescentes, in Ciceronis, Caesaris, Plauti, Te-*  
*rentii & similium libris exercitati: & Latine lingua*  
*intelligentes, novos sibi de verborum significatione*  
*commentarios conquirant oportet: cum accessuri sunt*  
*ad illas mixobarbaras cantiones. Neq. enim una saltem*  
*lingua est, qua loquuntur, sed deterrimus quidam cin-*

nus ex fœdissima barbararum, peregrinarum, inauditarum vocum colluvione, olens, ut servus ille Plantinus ait, allium, hircum, haram, suem, canem, capram, commistam: ut quemadmodum odor, qui ex Averno afflabatur, supervolantes aves necare solitus dicitur, ita illud pus, illa sanies, illud virus optima quæque ingenia examinaret. Ego quidem certè multos novi optimos adolescentes & acutissimo ingenio præditos, qui cum in aliis disciplinis exercitati, ad artem se juris accingerent, talium magistrorum incondita voce perterrefacti, refugerunt, retulerunt pedem:

Improvisum aspris veluti qui sentibus anguem

Pressit humi: tens, trepidusq; repente refugit.

Quod autem quasi firmamentum defensionis suæ ponunt, non posse quemquam magnum jurisconsultum evadere, cui ulla faciendæ ac piendæ orationis cura sit, pro Deum immortalem, etiãne hoc tam erudito seculo, in hac tanta luce ac splendore disciplinarum omnium cuiquam se persuasuros putant? Quemquamne ex illa suo grege inquinatè ac contaminatè balbutientium potius, quàm loquentium proferent, quem cum Alciato, cum Duareno, cum Connano comparare audeant? Sed hoc omitto: ad id, quod institueram redeo. Dixi quatuor esse, quæ, qui jus docent, præstare debeant, ut vera doceant, ut ad rem pertinentia, ut ordire, ut genere dicendi apto ad docendum, id qui non præstarent, culpavi. Dicit aliquis: Quid? tu te igitur ea præstiturum esse proferis? Non ausim tantum de me, aut mihi, aut vobis polliceri. Illud quidem non dubitanter adfirmo, neque planè imparatum esse me ab iis, quæ ad id efficiendum necessaria sunt, & ut aliquid olim præstitisse dicar, summam diligentiam adhibiturum. Sed, ut die tempus est, diutius detinendi non estis. Die crastino conabor viam

M 4

vobis

vobis munire ad titulum de Pactis minore negotio intelligendum. Dicam cur de pactis agatur hoc loco: tum quid sit pactum, quæ pactorum divisiones: qui quibus pacisci possint: quæ sint pactorum effectus. Hæc crastinæ disputationis capita futura sunt. Inde ad ea jurisconsultorum veterum fragmenta, quæ in hunc titulum relata sunt, sigillatim interpretanda veniemus. DIXI.

## De auctoritate & officio

Judicium.

### ORATIO XIX.

HABITA ROMÆ POSTRIDIE NOVEMB. Anno dō lō LXXI.



ONSTITUERAM hodie, nullâ, ut Gajus noster loquitur, præfatione factâ, ad translationem earum rerum, quas hoc anno docere institui accedere: idq; & vobis utilis, & mihi convenientius fore arbitrabar: nisi me amici quidam, quorum & iudicio, & auctoritati plurimum tribuo, de fixa jam statutaq; sententia deductum, sibi potius quàm mihi, hac in re morem gerere coëgissent. Neg, tamen eis planè adensus sum: sed, ut Homericus Jupiter, partem ejus quod petebant concessi, partem negavi. Nam quod contendebant, ne statim in ea, quæ huius artis propria sunt, ingrederer, sed anniversarii laboris quasi vestibulum populari aliqua & magis ad omnium sensus accommodata disputatione exornarem, in eo non gravatè ipsorum voluntati acquievi: quod auctores erant, ut aliquod mihi undecunque argumentum sumerem, quamlibet remotum & alienum ab eo quod ageretur, popolare modò, & plausibile, & in quo ostentare

rim

vim ac copiam dicendi liberet, id ut ipsos à me obtinere  
finerem, ipse à me non potui obtinere. Vix ista faciebam  
adolescens, cum & omnes vias perveniendi ad aliquam  
eloquentiæ famam studiosè conquirerem, & iis in arti-  
bus exercerer, quas qui tractant, in eis hac non ferri  
modò, sed & requiri solent. Hac verò ætate, & hac qua-  
licunque hominum opinione de me, & suscepto munere,  
quod ab omni vanitate longissimè abesse debet: si puero-  
rum aut sophistarum in merem de comenda ac pingenda  
oratione sollicitus sim, & sine ulla necessitate eas mihi  
ad dicendum materias deligam, in quibus bellè ac co-  
modè aliquid dicere posse videar, ineptis fortasse gra-  
tum faciam; quos semper fucata & inania omnia, ma-  
gis quàm vera & solida delectant: gravium certè ac  
cordatorum hominum non effugiam iustam ac meritam  
reprehensionem. Obsequamur igitur amicorum peti-  
tioni: sed ita, ut ne obliviscamur, quid deceat. Explica-  
turus sum eam partem Digestorum, in qua de iudiciis  
differitur. Sed prius dicam nonnulla de ipso munere ju-  
dicandi, quantum in eo sit auctoritatis, quantum ponde-  
ris & momenti ad totius Reipublicæ felicitatem; tàm,  
qualem esse eum oporteat, qui ei muneri rectè, & pro  
dignitate præfuturus sit: quæ in iudicando servanda,  
quæque fugienda videantur: quæ omnia à nostris qui-  
dem partim modicè attinguntur, partim ut certa & in-  
dubitata penuntur: à Philosophis autem, unde nostra  
fluxerunt, accuratè ac copiosè pertractari solent. Di-  
cam autem non oratorio more, sed hoc nostro scholasti-  
co, & umbratili, & sedato, non ad permovendos ani-  
mos, sed ad docendos, non ad faciendos elamores, sed ad  
silentium potiùs & attentionem obtinendam idoneo. Ita  
me duas res consecuturum esse confido, ut & amicorum  
petitioni, si minus plenè, ac certè aliqua ex parte satis-

MA 5 11 fiat:



fiat: & hoc quamvis ex alia arte accersitum disputa-  
tionum mearum caput cum cetero corpore satis aptè ac  
concinne coherere videatur. Tanta igitur est, ut hinc  
potissimum exordiar, in omni civitate eorum, qui judi-  
ciis præsumunt, iustitias, ut ex eis potissimum Republi-  
ca felicitas aut infelicitas pendeat. Etenim verè dixe-  
runt veteres, legem esse animam civitatis, & perinde  
felicem, aut infelicem evadere unamquamq; civitatem;  
ut bonis malis vè legibus temperata est. Utor hic legis  
nomine magis ad populi consuetudinem, quàm ad verita-  
tatem: scio enim, si qua mala lex sit, eam ne legis quidem  
nomine dignam esse. Sed si tantum posuit in legibus:  
legum autem ipsarum nullus est usus, nisi sint, qui eas  
consequantur ac custodiant: & legum ministri: ac cu-  
stodes magistratus, unde eos nomophylacas I' lato vocat:  
magistratum p' r' r' d' præcipua v' r' u' exercendis judi-  
ciis cernitur: constare opinor, qualia in civitate judicia  
sint, talem esse totius civitatis statum. Imò verò ea pri-  
ma fuit antiquissimis temporibus causa congreganda-  
rum civitatum: ut essent, qui vim coercerent, tenuiores  
à potentiorum injuriis defenderent, suum cuiq; tribue-  
rent, juris aequalitatem inter omnes proportionè tue-  
rentur. Hanc originem creandorum regum fuisse; quod  
vetustissimum in terris imperii nomen est, Herodotus,  
& ab eo mutuatus Cicero tradunt. Itaq; reges ipsi anti-  
quitus judicabant, ut Minos, cujus singularis iustitia ju-  
direm cum veterum opinione, etiam apud inferos fecit:  
ut Tenes cultus apud Tenedios pro Deo: quem cum secu-  
ri insulam ex se dictam obambulare solitum tradunt:  
eoq; percutere, quos causa discussa, injuriam fecisse co-  
gisset ut Philippus Macedo, quem etiam patienter tu-  
lisse accepimus; objurgatum ab anicula: cui audiendæ  
sibi esse etiam negaverat: cum illa reitulisset, ne regnaret  
igitur,

igitur, si audiendis ac dijudicandis causis vacare nollent.  
 Et per diu, qui Hebræorum populo summo cum imperio  
 præerant, non reges, sed iudices vocabantur: ut intelli-  
 gamus nihil esse tam regium quam iudicare. Sive enim  
 privata iudicia inspiciamus: verè ait Cicero, omnes omnium  
 pecunias positas esse in potestate eorum qui iudicant: si-  
 ve publica, omnium civium non fortuna modò, sed digni-  
 tas, existimatio, salus eorum, qui iudicia publica exer-  
 cent, fidei, religionisq. commissa est. Sapientissimus homo  
 Democritus duabus rebus Rempublicam contineri di-  
 cebat: pœnâ & præmio: earum autem rerum utraq. in  
 eorum manu est, qui munus sustinent iudicandi. Magna  
 igitur adhibenda cautio est in iudicibus deligendis: eo-  
 rumq. & singulari quadam prudentia, & spectata pro-  
 bitas esse debet, ne si, aut errore ducti, aut cupiditate ab-  
 reпти, permissâ sibi potestate, secus quam decet, utantur,  
 ipsa civitatis fundamenta subvertant. Ac veteres quidē  
 illi paucissimis verbis iudicis officium concludebant: cum  
 ita dicerent, legem esse mutum iudicem, iudicem a. legem  
 loquentem. A bono n. iudice ita prorsus omnia iudicari  
 oportet, ut lex ipsa, si loqui posset, iudicaret: atq. ita le-  
 gem & iudicem inter se conspirare, ut sit lex quasi ani-  
 ma iudicis: iudex, quasi vox legis. Et, quemadmodum  
 Aristoteles ait, legem esse mentem cupiditatis expertem,  
 ita optandum esset, ut ejusmodi iudices reperirentur,  
 qui, omni cupiditate spoliati, mente tantum ac ratione  
 disceptandis controversiis uterentur. Sed talia optare  
 licet sperare non licet. Nimis enim verum est, quod in  
 quodam cantico posuit SIMONIDES, perdifficile reperiri  
 hominem πρεσβυτον ἀνδρὸς πόρως. Huic incommodo sapien-  
 tissimi quique veterum quacunque potuerunt reme-  
 dia compararunt. Inter quos Aristoteles censuit, in  
 benè instituta civitate, omnia, quoad ejus fieri posset,  
 legi-

legibus comprehendenda : quàm paucissima autem in potestate atq; arbitrio iudicum relinquenda. Cujus rei tres ab eo sanè graves causse adferuntur. Una, quòd multò major numerus necessarius est iudicum, quàm eorum qui leges ferant. Facilius autem est paucos bonos & prudentes viros reperire, quàm multos. Altera, quòd longius tempus datur legem aliquam laturis, quàm de certo aliquo negotio ac controversia cognituris. In majori autem temporis diuturnitate major est penitus pervidendi veri facultas. Tertia, quæ omnium potentissima est, quòd leges & in futurum præspiciunt, & universè ac generatim feruntur, ut neque gratia, neq; odio locus esse possit. At judicia & de præsentibus negotiis, & de certis personis exercentur, ut & gratia, & odio, & invidia, & miseratione, & ratione proprii alicujus commodi, aut incommodi, facillimè abduci à vero iudicis animus queat. In iudiciis autem diligendis illud præcipuè observandum est, ut boni viri eligantur; in quo veteres ita diligentes fuerunt, ut sæpe in libris nostris viri boni nomine non aliis quàm iudex intelligatur. Et Horatius narrat patrem suum, cùm sibi virtutis & officii præcepta traderet, laudandarum actionum exempla ex iudiciis potissimùm sumere solitum esse. Sic me, inquit :

Formabat puerum distis : & sive jubebat,

Ut facerem quid : habes actorem, quo facias hoc :

Unum ex iudiciis selectis objiciebat.

Et alibi cùm viri boni quasdam quasi notas enumerando percenseret, hanc inter præcipuas ponit :

Quo multæ, magnæq; secantur iudice lites.

Ac videte quantoperè veteres illi Romani, eos, qui res iudicabant, ab omni improbitatis suspitione puros esse voluerint. Notationi atq; animadversioni censoria non tri-

tribuebant auctoritatem rei judicatae: neque si quis à censoribus senatu motus esset: propterea ei aditum ad honores denegabant. Quinimò quosdam à censoribus senatu ejectos, ipsos postea censores fuisse legimus. Sed tamen, ut omnis etiam levissima suspicio abesset à iudicium moribus, lege Julia repetundarum qui senatu moti essent iudices non poterant dari. Aetas etiam in iudicibus considerata est: neque enim idonei sunt adolescentes ad tantum munus sustinendum. Cujus rei tres ferè causae adferri solent. Una, quòd de moribus adolescentium nihil adhuc certò sciri potest. Mutantur enim, ut ait Horatius, in horas. Et improbum quidem esse aliquem ut agnoscas, vel unus dies sufficit, ut ait Theognis: at diu vixerit oportet, de cuius probitate certum iudicium fiat. Altera, quod in juvenibus magna & vehementes sunt animi commotiones, quas illi sæpius, quàm rationem sequuntur. Postrema, quod longus rerum usus in iudice requiritur, qui cadere in adolescentem non potest, & verò, ait Plato libro tertio de Republica, ἀλλὰ πῶς ἐγὼ τοῦ ἀνθρώπου νεότης εἴναι. Neque verò quilibet senex ad iudicandum aptus est. Non enim ut prudentia necessariò aetatem requirit: ita aetas necessariò prudentiam adfert. Sed is demum, cui antea acta vitæ cursus & integritatis, & prudentiæ opinionem comparavit. Observabatur & illud antiquitus, ne egeri & exhausti homines faciliè ad iudicandum admitterentur. Cùm enim pleriq; à Theognidis sententia non abhorreant, & paupertatem omni ratione fugiendam putent, verendum videbatur, ne sæpe tales iudices non tam rationem muneris sui, quàm magnitudinem munerum alienorum considerarent: neve libentiùs in nummorum, quàm in argumentorum, quæ utrimq; adferrentur ponderibus expendendis occuparentur; & , utrius gravior esset manus,



manus, ejus causam quoque meliorem videri pronun-  
ciarent. Atque ob eam causam iudices non tantum ex  
moribus & ex ætate, sed etiam ex censu legebatur: quod  
Romanis alicubi objicit Tertullianus: Cumque jurisjuran-  
di religio maximum & sanctissimum fidei vinculum me-  
ritò apud omnes existimetur, judicaturi prius jurabant,  
se ex legum præscripto judicatuuros: cujus rei frequens  
apud Demosthenem, & alios mentio est. Ne verò legum  
verbis callide, & subdole interpretandis ab earum sen-  
tentia & voluntate discederent, adderent, τῇ γνώμῃ τῇ  
δικαιοσύνῃ, ut apud Demosthenem, aut quod idem valet,  
τῇ ἀείῃ, ut apud Aristotelem in Rhetoricis, & apud Ju-  
lium Pollucem in libro octavo relatum est: quo signifi-  
cabant, se ita leges interpretatuuros, ut rationi & equi-  
tati maxime consentaneum videretur. Quin etiam, ut  
majore divini numinis metu perfunderentur, judica-  
bant in loco sacro. Quamvis enim Deus omnibus locis  
præsens est, ejusque, ut ait Aratus, omnia plena sunt: in  
consecratis tamen locis magis omnes nescio, quo modo  
illius præsentia commovemur. Atque hanc consuetudinem  
antiquissimam fuisse, Homerus ostendit: qui iudices in  
Achillis clypeo sculptos & senes fuisse ait, & in sedilibus  
lapideis sacro in loco consedisse. οἱ δὲ γέγραπτες, inquit, εἴατ'  
ἐπὶ ξυστοῖσι δίκης, ἵσπ' ἐνὶ νόκλῳ. Summa autem in eo adhi-  
benda diligentia est, ut tollantur omnes occasiones, quæ  
possunt efficere aliquem animi motum, quo iudex abdu-  
catur à vero. Nam quod de amore ait Theocritus, pul-  
chra ei videri, quæ pulchra non sunt, idem absolute de  
toto talium commotionum genere dici potest: prout quisque  
affectus est, ita res ei alias atque alias videri. Arquatis,  
ait Varro, & veterinos omnia lutea videntur: febrici-  
tantibus amara, quæ dulcia: aliter omnibus de rebus  
ebrii, aliter sobrii, judicant. Idem putandum est evenire

iis omnibus, quorum animus aut amore, aut odio, aut  
 ira, aut invidentia, aut denique aliquo modo occupatus est.  
 Decent Philosophi, si sensus de rebus sibi objectis vere  
 judicaturus sit, oportere ipsum sentiendi instrumentum,  
 quod illi *αἰσθητικόν* vocant, *ἄμικτον*, id est, omni qualitate,  
 earum saltem, de quibus judicandum est, vacuum esse.  
 Sic & iudicis animum in sola veritate defixum ab omni  
 perturbatiōe purum ac liberum esse oportet. Male ve-  
 rum examinat omnis corruptus iudex, ait Horatius.  
 Quoniam ergo nemo, ut omnia moliatur, exsuere ac de-  
 ponere insitum atque ingeneratum omnibus sui amorem  
 potest: ideo veteres neminem rei suae idoneum iudicem  
 esse voluerunt: quod & apud juris nostri auctores saepe  
 legitur: & ante eos ab Aristotele, & in Ethicis, & in Po-  
 liticis dictum erat. Nec de filii quidem negotio idoneum ju-  
 dex est pater. Amat enim eum ut partem sui. Et quam-  
 vis reperiuntur patres quidam, qui de filiis severissime  
 iudicaverunt, ut in externa historia Zeleucus: in Romana  
 Brutus, Manlius, alii: usitatus tamen est, patres in fi-  
 liorum peccatis connivere. Sed hac de re alio loco plura  
 dicentur. Corruptuntur iudices etiam donis: & ea cau-  
 sa fuit, cur iis legibus, quae de pecuniis repetundis latae  
 sunt, punirentur, qui ob rem iudicandam pecuniam ac-  
 cepissent. Narrat Plutarchus, Thebis olim positas in  
 publico fuisse iudicum statuas, easque sine manibus: quod  
 indicio esset, nihil eos a quoquam accipere debere: ejus  
 autem, qui iudicio praesideret, etiam sine oculis: quod  
 ipso personarum aspectu iudices interdum a recto ab-  
 duci arbitrarentur. Antonius certe apud Ciceronem  
 gloriatur, M. Aquillum, in manifesto repetundarum  
 crimine, hoc potissimum a se artificia liberatum, cum  
 eum mactum ac sordidum produxisset, unguamque ejus  
 a pectore discidisset, & ciatrices adversum vulnere,

quae

quæ ille pro Republica acceperat, ostendisset. Ita iudices, quem absentem fortè damnassent, eum, ad spectu ipsius commoti, liberarunt. Eodem artificio multis ante annis usus erat Hyperides, qui, ut narrat Athenæus, cum Phryne meretrix pulcherrima rei capitalis argueretur, atque ita teneretur, ut argumentis pargari non posset: cum multa pro ea dixisset, ad postremum statuit eam in conspectu iudicum, & pectus ejus papillasque nudavit: qui ad spectus tantum potuit, ut, quam omnium sententiis damnatum iri opinio erat, omnium suffragiis absoluta discesserit. Ex quo institutum est, ut Ariopagite noctu iudicaret. Cujus rei præter ceteros auctor est Lucianus. Sed & quò judicia integriora & incorruptiora essent, nomina ipsa eorum, de quibus ageretur, in Ariopago recitari solita, quidam tradiderunt. ut, nulla prorsus personarum ratione habita, de rebus tantum ipsis iudicaretur. Multum etiam in judiciis pervertendis potest eloquentia: neque prorsus mentiebantur veteres illi magistri, qui se docere profitebantur, quo modo causa inferior, dicendo superior fieri posset. Cui enim nota sunt verba Ciceronis in causa Cluentiana, objectas à se iudicibus teuebris gloriantis? ideoque rectum erat illud eorundem Ariopagitarum institutum, apud quos Oratores præconis voce nihil verborum extra rem facere, & neque Proæmiis uti, neque Epilogis jubebantur. Sapienter quoque Anastasius & alii posteriores Imperatores constituerunt, ne cuiquam administratio patriæ suæ sine speciali jussu principis permitteretur. Arbitrati enim sunt id, quod est, unumquemque necessarium in patria sua multis cogitationibus, adfinitatibus, necessitudinibus implicatum teneri: iisque omnibus rebus iudiciorum religionem ac severitatem impediri. Eodem pertinebant permixta antiquo more alteræ iudicum

reje-

rejectione  
ti, ac pro  
tur. T  
jores no  
ne pecun  
inser ad  
iudices,  
constitut  
nam me  
re exim  
alum, ej  
paterna  
moria re  
perpetu  
quemad  
tantum  
rum, ne  
utriusq  
Platone  
dicens. E  
nis, qui  
interrog  
gram ra  
planè me  
vocantu  
dum sit  
Scyllam  
ita in bon  
ac lenita  
data est  
ius tribu  
majorē l  
lata esse

rejectiones: ut è iudiciis omnis omnino suspicio inolina-  
 ti, ac propendentis in alterutram partem animi tollere-  
 tur. Neminem, ait Cicero pro Cluentio, voluerunt ma-  
 jores nostri non modò de exiimatione cuiusquam, sed  
 ne pecuniaria quidem de re minima, esse iudicem, nisi quã  
 inter adversarios convenisset. Expediret etiam in eos  
 iudices, qui se corrumpi siverent, gravissimas penas  
 constitui: ut fecisse Cambysem ait Herodotus, qui (uti-  
 nam non singulari, sed in omnem posteritatem duraturo  
 exemplo) supra iniusti iudicis corinam in lora disse-  
 ctum, ejus filium ac successorem sedere jussit: ut eum à  
 paternæ improbitatis imitatione, paterni supplicii me-  
 moria revocaret. Omnino autem iudicibus iria in animo,  
 perpetuò habenda esse arbitror. Unum, ut cogitans,  
 quemadmodum ipsi de aliis judicant, ita de se non alios  
 tantum homines, sed ipsum Deum judicaturum. Alte-  
 ram, ne prius sententiam ferant, quàm diligentissime  
 utriusq; partis jura cognoverint. Merito laudatur à  
 Platone illud Hesiodi, *μὴ δὲ δίχῳ δίχων ἀνὴρ ἀμφοῖν μὲν  
 δίκων.* Et elegans est illud Philippi, ut opinor, Macedo-  
 nis, qui cum altera aure occlusa accusatorem audiret,  
 interrogatus, cur id faceret, dixit, se eam servare inte-  
 gram reo. Postremum illud est, debere quidem iudicem,  
 planè medium esse: idè enim *μεσότης*, ut ait Aristoteles,  
 vocantur: Sed tamen, si in alterutram partem inclinan-  
 dum sit, ut Circe dicebat, minus periculi esse, si navis ad  
 Scyllam potius paulū inclinaret, quàm si ad Charybdim  
 ita in hominibus puniendis minus mali esse in clementia  
 ac lenitate, quàm in severitia, & acerbitate. Nam etsi lau-  
 data est apud veteres prætoris cuiusdam severitas, cu-  
 jus tribunal scopulum reorum vocabant, multò tamen  
 majorè laudè haberet illa vox Neronis, si ex animo pro-  
 lata esset, aut si ipse in eadem mansuetudine perstitisset,



qui subscripturus sententia capitis in quendam; Uti-  
nam, inquit, nunquam didicissem literas. Et M. Anto-  
nini illud præcipue commendatur, quod penas legibus  
definitas semper usque ad aliquem modum mitigabat.  
Pleni sunt libri nostri talium sententiarum: Benignius  
interpretandæ sunt leges, quod voluntas earum conser-  
vetur. Et, interpretatione molliendæ sunt pœna potius,  
quàm exasperandæ. Non possum hoc loco præterire di-  
ctum quoddam vetustissimi Oratoris Antiphontis: εἰ δέ τις  
πᾶσι ἀμαρτεῖν, τὸ ἀδίκως διπλοῦσαι ὁσιώτερον, ἢ τὸ ἀδίκως διπλοῦσαι.  
τὸ μὲν γὰρ αἰματηρόν ἐστι, τὸ δὲ ἀδίκως διπλοῦναι, ἀσπίδιον. Cujus  
sententiæ similem quandam ex libris nostris suo loco  
proferemus. Dixi de auctoritate & officio iudicis, non  
quæcunque poteram: neque enim id aut res postulabat,  
aut tempus patiebatur: sed ea tamen, quæ dixi, neque  
aliena, neque inutilia fuisse confido. Quid præstiterim,  
vos ipsi iudices eritis. Si quis erit, qui me contendat de-  
buisse statim ad ea, quæ Juris Civilis propria erant, ac-  
cedere: ab eo peto, ne mihi veniam neget, quod ego ami-  
cis rem non magni momenti petentibus negare non po-  
tuerim: nōve sit ita difficilis creditor, ut in crastinum  
expectare nolit, cū præsertim ipsi Jurisconsulti sub  
eo, quem explicaturi sumus, titulo tradant, in mora  
modici temporis non magnum damnum  
inesse censei. DIXI.



ORA-

## ORATIO XIX.

MANDATU S. P. Q. R.  
HABITA IN ÆDE SACRA  
B. Mariæ Virginis.

QVÆ EST IN CAPITOLIO,  
in reditu ad urbem

M. ANTONII COLUMNÆ  
POST TURCAS NAVALI PRÆ-  
lio victos.

IDIBUS DECEMBR. ANNO  
cdo Id LXXI.



**S** I ULLA POST HOMINUM MEMO-  
riam parta victoria est, in qua & admirabi-  
lis se divini numinis potentia ostenderit; &  
quid fortium virorum virtus, quid singula-  
ris auctorum prudentia valeat, cognitum ac declara-  
tum sit: in hac certè, quam superioribus diebus Impera-  
tores ac milites nostri ex immanissimo ac deterrimo  
Christiani nominis hoste retulerant, ita hæc omnia pa-  
tescunt, ut nunquam maioribus, aut illustrioribus  
argumentis, aut illustrata esse, aut in posterum illustrari  
posse videantur. Quare & immortalis ac præpotenti  
Deo, hujus tanti boni, ut aliorum omnium, auctori, gra-  
tia, quantas maximas animus noster capit, agendæ  
sunt; & fortissimis, ac clarissimis viris, qui periculum à  
nobis omnibus vitæ suæ periculo depulerunt, qui bar-  
baris in nos irruentibus iter corporibus suis occluse-  
runt, qui pestem ac perniciem, quam illi nobis machina-  
bantur,

bantur, in ipsorum capita converterunt, quin illorum  
 remiseritatem consilio, furorē fortitudine, audaciam  
 virtute superarunt, novi atque inusitati honores pro  
 nova ipsorum atque inusitata virtute tribuendi. Quod  
 enim tantum ac tam singulare honoris genus reperiri,  
 ac excogitari potest, quod non & aliis, qui egregiam in  
 hoc bello Republica Christiana operam navarunt, &  
 tua imprimis, M. ANTONI COLUMNA, virtuti rebusq;  
 gestis, & ab aliis CHRISTIANIS populis, & præcipue à  
 populo Romano debeatur? Cujus universi quod sis er-  
 ga te studium, quæ voluntas, neque tibi unquam aut  
 dubium aut obscurum fuit; & tamen nuper aperuissi-  
 me cognoscere potuisti, cum, tuo in urbem ingressu, tan-  
 tus ad te omnium ætatum atque ordinum concursus fa-  
 ctus est, tanta effusa omnis generis multitudo, ut ipse  
 septem colles, ipsa urbis mania, si natura pateretur, se-  
 dibus suis relictis, obviam tibi prodire cupere viderentur.  
 Quacunque ineesseras, faustis acclamationibus  
 omnia personabant: omnes redundantem & foras e-  
 rumpere gestientem lætitiā ore, oculis, manibus indi-  
 cabant: omnium in te uno figebatur obtutus: omnes te,  
 non ut unum ex principibus civitatis, sed ut firmissimam  
 ac solidissimam Romani nominis ac dignitatis columnam  
 intuebantur. Cælum ipsum manifestò favit honori tuo:  
 cum quod aliquot dies antea triste ac nubilum fuerat,  
 ingressuro te, ita dē repente nitere cœpit, ut illa subita  
 serenitas facili omnibus indicārit, honores, qui tibi ha-  
 berentur, etiam cœlestium iudicio comprobari. Nunc  
 quoque, quanta hoc augustissimum templum frequentia  
 hominum compleverit, vides: qui omnes eo animo huc  
 convenerunt, ut CHRISTO JESU VICTORI ET VICTO-  
 RIARIUM DATORI, UT BEATISSIMÆ VIRGINI, UT  
 CÆTERIS COELITIBUS, QUORUM AUXILIO HANC

VICTORIAM SINE ulla dubitatione acceptam  
 FERRE DEBEMUS, im propter fusos ac fugatos ho-  
 stes, im propter te saluum ac sospitem in patriam re-  
 ductum, im ac pie, ut debent, gratias agant. Restat,  
re, d. ANTONI, propter cuius & abeuntis pericu-  
 lum, & redeuntis salutem, templa complentur. Memi-  
nimus omnes, superioribus mensibus, te ad bellum pro-  
 fecto, quæ totâ urbe fuerit trepidatio, quæ sollicitudo,  
 qui pavor. Quamvis enim & duces electi erant for-  
 tissimi ac sapientissimi, & ex toto propemodum orbe  
 Christiano flos ipse nobilitatis convenerat, & præci-  
 pua Italia atque huius urbis ornamenta ac columnæ  
 in exercitu versabantur: tamen eâ magis metuebam-  
 tur varii bellorum & ancipites casus; quod, si quid  
 aut propter vim tempestatum, aut propter hostium  
 copiarum magnitudinem, aut quo alio eventu gravius  
 accidisset: nulla reliqua spes erat, ullum amplius atate  
 nostra talem exercitum posse denuò comparari. Vete-  
batur autem toto mari infinita quedam latronum mul-  
 tudo, nostro sanguine cruenta, nostris spoliis onusta:  
 qui & semper aliâs suapte ingenio feroces, & tum ma-  
 ximè propter recentes victorias spe atque animis in-  
 flati, tantos sibi spiritus, tantam arrogantiam sumpse-  
 rant, ut classem quidem nostram à se spiritu ipso diffla-  
 tam iri; eâ verò disiectâ, quasi janua quadam effracta  
 ac revulsa, omnes sibi Christianorum portus, omnes in-  
 sulas, omnem oram maritimam apertam fore arbitra-  
 rentur. Augebat timorem nostrum, quod anno superiori  
 eas Deus alienata à nobis, propter peccata nostra, vo-  
 luntatis suæ significationes dederat, ut non injuria tre-  
 pidaremus, ne ille meritò nobis iratus, per hostes nominis  
 sui à populo suo pœnas repetere decrevisset. Sed ô ceca  
 hominum iudicia. O abstrusa & recondita Dei consilia.



*O bonitatem ac clementiam ipsius perpetuo prædicandam. Verè Dominus est, qui vulnerat & medetur: percussit & manus ejus sanabunt: qui mortificat & vivificat, qui deducit ad inferos, & reducit: Pro paterna sua misericordia, castigans castigavit nos, sed morti non tradidit nos. Respexit ad lachrymas, ad jejunia, ad eleemosynas, ad preces Ecclesiæ suæ, ad quæ omnia PIUS V. ET NOMINE ET RE SANCTISSIMUS PONTIFEX; toto illo tempore, alios omnes, & præcepto & exemplo suo incitabat. En senex sanctissime, & veterum illorum Pontificum simillime, scelerum ultor, justitiæ cultor, veteris disciplinæ restitutor, cui bono publico, his miseriis ac turbulentis temporibus, Ecclesiam suam gubernandam commisit Deus: hic est fructus lachrymarum atque obsecrationum tuarum: tui fletus pepererunt nobis hoc gaudium; tua quotidiana sacrificia hanc nobis à Deo victoriam impetrârunt. Metis exsultans, quod lachrymans seminasti. Te novo Moyse manum in cælum tollente, novus hic Josua superabat Amalechitas. Tu mentem in Deo, nostri milites in barbarorum corporibus tela figebant. Confirmabant illorum dexteræ preces tuæ, & hostilium gladiatorum cuspidem retindebant. Itaque quanto plus nobis dedit DEUS, quàm petebamus? Nos timidi vota faciebamus, ut hostium classis, cum adventare nostram, auditum esset, quàm celerrimè se ad suos reciperet: quo post tot editas strages, timuisse tamen, & expectare ausa non esse nostrorum impetum videretur. Nam illud propè immodicum videbatur optare, ut & congregarentur, & se barbari, nostrorum virtute cognita, in fugam darent. Quod si ad efficiendam aliquam imaginem speciemque victoriæ, aliquot illorum naves depresso, aliquot captæ, numerus aliquis captivorum liberatus esset: abundè omnes non expecta-*  
*tioni*

tioni mo  
arbitr  
ampli  
cem &  
ginta  
giorum  
plus qu  
rentur  
dus pira  
filius su  
Tyranni  
tum tan  
strum. n  
est? Pr  
nos, ne f  
stis opta  
ri virtut  
animad  
mo DE  
duo ex  
maxim  
norum  
apud ill  
essent gl  
CHRIST  
simam d  
facti su  
videret  
licem, no  
stis. Q  
jibi licet  
de conse  
velit? S

tionem modò, sed optatis quoque nostris satisfactum fore arbitrabamur. Ut autem sine magna nostrorum clade, amplius quadraginta hostium millia caderentur: ut decem & eo amplius millia caperentur: ut centum nonaginta quinque illorum triremes, aliæ complura navigiorum genera in nostrorum potestatem venirent: ut plus quindécim captivorum nostrorum millia liberarentur: ut ex tanta illorum multitudine vix unus perfidus pirata, & unus item sævissimi prædonis Ariadeni filius fuga elaberentur, qui ad superbas immani illius Tyranni aures acerbissimum minimeq; ab ipso expectatum tantæ cladis nuncium adferrent, quis unquam nostrum non dicam sperare, sed propemodum optare ausus est? Præcurrit fortitudo vestra spes nostras: quæque nos, ne frustra optaremus, verebatur, ut ea frustra hostis optaret, admirabili Dei beneficio & vestra singulari virtute perfectum est. Illud verò memorabile & animadvertendum, neque fortuito accidisse, sed iustissimo DEI iudicio effectum esse credendum est: quod qui duo ex illa impura fœdissimorum mancipiorum colluvie maximas minas jactare; qui uni ex omnibus Christianorum vires maxime despicere soliti erant: ut etiam apud illum stolidum ac furem Dominum suum ausi essent gloriari, se centum triremibus, quicquid usquam Christianorum esset, undiq; exterminaturos: ii potissimum cum ad manus ventum est, ita subito perterriti facti sunt, ut ware ipsum angustum eis esse ad fugam videretur. O NONÆ OCTOBRES quàm faustum ac felicem, nobis posterisq; nostris vestri memoriam reliquistis. Quis non eorum, qui prælio non interfuerunt, ut sibi liceret spectasse, quæ illo die gesta sunt, annum unum de consequentis vitæ suæ spatio, si fieri posset, ademptum velit? Solem ergo ipsamq; a vivam, in tam pulchro spectationi

Elaculo, ut Iosue olim adversus Amorreos pugnante,  
 substitutum fuisse arbitror: nisi tanta fuisset vincendi  
 celeritas, ut, qui nihil metuebant, id unum metuere vi-  
 deretur, nisi prius ad vesperasceret, quàm omnes hostes,  
 aut caesi, aut capti, aut fugati essent. Quanam igitur sta-  
 tua, qui arces, quæ columnæ, quæ trophæa vobis exi-  
 vari poterunt, viri fortissimi, quæ non dico paria esse  
 meritis vestris, sed eorum partem adumbrare aliquam  
 possint? qui futuri sunt usque ad diserti ac copiosi historia-  
 rum scriptores, qui cum ad MAURACTEAM VICTO-  
 RIAM venturum fuerit, non potius meditant, ne quid de il-  
 lius magnitudine deserant, quàm eam se verbis exa-  
 quare posse confident? Semper enim justum minuendæ  
 magnitudinis faciunt ea, quæ amplificandi spem sua magnitu-  
 dine sustulerunt. Vos exspitantem barbarorum auda-  
 ciam compressistis: vos maria illis clausistis, nostras  
 aperuistis: vos flammam atque ferrum, vos eadem, ineen-  
 diam, noxas, libidinem, à Christianorum vita, cæcis, for-  
 tunis, corporibus arcuistis: vos à templis sacrilegia: ab  
 oppidis direptionem, ab agris vastitatem depulistis: per  
 vos cruentata ac tepefacta maria illorum sanguine re-  
 tundarum: per vos vicina litora illorum, aut fauciorum,  
 aut rorantium incondita ululatus personarunt: vo-  
 bis magistris didicis noster miles vincere, barbarus vin-  
 ci: vobis Christianorum alii vitam debent, alii liberta-  
 tem, omnes securitatem. Durum, fateor fuerat, audire,  
 tam multa oppida à nefariis latronibus capta, tam mul-  
 ta incensa: tam multas regiones vastatas: abducta in  
 servitutem tam multa hominum millia: sed, si Christi po-  
 tentia, si Christianorum fortitudo aliter apud Barbaras  
 gentes illustrari, quàm post tot acceptas calamitates,  
 non poterat, propè est, ut exclamem, tanti fuisse. Certe  
 quidem: ut rerum temporis clementia & amœnitas mi-

nus hilararet animos nostros, nisi eam hyemis rigor & asperitas antecessisset: ita minus omnes hujus victoria jucunditatem ac dulcedinem sentiremus, nisi eam cum superiorum temporum tristitia, & acerbitate compararemus. Neque verò eos tantum, qui ex illo nobis omnibus salutari pralio, re bene gesta, incolumis reverterunt, omnibus maximis honoribus debemus afficere: sed eorum quoque memoriam grato animo amplissimisq; laudibus prosequi, quos in illo conflictu fortiter dimicantes, non tam vis hostium perculis, quam ille ipse, pro quo pugnabant, sibi pignorat us est CHRISTUS. Qui si, ut credibile est, prius Christiano ritu expiati, ac culpis omnibus soluti, tunc verò in Deum tantum intuentes, & in eo mente ac cogitatione defixi, vitam pro illius gloria projecerunt, eodem illo temporis puncto, angelorum legionibus stipati, triumphantes in cælum evolarunt. O vos beatissimos, qui sanguinem vestrum pro eo fudistis, qui prior ipse pro vobis suum sanguinem fuderat: qui mortem naturæ debitam, pro vitæ auctore potissimam reddidistis. Illi impij, quos tunc concidebatis, cum concidistis, & mortem oppetierunt cum ignominia, & mortui penas nunc ad inferos luunt: vos verò & extremum spiritum victores cum gloria effudistis, & mortali conditione vitæ in immortalitatem commutata, piorum estis æternam sedem & locum consecuti. Beata vita, quæ tali morte conclusa est: beata mors, quæ tali vitæ principium dedit. Sed ut ad te, M. ANTONI, mea iam revertatur oratio, neque populus Romanos ignorat, neque unquam ulla ignoratura est aut gens, aut ætas, hujus immortalis gloria multò tibi plus, quam pro virili parte debere. Tu jam inde à principio, cum à sanctiss. Pontifice Pio Quinto hujus saluberrimæ Principum Christianorū conjunctionis fundamenta jacerentur, ad eam rem ex



ipsius sententia consiciendam, plurimum laboris, opera, auctoritatis contulisti. Tu cum classi Pontificiae summo cum imperio praefectus esses, in Siciliam profectus: inter ea dum JOHANNES AUSTRIUS non mea tantum, sed omnium praedicatione major adolescens: cujus in totam Christianorum classem summa erat auctoritas ac potestas, eodem perveniret, & milites, & classarios studiosissime exercuisti, & ut omnium rerum ad marimum bellum necessariorum copia suppeteret, perfecisti. Tu, quoties de summa re deliberatum est, eas sententias dixisti, quae summam prudentiam cum summa animi excelitate conjunctam indicarent. Tu cum offensiones quaedam intervenire, quae rem in summum periculum adduxerant: irarorum animis, sapientissime cepto consilio, & gravi atq; accommodata ad tempus oratione mitigatis ac compositis, nascentis mali occasionem sustulisti. Tua cohortatione inflammati milites ad pugnam exarserunt: tuum in ipsa pugna exemplum secuti, omnia pro Christo pericula contempserunt. Pervenit, ac perlatum est usq; huc tuarum immortalitate dignarum vocum sonus: OPTIMIS AUSPICIIIS GERI QUaecunque PRO CHRISTIANA RELIGIONE GERERENTUR: BARBARICAM AUDACIAM CEDENTIBUS INSTARE, INSTANTIBUS CEDERE: NOSTRORUM ET VICTORIAE ET MORTI IMMORTALEM GLORIAM PROPOSITAM ESSE: illo duce atque auspice, cujus brachia in cruce pendentis effigies, e summo regiae irremis eminens, nostros animaret, terreret hostes, de secundo praelii exitu nemini esse dubitandum. Audivi, audiivi ipse de fortissimo viro, cujus eximia virtus & saepe alias, & in hoc bello vel maxime spectata est, quique tuorum in hac expeditione consiliorum, ac laborum particeps fuit, quam praecellens tibi, quamq; honorificum testimonium tribuit

buerit DIVINUS ADOLESCENS JOHANNES AUSTRIUS; postredie ejus diei, quo debellatum est: cum apertè prædicaret, tuam in hac sancta belli societate constanda præter ceteros laborem ac studium; in deliberando prudentiam & altitudinem animi; in re gerenda fortitudinem, & alacritatem exstitisse: te & committendi prælii consuasorem, & comparandæ victoriæ adiutorem sibi præcipuum fuisse. Quæ cum omnia magna & præclara sint, multò tamen à te majora, & præclariora populus Romanus expectat. Properant, M. ANTONI, nostra omnium vota, quique inimis præsentis gaudii magnitudinem capere vix possumus, rerum à te gestarum præstantia quasi quibusdam aliis sublata, cogitatione & spe multò jam ulterius provolamus. Non satis est impulsisse hostem: prosternendus & opprimendus est, antequam se novis opibus copiisq; renovarit. Exorquenda sunt vobis ex illius belluæ faucibus impioꝝ dominatu ampla illa & optima regna, in quæ, à Romano Imperio distracta atq; divulsa, nullo jure, injustissimus possessor invasit. Tendi vobis judæa supplices manus & palmas, quarum feracissima est, vestris victoriis triumphisq; despondet: obtestaturq; vos per eum, quem ex purissimæ matris utero mirabiliter exeuntem excepit: cujus vestigiis impressa, cujus admirandis operibus nobilitata, cujus sparsa pro nobis omnibus sanguine irrigata est, ne se diutius patiamini indigna Christi hostium servitute oppressam teneri. Duce olim columna judæi ex dura ac diuturna servitute extracti sunt. Utinam nostris quoque temporibus judæa ipsa dūce COLUMNA ex multò duriori multoq; diuturniori servitute extrahatur. Proditum est literarum monumentis, imperante Constantino, Constantini Magni filio, visam

esse

esse in cœlo sub specie crucis ingentem COLUMNAM  
 CORONATAM, quæ longè lateq; collucens, à monte  
 olivarum usque ad eum montem, ubi Christus, præ no-  
 bis omnibus morte affectus est, perungeret. Declaran-  
 dum est tibi, M. ANTONI, rebus ac factis, tam insi-  
 gne prodigium ad te, & ad gentem tuam pertinere. An  
 verò gentes quædam antiquis temporibus, propter  
 violata majorum suorum sepulchra gravissima bella  
 susceperunt: nos JESU CHRISTI Domini ac Dei  
 nostri sepulchrum, monumentum salutis nostræ, pignus  
 resurrectionis nostræ, ab immundis canibus tandem te-  
 neri, eisq; ludibrio esse patiemur? Ne potius optima  
 omnibus generose ac fortes anime: ite accensa divini  
 gloriæ studio pectora: continuate victorias: connec-  
 te triumphos: invidete posteris vestris gloriam ejus  
 terræ, ex qua salus nostra prædit, ab immanibus bel-  
 luis receptæ ac recuperatæ. Ubi melius sanguis spar-  
 gi potest? ubi melius vita deponi? ubi verior ac soli-  
 dior gloria comparari? O Christe, te appello. In tua  
 manu bellum & pax: in tua manu victoria; in tua  
 manuregum ac populorum corda sunt. Inspira nostris  
 ardorem pugnandi: da eisdem vim facultatemq; vin-  
 cendi; immitte eam mentem principibus ac populis, qui  
 nondum in hanc sanctam societatem nomina dederunt, ut  
 id primo quoq; tempore facere maturent; non quod tu,  
 qui omnia potes, aut eorum opera, aut nostra ad hostes  
 tuos obtinendos egeas: sed ut omnes, qui tuo nomine  
 gloriantur, in partem aliquam veniant ejus gloriæ,  
 qui ex nominis ac cultus tui propagatione capietur:  
 & quando urbem Romam imperii sedem ac domicilium,  
 Ecclesiam Romanam religionis firmamentum esse vo-  
 luisti: da Pio Quinto Pontifici, da populo Romano hoc  
 munus, ut in hanc potissimam urbem, & ad hunc potis-  
 simum

simum  
cunctumHAI  
PE

In f



 Patres  
 curbar  
 tem, t  
 vandus  
 rim d  
 lam lon  
 piosi ad  
 dare ac  
 precipu  
 ratione  
 floruiss  
 cendo; se  
 me anu  
 ris diffi  
 ut & n  
 ea ipsa,

simum Pontificem parte tam nobilis victoria aliquando  
nuncius adferatur. DIXI.

## ORATIO XX.

HABITA ROMÆ IN ÆDE DIVI

PETRI IN VATICANO V. ID. MAI.

Anno clō Id LXXII.

In funere Pii V. Pont. Max. qui  
obiit Kalend. Maj. ejusdem  
anni.



ICTURUS ex veteri consuetudine de Pii  
Quinti sanctissimi, & in omni virtutum ge-  
nere summi Pontificis laudibus, in hoc orbis  
terrarum augustissimo, nobilissimoq; confessu,  
Patres amplissimi, maximopere commoverer, ac con-  
turbarer animo, tum ob virium mearum imbecillita-  
tem, tum ob brevitatem temporis mihi ad me compa-  
randum dati: Si existimarem aut ullam in quoquam  
rim dicendi meritis ipsius parem posse reperiri, aut ul-  
tam longitudinem temporis suffecturam ei, qui tam co-  
piosi ac multiplicis argumenti partes omnes pertra-  
ctare ac persequi veller. Sed cum & omnibus, & vobis  
præcipue, qui propius illum cognovistis, notum explo-  
ratumq; sit, iis illum supra ceteros mortales virtutibus  
fluvuisse, quarum præstantiam, non dicam exæquare di-  
cendo, sed assequi cogitando difficile atq; arduum sit: ipsa  
me animosiores atque alacriores facit suscepti mune-  
ris difficultas: cogitantem, quod mihi necessario evenies,  
ut & multa memoratu dignissima prætermittam, &  
ea ipsa, quæ attingam, jejuniis multò atque exiliis,  
quàm



quàm pro ipsorum dignitate, percurram, idem enilibet quamlibet exercitato, & omnibus rebus ad dicendum instructo homini eventurum fuisse. Ac quoniam auguratur animus: eum jam in aeternas illas beatorum sedes evectum, & cum Deo conjunctum, quæ hoc tempore à nobis dicuntur, quæque fiunt, audire atque intueri: eundem in hoc munere obeundo modum tenebo, quem tenerem, si ipse, mortali adhuc corpore indusus, præsens adesset: ut & eo genere orationis utar, quo ipsum præcipue oblectari solitum novimus, non pigmentis ac fucis oblieto, sed severo ac solido: & ea sola in ipso commendem, quæ ipse in rebus humanis sola commendanda ducebat. Qui ethnicorum more vixerunt, ethnicorum more laudantur: ego tam sancto, tamq. Christiano principi nullam laudem convenire arbitror, nisi verè ac propriè CHRISTIANAM. Itaq. in quibus exaggerandis, & amplificandis veteres plurimierant, & à quibus ferè hujus generis orationum principia ducebant, patriæ claritatem, quam etiam quidam ex illis primam partem felicitatis esse dixerunt nobilitatem generis, opes, ac copias, ea nos, etiam si verè ac copiose id facere possemus, in talis tamen v.ri laudibus numeranda non dicemus. Quanti hæc sint, declaravit ipse Christus, qui totius orbis Dominus, obscurum & ante id tempus ignobilem pagum, in quo nasceretur elegit: Deus & Dei filius, faber & fabri filius haberi voluit: rex omnium, in paupere tugurio natus, non habuit ubi reclinarer caput. Immo verò ii demum gloriæ mihi præter ceteros, atq. illustres videntur, etiamsi hæc humanarum rationum monumentis expendere libeat, qui DEO tantum freti, ea, quæ inter homines summa habentur, sine ullis ejusmodi præsiidiis, sua sibi virtute pepererunt. Pulchrum est enim ita abundare, ut nemini quidquam debeas;

beas; ita illustrare alios, ut nihil ipse splendoris ac cla-  
 ritatis ab aliis mutuatus esse dicaris. Sed, his omis-  
 sis, quæ semper sapientissimus quisque contempsit, jam quasi  
 thesaurum quendam rerum pulcherrimarum, ac pre-  
 tiosissimarum aperiens, spectandumque proponens, evol-  
 vam & explicabo vera illa & divina bona, quæ semper  
 illum bonis amabilem, improbis formidabilem, utrisque  
 admirabilem, reddiderunt. Qui statim ab ipso inuentis  
 ætatis principio, cum, & divino lumine collustratus, &  
 domesticâ, ut credibile est, institutione commonef-  
 ctus, iis, qui in seculo viverent, difficilem esse in cælum viam  
 judicasset, impulsu Spiritus sancti, fugit à patria infe-  
 riori ac terrestri, ut Abraham, iterque illud arripuit,  
 quod ad illam superiorem ac cælestem tendenti tutius,  
 atque expeditius esse intelligebat. Fugit ut Loth; neque post  
 tergum respexit; cum sciret, eos, qui manu ad aratrum  
 appositâ respiciunt retrò, aptos non esse ad regnum Dei.  
 Fugit ut Jacob, & in ea demum terra conquivit, in qua  
 vidit scalas, per quas itur in cælum. Dedit enim nomen  
 in laudatissimam illam D. Dominici sodalitatem; in qua,  
 ut primum instituta est, tanquam in optimo ac fertilis-  
 agro, eodemque bene ac diligenter subactò, & exculto, vi-  
 ri & doctrinæ magnitudine, & vitæ sanctitate præstan-  
 tes, nunquam alii aliis succrescere, alii ex aliis conti-  
 nenter propagari ac profeminari desierunt. In ea ita  
 vixit, ut juvenis senibus, iuveno veteranis, novitius exer-  
 citatis, tanquam exemplum continentie, tolerantie,  
 frugalitatis, obedientie, omnis denique virtutis propone-  
 retur. Neque verò capit quidem ita vivere, sed in eo non  
 perstitit; neque perstitit quidem, sed non longius progre-  
 ssus est; neque progressus quidem, sed in medio cursu de-  
 fatigatus. Immo verò totum vitæ spatium ita transegit,  
 ut, cum jam pridem ad summam virtutis perfectionem  
 per-

pervenisse judicaretur, ipse tamen quotidie seipso melior ac perfectior cerneretur. Cum autem alia in hoc viro admirabilia fuerunt, tamen singulare studium conservande veræ, ac Catholicæ religionis, adversus eos, quæ illam ulla ex parte labefactare conarentur, implacabile odium semper eluxit. Quibus cum ille perpetuum bellum gerens, ne punctum quidem temporis in vita ab eis vexandis, & exagitandis conquievit. In aliis erratis condonandis, atque ignoscendis, quanquam & sui & aliorum severissimus censor, non ita se durum atque inexorabilem præbebat: qui ab Ecclesia descivissent, nisi aut ipsos erroribus, aut ipsis orbem purgaret, vitam sibi acerbam atque insuavem esse ducebat. Exodebat animum ipsius zelus Ecclesiæ: neque quisquam unquam verius idem, quod olim David, dicere potuit. Nonne qui oderunt te, Domine, oderam, & super inimicos tuos tabescebam? Perfecto odio oderam illos. Ergo cum ei munus in eos inquirendi publicè mandatū esset, quas ille potentum inimicitias, quas minas, quæ pericula, quas vitæ ac capitis dimicationes sibi, dum illos modis omnibus persequitur, defugiendas putavit? quas non potius ultrò ac cupidè appetiit? quam sæpe ab illis petitus, à Deo mirabiliter servatus est? Ut de eo dici possit, quod alicubi ait Cyprianus; Non animum martyrio, sed martyrium animo defuisse. Ob hæc tanta ac tam præclara in Christianam Rempublicam merita, primum creatus Episcopus Nepesinus, deinde à Paulo IV. in vestrum, Patres amplissimi, Collegium adscitus, atque aggregatus, quanta cum dignitate dignitatem illam sustinuerit, quid opus est, præsertim apud vos agentem, pluribus verbis exponere? Quantum ei prudentiæ & acuminis ad videnda ea, quæ vera, & recta essent, quantum animi, & libertatis ad eadem proferenda, quan-

tum auctoritatis ad obtinenda semper fuit? Nihil unquam ille in dicenda sententia aut metui, aut gratia dedit: nunquam ad cuiusquam voluntatem orationem suam accommodavit: nunquam quidquam veritate prius, aut antiquius habuit. Itaque vulgo etiam dicebant, nihil ab eo precibus peti oportere: preces enim apud eum neque ad iusta impetranda necessarias esse, neque ad iniusta extorquenda efficaces. Quid si quidam ex veteribus Romanis eo nomine felix habitus est, quod ab eo nemo ullam rem improbam petere auderet: quid hunc dicemus, quem omnes, qui quid petituri erant, in quo vel minimum turpitudinis inesset, tanquam scopulum quendam refugiebant? Ut autem divino consilio vestris suffragiis, in Pin Quarti locum susceptus est, tanta subito extitit bonorum alacritas & exultatio, tanta improborum fuga & trepidatio, ut ne illi quidquam sibi optatus potuisse contingere, neque hi usquam se iam tuto posse consistere arbitarentur. Cernere erat bonos hilares & erectos, tristes improbos & abjectos: illos gaudio triumphantes, hos de consciscendo sibi voluntario exilio consilia inter se communicantes: illi gratulatum ad templum convolabant, hi ad spectum hominum lucemque vitabant: illos sublato in cælum, hos amandatōs infra terram putares. Neque verò multis edictis aut programmatis opus fuit ad pestes quasdam hominum ex urbe pellendas. Ut sol exoricens nebulas dissipat, ut ventus aream purgat: ita nomen ipsum novi Pontificis dissipavit improbos, & urbem terra illa impiorum hominum colluvione purgavit. Jam in ipso Pontificatu qualis fuerit, si quis subtilius requirere instituat, ita reperiet, multis seculis nullum Pontificem fuisse, quid ad veteres illos, Sylvestrum, Gregorium, Leonem, ejusdemque generis alios, vivendi ratione, & consuetudine pro-



proprio accesserit. Primum enim si privata & domesti-  
ca spectemus, eandem in victu cultuq; parcimoniam re-  
tinent, quibus à principio se, cum adhuc in monasterio  
ejus assuescebat. Eadem jejunia erant, eadem preces,  
eodem statim anni temporibus à variis ciborum generi-  
bus abstinentia, eadem interioris vestitus asperitas; ne-  
que quisquam unquam intemperans tanto studio volu-  
ptates corporis confectus est, quanto ille eas perpetuo  
repudiavit. Imò verò, quarum Ecclesie constitutio-  
num propter senectutem, aut propter imbecillitatem  
corporis gratia plerumque petentibus fieri solet, iis ut  
ipse se solveret, quamquam & affecta aetate, & corpore  
admodum imbecillo nunquam tamen adduci potuit.  
Quid è ferè sacrificabat, si id non poterat, omnino ta-  
men sacrosancto Missæ sacrificio intererat. Nunquam ex  
ejus ore verbum unum prolixi, quod non aut ad Dei lau-  
dem, aut ad eorum cui aderant emendationem, pertine-  
ret. Sic quamquam adhuc in terra positus, versabatur  
in celo: & cum hic nobis sum viveret, jam tamen civis  
erat Sanctorum & domesticus Dei. Tota quoque ejus fa-  
milia ad exemplum Domini composita erat: cumq; mul-  
tis in locis familiares principum sumptuoso vestis ge-  
nere, arrogantia & contemptu ceterorum, licentia &  
dicendi & faciendi quicquid collibuit, distinguì ab aliis  
solerent, hic suos ita instituerat, ut nulla res magis quam  
modestia singulari, & præcipua quadam sanctitatis  
vita à vulgaribus discernerebantur. Atque hæc priva-  
tim. Publicè autem quot quantaq; beneficia in hanc  
urbem, & in totam Christianam Republ. eam contulit.  
Revocavit veterem Ecclesiasticam disciplinam: quæ ita  
jam obsoleverat, vix ut ejus imaginem in veterum scri-  
ptis agnoscereimus. Judiciorum severitatem, quam jam  
improbissimus quisq; aut eludere, aut percurrere sole-  
bat,

bat, ren-  
culum p  
ciis, bon  
qui sum  
audean  
ritie co  
opera d  
versus  
tem, &  
repreh  
suos, &  
usq; eo  
duxerit  
oximio  
bus nec  
avariti  
ac mag  
quoque  
glorie  
innum  
nita ih  
stiani q  
bus fin  
le, & o  
celebre  
Remp  
Rege v  
cas ger  
landar  
cipes Cl  
tum an  
calorib  
sororis

bat, renovavit; cumq; acrioribus remediis egere hoc se-  
culum judicaret, propositis etiam acerbioribus suppli-  
ciis, hominum libidinem audaciamq; frenavit. In quosq;  
qui sunt, qui eum ut nimis severum, & rigidum culpae  
audeant, & ut molles agroti de medicamentorum ama-  
ritie conquerantur, facere id non possunt, quin eadem  
opera de sua nequitia & levitate fateantur. Nam si ad-  
versus extraneos tantum severitate adhibuit, in se au-  
tem, & in suos remissus, atq; indulgens fuit, tum sanctos  
reprehensores audiamus: sin & domi, & foris, & in  
suos, & in alienos sui se similem praebeuit, neq; quengua  
usq; eorum habuit, ut ad ejus peccata connivendum  
duxerit: fateamur, id quod res est, severitatem illam ab  
eximio quodam justitiae studio profectam, his temperi-  
bus necessariam ac salutare fuisse. Jam eum & ab omni  
avaritia ac sordibus longissime abfuisse, & liberalitate  
ac magnificencia excelluisse, & res ipsa loquitur, & id  
quoque, qui propter eas quas dixi causas parum ejus  
gloriae favent, confitentur. Cui rei argumento est, &  
innumerabilium privatorum inopia sublevata, & infi-  
nita illa via pecuniarum, qua omnibus prope orbis Chri-  
stiani partibus aliqua difficultate pressis, ac laboranti-  
bus sine ulla cunctatione subvenit. Illud verò immorta-  
le, & omnium gentium omniumq; seculorum predicatione  
celebrandum beneficium, quo universam Christianam  
Rempublicam affecit, inita & constituta cum Philippo  
Rege verè Catholico, & cum Venetis, belli adversus Tur-  
cas gerendi societate, quis unquam satis pro dignitate  
laudaverit? Quam in societatem, ut ceteros quoq; prin-  
cipes Christianos perduceret, cum alia multa molitus est:  
cum anno superiori, periculosissimo tempore, maximis  
caloribus, eum quem semper meruissimo unice dilexit,  
sororis suae nepotē, Michaelem Cardinalem Alexandrinū,

sibi sanguinis quidem conjunctione proximum, sed virtutis imitatione propiorem, in cuius adfectu, ac colloquio acquiescebat, cum quo cogitationes ac consilia sua communicabat, in quo maximum posteritati suae praesidium collocarat, eum igitur legatum in Hispaniam, in Lusitaniam, in Galliam misit: neque ejus, quem tanto per se amabat, vitam in apertum discrimen exponere veritus est, dum ne quid intentatum relinqueret, quod ad Christi gloriam & ad Christianorum utilitatem pertineret. Hac ego cum laudo, Patres amplissimi, vos laudo. Magna enim vestra laus est, aliorum quidem, quod ex corpore vestro talem principem elegistis; aliorum verò, quod vos talis princeps in amplissimum ordinem adlegit. Singulares principis nostri virtutes Deus Opt. Max. singulari felicitate cumula vit, datis ei de duplici genere hostium duabus maximis pulcherrimisq; victoriis, altera terrestri de iis qui in Gallia, & à Christo, & à rege defecerant; altera navali, cuius recens adhuc memoria est, sempiterno Christiani nominis hoste, Targarum tyranno, sed & hac & alia plurima, quae sciens prudensq; ne longior sim, praetereo, historiarum scriptores monumentis suis commendabunt aeternitati, mihi autem breviter de ipsius exitu, ac migratione ex hac vita dicendum est: ut intelligant omnes vitam ita laudabiliter actam, non minus laudabili fine esse conclusam. Duo sunt, quae, cum ad extremum vitae ventum est, etiam spectata virtutis viros de gradu decidere interdum solent, doloris acerbitas, & mortis metus. Et sunt tamen, qui quamdiu à se mortis pericula abesse confidunt, dolorem satis forti animo ferunt. Sunt etiam, qui, dum ne gravi, & diuturno dolore crucientur, imminentem mortis necessitatem satis aequo animo expectant. Qui autem utrumque praestet, ut neque doloris acerbitate ac diuturni-

urnitate  
entis mor  
lam forte  
Qua laus  
mnum c  
ta totos a  
maxima  
illam voc  
requentiss  
dum add  
pso morbi  
exhorruit  
nimi pert  
si, seu div  
fit; praesci  
duis aper  
Unam, qu  
ves, hoc es  
Sanctam E  
horum fo  
contingere  
cramentu  
liam vita  
dam morb  
culum, co  
templa m  
bus morb  
partem p  
rum relia  
post visum  
& praecep  
motus, flu  
& secuta

turnitate frangatur, neque adventantis, atque immin-  
 nentis mortis metu terreatur, ei pectus incredibili qua-  
 dam fortitudine armatum, esse ac munitum, necesse est.  
 Qua laus si cui unquam meritò tributa est, huic certè  
 omnium confessione tribuenda est. Qui cum quadragin-  
 ta totos dies tantam vim doloris perpassus sit, quanta  
 maxima cadere in hominem potest, nunquam tamen  
 ullam vocem parùm se dignam emisit: sed illud in ore  
 frequentissimè habuit, Domine adde sanè ad dolorem,  
 dum addas & ad patientiam. Mortem autem sibi ab  
 ipso morbi principio certam, atque exploratam ita non  
 exhorruit, ut de ea sine ulla prorsus aut vultus, aut a-  
 nimi perturbatione loqueretur: planeq; ostenderet eam  
 à se, ut divus Paulus ait, in lucro poni. Ac ne cui dubium  
 sit; præscivisse eum, sibi ex illo morbo moriendum fore,  
 duas apertas, atq; illustres ejus rei significationes dedit.  
 Unam, quod Cardinalem Alexandrinum pridie Parasce-  
 ves, hoc est, vicesimo nono ante ipsius obitum die, sacra-  
 sanctam Eucharistiam sibi porrigentem, & usitata ver-  
 borum formula utentem, iussit insistere, & ita verba  
 concipere, ut in iis tantùm sit, qui sanctissimum illud Sa-  
 cramentum pro viatico accipiunt, ut paulò post ad a-  
 liam vitam commigraturi. Alteram quòd cùm, ob quan-  
 dam morbi levationem, depulsum ab eo esse mortis peri-  
 culum, constans opinio esset, septem illa præcipua urbis  
 templa invisere voluit, ejusq; itineris, quanquam viri-  
 bus morbi gravitate ac longinquitate dejectis, magnam  
 partem pedibus confecit, aperte proficens, velle se eo-  
 rum reliquias postremum videre, quos se non multò  
 post visurum esse speraret in cælo. Mortem autem illius  
 & præcesserunt multa prodigia, terræ fremitus, terræ-  
 motus, fluminum inundationes, crebri fulminum jactus,  
 & secuta est tanta populi consternatio, ut ejus deside-  
 rium



ritum vix longo tempore mitigari posse videatur. Sed nos quidem alienissimo Reipublicæ tempore optimo & præstantissimo principe orbatî sumus: ille autem, ut confidimus, è tenebris, ac vinculis corporis in lucem libertatemq; productus, promissam pijs omnibus possidet hereditatem: ita ut mors ipsius, si sortem nostram respiciamus, luctu & lamentationibus, in ipsum cultu & gratulationibus præsequenda sit. Vos verò, Patres amplissimi, quos jam annos nonnulli tantî gubernatoris obitu antecur Ecclesiæ, quorum ex auctoritate ac suffragiis, secundum Deum, tranquillitas temporum & salus Reipublicæ pendet, consiliis quàm primùm rebus afflicti, & ex vestro utilissimo corpore ac Collegio, aliquem ejusmodi Ecclesiæ rectorum deligite, qui & sedare possint ancoram ex hujus morte concupiscunt, & voluntate præsentis assensu, auctoritate apertissima se ad perficienda pulcherrima ac præstantissima opera, quæ præterea hujus morte imperfecta atque inchoata manserant. DIXIT.

## De via & ratione ad eloquentiæ laudem perveniendi.

### ORATIO XXI.

HABITA ROME NON. NOVEMB.

Anno dlo 12 LXXII.

**H**IS civile me non vulgari via, sed nova quadam, & ante me in his quidem scholis inusitata ratione tradere ingressum, & in opere institutq; pulcherrimo quartum in annum, magna auditorum frequentia, magna animi contentione versantem, vestra, Cardinales amplissimi, in medio cursu insistere, aliudq; munus suscipere coëgit auctoritas.

tas. Nam cum homo eruditissimus, qui tradendis elo-  
quentie præceptis in hac urbe consenserat, & adfecta  
valetudine, & ipsa jam ætate otium ac quietem postu-  
lante, missionem à vobis honestissimam in se traxisset, nec  
ei facile successor idoneus reperiri posset, videretur, mi-  
hi potissimum mandandum esse ab eo non dissimula per-  
vinciam censuisse. Parabo libans, ut debeamus quædam  
vestra: neque mihi quidquam in iura à vobis impositu-  
tur aut laboris, aut oneris, quod non ego exemplo atq;  
alacri animo subeam: quæque mihi à vobis imperata  
erunt, nunquam aut aspernabor ut nimis humilia, aut  
ut nimis ardua extimationem. Vestrum est decernere ac  
statuere, quam à quoz, nostrum hujus quasi Republicæ  
partem administrari ac procurari velitis: no-  
strum, parere & mandata vestra subsequi, neque ququam  
nobis ita placere, aut tantum nobis tribuere, ut de ve-  
stro judicio judicemus. Equidem quod à me attulerim, ne-  
que ullam artam, quæ quidem hominibus ingenuis studia  
digna sit, sordidam & abjectam esse ducis: & hinc ad  
quam tradendam nunc vocor, semper nobis esse exi-  
stimavi: & si aliter sentirem, fortassis tamen non vere-  
rer imitari Laconem illum, qui in convivio cum eo lo-  
co jussus accumbere, convivatorie ingenuitasque non  
commendavit, qui rationem excogitasset, quæ ut quoz  
loco dignitatem compararet. Nemo enim tam puerum tal-  
go dicitur, magistratus virum uti esse in hac homi-  
num collocat, sed etiam sæpè magistratum is esse cum ge-  
rit, exornat. Epaminondas fecerat, cum a civibus suis  
Telearchus creatus esset: is apud Thebanos magni mo-  
menti magistratus: non detrectasse, se dixisse ita ge-  
sturum, ut deinceps Telearchia hæc nomen haberetur.  
Atque ita effectum est. Tantum enim Epaminonda va-  
luit auctoritas, ut post eum Telearchi perpetuè creati

sint ex principibus civitatis. ~~Hæc &~~ talia dicerem, si in eloquentia professione parum inesse dignitatis existimarem. Sed & de re ipsa, & de me longe mihi alia opinio est. Quamvis enim non inficior, magnum me semper amatorem atq; admiratorem disertæ atq; ornatæ orationis fuisse: studioq; in eam rem operam dedisse etiam, si vultis aliquando imposuisse populo, & apud eos qui me cum deterioribus comparabant, in aliquam non infantis, neq; indiserti hominis opinionem venisse: vereor tamen, ne exemplo meo comprobem id, quod tradunt rei militaris scriptores, etiam veteranos milites pro tyronibus habendos, cum dñi à pugnando cessarunt. Sed quoniam id tantum à me expectari ac requiri puto, primum ut vobis, adolescentes, indicem ac commonstrem eas vias, quibus ad eloquentiam pisse arbitror perveniri: deinde ut ad superandam earum difficultatem, quantum in me erit, si quid modò erit, neq; autem multum, neq; tamen nihil omnino fore confido, auxilio sim: suscipiam, ac subibo paulò majore cum fiducia onus id, quod mihi si meum perpetuum publicæ utilitatis studium divinæ benignitatis aura comitetur, utcumq; posse videor sustinere. Ut enim, si quis humo egens ac tenuis, alios se collocupletaturum esse profiteatur, ridiculus sit: sin id tantum polliceatur, ostensurum se, quam viam insistere debeant, qui rem facere cupiunt, nihil tamen alienum atque abhorrens à fortuna sua suscipere videatur: sic ego, si ea me iraditurum dicere ausim, quibus eloquentes fieri possint, meritò irridear, cum ipsi mihi eorum perexigua pars suppetat; sin id tantum dicam, posse me iis, qui eloquentiæ studio tenentur, vias quæ ad illam ferant ostendere, & ad id quod adamârunt consequendum aliquid opis afferre: causse, ut opinor, nihil sit, cur me quisquam aut nimium mihi adsumere, atque

atque arrogare dicat, aut ea polliceri, quæ præstare non  
possim. Noli autem, auditores, existimare, me vulgare  
aliquid vobis & in medio posuam polliceri, cum polli-  
ceor, me vobis iuneris ducem ad eloquentiam fore: neq-  
ita eloquentiæ nomen accipite, ut vulgò accipi consue-  
vit. Hæc enim ut quis vulgaria Rhetorū præcepta  
utcumque didicit, & in Ciceronis scriptis tantum posuit  
operæ, ut, adhibito Nizæli libro, possit orationem aut  
epistolam scribere, cuius tum singulæ voces, tum ipsa et-  
iam structura, & collocatio Ciceronem oleat, proximòs  
magno eorum consensu, qui nihil aliud, aut sublimius  
cogitant, eloquentis nomen assumit. Itaque, si de quo-  
piam istorum percunctèrè, num Platonem, Aristotelem,  
Theophrastum legerit: denique num Philosophiam at-  
tigerit, negabit: se enim, relictis aliis Phil. sophiæ stu-  
dio, eloquentiæ gloria contentum fuisse. Quid Herod-  
tum, Thucydidem, Xenophontem quam diligenter, stu-  
dioseq; versaverit? Aliquid se fortasse ex eis libasse di-  
cet, sed properantem & aliud agentem, & qui unam  
modò spectaret eloquentiam. Certe igitur Hæmerum  
quem ut cæterarum ingenuarum artium, ita eloquen-  
tiæ quasi fontem quandam, esse dicunt, Sophoclem, Euri-  
pidem, à quo optimè ab eloquentiam, ipsi eloquentiæ  
magistri prodiderunt, cæteros denique Græcos & Lati-  
nos Poëtas accuratè pervoluisti. Quem tu m. h. in-  
quit, Hæmerum, quem Sophoclem, quas nugæ nomi-  
nas? quasi ego Poëta, non Orator, esse voluerim. Nizæ-  
rum igitur, cum à te omne aliud scriptarum genus ab-  
dicasses, in illis eloquentiæ luminibus Lysia, Hyperide;  
Andocidem, Isæo, Isocrate, Demosthene, quam plurimam  
olei consumpsisti, in eis egregium aliquod studium cõ-  
casti, eos, sæpè relegens in saccum ac sanguinem con-  
vertisti tuum. Imò, inquit, quorundam ex istis vix ipsa no-



mina agnosco : alios à Cicerone meo commendari memini, qui mihi solus in amoribus ac delictis fuit, quem ego, admirabili quodam eloquentiae studio inflammatus, nunquam ex oculis, ex manibus, ex sinu deposui : cuius in scriptis ita diligens ac sollicitus fui, ut, quemadmodum nummi aurei aut argentei à plumbeis tinnitu ipso dignoscuntur, ita ego voces Ciceronianas ab iis, quæ Ciceronis non sunt, sono ipso discernere ac diiudicare possem. Bene sit, inquam, istis auribus tuis tam delicotis, tamq̃ exuditis : sed cur, quæso, cum Ciceronem tanti facias, eos, quos tantoperè ab eo laudari videbas, non attingisti ? Istos, inquit, legissem, si Græcè eloquens esse voluissem. Latine quidem eloquentiae laudem assis, et tanti satis esse unus Cicero visus est. Quæ ista, malum, Latina eloquentia est, aut quando quisquam veterum istud iter ad eloquentiam tenuit ? Mibi quisquam eloquentiam vocat, cum genera causarum, & nomina figurarum, & vulgaria quædam præcepta de conformandis orationis partibus, & huiusmodi nanias didicerit, voculas ex Cicerone collectas conjungere, & ex eis quasi tessellis junctam ac famelicam orationem contexere, sedulò caventem ne quid dicatur, quod non antè Cicero dixerit ? Picorum & Pittacorum ista eloquentia est, auditas voces iterare ac reddere, neq̃ quidquam unquam dicere quod sit verè ac propriè tuum.

Aliud antiqui vocabant eloquentiam, qui nisi de civilibus negotiis ornate ac copiose loqui posset, qui dicendo animos audientium flecteret, qui admirationem concitaret, qui modò clamores faceret, modò circumfussam multitudinem stupore defigeret, neminem eloquentem vocabant. Itaque qui se dicendi magistros profitebantur, multa de ratione argumentandi, multa de virtutibus ac vitiis, multa de permotionibus animi, multa de re-

de vet  
tuend  
se  
ipso  
fient  
Aristo  
dam  
comm  
omnib  
qua a  
sem p  
qui a  
animi  
efficac  
proba  
vita  
pulve  
manu  
nitum  
vinc,  
bet,  
thym  
Hic  
rum  
ma  
comp  
Enth  
Poi  
quan  
qui n  
ad fo  
omne  
& L

de veterum institutis, ac legibus, multa de ratione instituendarum ac gubernandarum civitatum disputabant, sed propterea non Rhetoras, aut, quæ tàm usitata erat ipsorum appellatio, Sophistas, sed gloriosiore ac magnificentiore nomine Politicos nominabant. In quo etsi eos Aristoteles coarguit, ipse tamen docet, Rhetoricen quiddam esse ex Dialectica & ex Politica constatum atque commissum: & opus Rhetorices esse ait in rebus omnibus, quæ in consultationem cadunt, omnia videre, quæ ad fidem faciendam accommodata sunt. Tribus autem præcipuis capitibus contineri ait, si ita dicamus, ut, qui audiunt, bonos viros esse nos opinentur. Si eorum animi motus quosdam concipiant ad id, quod volumus efficiendum atque obtinendum accommodatos: si id quod probare volumus, aut demonstremus, aut demonstrare videamur. Ut autem Dialecticus, non ille ex scholastico pulvere clamator odiosus ac molestus, sed verus ac germanus Dialecticus duobus ad probandum instrumentis utitur, syllogismo & inductione: sic ei compar ac geminus, & in dissimili genere simillimus orator duo alia habet, quæ duobus illis ex altera parte respondeant, enthymema quod syllogismo, exemplum quod inductioni. His duobus armatus est, his pugnare, his suam & aliorum dignitatem tuetur: neq; sine magna copia enthymematum & exemplorum ad omnem dicendi materiam comparata, eloquenti nomen sustinere quisquam potest. Enthymematum copia à Philosophis, exemplorum à Poëtis & historiarum scriptoribus petitur: neque quisquam oratoris, aut eloquentis nomine dignus evaserit, qui non prius omnia Philosophorum scripta, quæ quidē ad formandos mores & ad tractandam Remp. pertinent, omnem historiam veterem, omnes antiquos & Græcos, & Latinos Poëtas diligenter & accuratè pervolvât.

Magnus labor, dixerit aliquis. Fateor: sed magnum et  
id, quod hoc labore petitur. Et verum est, quod ait Ha-  
ratius: nil sine magna vita labore dedit mortalibus. Ad  
hanc facultatem consequendam ego me vobis, Audito-  
res, quantum vires meae facient, ducem ac comitem pra-  
fiteor. Restat res agere: vobis, ut ille ait Comicus se-  
nex, seritis, vobis occitis, vobis eisdem mesitis, vobis  
demque, si se pariet letitiam labor. Et debitis me quoti-  
die causa vestra efficienitem, quaecunque potero, canan-  
tem, etiam ea, quae non potero. Sicut vos quoque, studium  
meum attentione vestra: et, dum aetas apta est ad la-  
borem, perferendus, dum animus nullis alia curis occu-  
patur, dum caetera, quae ad capiendum ingeni cultum  
requiruntur, affatim suppetunt, nolite committere ut  
utilitas vestra, quae et Gregario Pontifici Maximo, et  
amplissimis Cardinalibus, quibus ille munus hoc de-  
mandavit, et nobis omnibus tanta cura est, à vobis, à  
quibus minime deceat, negligatur. Equidem pro mea vi-  
rii parte nullo loco vobis deero: docebo, admonebo, in-  
stabo, urgebo, excitabo, nonnunquam etiam, si res ita  
prospicienda videbitur, oburgabo atque increpabo. Nolite ex-  
spectare, dum vobis aduler. Contemnam vos, si vos li-  
teras contemnetis. Sin eas amabitis: et amabo, ipse  
optimus vester ex animo, et, ut vos me vicissim meri-  
to ametis, peram dabo. Sed, ut dici tempus est, diu-  
tius detinendi non estis. Secundum librum Tuscola-  
narum disputationum explicare decrevi. Cras id fa-  
cere incipiam, Polliceor autem vobis, qui me at-  
te audient, curaturum me, ut eis  
opera sua ratio constet.

DIXI.

Pro

## Pro Carolo IX. Galliarum Rege

Christianissimo ad Gregorium XIII.

Pont. Max.

## ORATIO XXII.

HABITA ROMÆ KALEND. JANUAR.

Annō CLIO ISLX XII.

**S**I pro cuius quisque propugnatione ac defensione plura pericula subit, plus excepit aeris, plus perbitatem, pluribus quasi procellis ac tempestatibus agitatus est: plus gaudii ex iis, quæ ad retinendam atque amplificandam illius dignitatem pertinent, ad eum pervenire credendum est: dubitare non potes, Beatissime Pater, quin Carolus Rex, te Pontifice creato, tantò ceteros Reges eximia quadam percepti ex eare gaudii magnitudine superaverit, quãtò non huius modò memoria, sed omnium ætatum ac seculorum Reges gravi ac diuturna susceptorum pro Sedis Apostolicæ auctoritate laborum ac discriminum perpeſſione superavit. Quò tibi gratior esse debet ac iundit gratulatio, quæ tibi hodierno die fit eius Regis nomine, qui cùm, pro incredibili studio atq; observantia et arte sua, primus omnium hoc officio fungi cuperet: iis tamen difficultatibus, quæ omnis nota sunt, impeditus non prius tibi gratulari potuit, quàm divino consilio contigit, ut possis tu quoq; ei vicissim verè ac meritò gratulari. Etsi autem, quæ proximè in Gallia pro religionis gesta sunt, propter summam illius regni nobilitatem atque amplitudinem toto jam orbe celebrantur: neque locus, neque regio in terris ulla est, quæ non plena sit & laborum ac miseriæ, quas



annis pertulerunt: & virtutis ac felicitatis, quæ nuper  
 usus Carolus Rex, maxima ex parte eos in veterem sta-  
 tum vindicavit: quia tamen neque Regis nostri & nomi-  
 ne, & re Christianissimi pietas in Deum, quam ipse om-  
 nibus notam testatam esse vult, ulla ex re melius co-  
 gnosci; neque ullum dicendi argumentum hoc quidem  
 tempore reperiri potest, in quo plus aut dignitatis, aut  
 delectationis inesse videatur: pere à te, Beatissime Pa-  
 ter, ut hoc temporis, quod mihi ad dicendum tua beni-  
 gnitate conceditur, in harum potissimum rerum tracta-  
 tione consumi collocariq; patiariis. Quis igitur in Gallia  
 rerum status fuerit, quo tempore Carolus Nonus ad Re-  
 gni gubernacula morte fratris admotus est, omnes fa-  
 cile recordamur. Nam, quæ mali vis jam tunc Henrico  
 regnante, in venis ac visceribus Galliae concepta ac con-  
 clusa latuerat, cuique optimus ille Rex, ob perpetuò de-  
 plorandum inopinata mortis eventum, remedium ad-  
 hibere, cum maximè cuperet, non potuerat: eadem cum  
 se sub Francisco secundo commovere cœpisset: & ab eo  
 quoque intempestiva morte prærepto, compressa modò  
 & cohibita, non etiam extincta & sublata esset ad ex-  
 tremum universa se ingresso regnare Carolo, effudit. Ut  
 autem aqua impetus saxorum lignorumvè oppositu diu  
 retentus ac retardatus, si fortè tandè ea, quæ obstabant,  
 aut sublata, aut perrupta & disiecta sunt, multò major  
 ac vehementior esse consuevit; ita illi hominum omnia  
 turbare cupientium cœtus, quos ad id tempus legum ac  
 regum terror tanquam victos infrenatosq; tenuerat,  
 fractis postremò repagulis furere ac bacchari per nobi-  
 lissimum regnum, & in summa impietate summâ licentiâ  
 nacti, divina humanaq; omnia cadibus & incendiis mi-  
 scere cœperunt. Atq; ut antiqui fœlis fabulis memoriæ  
 prodiderunt, Hercule recens nato, duas ad eum inusi-  
 tate

data magnitudinis angues supernè lapsos esse, qui iacentem adhuc in cunis opprimerent: hoc novo Hercule (Qui enim adhuc adolescens tot iam monstra perdomuerit, meritissimo huius nominis honore affisi potest) regni habenas tractare aggresso, infinita quædã non è superiore loco demissa, sed ex inferis emersa exstitit anguium vis, qui & pestilenti afflatu suo omnia contaminare, & terribissimum virus suum longè lateq; spargentes, non ipsi modò regi adhuc puero, & regnum & vitam, adimere, sed & ex toto regno verum Dei cultum, quo uno æternæ vitæ spes continetur, exterminare conarentur. Qui divini quidem numinis metu jam pridem projecto; legum autem & iudiciorum auctoritate, tum maxime propter infirmam regis ætatem contempta ac conculcata, quam stragem, quas calamitates, quam vastitatem, quot inaudita crudelissimorum facinorum exempla in Galliam intulerunt? Horret ac refugit animus ea memorare, quæ post illas pestes ac furias ab humani generis hoste immisas, contigerunt: profanata, everfa, incensa templa: aras sacerdotum cæde maculatas: abstractas ex sedibus suis virgines Deo sacras, direptas urbes, campos manantes sanguine, fluviorum cursus humanis corporibus impeditos: ludentem excarnificandis hominibus feritiam, feritatem, ne conditis quidem mortuorum ossibus ac cineribus abstinentem. Quis usque eò Gallici, aut potius Christiani nominis hostis est, qui illa sine lachrymis aspicere potuisset? O Gallia, Gallia, tot virorum fortium, tot egregiorum principum, tot summorum Pontificum, qui tantâ cum laude Ecclesiæ DEI præfuerant, parens. Tunc illa es, quæ susceptam à Christi & Apostolorum discipulis fidem nunquam postea deserueras: quæ non à tuis tantum, sed ab aliorum quoq; finibus hæreticos aliosq; hostes nominis Christiani tam sæpè depuleras?

Quæ

Quæ Europam, Africam, Asiæ, gestis pro Christi fide,  
 bellis nobilitaveras? quæ violatam ab aliis Sedis Apo-  
 stolicæ dignitatem tam sæpe restitueras? tam firmis  
 praesidiis sepeveras? tam multis ornamentis affeceras?  
 quæ urbem Romam ab imminente direptionis & excidii  
 periculo tam sæpe liberaveras? Verè enim hoc, Beatis-  
 sime Pater, verè & sine lausquam injuria gloriari pos-  
 suimus: duabus præcipuè laudibus homines nostros, post  
 Christum natum, supra cæteras gentes perpetuò flo-  
 ruisse, quòd & Christianæ religionis non conservandæ  
 tantum, sed etiam propagandæ studiosissimi, & ad acci-  
 pienda omnia regum suorum imperia paratissimi sem-  
 per fuerunt. Omnes autem illarum pestium conatus ed-  
 dirigebantur, ut & à Deo, & à Rege abductam Galliam,  
 earumque, quas dixi, laudum utraque spoliarent. Quod, si  
 utramque consequi ac perficere non possent, certè qui-  
 dem ut eam à summorum Pontificum cultu, & à Roma-  
 nâ ac Catholica Ecclesia communione divellerent. Hoc  
 præcipuè imbibebant: hoc spectabant: hæc eis à princi-  
 pio mens, hoc consilium ac proposuit fuit. Neque verò  
 dissimulante ferebant, conquereuros se, & ut prius, re-  
 gis Imperio parituros, dum Romani Pontificatus au-  
 ctaritas, & Gallia tolleretur. Quin etiam, si se Rex ab hac  
 sacra sede difficiat, vellet, promptam ei & facilem  
 viam ad fines regni præferendos, & ad finitimas pro-  
 vincias sub Imperium suum subiungendas stentabant.  
 Sed magnus & à natura ipsa ad honestatem conforma-  
 tus amor, nec asperitatis terrori, nec ulla utilita-  
 tis specie a recto avocari potest. Rex fortissimus & ma-  
 joribus suis dignissimus, qui PIETATIS AC JUSTITIÆ  
 gloriam ita etiam puer admisset, ut ipsis earum virtu-  
 tum nominibus quasi pro symbolo utatur, omnia sibi  
 prius perferenda statuit, quàm quidquam committen-  
 dum,

dum, quo earum alterutra, vel minima ex parte violari videretur. Repudiatis igitur omnibus improborum consiliis ac suasionibus, magno ille quidem cum dolore ac cruciatu animi, sed tamen, ut qui corruptas ac vitiatas corporis sui partes, aliis omnibus frustra tentatis, urunt postremo, aut secant, ne earum contagio ceteris obsit, cum jam in lenioribus remediis nulla spes esset, ad acriora descendere, & vim quodammodo visceribus suis inferre coactus est. Intestinum ac domesticum bellum, in quo omnia, quæ cogitari possunt miserrima, insunt, necessario ei adversus suos suscipiendum ac regendum fuit: & ruina restringendus ignis, ne tota Gallia eodem incendio conflagraret. Commissa multa prælia: multa cæsa hominum milli: sæpe fusi ac profligati hostes: Rex tamen clementissimus, & suos, si qua ratione posset, prolatando potius ad sanitatem perducere, quam delere ac perdere cupiens, eis conditionibus acquieverat, quas æquissimas etiam iniquissimi judicarent. Pacata ac composita omnia ridebantur: jamque spes erat, plerosque ex illis miseris agnitueros errorem suum, & ad Ecclesiæ gremium suapte sponte redituros: Cum illi patriæ prædones, ac parricidæ, qui totam prope Galliam insepultis suorum corporibus obruerant, quasque sepelierant, quorum ipsi gladii assuesciti trucidandis insontibus, assidue cadem sanguinemque sitiebant, parùm se anteactæ vitæ responsuros judicarent, nisi palmas illas, quarum adhuc cruda & recens memoria erat, novi sceleris accessione cumlarent. Agebant illos præcipites, & ad supplicium rapiabant pœnæ eorum, quæ tam multa adversus Deum & homines impiè nefarieque commiserant: iis illi agitati, & à mente consilioque deducti, veriti non sunt adversus illius regis caput ac salutem consurare, à quo post tot atrociora facinora, non modò veniam consecuti erant, sed



sed etiam benignè & amanter excepti. Qua conjuratione sub idipsum tempus, quod patrando sceleri dictum ac constitutum erat: divinitus detecta atque patefacta, conversum est in illorum sceleratorum ac sedifragorum capita, id quod ipsi in regem & in totam propè domum ac stirpem regiam machinabantur. O noctem illam memorabilem, & in fastis eximie alicujus notæ adjectione signandam, quæ paucorum seditiosorum interitu regem a præsentis cædis periculo, regnum à perpetua civilium bellorum formidine liberavit. Quæ quidem nocte stellas equidem ipsas luxisse solito mitidius arbutor: & flumen Sequanam majores undas voluisse, quod citius illa impurorum hominum cada vera evolveret, & exoneraret in mare. O felicissimam mulierem Catharinam regis matrem, quæ cùm tot annos admirabili prudentia parique sollicitudine regnum filio, filiam regno conservasset, tùm demùm secuta regnantem filium adspexit. O regis fratres ipsos quoque beatos: quorum alter, cùm, qua ætate cæteri vix adhuc arma tractare incipiunt, ea ipse quater commissis prælio fraterne hostes fregisset ac fugasset, hujus quoque pulcherrimi facti præcipuam gloriam ad se potissimum voluit pertinere; aliter, quanquam ætate nondum ad rem militarem idonea erat, tanta tamen est ad virtutem indole, ut neminem nisi fratrem in his regendis a quo animo sibi passurus fuerit anteponi. O diem denique illum plenum Letitiæ & hilaritatis, quo tu, Beatissime Pater, hoc ad te nuncio allato, Deo immortalis, & divo Hludovico regi, cujus hæc in ipso pervigilio evenerant, gratias acturas, indictas à te supplicationes pedes obisti. Quis autem optabilior ad te nuncius adferri poterat? aut nos ipsæ quod felicius optare poteramus principium Pontificatus tui, quàm ut primis illis mensibus letam illam calig-

lignem  
nobis  
genti  
insigne  
toru  
potenti  
te Pon  
fo, an  
spolis  
tua pre  
sancti  
potenti  
sinceru  
quid e  
stus esse  
câ obse  
sione ad  
nissimor  
locum e  
eos pon  
contena  
dite mil  
inter ho  
eo ad m  
locu illi  
percip  
pridem  
diverâs  
reddidiss  
quam ni  
eos, quan  
befactar  
lationes

lignem, quasi exorto sole, discussam cerneremus? Hoc ille nobis portendebat ac praefigurificabat diffectus draco, gentis tuae, beatissime Pater, nobilissimū ac pulcherrimū insigne: fore, ut immanis ille aratro, aut illa potius multorum capitū hydra, quae non paludē aliquā Lernaem; sed potentissimū & opulentissimū regnū tam diu obsederat, te Pontifice dessecaretur. Nunc igitur cōtemplare, quāso, animo novū illum Davidē, cāsi ac prostrati Gigantis spoliis ac sanguine decorū: Eumq; hilari vultu ad genua tua provolutum, ita tecum loqui existimato: Ego, Pater sanctissime atq; optime, cū majores meos, maximas & potentissimos Reges, acceperem omnes usq; à Hiodoveo in fīnēritate atq; integritate religionis Christianae, ne uno quidē excepto, plus mille annos firmē ac constanter perstitisse: eosdemq; praecipua quadam erga Sedem Apostolicā observantia periculisq; ac laboribus pro illius defensione aditis, & illud, quae nullum pulchrius est, Christianissimorum nomen, & primariū inter Reges Ecclesiae filios locum consecutos: statim à puero illud mihi proposui, ut eos potius, aut aequare, aut etiā, si fieri posset, superare contenderē, quā cōmitterē, ut nō satis respondere tradita mihi ab illis gloria judicaret. Itaq; & Pium V. dum inter homines fuit sanctissimē ac religiosissimē colui; & ad meliorem vitam vocato, cū primū audiivisti in locū illius esse suffectū, tanto gaudio affectus sum, quantū percipi, aut cogitari maximum potest. Multa enim jam pridem de tuis in omni genere praeclaris virtutibus audiverā, quae de isto honoris amplissimi fastigio dignissimē reddidissent. Prudentiam, quam nihil fallere, justitiam, quam nihil inflectere; fidem & constantiam erga amicos, quam nulla temporum asperitas imminuere, aut labefactare potuisset. In colendo Deo pietatem sine simulatione; in regendis hominibus severitatē sine superbia;

in administrandis negotiis & sine festinatione diligentiam, & sine tarditate gravitatem. Movit etiam me subita illa totius Cardinalium Collegii in decernenda tibi summa potestate consensus: quæ neque sine certa & explorata opinione virtutis tuæ, neque sine singulari divinæ providentiæ afflatu potuit contigisse. Magna spes tenet, fore, ut sub tali Pontifice in ovile Christi gentes, & quæ veram religionem nondum acceperunt, aggregentur, & quæ ab ea desciverunt, denuò congregentur. Quam ad rem perficiendam omnes meas & regni mei opes tibi libentissimè defero, ea fide, quam rebus in regno meo gestis satis jam & tibi & universo orbi, ut arbitror, approbavi; simulq; tibi & APOSTOLICÆ SEDIS, QUAM DEBEO OBEDIENTIAM PRÆSTO ATQVE EXHIBEO, ET PRÆSTITURUM ATQVE EXHIBITURUM IN PERPETUUM SPONDEO. Neque dubito fore, ut à te vicissim quæcunque ad meam & regni mei dignitatem pertinebunt, non tantum intacta & inviolata conserventur, sed etiam, ubi occasio tulerit, augeantur. Hæc, quæ tibi Rex ipse, Beatissime Pater, præsens dicere cuperet; quia id non poterat, per hunc illustrem virum Nicolaum Rambolleti Dominum, equidem ordinis regii, unum ex intimis Consiliariis suis, cust. diarum suarum præfektum, Caroli Cardinalis Rambolleti fratrem, & naturæ, & virtute germanum significanda censuit. Quanquam enim facile intelligebat, hæc eadem te ex præstanti viro, pariq; dignitate prædite Francisco Barone Feralio, Oratore apud te suo cogniturum: non tamen sibi visus est suam in te colendo pietatem satis declaraturus, nisi hujus rei causa propriam ad te legationem destinasset.

DIXI.

De

## De utilitate, jucunditate ac præstantia literarum.

## ORATIO XXIII.

HABITA ROMÆ XV. KALEND. NOVEMB. Anno cLo Io LXXIII.



UM mihi à summis viris, quorum auctoritate, atque imperio nostra omnium studia diriguntur, mandatum esset, ut hodierno die, quo, ut scitis, more majorum, nosser hîc quasi Musarum exercitus quotannis lustrari solet, de præstantia literarum & earum artium, quæ literis continentur, aliquid publicè dicerem, quo juvenum animi ad earum amorem incitarentur: quod prius facere debueram, sed inconsulto quodam obsequendi studio abreptus non feceram, cæpi oneris suscepti magnitudinem, cum viribus meis sollicitè comparare. Atq; interdum quidem ita ratiocinabar, ut mihi nihil arduum, aut difficile impositum crederem. Nam, ut Cyrenæus Poëta facile ait esse omnibus Apollinem laudare, in quo tot, tantaq; laudum argumenta sint, ita facile videbatur homini quamlibet infanti atque indiferto laudare eas artes, quas verè ac meritò bonorum fontes nominare possumus. Neg, enim dubitabam, quin omnium concessu multò justius artibus nostris, quàm illis, de quibus id Xenophon dixit, bonos hujus nominis tribueretur. Cogitabam etiam, tum demùm in summa me difficultate versaturum fuisse, si eas aut, quod nefas est, vituperare jussum essem: aut earum dignitatem abjicere & extenuare dicendo: nullum enim sanè argumentum, quod quidem alicujus momenti esset, ad eam rem reperire potuissem.



Quod, si Socrates praesente Phaedro amorem vituperaturus, facere id non audet, nisi sibi prius pallio caput obnupserit: multò me magis verecundari par fuisset, in tanto eruditissimorum hominum cœtu declamantem adversus eas artes, quarum omnes dignitate ac pulchritudine, ita incensi estis, ut sine earum tractatione ne vitam quidem ipsam jucundam putetis. Nam, ut idem ille sapientissimus senex factu facile esse ait Athenienses Athenis laudare, quod, quæ quisq. amat, ea libentissimè laudari audit: sic & ipse mihi videbatur facilem & expeditam provinciam suscepisse commendandi ac celebrandi apud vos ea, quæ vobis omnibus in amoribus ac delitiis esset constaret. Sed interdum occurrebant alia, quæ me commoverent, nec quieto esse ac securus animo sinerent: Nam & in tam ubere ac copiosa materia necesse est, unicuique audientium multa in mentem venire, quæ commodè dici queant: neque fieri potest, ut quidquid omnes cogitant, dicat unus: & ea est hominum natura, ut, cùm quis, quod ipse dixisset, id ab eo, qui dicat, omissum videt: non hoc quoque dici potuisse, sed hoc potissimum dici debuisse contendat. Ita dum pro suo quisque captu, quid ipse dicturus fuerit, cogitat, & alia propè omnia fastidians, dum id unum dicatur, avidè exspectat: quidquid dixeris; semper videberis omisisse præcipua: & omnia communia ac contrita dixisse, quod ea non dixeris, quæ si dixisses, ipsa quoque aliis obsoleta & vulgaria viderentur. Ut melior hac in parte sit eorum conditio, qui aridis ac sterilibus in argumentis versantur: quorum, si ve abundarunt, laudatur ingenium: si ve defecerunt, materiae jejunitas accusatur: cùm contra: ubi ampla dicendi seges est, quidquid allatum est, ubertati materie adscribatur, quidquid omissum est, tibi. Ego verò quomodo aut quidquam allaturum esse me sperem, quod novi-

novita  
mea  
omniu  
rum,  
tius ac  
randu  
sunt h  
gratia  
tatem  
tum est  
ribus  
ipso m  
viri pr  
barum  
clation  
mollis  
eodem  
cum fe  
tūque  
stis, qui  
sua; si  
ve sple  
adstru  
bilis r  
ducti p  
rum die  
ac conc  
quicunq  
quibusd  
versari  
intermij  
de integ  
mendati

novitate audientium animos teneat, cum iis in rebus  
mea versatura sit oratio, in quibus præstantissima se  
omnium ætatum ingenia exercuerunt: aut ita dictu-  
rum, ut non innumerabiles alii iisdem de rebus orna-  
tius ac copiosius dixerint? Sed mihi neque valde labo-  
randum est, ut nova conquiram: non enim cantilenæ  
sunt hæ, quibus novitas, ut ait Telemachus, conciliat  
gratiam: sed præcepta, quibus vetustas addit auctori-  
tatem: & si vera, utilia, apta ad id, quod mihi proposi-  
tum est, digna huius loci auctoritate, digna vestris au-  
ribus attulero, quibus ea cumque verbis extulero, hoc  
ipso me satis ornatè dixisse arbitrabor: Agite igitur,  
viri præstantes, & cum aliis nominibus, tum præcipuè  
horum de quibus dicere ingredior artium cultu & tra-  
ctatione clarissimi: agite studiosi adolescentes, quorum  
mollis adhuc; & tenera ætas in ejusdem gloriæ spem  
eodem quasi lacte Musarum educatur, cognoscite me-  
cum felicitatem vestram, qui instinctu quodam affla-  
tuque divino ad eas potissimum artes animum appuli-  
stis, quibus, si ve quis utilitatem sequatur, nihil fructuo-  
sius; si ve oblectationem, nihil suavius ac jucundius: si  
ve splendorem ac pulchritudinem, nihil illustrius, aut  
ad struendam nominis immortalitatem firmitus ac fla-  
bilibus reperiri potest. Nam si veteres illi, qui errore  
ducti plures esse Deos opinabantur, quem cuique eo-  
rum diem consecrarent, eo laudes ipsius commemorare  
ac concinere solebant: multò nobis justior causa est,  
quicunque iisdem honestissimarum artium studiis, quasi  
quibusdam sacris initiati sumus, cum hic nobis anni-  
versarius dies majorum sapientia & auctoritate, ad  
intermissam per aliquot menses earum exercitationem  
de integro repstendā constitutus sit: cur ab earum com-  
mendatione principii ducere debeamus, easque celebrare,

quas nobis vicissim aliquid celebritatis allaturas esse  
 confidimus. Meminisse autem debemus, idcirco id san-  
 ctum, atq. augustum locum ad hanc rem delectum esse,  
 ut & in laudandis artibus Deum ipsum laudemus, qui  
 ut alia omnia bona, ita eas quoque hominum generi de-  
 dit: & publicè contestemur, ac profiteamur studia omnia  
 laboresq. nostros & Deo auctore, atque auspice suscipi,  
 & ad ipsius gloriam, tanquam ad finem nobis omnibus  
 præcipuè propositum, referri. Unde igitur, in tanta eo-  
 rum, quæ se ad dicendum offerunt copia, porissimùm ex-  
 ordiar? An ab eo, quod semper apud gravissimos quosq.  
 gravissimum fuit, antiquitatis testimonio? Quæ cum ar-  
 tes omnes bonæ sint; nam si quæ malæ artes dicuntur,  
 immeritò eis artium nomen tribuitur: has tamen no-  
 stras proprio ac peculiari nomine bonas artes vocavit:  
 easdemq. artes ingenuas, artes liberales: quod alias  
 aut à servis, aut ab hominibus servitio præditis ingenie  
 exerceri, has unas ab ingenuis ac liberis excoli con-  
 sentaneum jud. caret. Quinetiam cùm Græci earum co-  
 gnitionem, sua lingua tali quodam vocabulo affecissent,  
 ex quo id modò intelligeretur, statim à pueritia dan-  
 dam eis operam esse: majores nostri, ut plerq. melius  
 ac sapientius: qui totum hoc artium genus, humanita-  
 tem vocârunt: credo, indicantes, non multò minus inter  
 homines talibus disciplinis expolitos, & vulgus alio-  
 rum, quam inter ceteros & pecudes interesse. Homines  
 enim duabus præcipuè rebus à ceteris animantibus  
 discernimur, ratione, & rationis interprete oratione:  
 quarum utraque in eis, qui harum artium expertes  
 sunt, rudis quodammodo & inchoata: qui eas penè pe-  
 nitus combiberunt perfectâ in illis, atque absoluta est.  
 Aristippus quidem, cùm quæsisset quidam ex eo, quid  
 boni filio suo allatura eruditio esset: Si nihil aliud, hoc  
 certè,

certè, inquit, quod in theatro lapis in lapide non sedebit. Idemq; alteri qui cum sibi nimium magnam mercedem posci pro institutione filii videretur, dixerat; ista pecunia servum mihi emere possum. Tu verò, inquit jocans, etiam eo amplius: si unum emeris, duos habebis. Significabat videlicet, quorum collustratus doctrinarum luce non esset animus, eos lapidum, non hominum, aut, si fortè inter homines, servorum, non ingenuorum loco ac numero esse habendos. At mihi quidem hac tota de re cogitanti, quatuor omninò esse viæ videbuntur, quarum unam aliquam à principio ætatis capeßere, postea persequi propè necesse sit: ex quibus ne dubium quidem esse potest, quin ea, quam ipsi ingressi estis, longè multumq; aliis omnibus anteponenda videatur. Nam qui ista ætate sunt, partim otio se atque ignavia dedunt, mollemq; vitam ac voluptariam sequuntur, ii præsertim quibus amplum patrimonium est: partim si angustior sit res, quam ut nihil agentes ferat, dant se ad artem aliquam faciendam: alii qui excelsiore sunt animo, armorum tractationem, & militaris rei gloriam sibi proponunt: alii denique animum ad literas & ad hæc mitiora studia appellant. Quid igitur istis turpius aut abjectius, qui torporem ac desidiam amplexi, vitam luxu atq; inertia transigunt, nihil agentes quo se homines esse testentur? Qui, ut Phæaces illi Homericæ:

Non pugnis duræve exercent membra palastra:

Sed mensam & citharæ strepitum, dulcesq; choreas.

Stragulaq; & molles curant post balnea lectos:

Margite illius simillimi, de quo idem Homerus:

Non fodere ille bonos, duris vè ligonibus arva

Vertere, non ulli vivebat idoneus arti.

Sic enim & hi neque domi, neque militia, neque in negotiis, neque publicè, neque sibi, neque aliis utiles, ita ut



curriculum conficiant, ut, veluti naves nullum sui restigium relinquunt. Qui mihi, si Deus placet, quod nihil agant, quasi non pudere parum sit, etiam gloriantur. Alii, inquit, in opere occupati sunt, nobis majorum nostrorum virtute est, unde otiosi laute splendideq; vivamus. Quid majores vestros nominatis? qui si vestri similes fuissent, vos hodie in pestem jaereturis. Si, quales vos estis, tales ipsi fuerunt, indigni sunt qui nominentur: sin alii, vos indigni, qui eos nominetis. At, videte, quantoperè à sapientissimi poeta Hesiodi judicio vestra oratio discrepet, Laborem ille & industriam nemini, languorem & ignaviam omnibus turpem esse confirmat. Praclare Cicero: Mihi quidem, inquit, qui nihil agi, esse omnino non videtur. Nam & Physici docent, quæ cuius rei causa est, ut sit, eandem ei esse causam, ut aliquid agat. Sed omittamus has melles & delicatas, neque eos ex sermone, cui tam libenter indulgent, excitemus: teneamusq; id quod à sapientissimis viris proditum est, nihil esse inertia sedius: otio aliis vitia: ocium, ut non gravissimus Poëta gravissimè tamen cecinit Catullus, non privatio modò hominibus, sed & regibus, & prius beatissimis urbis exui causam fuisse. Cum igitur otiosa & ignava vita ne vita quidem habenda sit, videamus, num ad aliquam potius aliarum artium, quàm ad literas, animum adjuvare præstet. Equidem cum mente ac cogitatione perlustrò eas artes, quibus cum hisce studiis nostris, aut nulla, aut non magna communio est, ex iis quidem quæ ita necessarie sunt, ut eis civitas nullo modo carere possit, duas præcipuas iudico, agriculturam & mercatoriam: ex iis autem, quæ ad ornamentum civitatis, & ad animos honesta voluptate perfundendos pertinent, de his minime sordidas, minimeq; illiberales, præturam, & Rituarium. Nam quod boni unaquæque civi-

civitas percipere ex suo & patria sol: potest, id agricultura educit, atq; elicit; quo eget, id aliunde mercatura importat. Ita civitas sine alterius ope ne suis quidem opibus fruitur; alterius beneficio, fruitur etiam alienis, Pictorum autem & statuariorum opera & voluptatis atq; admirationis habent plurimum, & quæ liberalium artium nota est, ingenii, non corporis, viribus constant: Et ad conservandam clarorum virorum memoriã, ceterosq; ad eorum imitationē incitandos non immerito magnam vim habere creduntur. Sed tamen quis ausit harũ artium ullam cum literarum studio comparare? Nisi fortè majus est agrum, quàm ingenium, colere, aut jacta in terram semina, depatire sui culi, quam ingenia præceptis Philosophiæ consita, ampliores, aut uberiores fructus ferunt. Mercatura autem vel si tenuis est, serdida est: vel si ampla, tot expedita periculis, ut mentis ille olim Laco negaverit, optabilem sibi videri futurã, quæ rudentibus apta esset: cuiusmodi autem sit, a ferè ad quæstum, & ad lucrum refertur. At literarum tractatio & dignitatis plenissima est, & quietis; & eas opes consecratur, quæ nec furem, nec gradum timent, nec incendiis, ruinis, naufragiis obnoxie sunt, nec ullis deniq; casibus eripi possunt. Jam v. quæ Apellis aut Protogenis tabulæ, cum Homeri pictura quæ Phidias, aut Praxitelis statuæ cum literarum monumentis confundi queant? Quos ipsos hodiè ignoraremus, nisi solidiorum ac diuturniorè gloriã essent cõmendatione scripturũ, quàm artis suæ operibus consecuti. Nam quæ illi artificia suo elaborarant, & solius corporis effigie exprimebant, & uno tantum spectabantur in loco, & eam naturã habebat, ut ea, si nihil aliud, ipsa certe longinquitas temporis confectura, ac consumptura esset. At eruditum hominum lucubrationes, & clarorum virorum non formam

modò

modò corporis, sed ingenia, mores, consilia, res gestas, subiciunt oculis. & in dem quibus orbis ipse terrarum, terminis, ac regionibus continentur, & tantam vim habent, ut illa ipsa aliorum omnium humanorum operum confectrix venisset. his unis non modò nihil detrahat, sed maiorem inde comparet, ac conciliet dignitatem. Trecentas sexaginta Demetrio Phalereo statuas æreas populus Atheniensis anno unius eorum, non toto posuerat: quibus tantis DEMETRIUS ipse superstes fuit. At quæ ipse sibi monumenta ingenii ac doctrinæ magnitudine extruxerat, ea & multis post ipsum seculis vixerunt; & cum p. stea densa quædam & opaca nox omnem propè disciplinarum lucem exstinxisset, ex oculis erepta, incredibile desiderium sui in omnium eruditorum animis reliquerunt. Elatè & magnificè de se, ut solet, Pindarus, sed tamen verè. Statuarium esse se negat, qui multas statuas edolet una defixas in basi: sed quos ipse canibus suis celebret, eorum famam, terræ marique spargi ac disseminari. Sed erunt fortasse qui vitam militarem huic nostræ pacatæ, atque umbratili anteponendam putent. Mibi quidem fortium virorum virtutem detestare, aut conari, ut quidquam ex eorum gloria dicerem, neq. proprium est, neq. fas videtur. Potius omnibus qui dicendo aliquid possunt, omnem industriam ad eos celebrandos conferendam censeo: & hoc ipsum numerò inter præcipua bona, quæ ab artibus nostris in vitam hominum manant: quod earum ope præclara illorum facinora ad immortalem posteritatis memoriam consecrantur. Sed tamen si quis secum in animo reputet, quæ vita sit eius nominis, qui, modicis opibus instructus, in literarum studio molliter ac placidè convescat, & quæ ejus, qui ab adolescentia armis tractandis assuetus, sub dio sapius, quàm sub tecto, sub pellibus

sapius,

sapius, quam domi somnum capiat, vix dubium fore arbitrer, utra melior & magis expetenda sit. Alterius aures tubarum & lituorum & cornuum clangore, alterius Musarum concentu & Apollinis fidibus assidue personant: illius oculi cade & sanguine, & incendiis; hujus admirabilium naturæ operum adspectu & contemplatione pascuntur. Ille aut in ipso ætatis flore hostili gladio transverberatur, aut mancos ac debiles artus & insignem cicatricibus vultum referens, dum redit; hic ut animo ita & corpore integer, vultum, nisi quantum rugæ, canisq; venerationis addiderunt, etiam nutrici agnoscendum, perfert ad ultimam senectutem. Neq; verò minus gloriosa, aut minus hominum generi fructuosa hujus quam illius opera. Occupatur ille in finibus imperii proferendis, hic in finibus cupiditatum regendis & coercendis: novit ille quemadmodum urbes expugnentur, hic quemadmodum gubernentur: ille quemadmodum injuria aut repellatur, aut reponatur: hic quemadmodum & accipiat æquo animo, & negligatur: dicet ille, quàm multos homines mambus suis trucidaverit: hic quàm multos à cade faciendâ, oratione sua revocaverit: ille quàm multos in servitutem abduxerit, hic quàm multos à servitute vitiorum in veram libertatem perduxerit: illius usus nisi in bello nullus est, hujus opera, & in bello, & in pace salutaris. Itaque si homines inter se amicè ac concorditer viverent, si Dei ac naturæ jussa sequerentur, si denique ii essent, qui esse deberent, jacerent omnes artes belli, ut quarum inter justos iustus usus esse non possit, nostræ verò tum demum florerent, ac vigerent, tum demum eas optimus quisque summa corporis & animi contentione sequeretur. Neque verò quenquam ita esse arbitror sanguinarium, cui non præceptanda videtur nullus

empta



empta laetantur gloria, acq. ullo, nisi puro illo ac limpi-  
 dō Agamppes rore irrigata, quā libe & cruore obli-  
 ta & multa strage ac cladibus comparata. Multa con-  
 sulto prætereo: quod mihi, non tam, & copiam & va-  
 rietatem confesser, laborandum est, quā ut effugiam  
 satietatem. Quis enim unquam tanta ubertate ingenti,  
 tanta dicendi copia præditus reperietur, qui literas ita  
 laudare possit, ut non semper, cum plurima dixerit, plu-  
 ra tamen om. sisse videatur? Omnia, quæ homines in vi-  
 ti expetunt, cujuscunq. tandem generis illa sint, nulla  
 re certius, aut facilius, quā eruditione ac literis, ac-  
 quiri, conservari, amplificari queunt. Est qui rei fami-  
 liaris angustia pressus, ex ea expedire se, & ad modera-  
 tas opes sine ulla turpitudine, pervenire cupiat (Quæ ad  
 id consuecendum via aut honestior, aut expeditior, aut  
 faciliior est? Quam multos ex tenui & ex sili patrimo-  
 nio, aut juris scientia, aut medendi arte fretos, ut eas  
 potissimum nominemus, paucis annis ad maximas divi-  
 tias pervenire vidistis? Nam quod plerique vulgato jam  
 proverbio d. Citant ex omni nostrarum artium numero  
 duas modò illas frugiferas esse ac fructuosas, ceteras  
 cultioribus suis decaquere, ac decollare sine vanitatis  
 illis, ac mendacii facile res ipsa coarguit. Nota est hi-  
 storia de Thalete Milesio, qui cum à propinquis objur-  
 garetur, quod omne tempus in sapientiæ studio poneret,  
 quod ad faciendam pecuniam, in qua illi posita putabant  
 omnia, nulli usui esset: vultis, inquit, ostendam vobis, pos-  
 se hominem huic studio deditum, si ei commodum sit, di-  
 vitem fieri, & hanc esse, si quis velit, ad quæstum ac  
 compendium vel maxime compendiariam viam? Cum  
 illi se velle dixissent, homo, qui ex astrorum scientia,  
 magnam ex anno clearam ubertatem prævideret fore,  
 multo antè exiguo pretio cum contrà licitaretur nemo,

omnia

omnia Chiorum, ac Milesiorum praela ac trapeta con-  
duxit: quæ cum postea suo tempore, quanti voluit: elo-  
casset, magnamq; ex eo vim pecunia collegisset, ostendit  
Philosophos non tam rem facere non posse, quam majori-  
bus, ac praestantioribus cogitationibus occupatos, de  
ea facienda non laborare. Quid Leontinus Gorgias?  
nonne Rhetorices professione, & maximas sibi divitias  
peperit, & tantam gloriam, ut ei vivo ac viventi hono-  
ris ergo, aurea statua in Apollinis Pythii templo con-  
stituta sit? Quid ille qui eloquentiæ quasi mercator, atq;  
ædificator quidam habuit? Isocrates? non & summa  
gloria fuit, & iis epibus, ut ter ad triarchiam voca-  
tus, cum eam bis effugisset, ad perennem splendidissimam  
ac magnificentissimam obierit? ad eam autem non ferè nisi  
opulentissimus quisq; ac locupletissimus adigebatur. Ne-  
que mendicus erat, optimus pessimi principis magister  
Seneca, neq; de jure consulebatur. Et tamen quantam  
sibi opum vim homo externus, & alienigena eloquentia  
& eruditione confecit? Scio, hoc, quod dicam, quibusdam  
incredibile visum iri. Sed tamen, si vera sunt, quæ lieris  
proditæ sunt, haud scio an ulius hodie tota Italia Prin-  
ceps tantas opes habeat, quantas in Senecam quadrien-  
nio Nero congeffit. Nam cum ex veteribus illis Romanis  
M. Crassus opulentissimus fuisse dicatur: Senecæ opes  
Crassi opibus duplo majores fuerunt. Prope est ut pi-  
geat, in hac parte tamdiu immoratum esse sed tamen di-  
cendum fuit aliquid adversus stultitiâ eorum, qui ajunt,  
se quis juris scientiâ, & artem medendi excipiat, cetera-  
rum artium nostrarum sterilem esse culturâ. Qui errat  
ex eo potissimum natus est, quod doctrinæ medicæ ritas  
magnos efferre fructus non potest. Itaq; excellendum est  
iis, qui magna & præclara concupiverunt. At nos simul  
atque paulum ultra prima elementa progressi sumus,  
falsa

falsa de nobis opinione tumefacti, quia non in nos continuè opes, & honores congeruntur, jacere literas clāmitamus. Non jacent literæ: non jacent: neq. jacuerunt unquam: & si antea iacissent, GREGORIO XIII. Pontifice non jacebunt. An ille, cū & omni doctrina instructissimus sit, & ad illos veteres atq. usitatos nostros & literarum patronos, Joannem Moronum sacrosancti Collegii Decanum, priscae majestatis absolutissimum exemplar, cujus in ipso nutu plurimum auctoritatis residet, cujus ē vultu ipso, atque oculis elucet gravitas humanitate condita: Aloysium Cornelium Camerarium hominem plenum officii, & ad omnium animos ac voluntates devinciendas ipsis Gratiarum manibus factum: & illa duo ornamenta seculi firmamenta literarum, domicilia virtutis, & eruditionis Gulielmum Sirletum & Franciscum Altiatum, & eos igitur, quorum jampridem in fide, ac clientela eramus, cū proximè eum, quem pleno gradu per sua vestigia incedentem videt, quemque opimo jure cordi suo charissimum habet, fratris filium PHILIPPUM S. SIXTI Cardinalem addiderit, eumq. florentis ætatis commendationem à literarum patrocini ducere voluerit; qui tali argumento declaravit voluntatem erga nos suam, is, metumimus, ne literas aut egere, aut jacere patiatur? Sed ut unde digressus sum, redeam, atque id quod institui, absolvam: & ad facultates ac copias sine dedecore parandas accommodatæ sunt literæ, & multò magis colendæ iis, qui opibus abundant: ne, si id facere neglexerint, instrumentis sibi à Deo ad virtutem datis per inertiam abusi esse dicantur. Eademq. ratio est & eorum quibus clari, & eorum quibus obscuri parentes obtigerunt. Nam neque illi ullo majori, aut illustriori ornamento condecorare, & ut Homeri verbo utar, coronare possunt nobilitatem à

majo-

majoribus acceptam; neque hi ex tenebris ulla ratione  
facilius mergere, seque in luce, atque in oculis omnium  
collocatos, à contemptu, atque ab oblivione in perpe-  
tuum vindicare. Rex erat ac Regis filius Alexander Ma-  
cedo. & viam sibi ad summam claritatem ac potentiam  
armis quotidie muniebat. At is & plus se debere Ari-  
stoteli, à quo eruditus, quàm Philippo, à quo genitus  
fuerat. & cuius in regnum successerat, prædicabat: &  
cum ab illo divulgatos esse libros quosdam arduis de re-  
bus scriptos accepisset, ægrè tulit; ac generosa quadam  
indignatione motus, epistolam ad eum scripsit, in qua  
hæc verba sunt: Nam qua re post hæc cæteris præstabi-  
mus, si quæ à te edocti sumus, ea omnium communia e-  
runt? Ego autem malim optimarum rerum scientia,  
quàm opibus & potentia cæteris anteire. Hac igitur ille  
regum stirpe ac sanguine editus. Obscurissimo autem  
genere ortos quam multos nominare possumus, quos su-  
pra omnes omnium fumosas imagines literæ colloca-  
runt? Obstetricis filius erat Socrates. Num igitur eo Al-  
cibiades nobilior? Euripidis matrem vendendis oleri-  
bus vitam tolerasse accepimus. At ipse & regum fami-  
liaritate usus est, & ita clarus fuit, ut hodie magis Ar-  
chelaus ex Euripidis, quàm Euripides ex Archelai fa-  
miliaritate noscatur. Tympanistria fuit Æschinis ma-  
ter, etiam si Demostheni credimus, vulgati corporis. At  
eum Rex Macedonum Philippus quantoperè coluit?  
Quid tibicinis filius Pindarus? quanta in gratia apud  
Syracusarum Regem Hieronem fuit? Sed quid hujus rei  
plura exempla conquiram? Signantur eruditorum ho-  
minum nominibus tempora: ut minus sæpe, quibus illi  
regnantibus vixerint, quàm qui eis florentibus regna-  
verint, quærere soleamus. Neque tamen hæc præcipua  
sunt eorum bonorum, quæ percipiuntur ex literis: sunt



alia longè maiora longeq. diviniora. Literæ inditos nobis à natura honestatis igniculos excitant: luxuriantes quasq. fruticantes cupiditates stringunt ac coërcent, easq. rationis finibus regnat: abducunt à vitiis, duces & magistræ sunt ad virtutem: prosperis in rebus ornamento sunt, solatio adversis: neque illis exultare atque efferri suos, neq. his frangi ac deprimi sinunt: eam deniq. tranquillitatem animi efficiunt, quam multi finem bonorum esse dixerunt. Crates quidem Thebanus interrogatus, quid sibi superesset ex Philosophiæ studio, notissimo versu respondisse dicitur: Chænix lupinum, & mentis à curis quies. O magnam & ex alto animo præditum virum. Quod aliis regna & imperia non adferant, ut soluto ac libero animo sint, id ipsi, propter literarum, & Philosophiæ commercium, chænix lupinorum adferebat. Quod si tam multa tamque præclara bona literis ac disciplinis continentur si ipsis nominibus ac vocabulis testata est vetustas, earum cognitionem & hominibus, & liberis atq. ingenuis hominibus dignissimam esse; si & gravis vita homine indigna est: & nullo in studio melius, quàm in literis industria collocari potest: si ad opes ac potentiam, si ad honores ac dignitates via optimè literis sternitur: si eisdem & animi tranquillitas, & nominis aternitas comparatur: quid statis, adolescentes, aut cur oblata vobis tanti boni consequendi occasionem effugere atq. evolare patimini? cur non aliis omnibus curis & cogitationibus ex animo abiectis atq. abdicatis, in hanc unam toto pectore incumbitis? Non hoc sedendi, ut ait Bachylides, ac cunctandi tempus est. Non enim ex plano ac facili gloria hæc petitur, neq. lata, ut ait Propertius, via currere ad Alufas datur. Non frustra eas antiqui in arduo atq. edito monte habitare dixerunt: Laborem & sudorem & *vigilias*

vigilias in eorum atrio ac vestibulo excubare voluit  
 Deus: qui, ut dicebat Epicharmus, labore omnia prope  
 bona hominibus venalia proposuit. Ego autem, ut libe-  
 re vobiscum agam, valde vereor, ne, cum plerisque ve-  
 strum alia omnia abunde sint, mollitia multi & laboris  
 odio à studiis avocentur. Itaque, quibus verbis Homericæ  
 Pallas Nausicaan e somno excitat, quam segnem, & i-  
 gnavam vocat, quod vestes magni pretii, sibi emptas à  
 parentibus, neglectui habeat, easque illotas ac sordidas  
 iacere patiatur: surgere igitur eam jubet, & ad eas ab-  
 luendas cum prima luce per officium, præsertim cum in-  
 stet tempus nuptiarum: usque mercedem multos & vobis aliquis  
 quotidie obiurgaverit. Surge quamprimum miser, & ex  
 animo torporem atque ignaviam excute. Quid tibi istud in-  
 genium, quod tibi à communi omnium parente Deo, mul-  
 to qualibet veste pretiosius datum est, situ ac sordibus  
 obsolescere, quasque rubigine obducere pateris? cur non po-  
 tius diluculo ad illos proficisceris omnibus obvios & ex-  
 positos doctrinarum fontes, quibus te mergens, ex quibus  
 arbitrati tuo hauriens pectus & purgatum vitiorum  
 maculis, & multa præclarissimarum rerum cognitio-  
 ne madidum referas? Præsertim cum puerulus amplius  
 non sis, sed ea jam appropinquet ætas, qua tibi in lucem  
 atque in conspectum hominum prodeundum est. Hinc n. de-  
 mum multo magis quam unda illa dicit, & tibi paries  
 gloriam, & parentum pectus gaudio laetiusque comple-  
 tis. Sed jam longior, quam par erat, fui. Cogitate, obsecro  
 vos, languidis ac remissis omnia difficilia, navis & indu-  
 stris omnia per via, ac facilia esse. Deus optimus maxi-  
 mus, cui quaecumque hæc acta dictaque sunt, grati & accepti  
 esse cupio, vobis omnibus eum animum inspiret, ut hæc,  
 ad quæ vos hortatus sum, tam sequi velitis, quam con-  
 sequi potestis. DIXI.

## ORATIO XXIV.

HABITA ROMÆ ANNO  
D<sup>o</sup> D<sup>o</sup> LXXIV.In funere Caroli IX. Gallorum  
Regis.

Oc igitur unum restabat adflctis ac pend  
prostratis infelicis Gallie rebus, ut Carolus  
Rex, quo se illa recreabat ac solabatur uno,  
de quo cogitans, in quem intuens omnium  
quas excepit, acerbis memorem deponerebat, cum  
bonorum animos ad aliquam spem quietis erigere cepis-  
set, in ipso ineuntis adolescentie flore, acerba atque im-  
matura morte raperetur? O fallaces hominum spes? O  
incerta vota? O lubrica & ancipitia humana vite cur-  
ricula. Merito lachrymis oculi omnium madent: merito  
omnia planctibus gemitibusq; circumsonant: merito un-  
dique querela & lamentationes exaudiuntur. Tu ipse,  
Beatissime Pater, cuius & in prosperis rebus spectata  
moderatio est, & in adversis animi magnitudo, in tan-  
to casu cohibere dolorem non potes: quasq; lachrymas  
gravitas & constantia retinere ac frenare consueve-  
rat, eas nobilissimi omnium Regni miseratio, & pater-  
na charitas elicit. Plangit al. is in rebus querenda est  
fortitudinis ac constantia laus: in tam gravi vulnere,  
tam dubiis ac formidolosis Christiana Republica tem-  
poribus accepta, immanis quedam duritia esset, non fle-  
re, non ingemiscere, non commoveri. Qualem enim quan-  
tumq; Regem, & quanta, non dicam indoles, quod tamen  
in homine adolescente satis esse videtur: sed quanta  
omnium regiarum virtutum, & quanta ad tum amissum?

Quem

Quem cum divina providentia, annos natum non amplius decem, in illo celsissimo majorum suorum folio collocasset: quantas ille jam tūm, quamq̃ crebras, in illa ætate, quæ nihil cogitare, nihil loqui, nisi leve, ac ludicrum solet, inusitata cuiusdam & inaudita prudentiæ significationes dedit? Incredibile dictu est, quā sæpè ille n. deliberationibus publicis sapientissimorum senum sententias puerulus anteverterit, quæque illi dicere in animo habebant, ea prius ipse protulerit: nemo ut esset, cui non, in tanta annorum immaturitate, tanta mentis, & consilii maturitas divinum potius quiddam quàm humanum videretur. Est certè, et si aliqua vis originis ac sanguinis: quosq̃ magnis ac nobilibus populis Rethores destinavit præputens ille rerum omnium Moderator Deus, in eis plerumq̃ virtus non expectat annos: sapientiæq̃ semina eorum animi & comprehendunt facilius, & tempestivius adulescunt. Jam quæ laus in filijs præcipua est, reverentia adversus parentes, & eorum præceptis ac monitis obtemperatio, ea ille ita præstitit, ut nunquam omnino neque privatis, neque publicis in rebus voluntas ipsius à sapientissimæ matris consilio discrepavit: Quid? in fratres quanta, quamq̃ semini ex parte prodens charitas? Quod & semper aliàs cognitum est, & proxime cum ab HENRICI Regis in Poloniam proficiscentis amplexu avelli non poterat, seque à vita relinqui, quod ab eo relinqueretur, putabat. De pietate autem in Deum; & de ardentissimo studio, quod semper habuit conservandæ ac propagandæ CATHOLICÆ RELIGIONIS, quid ego nunc plura & prædicem, aut quid res in omne ævum omnium scriptorum ingenia fatigaturas exornare in hac mediocritate ingenii, & in his temporis angustiis coner? Cui enim ignotum est, aut cui notius, quàm tibi, Beatissime Pater, vo-



bisq; omnibus, Patres amplissimi, quos ille labores per-  
 tulerit, quibus difficultatibus conflictatus sit, quæ peri-  
 cula subierit, quibus damnis se, regnūq; suum sponte  
 multaverit, dum quidvis satio esse ducit, quàm ut quid-  
 quam in Gallia, se viro, de Christiana Religionis integri-  
 tate minueretur. Qui quot annos regnavit, totidē con-  
 tinenter pro fidei defensione pugnavit. Etenim tetra il-  
 li uatio perditorum ac profligatorum hominum, qui  
 fraudibus ac mendaciis suis nuper delapsæ de cælo &  
 sibi solis patefactæ veritatis nomē obtendunt: qui, quod  
 ad legem Dei, cupiditates suas dirigere gravantur, le-  
 gē Dei, ad cupiditates suas detorquere conantur: quorū  
 conspirationes sub HENRICO II initæ, sub FRANCISCO  
 II. leviter patefactæ susceptis à CAROLO Regni habē-  
 nis, aperte se ac propalam effundentes, potentissimum,  
 dum per illos licuit, Gallie Regnum omni scelere ac cru-  
 delitate lacerarunt, non tam id agebat, quamquam id  
 quoque, ut Regiam auctoritatem convelleret, quam ut  
 Regnum ab Ecclesiæ communione delleret. At ille ge-  
 ner. se seminis adolescens, qui amorem DEI & Eccle-  
 siæ cum ipso nutriri licite sumpsisset, tota q; mente penitus  
 combibisset, articulatim se prius concidi ac comminui  
 passus esset, quam à recta illa regala patriæ & civitatis  
 religionis abduci. Itaque dum purgare Regnum suum  
 illis pestibus nititur, dum illius hydra & in suam &  
 aliorum perniciem contumacis assidue renascentia ca-  
 put amputare conatur: quatuordecim, tot enim regna-  
 vit annos in perpetuis bellorum fluctibus: & in perpe-  
 tuū Regni ac vite suæ dimicatione transiit. Ut, nisi pul-  
 cherrimum illud CHRISTIANISSIMI cognomen a majori-  
 bus suis hereditarium accepisset, id ipse sibi posterisq;  
 suis sua virtute peperisset. Quin etiam, cum capitales  
 quiddā ac nefarii homines dicerent, facilem ei esse & ex-  
 pedi-

peditam viam non modò ad pacandum Regnum suum,  
 sed etiam ad fines illius sine ullo labore amplificandis  
 ac proferendos, si remittere aliquid de tanto illo vetustæ  
 religionis conservandæ studio vellet: magno animo aver-  
 satus ac detestatus illorum consilia, omnes, sibi coronas,  
 omnia regna, omnia Imperia sordere dixit præ illa im-  
 mortalitatis corona, quam sibi in cælo repositam esse  
 consideret: Cumq; eum exaggeranda hostium multitudine  
 ac viribus perterritificare vellent: Dominus, inquit,  
 Dominus ipse eos intesciet spiritu oris sui. Propè supero  
 vacaneum videri potest. cum de tam Christiano Principi  
 verba faciã, quanta illius erga Sedem Apostolicã ob-  
 servantia fuerit dicere. Quoniam quisq; Christum ipsum  
 sanctius & religiosius colit, eò studiosius & magis ex ani-  
 mo Vicarios ipsius colat, necesse est. Quo modo ille de Pio  
 V. cujus memoria in benedictione est, & sentiebat, &  
 loquebatur? Quem sibi non hominem, sed angelum quẽ-  
 dam humana inter mortales specie versantem videri di-  
 cebat: cujus monitus tanquam cælestia quedam oracula  
 reverebatur. Nam de te, Beatissime Pater, qui succes-  
 sor illius omnium votis expetitus, divino consilio dele-  
 ctus, tam subita tamq; admirabili totius sacri sancti C. l-  
 legii consensione declaratus es, quam magnificè in omni  
 sermone prædicare solitus esset, dicerem: si quam faci-  
 lè præstas, ut ab omnibus uno ore lauderis, tam liben-  
 ter eos, à quibus laudaris, audires. His ille artib; ita si-  
 bi honorum omnium animos voluntatesque devinxerat,  
 ut, quãquã ex ejo atate & temperatione corporis pro-  
 babiliter spectare poterat, diu se illig virtute fructuosos  
 cuperent tamen omnes si fieri potuisset, partẽ aliquã vi-  
 tæ suæ conferre ac contribuere, & annũ suũ vitæ illius pro-  
 rogare. Sed nihil in humanis rebus firmũ, nihil stabile, nihil  
 diuturnũ reperiri potest. Dñ conductacere nos vult DEUS,

terram nobis, non pro domicilio, sed pro diversorio da-  
 tam: hanc, quæ vita dicitur, non tam vitam esse, quàm  
 iter ad vitam: in cælo, non in terra, nobis esse spem desi-  
 gendam ac collocandam, agitat omnia arbitratu suo, &  
 quæ solida ac firmis mixta radicibus putantur, ea mo-  
 mento temporis vertit. Cum vexata tot calamitatibus  
 Gallia paulum tolleret oculos, & DEI ac Regis sui per-  
 duellibus partim fractis ac domitis, partim captis ac  
 comprehensis, tandem aliquando se post tot mala respi-  
 raturam sperare inciperet: ecce tibi lenta & inuem  
 fallens medicorum industriam febris, vires adolescentis  
 immortalitate digni, & nati ad relinquendam omnibus  
 bonis perpetuum desiderium sui, ita paulatim attrivit  
 ac labefactavit, ut ad postremum inevitabilem ei attu-  
 lerit ex hac vita migrandi necessitatem. Quod ubi per-  
 crebuit, qui tùm plangor omnium, quæ complorationes,  
 quæ lamentationes fuerunt? Alius sibi scindebat capil-  
 lum, alius lacerabat genas, alius pectus & humeros  
 crebris ictibus verberabat; alii interire amores ac de-  
 litias Gallie, alii cadere columnen religionis, alii Catho-  
 licorum præsidium, dejici, alii alia, quæ diversis diversa,  
 non diversus suggerebat dolor, miserabiliter quere-  
 bantur. Ipse unus interritus, & æquissimo animo exitiū  
 divinæ voluntatis expectans, cum matrem, uxorem, fra-  
 trem, ceterosq; propinquos ad se convocari jussisset: pri-  
 mum quidem Sacramenta, quibus morituri præmuniri,  
 & Deo conciliari solent, omnia & poposcit, & magna  
 cum animi submissione ac divinæ majestatis veneratio-  
 ne suscepit: deinde verò contestatus, eò tantum sibi mo-  
 lestam esse mortem, quod fratrem suum, tùm Poloniae,  
 mox etiam Gallie Regem futurum, moriens completi  
 non posset: ceteroqui gaudere se, quòd tantum succes-  
 sorem habiturus esset, cujus singulari & tot jam docu-  
 mentis

mentis comprobata virtute non dubitaret fore, ut res  
 Galliae feliciter componerentur: interea obtestari, atque  
 obsecrare matrem, ut regni gubernacula susciperet, qua-  
 que prudentia Regnum sibi tot annos conservasset, eadem  
 fratri suo conservaret: sese jam tunc omnem potestatem  
 regiam in eam, usque ad fratris reditum, transferre:  
 hortari ceteros, ut ipsius primum, deinde fratris, cum re-  
 vertisset, imperio amanter ac fideliter obtemperarent:  
 precipue autem, ne quid unquam prius aut antiquius  
 haberent conservatione Catholicae religionis: ex ea bo-  
 na omnia fluere; ea neglecta collabi ac concidere omnia.  
 Sed jam valete, inquit, et mei memores este. Ego enim  
 ad DEUM vocor: quem ut equiorem ac placabiliorem  
 peccatis meis judicem experiar, vestris me omnium ad-  
 iuvandis precibus postulo. Hac fatus, desiciente jam, et  
 moribunda voce, tuum, CHRISTE JESU, nomen invocans,  
 tuum sanctissima Virgo apud filium opem implorans,  
 ad vos, ut confidimus, evolavit. Ac, si quidem ipsum spe-  
 clemus, gratulari ei potius quam lugere debemus. Re-  
 gnum enim terreste caelesti, laborem quiete, mortalita-  
 tem immortalitate mutavit. Quod mortuus est, huma-  
 nae fragilitatis est; quod ita mortuus, divinae cuiusdam  
 felicitatis. Bonum certamen certavit: cursum consum-  
 mavit, fidem servavit. Aut jam coronavit eum Deus,  
 aut brevi, tuis, Beatissime Pater, et totius Ecclesiae  
 precibus adductus, coronabit corona iustitiae, quam  
 promisit diligentibus se. At illam tot Regum matrem,  
 toties jam custodem ac conservatricem Regni, ipsa sua  
 felicitate miserandam quomodo nunc, quomodo tandem esse animo  
 ereditis? Quae ex summis honoribus summos dolores  
 consecuta, ter jam, et in viro, et in duobus filiis mortua,  
 vitae suae superstes, toties ore suo eorum clausit oculos, a  
 quibus claudicupiebat suos: tam saepe eis officia praesti-



rit: quæ sibi ab eis præstari maluisset. Quid illa fortissi-  
 marum domina gentium Gallia? quæ sibi eodem funere cū  
 Rege suo efferrī visa est: quæ jacet adhuc perculsa &  
 attonita tanto vulnere, mei uens, ne illius atrocitate, et-  
 iam illa, quæ consanuisse videbantur, recrudescant. Pro  
 Deus optime maxime, etiam cū ulcisceris, benefices; et-  
 iam cū pœnas exigis, misericors: quibus tam gravibus  
 culpis tam diuturnam in se iram tuam Gallia provoca-  
 vit? Quatuordecim jam anni sunt: & eò amplius, cū il-  
 lud potentissimum & memoria nostra florentissimum  
 Regnum perpetua bellorum civilium serie ita & ab alic-  
 nis & suis vexatur, ac diripitur, ut de eo jam dici pos-  
 sit, quod scriptum est apud Prophetam: Residuum cruce  
 comedit locusta: & residuum locusta comedit bruchus:  
 & residuum bruchi comedit rubigo. Atq; ut magis in-  
 telligatur, id divina ultione fieri, quoties mihi esse vide-  
 tur, ut jam jamq; componatur ac tranquillemur omnia  
 in ipso, ut ita dicam, portu frangitur navis. Properat at  
 HENRICUS II. pacem cum PHILIPPO Rege Catholico qui-  
 buslibet conditionibus facere, ut, expeditus belli curis,  
 hujus mali nascentis semina elideret. In ipso ejus rei co-  
 natu ac molitione, inopinata morte sublatu est. Sub  
 FRANCISCO II. conspiratione detecta, spes objecta erat,  
 fore, ut, paucorum supplicio cæterorum audacia in per-  
 petuum reprimeretur: Ante ipse mortuus est, quam de  
 fontibus comprehensis supplicium sumeretur. Nunc na-  
 per eò rem perduxerat CAROLUS NONUS, ut omnes  
 instare finem malorum existimarent. Aliter Deo visum  
 est: qui HENRICO III. Gallia & Polonia Regi, quem  
 tam multis tamq; illustribus argumentis sibi charissimū  
 esse declaravit, hanc felicitatem, ut speramus, reservare  
 maluit. Neq; dubium est, hoc ita eventurum, si omnes  
 res à viis nostris aversi, quæ DEI placandi certissima  
 ratio

ratio est, to  
 ue obsecr  
 CARO  
 HENRICI  
 uidem lu  
 vile sum  
 aus omni  
 DIXI.

ADS  
 KIII.  
 HENRI  
 Regis, h  
 UD OV  
 Equite C  
 Regis  
 V


Principib  
 onorem  
 o actib;  
 in fide, &  
 is de fens  
 & fore, p  
 bi delata  
 fuctu nece  
 eg tibi, qu

ratio est, tota mente convertamur ad Deum, eumque assidue obsecremus, ut compescat iram suam: & quando CAROLUM in sinum, ut speramus, suum excepit, HENRICI III. ductu, sub GREGORIO XIII. raptorem quidem lupos interfici; oves autem, quæ aberrârunt, in ovile suum reduci velit. Ita eveniat, Domine JESU, cui laus omnis & gloria debetur in omnem æternitatem.

DIXI.

## ORATIO XXV.

AD S. D. GREGORIUM  
XIII. PONT. MAX. NOMINE  
HENRICI III. GALLIÆ ET POLONIÆ  
Regis, habita Romæ in Consistorio publico,  
LUDOVICO CASTANÆO RUSBIPOCÆO,  
Equite Ordinis Regii, viro illustri, ejusdem  
Regis nomine obedientiam præstante,  
VIII. Kalend. Quintil. anno  
CLIO LXXVI.

 RATUS quidem ac jucundus tibi esse debet, BEATISSIME PATER, eorum omnium Legatorum adventus, qui hûc à Christianissimis Principibus mittuntur: tum ut tibi summum in terris honorem gratulentur: tum multo magis, ut se Christo ac tibi, ut par est obedire, manere in officio, præstare in fide, & vires, & copias suas ad Apostolicæ Sedis defensionum semper promptas ac paratas & esse, & fore, profiteantur. Nam & ex illa ipsa divinitus tibi delata dignitate, majorem à te capi jucunditatis fructum necesse est, cum ea ceteros quoque lætari perspicias: neque tibi, qui communis Christianorum omnium Pater es, ulla

ulla ex re verius ac solidius gaudium obiri potest, quàm  
 eum filios dignitatis tuæ studiosos, auctoritati tuæ dedi-  
 tos, præceptis ac monitis tuis obtemperandi cupidos vi-  
 deas. Sed tamen omnibus seculis ea Gallorum Regum  
 in Pont. Max. asperrimis ac difficillimis temporibus pro-  
 merita fuerunt, ut multis nominibus eorum & studium  
 atque obsequium præcipua quadam charitate comple-  
 tendum, & legati æquissimis animis audiendi, & dicta,  
 s. Et quæ omnia singulari quadam paternæ voluntatis  
 propensione in optimam partem accipienda videantur.  
 Quoties enim in hoc amplissimo nobilissimoq; consensu  
 Reges Gallie nominantur, toties in omnium animis me-  
 moria renovatur, & officiorum, quæ illi longè plurima,  
 longe maxima in hanc sanctam Sedem contulerunt: &  
 honorum, quos ab ea vicissim eximias, pro sua in eam  
 eximia pietate retulerunt. Si quis autem Rex unquam  
 fuit, qui propter virtutis ac rerum gestarum magnitu-  
 dinem exquisitis honoribus assiciendus esset: eum  
 se ipsum quæcumq; adolescentiæ flore HENRICUS TER-  
 TIUS Gallie & Poloniæ Rex præbuit, nihil ut de eo tam  
 bene visceribus possit, quia id jam pridem virtus ipsius in  
 omni genere spectata superavit. Quò te libentius ac-  
 cepturam esse credimus eam fidem, venerationem,  
 obedientiam, quam talis tantusq; Rex hodierno die per  
 clarissimum & omni laude cumulatissimum virum Lu-  
 dovicum Castaneum Russiporum, Equitem ordinis  
 Regi, Oratorem ad te sum, tibi, BEATISSIME PATER,  
 & Sed. Apostolica præstat. Cujus enim Regis nomen à  
 summo Ecclesiæ Pastore & Gubernatore, audiri liben-  
 tius debet, quàm ejus, qui cum hereditario jure princi-  
 pem inter Christianos Reges locum majorum suorum  
 virtute partium, obtineat, ita per eorum vestigia gradi-  
 tur, ut quantum ab eis omnibus splendoris accepit, tan-  
 tum.

eundem ipse unus facile afferat universis? qui, cum ad-  
 huc adolescentulus ac propè puer esset, ita sæpè, ita fir-  
 ziter, ita feliciter adversus hostes Ecclesiæ dimicavi, ut  
 eorum astus consilio eluserit, temeritatem virtute do-  
 muerit, pertinaciam constantia fregerit. Quàm sæpè eo  
 sibi per hostiles cuneos omnia ferro pervia faciente, ex  
 hostium ipsorum tantæ, tamq̃ prematuræ virtutis ad-  
 miratione defixorum manibus tela irrita ceciderunt?  
 Quàm sæpè cominus ab eis petitus, ita mirabiliter ser-  
 vatus est, ut Deus ipse sua manu ictus in eum directos  
 depellere, & telis ac tormentis vim nocendi adimere vi-  
 deretur? At ille laudis & gloriæ cupidus, vitæ ac san-  
 guinis prodigus, Dei memor, immemor sui, in victoria  
 salutem, in virtute victoriam, in vita ob talem causam  
 in omne discrimen exponenda virtutem positam judi-  
 cabat. Itaque cum generosissimi adolescentis non jam  
 prælia, sed victoria, ac triumphus numerarentur, jam  
 totum terrarum orbem tam insuata tamq̃ inaudita  
 virtutis fama peragrasset: fortissima ac bellicissima  
 Polonorum gens eum sibi Regem concordibus suffragiis  
 adoptavit. Quo ille nuncio abstractus ab ingentibus, ac  
 penè ad exitum perductis, liberandæ ac purgandæ Galliæ  
 cæptis, in regnum virtutis suæ ultrò delatum profici-  
 scens, quacunque iter fecit, omnes & Principes & po-  
 pulos sui amore & admiratione complevit. Vix dum  
 novi & à se expetiti Regis suavitatem Polonia gusta-  
 verat, cum secuta CAROLI NONI Regis acerba, & per-  
 petuis lachrymis prosequenda mors, res in Gallia com-  
 pagni cæptas, majoribus denuò procellis involvens to-  
 tius Regni statum in ultimum discrimen adduxit. Cele-  
 riter igitur à Polonia periclitantis & Regem suum im-  
 plorantis Patria voce revocatus, cum easdem illas dis-  
 fensiones, quæ Galliæ Regnum propè subverterant, non  
 modò



modò non sedatas, aut mitigatas, sed auctas etiam ac corroboratas offendisset: corruptos ac depravatos ob bellorum longitudinem mores: multorum animos, etiam ex iis, qui se Catholicos esse profitebantur, studio partium infectos: plena omnia licentiâ, plena rapinarum, plena scelerum, plena hostium, & externorum & domesticorum: eadem tamen, qua semper fuerat animi præsentia ac magnitudine: tuo etiam BEATISSIME PATER & consilio & auxilio fretus, bellum repetiit ac redintegrait: diuq; viris equisq; ut dicitur, tentavit efficere, ut vi & armis perdomita contumacium & regni perturbatorum superbia, pax & quies tandem aliquando fesse tot calamitatibus Gallia redderetur.

Sed ut animadvertit, nihil ea ratione, quam tamdiu tenuerat profici, ac potius Regis & Religioni vehementer officii, quæ jam multis in Gallia locis labasceret, à plerisq; etiam penitus exularet: intercauri ac vastari agros; oppida diripi: omnia itinera latronum ac prædatorum cohortibus obsideri. Regni vires quotidianis cadibus ac stragibus enervari: opes immensis sumptibus exhauriri: innumerabilem vim terribiliorum facinorum in utroq; exercitu quotidie perpetrari: extremam cladem ac perniciem imminere, nisi maturè subveniretur: aliud sibi consilium necessario capiendum iudicavit. Optimus ac mitissimus Princeps, qui sanare vellet suos, non perdere, idem fecit, quod prudentes medici solent: qui cū uestionibus, sectionibus, inedia, detractione sanguinis, non morbum, sed agrotum ipsum confici ac profligari vident, ad aliam curandi rationem confugiunt; & fomentis ac remediis mollioribus & victu paulò copiosiore indulgentes, malunt agrotum cum aliqua parte morbi alere, quàm utrumque simul è medio tollere. Maluit igitur & ipse in tanto tamque manifesto interi-

tus periculo, ei parti suorum, quæ adhuc superesset i-  
 gnoscere, quàm committere, ut brevi ne superessent qui-  
 dem, quibus ignosceret. Cumq; cogitaret, illum ipsum re-  
 rum omnium præpotentem Deum multa tolerare, quæ  
 non probet: ipse quoq; in tantis angustiis multa à qui-  
 bus animo & voluntate longissimè abhorret, interea ta-  
 men sibi toleranda esse statuit, tum aliquid melius eve-  
 niret. Certè enim, BEATISSIME PATER, fretus ea spe,  
 quæ in Deo primùm, deinde ex omnibus mortalib; in te  
 potissimum collocavit, melius aliquando fore confidit.  
 Multa oratione consueverunt, quæ ferro nunquam con-  
 fici possent. Sæpè quos severitas frangere non potuerat,  
 clementia inflexit. Equi adversus frænum contumaces  
 interdum se sibi habenas rem tiente consistunt. Multi,  
 qui terrore & malo domari non possunt, indulgentia &  
 facilitate mitescunt. Pugnabitur adversus eos, qui à no-  
 bis dissident precib; assidue, & privatim & publice ad  
 Deum fusis. Piorum & eruditorum concionatorum vox,  
 præcipuum instrumentum Dei ad inserendam in animis  
 hominum fidem, quæ in plerisq; Galliæ partibus armis  
 oppressa contiguerat, liberè jam toto regno audietur.  
 Licebit impia & pestifera dogmata rationibus & argu-  
 mentis confutare ac redarguere: vera ac salutaria con-  
 firmare & constituere Catholicæ Religionis usus & ex-  
 ercitatio, quæ multis ex locis indignissimè sublata & ex-  
 pulsa erat, restituetur ac renovabitur. Dabitur à no-  
 stris opera, ut vitæ ac morum suorum exemplo ad bo-  
 nas partes alliciant, & ad sanitatē perducant eos, quos  
 armorum vis magis ac magis usq; adhuc effravit. Rex ipse  
 unà cū fratre, forti ac strenuo, Catholicæ Religionis stu-  
 diosissimo Principe, concordibus ac consociatis animis o-  
 mnia facient, quæ ad errores ex animis suorum  
 evel-

evellendos accommodata esse arbitrabuntur. Catharina Regum mater, summa prudentia & consilio prædita mulier, & liberorum amans ultra consuetum matribus modum, cujus è sinu pax hæc prodiit, cujus præcipuè opera & laboribus conflata & conciliata est, omne ingenium, quò plurimum valet, omnemq; auctoritatem suam conferet ad filios in fraterna concordia perpetuè continendos, & ad populos ejusdem religionis communi-  
one devinciendos. Rex quidem ipse, quod maximi momenti est, non tam nomine, quàm re & animo, & tota vivendi ratione Christianissimus, vitam sibi potius eripi patietur: quàm fidere: neq; unquam degenerabit à majorum suorum nota testataq; virtute: & quàm tibi, BEATISSIME PATER, ac sedi Apostolica, verè atq; ex animo obedientiam præstat, eam se constantissime p. est-  
tutum usque ad extremum spiritum pollicetur. DIXI.

## ORATIO XXVI.

In funere Pauli Foxii Archiepi-  
scopi Tolossani, Regis Galliarum  
Oratoris.

AD GREGORIUM XIII. PONT. MAX.  
ET AD SEDEM APOSTOLICAM; Habita  
Romæ, in æde sancti LUDOVICI IV.  
Kal. Junii clō 10 LXXXIV.

**S**icut opum ac potentia, sic eruditionis ac sa-  
pientia heredes à magnis ac præclaris viris  
institutui possent, is demum PAULO FOXIO  
idoneus laudator reperiretur, quemcumque  
ipse sibi earum virtutum successorem esse voluisset. Nam  
nec in quo amplior & uberior omnium laudandarum

artium

artium leges effluerit, nec in quo vis & copia dicendi maior, quam in eo existerit, ex omni memoria nostra deligi quiquam potest. Quo nihil magis ac difficilius omnino imposuimus esse video, in hoc ornatissimo consilio de laudibus ipsius verba faciendi: quod neque unquam subire ausus essem, nisi ~~et nea me~~ multis abhinc annis suscepta adversus eum observantia, ut id facerem, adduxisset, ~~et eum~~ quorum imperium delectare non poteram, auctoritas cecidisset neque nunc ei me ferendo parem fore considerem, nisi mihi, quod vix dictu credibile est, ipsa levamento ac solatio esset difficultas. Nam si quenquam alium de PAULO FOXIO pro ipsius dignitate dicere posse existimassem, valde me puderet in eum locum conscendisse, unde nihil aliud viderer præstuisse, quam ut summi viri laudes inopia dicendi detererem: nunc cum satis intelligam, quod mihi eventurum est, ut oratio mea longè multumq; infra ipsius dignitatem jaceat, idem cuilibet quamlibet copiose & exercitato homini eventurum fuisse, facile patior delectum potissimum esse me, cujus prædicatione quasiq; præconio admirabilem ipsius in omni genere virtutum, ad eos, quibus illa fortè minus nota fuissent, qualiscunque cognitio perveniret. Sed quoniam et multa mihi ac præclara dicenda, & in unius semibrevis curriculum omnia concludenda sunt, ad res ipsas veniam, neq; committam, ut ex tam brevi tempore pars à me ulla in rebus non necessariis consumpta videatur. Primam igitur si generis nobilitas quidquam ad commendationem pertinet, per hoc affirmare possumus, non multas gentes in universo terrarum orbe reperiri, quæ cum gente FOXIA vel antiquitate, vel rerum gestarum gloria comparari queant. Quæ cum ipsa per se nobilissima est, tum hoc nobiliter quod cum potentissimis Regibus & Imperatoribus mul-



triplici se jam pridem affinitate devinxit. *Nā ut negasti-*  
*ora taceam, neq. illa repetam, quæ quingentos ferè ab*  
*hinc annos à COMITIBUS FOXIIS gesta, & nobilium*  
*scriptorum consignata monumentis, nulla unquam ob-*  
*literabit atas. his certè centum proximis annis tres ex*  
*gente Foxia nobiles ac potentes regina exstiterunt. E-*  
*arum prima est Anna, JOANNIS FOXII Candale Comitiss*  
*filia, quæ Ladislaus Bohemia & Ungaria Regi in matri-*  
*monium collocata, filiam ex eo sibi cognominem sustu-*  
*lit, uxorem postea Imperatoris FERDINANDI, matrem*  
*Imperatoris MAXIMILIANI, aviam ejus qui nunc feli-*  
*citer imperat RODOLPHI. Secundo loco nominabo*  
*Carbarnam, Gastonis quinti filiam, Reginam Navarre,*  
*quæ ad regnum in quod FRANCISCO Phæbo fratri suo*  
*successerat, dotale ad JOANNEM ALBERTIUM detulit:*  
*quo ex matrimonio natus est Henricus Rex, avus Hen-*  
*rici, à quo hodieq. idem regnum hereditario jure obti-*  
*netur. Sed & illius uxoris Gastonis, ducis Nemoren-*  
*sis, qui dum vixit, terror hostium Gallici nominis fuit,*  
*qui subminis in morem hostiles turmas disjicere, qui*  
*quacunque intedebat, victoriam in manibus gestare vi-*  
*debatur, qui semper vincere assuevit, postremò ad RA-*  
*VENNAM, dum pro LUDOVICO XII. avunculo suo for-*  
*tissi ne dimicat, etiam moriens vicit, ejus igitur Gasto-*  
*nis sororem, Germanam nomine, Ferdinandi Castellæ*  
*Regis matrimonium tenuisse, natissimum est. Neque hoc*  
*loco reticenda est Margarita Foxia, Gastonis Quartæ fi-*  
*lia, quæ FRANCISCO Duci Britannia nupta, Annam ex*  
*eo suscepit, Caroli Octavi primum, deinde etiam Ludo-*  
*vici Duodecimi uxorem, ex qua nata est Claudia uxor*  
*Francisci Primi, mater Henrici Secundi, avia ejus, qui*  
*hodie regnat, & ut speramus ac cupimus, diutissimè ac*  
*felicissimè regnabit Henrici. Sed aut hæc satis sunt ad o-*  
 sten-

stendendam summam nobilitatem gentis Foxia, aut non video, quid satis esse possit. Ex hac tam illustri gente natus est PAULUS FOXIUS anno Christi M. D. XXVIII. patre Joanne Carmanii Comite, matre Magdalena Cuspenia, nobilissimus quidem utraq; stirpe, sed ingentem virtute sua cumulum ad veterem suorum gloriam additurus. Natus autem est ea non oris modo ac vultus, sed totius corporis pulchritudine, ut ex ipso aspectu imago quadam ingenita virtutis atque honestatis emicaret. Vidi equidem illum & adolescens adolescentulum, & vir virum, & senex senem: mea enim quam illius, biennio fere grandior erat etas, neque quenkum unquam videre memini, in quem verius conveniret id, quod Græci de Alcibiade prædicant, in omnibus ætatis partibus æque gratam ac iucundam ipsius formam fuisse. Ingenium ad omnes honestas disciplinas docile, & ad eas percipiendas ita factum, ut quæ discerebat, non tam accipere à magistris, quam ipse ex se parere, & eorum reminisci quodammodo ac recordari, ex illa veteri Platonis sententia, videretur. Mores etiam tum in illa ætatis teneritate graves, severi, compositi, & humanitatis tamen ac facilitatis condimento temperati: ut eis quibus cum una erat, & incredibili quadam iucunditate conciliaret sibi, & exemplo suo, ab omni improbitate revocaret. Denique ut in herbescenti segetum viriditate certa prope spes futura messis apparet, sic nemo tunc erat, qui non eum à puero, qualis postea fuit, tamen facile auguraretur fore: justum, integrum, continentem, abstinentem, amantem pacis ac concordia, veracem, apertum, simplicem, ad omnium potius peccata, quam ad sua connivenem. Iuxta studia ita puerulo adamavit, itaque in eo postea constantius perseveravit, ut id unum à publicis negotiis diverticulum perpetuo haberet,

ut quidquid ab eis dabatur onii, semper in literis omne  
 consumpserit. Græcis igitur & Latinis literis Lutetia  
 diligenter excultus, ibidemq; in Philosophia studio ma-  
 gna cum cura exercitatus, Tolosam se ad percipiendam  
 jurisprudentiam contulit, quo in studio tantos brevi  
 tempore progressus fecit, ut adhuc adolescens publice  
 de utroque jure, magna cum omnium admiratione re-  
 sponderet, eosq; honores consecutus, qui amplissimi; con-  
 fecto studiorum curriculo discerni solent, incredibili ho-  
 minum concursu jus civile docuerit: cum ad eum inusi-  
 tata quadam dicendi facultate, de obscuris dilucidè, de  
 confusis ac perturbatis ordinatim ac dispositè, de dubiis  
 enucleatè differentem, etiam ii, qui diu magna cum lau-  
 de docuerant, discendi causâ quotidie convenirent. Indo-  
 cum in aulam regiam venisset, ita statim HENRICO II.  
Regi, acri ac perspicaci ingeniorum existimatori, ita cæ-  
 teris principibus viris carus atque acceptus fuit, vix  
 ut quisquam unus uni carior foret, quàm unus hic uni-  
 versis. Ipse verò & officia obibat diligentissimè, neque  
 ullum diem abire patiebatur, quo non & regem & cæ-  
 teros principes salutaret, & cum eis sermonem conse-  
 reret, & eos, quò opus erat, deduceret ac reduceret: ne-  
 que tamen, quod plerique omnes aulici faciunt, reli-  
 quum tempus otiose & inutiliter absumebat: sed repe-  
 titis de integro studiis, Platonis præcipuè & Aristotelis  
 & Xenophontis ac Plutarchi, & cæterorum ejusdem  
 notæ libros ad formandam vitam, & ad rationem gu-  
 bernandæ Reipublicæ pertinentes, ita studiosè pervolu-  
 tabat, ut eos in succum ac sanguinem suum converte-  
 ret, omniaq; eorum præcepta in numerato haberet, qui-  
 bus non ad inanem loquacitatem, sed ad danda capien-  
 daq; de rebus maximis consilia tempestivè uteretur.  
Historie quoq; multum opera ac studii dedit, gnarus il-

lustria

lustria præcepta nulla re magis, quàm exemplis illu-  
 stribus confirmari. Itaq; tum sacram, tum profanam,  
 tum veterem, tum novam, tum domesticam, tum exter-  
 nam ita pertractaverat, ut quacunq; de re dicere in-  
 gressus esset, optimis & accommodatissimis exemplis ad  
 confirmandum id quod volebat, nunquam non abunda-  
 ret. Quid de temporum ratione, quid de terrarum situ,  
 quid de populorum institutis, ingeniis, moribus, fœderi-  
 bus, quid de quarundam gentium inter se aut naturali  
 consensione aut odio vetere & ingenio loquar? quarum  
 ille omnium rerum tantam notitiam habuit, ut id unum  
 tota vita egisse videretur. Hic omnibus artibus instru-  
 ctus, cum jam ad obeundas legationes esset aptissimus,  
 antequam tamen ullam earum susciperet, ex usu suo fo-  
 re ratus est, si in amplissimo Senatu Parisiensi per tem-  
 pus aliquod versaretur, ibiq; disceptandis quotidie ma-  
 ximi momenti negotiis, firmitiora & solidiora sapientiæ  
 fundamenta jaceret, seq; illi præstantium virorum cœ-  
 tui quasi recoquendum & expoliendum daret. Qua  
ipsius voluntate cognita, confestim Rex HENRICUS  
 eum in Consiliariorum numerum adlegit: in quo hic et-  
 iam præcipuus honos habitus est, quòd cum in eo Se-  
 natu plura sint inter se distincta auditoria, quorum ad  
 supremum non nisi gradatim pervenitur, PAULO FO-  
 XIO jus inter primos assidendi, dicendæq; sententiæ sta-  
 tim à principio tributum est. Ibi verò partem sibi an-  
 tea juris intelligentiam assiduo tractandorum negotio-  
 rum usu ita perfecit ac perpoliit, ut brevi tempore  
 principem inter Jurisconsultos locum obtinuerit, cum  
 eos quidem qui in libris consenuerant, seq; uni cognitioni  
 dediderant, usu & exercitatione rerum forensium: eos  
 autem qui se magis ad usum forensem applicuerant, e-  
 ruditionis copia & magnitudine: aut potius, si aperte id  
 R 3 quod



quod res est, extincta jam invidia, profiteri volumus: utrosque utraq; laude superaret. Prima inde legatio in Scotiam fuit sub id tempus, quo Maria Regina Scotiae, mortuo FRANCISCO II. viro suo in regnum suum reverterat. Ubi FOXIUS ea fundamenta jecit & tuendi regni & conservandae religionis, in quibus si postea pari fide ac consilio & efficacum esset: fortassis hodie neq; Regina miserabiliter captiva teneretur, neq; status religionis laboraret. Illinc cum redisset, anno M. D. LXI. Legatus in Angliam missus est, ubi quadriennium integrum, tanta fide ac diligentia, tanta dexteritate ac prudentia, tanta persequenti ut ac solertia in munere suo versatus est, ut magnis interea in Gallia motibus excitatis, nihil Angliae Regni struere, nihil moliri, nihil machinari potuerit, ad conatus eorum, qui à Deo & à Rege rebellaverant adjuvendis, quod non ipse detexerit ac patefecerit, Regis indicaverit, eiq; viam ac rationem ostenderit, qua perniciosae Iezabele consilia mature praeveniret & occuparet. FOXIUS præcipue consilio occultisq; monitis, inita est à Rege ratio extorquendi ex Anglorum manibus celeberrimi ac munificentissimi portus Gratiarum, quo illi sibi haereticorum opera tradito Galliam ab ea parte obsessam tenebant. FOXIUS consilio repertum est, quomodo Rex ea passionem quam HENRICUS II. fecerat, de restituendo Anglia intra certum tempus Calitio solveretur: utq; obsides eorum omnes dati, dimidio ejus pecuniae, qua Rex depascenda facultatem dederat, redimerentur. Illud verò commemoratio dignissimum, quod quamdiu in Anglia fuit, nullam unquam diem intermisit, quin, quamlibet fremente Regina sacrosanctum Missae sacrificium domus suae celebrari jusserit: ad quod clamare videbatur ac concurreret, magna & Anglorum & exterorum CATHOLICORUM multitudo, quos ille forebat, consolabatur.

pro-

protegebat, quorum omnium arx, portus, praesidium, perfugium erat: à quibus non tantum mala multa imminuentia depulit, sed effecit etiam, ut multa damna, quae eis data erant, restituerentur. Ob quae merita, ubi primum ex Anglia revertit, in sanctius atque interius Regis consilium adlectus est. Secuta legatio Veneta: in qua ro tantum Regi cumulatissime satisfecit, sed etiam illis sapientissimis Patribus, universaeque Venetae civitati iucundissimam virtutum suarum memoriam reliquit. Cujus legationis expleto tempore, cum in aulam redisset, inter togatos Regis consiliarios, et tranquillis et turbidis rebus, unus semper è principibus fuit; cum doctrina, et usu rerum, et prudentia excelleret: neque sibi quidquam, praeter sincerum Dei cultum, dignitatem et utilitatem regiam, allevationem vexati tot acerbitatibus populi, in dicenda sententia propositum haberet. Inde sub finem anni M.D. LXXIII. legatus de rebus gravissimis et ad Summum Pontificem, et ad plerosque Italiae Principes, quae sibi mandata erant, illa toties experta fide ac dexteritate transiegit. Interea cum Gallicorum tumultus utcumque compositi viderentur, missus est à Rege ad Heinricum Regem Navarrae, qui tunc in Aquitania erat, ut eum auctoritate ac praesentia sua in officio contineret. Quamquam autem vitari nullo modo potuit, quin anno post novae turbae concitarentur, tantum tamen PAULI FOXII virtute perfectum est, ut, cum quibuscunque aliis in locis haereticorum factio potentior erat, divini cultus vestigia quidem relinquerentur, everterentur templa, sacerdotes crudelissime contrucidarentur: Agini, quae urbs, secundum Burdegalem, Aquitaniae principatum obtinet, et in toto eo tractu, rebus divinis libere opera daretur, starent facta templa, sacerdotes ab omni

contumelia & injuria tui forent: sacra & Catholica conciones nunquam intermitterentur: cum & publice & privatim FOXIUS Catholicis animos faceret, easq; ad bene sperandum excitaret: ita ut eorum protector, conservator, parens uno omnium consensu haberetur: Scriptis ea de re Clerus Aginensis ad virum summa dignitate præditum CAROLUM RAMBOLLETUM Cardinalem, petens ab eo, ut hæc omnia summo Pontifici diligenter exponeret, eiq; omni asseveratione confirmaret, quicquid templorum, quicquid sacerdotum, ceterorumq; divino cultui mancipatorum hominum in ea provincia maneret, id omne secundum Deum, unius PAULI FOXI virtuti auctoritatiq; deberi. Sepe igitur in magnam vita discrimen adductus est, cum iniquo animo ferrent milites à templis depraedandis cupiditatem, à Sacerdotibus mactandis crudelitatem suam unius hominis auctoritate prohiberi. Multa prætereo memoratu dignissima: sed mibi non tam orationis conquirenda copia est, quam vestra satietas refugienda. Decernitur, ut à Rege legatio ad summum Pontificem, ita tamen, ut priusquam in eam profisceretur, unà cum Catharina Regis matre Aquitaniam, Galliam Narbonensem, Provinciam, Allobrages obire, in singulis oppidis consistere, ac conventus agere, resq; perturbatas, quantum temporum ratio ferret, optime ac commodissime componere jubere-  
tur. Quid ego nunc dicam, quàm salutare iter illud fuerit, aut quantam afflictis rebus levationem attulerit? Catholica religio multis in locis, à quibus exulabat, restituta, Bona sua, & exercendorum munerum suorum facultas Ecclesie ministris reddita, multorum animi, qui nutabant, confirmati. Multa munita loca in Regis potestatem redacta, audita populi querimonia, adhibita remedia multis, malis quæ superiorum temporum


calamitate importata erant. Quaecumque omnium rerum  
 luis Deo primum, deinde PAULI FOXII prudentiae  
 magna ex parte tribuenda est. Regina Regis matre Lug-  
 dunum usque deducta. Romam iter cepit: ibi ita se mo-  
resq; suos, totamq; necessariam vitam Pontifici probavit,  
 ut ab eo decoratus sit Archiepiscopatu Tolosano, ad  
 quem ipse multis ante annis miro bonorum studio effla-  
 guabatur. Neq; dici potest in obeundi Legati munere  
 quantopere, & Pontifici, & Regi, & omnibus summis  
 pariter ac infimis gratus acceptusq; fuerit, integritate  
vita, summa vultus ac sermonis comitate, promptissi-  
 mo ad opem ferendam animo, sive quis auxilio, sive  
 consilio indigeret. Quaquam autem nulla ei pars aia-  
 tis à magnis memorabilibusq; rebus vacaverat, exigua  
 tamen omnia videri poterant, prout ea erant, quae agi-  
 tabat animo, si quando in Galliam redire, & Ecclesiam  
 sibi creditam praesens gubernare potuisset. ~~Imbulsa~~  
 enim penitus in mandata sibi provincia, ad TRIDENTI-  
 NI Concilii praescriptum omnia revocare & ex gere, o-  
 mnem munerum ECCLESIASTICORUM undatio-  
 nem, fœdasq; illas, sed nimis usitatas eorum fiducia-  
 rias mancipationes funditus tollere, dissolutos ac diffu-  
 santes Ecclesiasticorum mores severis legibus coercere  
 ac constringere, clericorum seminaria instituire, tem-  
 pla eversa erigere, ruinosam fulcire, redditus Ecclesiasti-  
 cos injustis possess.ribus eripere, Xenodochiorum ac  
 collegiorum praecipuam curam suscipere, & perficere,  
 ut eorum, qui illa fundassent atq; instaurassent, mens ac  
 voluntas diligenter ac religiosè observaretur, omnia  
 deniq; summo studio facere, quae ad honi & inculpati  
 praesulis officium pertinerent. Sed o spes hominum fra-  
 giles, o fallacia consilii. Heceum cum maxime medi-  
 tantem, & ea una in cogitatione noctes diesq; defixum,




morbus gravior & mortifer occupavit. Cujus primam  
 impressionem expertus est adstans ad aram, cum solen-  
 ni die, quanquam principium quoddam leviter commotæ  
 valetudinis sentiens, abstinere tamen à re divina faci-  
 enda noluisse. Quem cum & medicorum cura, & singu-  
lari victus temperantia depulisse jam videretur; haud  
 ita multò post, cum ad hominis GALLI de magna re sua  
 periclitantis causam adjuvandam, ut erat in omnes of-  
 ficiosissimus, iniquo & alieno tempore accurrisset, domum  
 ut redit lassus, denuò decubuit; nec alius ei postea mor-  
 bi quam vite finis fuit. Quo autem ille animo morbum  
sevientem, quo mortem certam jam & iminentem tu-  
lit? quot quantasq; moribundus animi verè Christiani  
 significationes dedit? Qua submissione animi peccata sua  
confessus, eorum sibi veniam à Deo & à Pontifice dari  
petiit? Qua veneratione sacrosanctum Christi Corpus  
excepit? Quàm placidè ac patienter sacro oleo perun-  
ctus ac delibutus est? Quibus omnibus Sacramentis ar-  
matus ac munitus, cum toto morbi tempore, non tantum  
quamdiu sui compos erat, sed etiam cum propter vires  
morbi in capite grassantem aliquo mentis errore office-  
retur, sic quoq; tamen nihil aliud quam CHRISTUM,  
CHRISTUM DEUM suum, in ore perpetuò habuisset, ad  
 eum quem spirabat unum, quo fidebat uno, ut quidem  
 speramus ac cupimus, evolavit. Hem PAULUS FOX, quā-  
 tam quamq; iustam multis mærendi occasionem morte  
 tua obtulisti. Et si tua quidem causa, nihil est quod lu-  
geamus. Tu præclare ac laudabiliter vite cursum con-  
 fecisti. Tu ita maximis honoribus perfunctus es, ut te  
 semper homines maioribus dignum judicarent. Tu an-  
 sam laceßere te invidiam virtute constantiaq; superasti.  
 Tu, quod ii, qui olim habiti sunt sapientissimi, in aliqua  
 felicitatis parte posuerunt, in ipso senectutis limine ere-  
 ptus,

ptus, impendens deterioris ætatis incommoda morte  
 viciisti. *Is cuius tu iudicium maximi faciebas* GREGO-  
 RIUS PONT. MAX. & vitam tuam summè probavit, &  
 mortem non modò honorificentissimis verbis, sed etiam  
 lacrymis prosecutus est. *Omnium erga te ordinum*  
*caritatem* satis hæc ipsa principum virorum, quæ ad  
 cohonestandum funus tuum convenit, multitudo decla-  
 rat. *At Talase* dolendum, quæ similem tui pastore nū-  
 quam fortassis habitura, prius te spoliata est, quam  
 vigilantia tuæ fructum ullum percipere posset. *Dolen-*  
*dum* Regi, qui tam duris temporibus, tanta fide, tanta  
 prudentia præditum Consiliarium amiserit. *Dolendum*  
*Ecclesie*, quæ labantibus in Gallia rebus suis magnum  
 auxilii spem in auctoritate tua collocarat. *Sed omnibus*  
*in rebus divina voluntati acquiescendum est.* *Nos,*  
*quod unum tibi præstare possumus, & colemus me-*  
*moriam tui, & te fusis ex animo precibus adjuvare*  
*conabimur sperantes fore, ut ipsi vicissim*  
*tuis precibus adjuvemur.*

DIXI.



EPI.



EPISTOLARUM.

M. ANTONII MU-  
RETI PRESBYTERI,  
ET CIVIS ROMANI.

LIBER PRIMUS.

M. ANTONIUS MURE-  
TUS JOANNINICOTIO V. CLAR.  
Consiliario Regio S. D.

EPISTOLA PRIMA.

**M**ULTÆ causæ sunt, JOANNIS NICOTI, vir  
clarissime, propter quas magnorum & illu-  
strium virorum epistolæ expetantur. Sunt  
quas sermōnis vigor & elegantia, & nativæ quædam  
pulchritudo, nullo ut videtur, artificio excolta, nullis  
pigmentis colorata commendat: Sunt contra, quæ &  
verborum & sententiarum minimè vulgato genere cul-  
tum & artificium ostendent. Nonnullæ etiam ita scriptæ  
sunt, ut historiam quasi quandam contineant eorum  
temporum, quibus ii, qui illas scripsere, vixerunt. Atq;  
hæc, sive à disertis, & ingenuarum artium scientia ex-  
politis hominibus prodierint, tantò cupidius leguntur:  
siue etiam ab iis, qui lepore ac festivitate dicendi saru-  
erint, non tamen propterea negliguntur. Historia enim,  
ait Plinius, quoquo modo scripta delectat. Graves  
quædam & Philosophicæ, officii præcepta tradunt; sal-  
sas

fas opiniones evellunt ex animis; quanta in virtute dignitas; quanta in vitiis turpitudine sit, docent: quo in genere Seneca excellit. Quædam etiam si ad res modò privatas & familiaria negotia pertinent, excitant tamen hominum studia, propter eorum, à quibus scriptæ sunt, auctoritatem. Natura enim comparatum est, ut quos admiramur ac magnificimus, eorum omnia maxima, minima cognoscere cupiamus. Recte, ac verè Xenophon, virorum virtute præstantium non seria modo, sed & joca digna esse ait, quæ memoria commendantur. Ecce si vascula quædam, quibus illi usierant, & alia quæ in eorum supellectile ac frivolis fuerant, mortuis ipsius cupidos emptores invenerunt: quomodo lucernam Epileti mille drachmis, Protei Sticci baculum talento venditum accepimus: multò magis eorum quamlibet tennes & exiles epistolæ in pretio esse debent. Sed ega hæc omnia mecum agitans, causam tamen reperire nullamqueo, cur aliquem epistolarum mearum librum videre, multi istic, ut scribis, elegantis ingenui homines concupiscant. Sive enim Latinas literas amant, & ad aliquam Latinæ scribendi facultatem pervenire cupiunt, quisquamne est, qui cum extent Ciceronis, Senecæ, Plinii epistolæ, non dicam ex meis, sed ex cujusquam, qui his mille annis vixerit, Latina lingua, aut integritatem, aut copiam sibi petendam putei? Idem etiam de illo qualicunq; scribendæ epistolæ artificio dixerim. Quid enim aut Plinio limatus; aut Seneca gravius, aut Cicerone in omni genere perfectius optari potest? Gravidarum mulierum morbus ille fuerit, quæ, neglectis bonis ac salubribus cibis, cinere se nonnunquã & carbonibus pascunt. Ne res quidem ipsæ adducere, aut invitare quemquam possunt ad epistolas meas cupide legendas. Homo enim privatus, qui ita in libris



ac literis consenuerim, nullam & unquam attigerim  
 Reipub. partem, nullam unquā epistolam scripsi, nisi quæ  
 ad mea non magni momenti negotia pertineret. Quis  
 autem ego sum, ut, quod postremo loco posui, auctori-  
 tate quisquam adductus mea res meas cognoscere cu-  
 pias? Mitto iam, quod cum in cæteris, tum in hoc præci-  
 pue genere ita negligens sum, ut epistolas uno impetu  
 fusas, raro admodum bis legere; certè quidem nun-  
 quam bis scribere, sed ut primum fluxerunt, liturarum  
 sæpe ac macularum plenas ad amicos mittere soleam.  
 Itaque multū negotiū habui in iis, quas ad te nunc mit-  
 to, colligendis. Nā præter paucas, quas familiares qui-  
 dam mei descripserant, cæteræ ab iis ipsis, ad quos missæ  
 erant, aut ab iis, in quorum manus, mortuis ipsis per-  
 venerant corrogandæ, quasque ostiatim conquirendæ  
 fuerunt. Quas non ullo ordine aut personarum, aut  
 temporum (neque enim res tanti videbatur) sed ut  
 quæque allata erat, & cum eis nonnullas ad me, à viris  
 doctrina & auctoritate præstantibus scriptas, in unum  
 volumen congerendas curavi, ut tuæ vel voluntati  
 obsequer, vel auctoritati obtemperarem. Tantum  
 enim & amicitie nostræ, & prudentiæ tuæ in maximis  
 muneribus publicis obeundis, jam pridem spectata tri-  
 buo, ut nulla in re tibi aut volenti negare, aut fraudenti  
 adversari fas putē. Quare quid à me postules, aut quid  
 me facere jubeas, ipse videris: certe quidquid postula-  
 veris: quod quidem in me situm sit, consequeris. Hoc au-  
 tem æquiore animo passus sum extare aliquas Epistolas  
 meas, quod quedam multis jam abhinc annis editæ sunt  
 pro meis, de quibus scribendis, ego ne per somnium qui-  
 dem unquam cogitavi. Confinxerat eas is ipse, qui  
 tanquam à me ad se missas divulgaverat, homi-  
 nus ille quidem, sed improbus, & natura urcendi ac ma-  
 le-

lesatiendi cupidus; Cū plurima & maxima officia, quibus à me affectus erat, summis injuriis compensare vellet. Quā de re olim à me graviter objurgatus, multis tū lachrymis à me veniam petiit, laqueo digna commississe se fassus, cū ei sermoni HADRIANUS TURNEBUS, & JOHANNES AURATUS, præsentes interessent. Sed mitamus hæc. A te pro amicitia nostra peto, des operam, ne quid istic excudatur pro meo, quod meum non sit. Quid enim futurum est, nisi coercetur istorum audacia, qui superioribus mensibus Poëma quoddam de laudibus IOANNIS AUSTRIACI, quod ego nunquam legeram, pro me ediderunt. In quo & mihi & ei, cuius illud pēna est, imposita insignis injuria est. Nunc tua potissimum fide, diligentia, auctoritate, voluntate erga me fretus, nihil tale post hac eventurū esse confido. Vale, ROMÆ, 9. Kalend. Septembr, M. D. LXXIX.

## JOHANNES NICOTIUS LIBEL.

LOR. SUPPLIC. IN REGIA MAG.

Marco Antonio Mureto Viro

eruditissimo, S. P. D.

## II.

Em periculi mei me fecisse ex te audio, quo efflagitatione neca, quas ad plerosq; amicos tuos dedisti literas, tandē in manū hominū venire sinas. Ergo v. m. MURETE, id, quid periculi sit non sanē video: exuisse tibi quidē certē, singularis hujus erga literatos omnes beneficii gratiā facile perspicio, qui istam clavā de manibus me tibi extorsisse tam ingenuē fateare. Nulla m. meherculē earum, quas memorat causa satis justa, ad premendū tibi unquam fuit. Nā quam jam inde ab adolescentulo, unus ē nostris hominibus, Romanū illam

amplitudinem ac dignitatem. & quovis scribendi, & toto ipsius vitæ genere ita sis consecratus, ut fato tuo civitate etiam Romana donatus fuisse videre, quisquam quaeso, erit, qui, quum tuas epistolas leget, non ex orationis venustate (Romana ista quidem prorsus) & eximiarum atque præstantium rerum tractatione, singularem & voluptatem, & fructum capiat? Quæ tu summe doctus, ad præstantes omni probitate atque eruditione viros scripsisti, quotidie, quin scribas. efficere plane nequis, non ex earum quidem commentationum genere sunt, quibus non amplius quidvis, quam familiarium Epistolæ nomen, merito debeatur. Literatorum, MARCE ANTONI, ac studiis, doctrinæ, & deditorum virorum inter ipsos, per literas consuetudo, quidpiam egregium atque excellens semper habuit, perpetuque habitura est. Id adeo quidem, ut illorum, qui olim extiterent, etiam omnino ac deinceps in rebus opera & oleo nostro dignis esse dicamus. Fuit, eritque quoad quidem mortales terram colent, cuius seculo, rerum & publicarum & privatarum, tum earum quoque, quas neutrarum expertes facile dixeris, sua quædam norma ac ratio, quam, qui id ætatis degunt, multo certe magis è re sua condiscant, perceptamque, usurpent, quam quæ longe ante ætatis seculis exiit. Memini quidem me, quum in Lusitania Christianissimi Regis Legatus essem, non tam in rebus Legationis illius commodè gerendis antiquis vel sæcleribus, quæ cum Lusitanorum Regibus, nostris ulum intercessere, vel Annalibus utriusque gentis versandis, quam quorum ætati ferme suppare sumus, adiutum ac sublevatum fuisse. Enim verò MURETÆ, non nihil haud ita dispar, in ipso etiam scriptorum genere contigit. Nam quum ad consuetudines hominum inter se instruendas atque ornandas, quæ viri omni do-

Ærina

Arina eruditi, cum sui similibus per litteras colloquun-  
 tur, magnoperè conducant; ipsa autem consuetudinum  
 colendarum ratio ac disciplina, nequaquam in atates  
 solùm, verùm etiam propè iam in annos singulos varia  
 eveniat: non tam aut Ciceronis quidem ipsius, aut alio-  
 rum quos refers, Epistolis, qui nunc inter homines a-  
 gunt, quàm aut tuis, aut eorum qui tui sunt similes, qui  
 profectò per pauci sunt, adjuvabuntur. Non sunt denig  
 ejusmodi tue Epistole, quæ seclis innumerabilibus ma-  
 nere, ac, ut Scaevola agebat, canescere nequeant. Itaque  
 tu, ne tibi desis, valdè te hortor atq; moneo. *MEO RES A-*  
*MAIS PLANE*, quandoquidem ita tibi cavere velle vide-  
 ris, periculo est: Etsi verò id me tutò jubere facile sen-  
 tio, ea lege tamen ac conditione quodvis periculum ab-  
 futurum promitto, si quod nunc agis, id tu multò debinc  
 etiam prolixius ages, quæq; in isto genere per sibi hac scri-  
 bes, diligenter ac summa fide ad me perferenda curave-  
 ris. Quod autem scribis, *partum à malevolo*, nescio quæ,  
 per summam fraudem, suppositum tibi fuisse, qui falsò se  
 tuum esse dictârunt, id equidem adedè immeritò tibi acci-  
 disse, ut debeo, magnoperè doleo. At herclè, illo mihi  
 haud satis insidiosè eam fraudem adornâsse videtur. Quî  
 enim scripta tua legerit, vix alterius cujusquam, quan-  
 tum vis affibere effectum commentum, pro tuo agnosceret.  
*Sunt, mi MURETE, pestes quædam hominum, per sum-*  
*mam nequitiam ac inertiam, aliena laude dolentium.*  
 Quos tu, cui quidem benè beateq; vivendi ratio constat,  
 propter magnitudinem & animi & ingenii, moderatè  
 ferre oportet. Hujusmodi ego hominum monstra, à la-  
 cessus ulciscenda minimè esse censeo, quibus ipsis in vi-  
 dia, quæ miserrimè peruruntur, satis superq; perenni  
 supplicio est. Nam monstro sanè haud absimile est, in  
 obscuro Patriam jacere malle, quàm ferre æquo animo,  
 S lumen



lumen ei à præstantiore quæpiam præferri. Haud sane luminosior usquam Gallia nostra futura erat, quod illum animo fuisse intelligo, quàm quantum ille sua face ei præluce potuisset. Non, ut in prædiis urbanis, æquè in litterarum morumque studiis, ne altius quis tellat, actio ullo unquam jure prodita apud ullum unquam populum fuit. Quin tæδεαδὲ παρτελεῖς αὐτὸ πῦρ ἰφιδεῖς ἔχοντες, tuus ille, aut si certe das, etiam noster in Νικομαχείαις docet. Nihil planè erat, quod male volus ille jure queri posset, si tu, doctrina singulari ac ingenii vi admirabili, in sublime te efferens, ipsius (qui ne in secundis quidem fortasse consistis) fenestellis afficiebas: quàm ipsi pariter altius tollendi, omnium gentium institutis ac moribus, jus esset. Ut ille mihi prorsus ignovner, ne dicam nefariè, sibi prospexisse videatur, qui Patriæ, in qua ambo & nati & educati, quo summo ornamento es, erisque dum Latina loquentur literæ, id aliarum φηγεῖς, damno sibi existimârit. Sed illum jam misum facio. Tu verò, mi MURETÆ, qua animi magnitudine polles, hanc fraude tibi injuriam factam magnificè contemne: ac perge porrò, quò jamdiu contendis, ad palmam quam sanctissimi mores, & in omni doctrina exantlati labores tibi mox in manum dabunt. Me tibi vindicem, quoad vivam, si quidem me ad eam rem idoneum censes, non defuturum, hoc mihi credas, vehementer velim. Vale, & me, quod facis, etiam atque etiam ama. Datum BRAIÆ COMITIS

ROBERTI pridie Kalend. Octobr.

M. D. LXXIX.



M. AN

M. ANTONIUS MURETUS S. D.

PAULO MANUTIO.

III.

**H**Eri redeuntem me à Balneis Aponi, quo me, par-  
 tim animi, partim valetudinis causa, contuleram,  
 exceperunt literæ tuæ: quæ, quàm mihi grata fue-  
 rint, noli querere. Mihi crede, quidquid reliquum erat  
 molestia & exilis τὸ συμπτωματοῦ ἢ ἀπὸ τῆς αἰτίας ἐκείνης  
 interferunt, omnemque ex eo natam agritudinem depule-  
 runt. Habebant egregiam sanè atque illustrem signifi-  
 cationem veteris illius ac perpetui amoris erga me tui,  
 de quo, etsi mihi nunquam, ut dubitarem, contigit: ta-  
 men sit, nescio quomodo, ut omnis illius expressæ, quasiq[ue]  
 professio pergrata mihi, pergratula sit. Ego, mi Ma-  
 nuti, cùm de eo, quod mihi contigerat, retulissem ad me-  
 dicos, meq[ue] illis omni ex parte indicassẽ, neq[ue] quidquam  
 de tota mea ratione ac consuetudine videret, eticissimè  
 nihil aliud reperire potui, nisi id quod ipse per me facile  
 suspicabar: nocere mihi, quòd tam raro exirem domos  
 quodq[ue] ut me impetus ceperat, ita me, nulla habita ra-  
 tione temporis, ad legendum, aut ad scribendum darem.  
 Itaq[ue] de eorum consilio mediter paulò laxius ac solutius  
 vivere: & ante cibum ambulatiuncula medici sudoris  
 aliquid excitare: prætereaq[ue] cùm videbimur alienis &  
 oculis legere, & manibus scribere; quem ad usum parare  
 cogito amanuensem quempià, cui Epistolas imbulans  
 distẽm: nisi si quid erit τὸν ἀντιπαραστήσαντα: quanquam hæc quoq[ue]  
 interdum, sed ὡς ἀνέχεται. Antea enim solebam statim  
 prandio calamus in manib[us] sumere, & horam unam atq[ue]  
 alteram Epistolarum scriptiõni dare: quo, re ipsa comperi  
 nihil esse perniciosius. Cavebo igitur. & ut manes, par-  
 cam mihi, cùm mea causa, tũc me Hercule etiam tua.

Non enim levem neq. contemnendam jacturam faceres, si quid tibi contingeret, φιλὰς δ' ὅδ' ἐν κτήματι τιμώμεγν. Ego verò amicus tibi sum, & amicus ex animo: quales admodum paucos esse, non injuria querebatur Theognis. De Catullo, exiguum tu quidem mihi diem præfinis: sed tamen dabitur opera, ut satisfiat tibi. TORQUATUS BEMBUS respondit se cognoscendi mei cupidissimum esse, mihiq. libenter gratificaturum quacumq. in re posset. Quod scribam aliud nihil occurrit, etiam atq. etiam vale, mi Manuti. A. D. 4. Kal. April. PATAVIO.

## E I D E M.

## IV.

DE Tibullo & Propertio: Libenter hoc & omne militabitur bellum: ut ille ait. Ita enim de me meritus es, itaq. assidue mereris, multa ut in re unquam à tuo studio discrepare debeat voluntas mea. Sed quaeso te, quid tu facere cogitas? an forte eadem opera Catullum cum commentario meo, Tibullum autem & Propertium sine ullo commentario emittere, eosq. tres unum in librum conjungere? Tale enim aliquid mihi venit in mentem figurari. Hoc si est, non equidem reprehendo, neque improbo: etiam librum puto vendibilem fore. Sed tamen novum, ut puto, multis videbitur. Sin alia quedam tua ratio est, fac ut sciam. Nam si ego rectè conjeci, & τὸς ἀεὶ μετὰ τὸν ἐπὶ τὸν, capiam fortasse aliquòd novi consilii, quod tibi non displiciturum esse confidam. Hodie constitutum factum erat cum amicis quibusdam, ut ad Torquatum adiremus unà: sed hoc tempus nubilum, caliginosum, pluviosum, vereor, ne illis obstet, quò minus ad me veniant. De loco Plutarchi mihi quoq. cogitanti ac scribenti, permirum, perq. incredibile videbatur. Accu-

ratiis

ratius igitur cogitabo, & cras, aut summum perendie,  
totam illam rationem minutissimè, καὶ τῇ ἀκριβοσιότητι  
κατασκευαστῶν, confectam, ad te mittam. Quid amplius? Uxor  
tua fratrem nondum vidi: Hercules quoque tuus sexto  
aut septimo abhinc die venit ad me, neque unquam post-  
ea rediit. Ego autem, quando presenti tibi studium in  
te meum declarare non possum, libentissimè illud, exci-  
piendis, & κατὰ τὸν ὅρον, omni genere officii prosequen-  
dis tuis declararem. Quare, etsi quid eorum causa pos-  
sim, non video, aut potius, nihil posse me, propè video:  
tamen erit mihi pergratum, si ita ad eos scripseris, hanc  
domum aequè ipsis patere, ac tuam, neque quidquam  
mihi posse accidere gratius, quàm si me ipsi aliquid sua  
causa facere jubeant. Amame: mi Manuti, & valetu-  
dinem tuam cura. Prid. Idus April. A. D. LVIII.  
PATAVIO.

E I D E M.

V.

DE TORQVATO vehementer amo te. Exemisti enim  
mihi scrupulum sanè molestum: Nam subverebar,  
si ad illum scribens, patris mentionem facerem, quo id  
ipse animo accepturus esset: ideoq; auebam videre Epi-  
istolam tuam; quæ me docuit metum illum inanem fuisse.  
Illi igitur Tibullum, cujus principium mittam ad te  
cras, aut summum perendie, interea operis, quod agant,  
non desore, tuarum litterarum sermo declarat. De Pro-  
percio videbimus. Summo opere cuperem, si commodè fie-  
ri posset: ut Tibulli principium cum Catulli fine eodem  
filo jungeretur. Cujus mea cupiditatis, quæ causa  
sit, facile te suspicaturum puto. Esset, ut opinor, munus  
hoc pacto, ἢ καὶ οἷον ὁ νόμος ἀπὸ τῆς ἐξουσίας καὶ τῆς ἀρχῆς. Nihil  
tamen nisi tuo commodo velim. Quod tot versus deletos  
mira-



miraris, dicam tibi, quid factam sit. E libris, quos ad me misisti, neuter erat, qui non in primo illo folio, tam multa ad marginem adscripta haberet, ut verendum esset, ne librarii fallerentur. Concerpsi igitur unum e meis, sed tam multa in eo menda reperi, ut coactus sim mutare consilium. Quod autem numerus versuum non congruebat, eò factum est, ut aliquot delendi fuerint. Nam, quod ita cecidit, ut à Pentametro inciperet pugna, non consilio factum est, sed casu. Potest autem facile corrigi. Characteres tui Græci sanè luculenti, ac dolorem Gallo- rum nostrorum vicem, quos à te ceteris omnibus rebus jam pridem victos, typorum quoque Græcorum elegantia superatum iri video, nisi plus te quàm plerosque illorum amarem. Edendi autem Syriani consilium, cui tandem displiciturum, displiciturum verò? imò cui, qui quidem homo sit, non summopere placiturum putas? Germanum illum iterum tibi commendo, bonus vir est & literatus: & bene apud eam beneficium collocabis. Sed ego captus dulcedine quadam ad te scribendi, non sentio tempus effluere. Vale. Hercules Podocatharus miratur te ad binas litteras suas nihil respondere: neque non tamen facile suspicatur, id quod est, te non libenter scribere, nisi urget necessitas, cum manu tua nunc quidem scribere necesse habeas. Salvebis ab eo, & à Molinio nostro. De Epistolis tuis, noli laborare, brevi eas habiturus es. Iterum vale. Prid. Non. Maii, PATAVIO. Anno M.D.LXVI.

## E-I-D-E-M.

## VI.

**S**I PEGASI sint isti tui operarii, tamen fieri nullo modo potest, ut uno die chartas quinque descripserint, quas veri te accepisse oportet: at tuæ hodiernæ literæ signi-

nificant  
chartas qui  
ing. nu  
signific  
dis; ieru  
ad te per  
sive ne  
recipiatu  
nil ampli  
ro. Vale

**M**iror,  
litterar  
nil respon  
rum, qua  
in tercio f  
hi veniun  
mor erga  
te valetu  
am: &  
libendi in  
s acceper  
Vale. 3

Go verò  
cered sci  
suasissim  
nō tam i

significat opus eis deesse. Itaque quid cogitem, nescio. Chartas quinque, cum istic essem apud te reliqui: alteras quinque nudius tertius misi; tu, ut omnia jam confecta esse significes, cras tria folia impressa missurum esse te dicis; iterum tibi dico: quid cogitem nescio. Nam, siue illa ad te perlata sunt: deesse illis, quod agent, non potest: siue non sunt, verendum est, ne eodem modo aut interciperentur, aut pereat, si quid amplius misero. Itaque nihil amplius mittam, dum quid illis factum sit, cognovero. Vale 10. Kal. Maji. PATAVIO.

## E I D E M.

## VII.

Miror, quid acciderit, quod à te nihil hoc triduum litterarum; praesertim cum adhuc ad binas meas nihil responderis; quarum alteras accepisti cum indice eorum, quae in Catullo peccaverant librarii: alteras cum tertio folio Tibulli. Utinam ne vera sint ea, quae mihi veniunt in mentem. Nam, verè ut dicam, summus amor erga te meus interdum vereri me cogit de firmitate valetudinis tuae. Quæso te, eripe mihi hanc molestiam: & si apud te est, ut volumus, ad intermissum scribendi institutum redi. Ego cum primam à te litteras accepero, mittam ad te & Tibulli reliquum, & scholia. Vale. 3. Id. Maji. PATAVIO.

## E I D E M.

## VIII.

Ego verò te nihil de me tam improbè suspicatum, certò scio: teq̃ omnia scripsisse & per-  
suasissimum habeo. Sed quod ea de re scripsi, iocatus sum nō tam in te, quàm in meipsum. Sed quādo tu ita vis,  
omit.

omittantur sanè hæc nomina. Catulli, quod reliquum est, ad te mitto. Cætera urgeo. In iis, quæ accepi, non admodum multa librariorum menda sunt: nonnulla tamen, sed levis momenti, in Ode Sapphonis tria aut quatuor, quæ sanè excidisse nollem. At hæc relinquamus. Cogito, cui Tibullum, cui Propertium, ex more dicare debeam: neque satis explicare me possum. Nam ex iis, qui mihi veniunt in mentem, alii στυγνέσι sunt, alii κενώεσσι. Adolescentes homines vellem, ingenio eleganti & non alieno ab his literis, & totum φιλοδόξου, magis, quam φιλοχρημάτων. Omnino Venetiis exeundum est. Nam ista littora planè littora sunt, frustrà ares, frustrà seras. Tu, si potes, consilio me adjuva. Nam me hercule, si nihil aliud ostendatur, potius amiculo cuipiam meæ sortis hoc munusculum deferam, qui me amet, qui mihi bene cupiat, qui mihi saltem gratias agat, quam cuiquam ex istis splendidis, qui omnia sibi ultro debere putant. Quæso te, quando ego neque defugio, neque defugiam unquam quicquid tu voles laboris, suscipe hanc cogitationem causa mea, & quid facere debeam, mone. Novi te, ut in cæteris, ita in his quoque rebus acutissimum & sagacissimum, ubi tu τῇ ἀείσῃ γνάμῃ, ut soles, consilium dederis, quicumque erit eventus, æquissimo animo feram. Vale.  
A. D. V. Kalend. Maji. PATAVIO.

E I D E M.

IX.

**D**E Propertio quietus esto. Libenter hoc & omne militabitur bellum, in tuæ spem gratiæ. Neque quod dixeram, eò dixeram: sed tu aliorum accepisti, tantum enim loquebar τῷ τῷ ἀείσῃ γνάμῃ. Accipio tamen, quod das, fore, ut tui isti Pegasi minus incitatus volent. Mitto  
ad te

ad te Epistolam ad Bembum *ad Bembum ad Bembum*. Mihi crede, semel scripsi: semel relegi, sed ed fidentius, quod ad te mittitur, tanquam Aristarchum, quidquid minus placuerit *id est Aristarchum*. Per me quidem non interpoles modò *id est non interpoles* eam licet; verùm etiam de integro cudas. Tantò melior erit, si tua erit; ac ne sic quidem mea esse desinet. Nam in hoc quidem genere *id est in hoc genere* *id est in hoc genere*. Quid amplius? reliqua Tibulli cras mittam, ac fortassis etiam scholiorum partem; ut gustum aliquem futuri operis capias. Tabellarii urgent. Vale. MOLINUS te salutat. Postrid. Non. Maji. PATAVIO.

## E I D E M.

## X.

CUM VENETIIS discederem, reliqui apud SIXTUM MEDICEM, optimum & humanissimum virum, cujus ut scis, hospitio usus eram, libros aliquot tuos, itemq; volumen unum mearum variarum lectionum: quæ omnia puto jam pridem ad te perlata esse. De Dionysio ineci jam mentionem Cardinali: cum ipse me de te, & alijs rebus perhumaniter interrogasset. Tu, si me audis, respondebis, ut ne res in longum differatur. Nolim enim contingere ut alius quispiam occupet. De sene illo impare, quid vis, tibi respondeam? denuò confirmasse se dicitur. Omnino tamen si homo bulla, ed magis senex. sed o incertam conditionem nostram. Ille exsuccus, exaridus, exhaustus, senio confectus: & ipse orbis senium, qui jam jamq; animam efflaturus videbatur, vivit tamen, vivit? Imò verò, sed nolo cetera, quæ leviter immutata, pulchrè ut opinor quadrarent. At Gallorum Rex, inrogæ etate, firma valetudine, maximis viribus, florentissimis rebus suis, inopina morte percussus est. Quo qui-



dem casu valde accisa sunt spes nostra, magnaq; hic & animorum & vultuum facta mutatio. Sed omittamus hæc. Cum hic sunt studiosi nominis tui, & scriptorum tuorum admiratores maximi: tum M. P. Medius & τὸν τοιοῦτον homo & Græcarum & Latinarum literarum scientia exculus, & Philosophus, & si quæris, me hercules etiam Poëta valde bonus, ita te amat, ut nihil ardentius fieri posse videatur. Est autem natura comparatum, ut quos amamus, ab iis etiam nos amari velimus. Cupit igitur ad amicitiam tuam mea opera pervenire: & ea re scripsit ad te Epistolam, quam ad te, cum his litteris mitto. Videor facturum injuriam humanitati tuæ, si te orem, ut ad ipsius litteras respondeas. Puto enim sponte facturum. Sed tamen, quia & ego hominem valde amo, & ipse te magnopere observat, mecumque diligentissime egit, ut id à te peterem, peto & queso. Quid jam? quid aliud? Nihil nisi ut valetudinem tuam cures: & me ames, & Aldum nostrum salutes meo nomine; quem ego medius fidius, in oculis fero. Vale. A. D. 14. Kal. Sext. FERRAR.

E I D E M.

XI.

**H**eri ad te scripsissem, sed volui gratificari Lazaro Mocenico adolescenti optimo, ingeniosissimo, studiosissimo; quod & ipse incensus erat cupiditate cognoscendi tui, & cum ego cupisbam à te cognosci, de quo me tam sæpe predicantem audissem. Hic enim est unus propemodum, de quo ego mihi omnia summa polliceri audeo: neq; metuo, ne me spes fallat. Queso te, complelere eum mea causa quàm poteris humanissime: dignus est enim omni benevolentia atque amore. Ingenium summum, industria mirifica, mores optimi atq; incor-

ruptis-

ruprissimi. Deniq; quicquid dici de illa ætate honorifice  
 potest, id me de eo dixisse & merito dixisse tibi persua-  
 deto. Accipies ab eo, quod superest Tibulli, & scholia  
 mea in primum librum; de quibus cupio audire iudicium  
 tuum. Quid est, quod hodie ad me Molinius scripsit, mi-  
 ra quædam esse, quæ tu mihi, cùm istuc venissem, dictu-  
 rus esses? Si me amas, quicquid est, scribe. Ego enim, nisi  
 quid aliud acciderit, nondum me istuc venturum puto.  
 Vale, 15. Kal. Junii, PATAVIO.

E I D E M.

XII.

**E**GO verò Herculi quidem optimo atque honestissi-  
 mo adolescenti sua & tua ex causa: tibi verò, tua  
 & mea ex animo gratulor. Nam & ipsius studiis & va-  
 letudini tuæ præclare consuletur, & ego Epistolas à te  
 accipiam non crebriores tantum & longiores; verum  
 etiam ita me HERCULES amet, nitidiores & alacriores.  
 Vel illa quam hodie accepi, quàm festiva est? quàm hi-  
 laris? quàm tua? Itaq; MOLINIUS exultat quotidie  
 addi aliquid ad laborem suum: soletq; mihi sæpè in ser-  
 monibus dicere, ingenium tuum sibi agrorum sicula-  
 rum simile videri: è quibus;

*Astiva quantum decerpunt luce capella,*

*Tantum fecundus gelida ros nocte reponit.*

Hæc misi ad te reliquam partem scholiorum in Tibul-  
 lum. Nam in quartum librum, cur hoc tempore nihil  
 scribam, magna causa est. Propertium urgeo: cuius  
 principium paucis diebus ad te mittam; id est, cùm Ti-  
 bulli, quod ab operis descriptum est, accepero: Columbi-  
 num tuum misi, qui ad me accerferet: sed ù negavit se domi  
 esse. Cras si non modò columbinis, sed aquilinis etiã fe-  
 ratur alio, nò effugiet colloquium meum. Vale, mihi manu.

*αὐτὴν, ἀπὸ τοῦ ἑαυτοῦ ἀποφασίζοντα. 7. Kalend. Junii. Mira illa, de quibus mihi Molinæus scripserat, si potes, scribe: aut apertè aut συμβολικῶς.*

## E I D E M.

## XIII.

**S**I nihil est aliud, præter occultam quandam coitionem factam à duobus civibus, amicis nostris ad de-  
ficiendum eum, qui successit in Polyphemi locum: causa nulla est, cur id tantoperè celatum velis. Nam hic quidem res omnium sermone celebrata est. De Ferrarienti, neq. nihil est, quod audisti, neque tamen mihi adhuc, quid facere debeam, constitutum est. Omnino cuperem aliquam *μυστικὴν*. Non quin placeat magis in dies Patavium: sed quid intelligam, scio te quoque intelligere. Neq. verò ita multum laborarem, SIGONIONE aut mihi etiam: si quæris, mihi quidem magis arrideret ea conditio, qua nunc est Sigonius, idq. cum aliis de causis, tum quia tecum essem. Spes est, aliquid super hac re ante Octobrem III. viris constitutum iri. Neq. sanè facere aliter possunt, nisi paulatim Patavinam scholam exinaniri velint. Expectabimus igitur, & si res succedet ut volumus, gaudebimus: sin, humaniter ferremus, & perspicimus rationibus nostris. Propertium urgebo, ut jubes. Scholia in Tibullum, cum inibi erit, ut excutantur, velim me paulò diligentius inspicienda mitas. In carminibus quibus celebratur hortorum Deus, jam ibi ca quædam sunt, quæ ab omnibus tribuuntur Tibullo. Unum etiam ejusdem argumenti epigramma reperio in antiquo Tibulli libro. Hanc igitur appendiculam adjiciemus, si voles. Quartus liber tam multa habet quæ non intelligam, ut in aliud tempus differre satius putem.

Valde

Valde me pupugit, quod scripsisti de Simiolo illo Pari-  
 siensi; nunquam putâsem sub tanta simplicitatis specie  
 latere tantam perfidiam. Mibi paucis diebus ad illum  
 alterum necessariò scribendum est: ego si tibi ita vide-  
 bitur, libenter faciam, ut inseram literis meis, testimo-  
 nium meum iudicii de eo tui, Tu maximo animo conte-  
 mne ista omnia, ut facis, & ad valetudinem tuam, vel  
 conservandam, vel confirmandam studium confer. Vale  
 4. Non. Junii. PATAVIO.

## E I D E M.

## XIV.

CUM constituiſsem hodie ad te scribere: hesternò die  
 non scripsi: quod <sup>per hunc diem</sup> argentus inter, stomachum mihi  
 moverant versus, quos ad me miseras; de quibus tamen  
 valde amo te. Defunctus enim, ut semper, amici officium  
 es; cum ea, quæ ad me tantoperè pertinerent, mihi non  
 ignota esse voluisti. Sed impurum ego illum si vivo; et si  
 rectius tu: qui tetra hæc & impura animalia, ut despi-  
 ciam, mones. Coram igitur colloquemur. De Dulcio, eum  
 enim significari puto, consilium tuum sequar. Ad te scri-  
 bere aliquid te dignum, mihi hoc crede, gestit animus:  
 & est <sup>vero</sup> præclara aut innumerabiles potius <sup>res</sup>.  
 Sed ita pridem versus facere destiti, ut valde me-  
 tuam, ne nihil succedat. Tentabo tamen, etsi nunc pro-  
 pter hoc consilium de migratione, animo non sum valdè  
 apto ad poëticas hilaritates. Erat & ad Petrum <sup>tu</sup> &  
<sup>exemplum</sup> (finge aliquod ejusmodi nomen aut Latinum aut  
 vernaculum, ita quem dicam intelliges) ode una jam  
 pridem scripta; de qua quid faciam nescio. Nam ne cum  
 homine in eam suspicionem adducto, nisi prius de illius  
 innocentia constiterit, quidquam mihi esse negotii volo:  
 & per-



Et perire eam, etsi nihil est, nollem. Ad hæc expecto,  
 quia sentias. Nunc est quod te magnopere oratū velim.  
 In iis literis, quas ante hos 15. dies ad Petrum Morinum  
 dederam, narrabam deferri mihi conditionem opimā &  
 honoris, si am in primis neq. quænam esset, exprimebam;  
 aiebam autē, me eam neq. accipere, neq. planē repudiare  
 audere, nisi benè penitus perspecto eius, qui me ad se vo-  
 cat, animo. Nunc cuperem (ac vide quam improbus sim,  
 qui te quoq. mea causa improbum fieri velim) cuperem  
 igitur epistolam ad me benè longam eo argumento scri-  
 beres, ut laudares consilium meū, qui & lucro præsentī,  
 quod, ut sis, offerebatur, & tranquillitati studiorum  
 meorum, & aliis ejusmodi rebus, hujus familiaritatem,  
 ἡ δεξιὰ πλείων ἢ ἡ ἀριστερὰ ἐπὶ ποτὶ δόξῃ καὶ δόξῃ καὶ δόξῃ καὶ δόξῃ, ante-  
 posuærim. Erat tibi campus amplissimus amplificandi  
 conditionem illā quam repudio; & tamen ex conditione  
 ostendendi, quanto sit hæc honestior ac splendidiore; dicendi  
 de hominis ipsius laudibus; etiam de iis, qui cum eo sunt:  
 si quis eorū tibi nominatim appellandus ac celebrandus  
 videbitur; idq. cum ad meas rationes accommodatissimū  
 fuerit; tum tibi fortassis inutile ad gratiam ipsius recol-  
 ligendam, & ad medicinam faciendā animo nonnihil, ut  
 sis, exulterato. Vellem etiam certo prædiceret fore, ut  
 magnos aliquādo ex eo industriæ meæ perciperē fructus.  
 Puderet eum fortasse olim, facere te & δεικνύναι. Eam a.  
 epistolam ad ipsum finem tuarum imprimi vellem. Hoc a  
 te vehementer peto. Ea lege tamen si tibi quoq. hæc ē re  
 utriusq. nostrū fore videtur. Cras cætera. Vale mi  
 optime & optatissime Manuti. Epistola tuæ nullæ præ-  
 terea sunt: quas quidem edi oporteat. Sunt enim in aliis  
 pleraq. omnia τὰ δεικνύναι. Iterum vale. Hodierna ele-  
 gantissima est, sed ut videtur, non divulganda. Nico-  
 laum tuum, aut nostrum potius αὐτὸς πρὸς σοὶ.

## E I D E M.

## XV.

**V**alde recreatus sum iis literis, quas à te hodie accepi. Etenim qui natura in omnibus rebus meis Δούλειος πείρα ἔμεινεν esse soleam, tantum ex indignatione quadam superioribus diebus concepta ad illam naturalem δούλειαν adjeceram; ut non tantum aliis omnibus asper, morosus, ἀπεχόμενος: Verum etiam mihimet ipsi odiosus atque invidus esse cepissem. Sed redibo ad me, meque amabo, ne quid non amem, quod ames tu in quo est, quidquid usquam est, amabile. Kasarium, & illud alterum hominis somnium πικρὰ σιμάξεν jubeo. Quanquam quæ indignitas est, me à tam indoctis tamque abjectis nebulonibus oppugnari? hocce seculum? Mihi crede, nisi sustentaret me voluptas ea quam ex amicitia nostra capio, evaderem aut Atheniensis ille μεσολιβέτης, aut Bellephoron Homericus, qui καππαδόων τὴν ἀλγίαν οἶον ἀλάττω, δὲ γυμνὸν κατέδωκεν, πάντων αἰσθημάτων ἄλγεα. De Pola, quid ego tibi: mi Manuti, gratias agam? aut quibus verbis istam animi tui magnitudinem plane regiam prædiceme? Ecquod erit unquam tempus, cum ego tibi, cum liberis tuis aliquam beneficiorum partem reponam? Sed quo tu liberalior es, & amantior mei, eo me majore studio cavere decet, ne majorem commodi mei, quam tuarum virium, rationem habuisse videar. Neque enim æquum est, ut propter me peregrinum h. minem, cui nihil est, præter animum bonum & fidem, quicquam de tua re familiari detrabatur. Omnia perpeti satius est; non deerit, unde vivam, & si hoc deerit, non deerit, unde moriar. Satis diu vixero, si antequam è vita migrem, insigne aliquid voluntatis erga te meæ testimonium edere potueram. Quanquam quid est, cur hoc sperare debeam? Animum tibi, Manuti, animum pro præmio accipiennum est:

quo

quo tu si contentus esse nolles, ad meas maximas acerbitates, accederet illa omnium gravissima; quod homini uni omnium optimo, & de me optimè merito, gratiam referre non possem. Vale. A. D. 7. Kal. Septemb. P. A-TAVIO. Scripseram jam nescio quid literarum Ferrariam, ad Petrum Morinum, id cum, cui traderem, nescirem, visum est, ad te mittere; tuam erit, aliquam viam videre, qua illa & tunc & celeriter, perferantur. Id opinor, per Vincentium Valgrisiū commodissimè facere poteris. Ille enim solet interdum ad Morinum ipsum scribere. In eis literis illud etiam adscripsi: cum quid scribere ad me vellet, ut ad te mitteret, te mihi diligenter curaturum. Id, ut facias, peterem à te, si opus esse existimarem.

E I D E M.

XVI.

**M**oriar si quicquam unquam feci in vitis: sed tamen effugere non possum, quin tibi de Tibullo partem obsequar. Etenim quæ in eo libro maxime videntur operam meam requirere, ea ego æquè intelligo, atque si scripta non essent. In ipso quasi lumine, ejus generis nonnulla sunt; neque tamen despero fore, ut aliquando vel casu incidam, vel labore & diligentia perveniam ad aliquid, quod lucem eorum nonnullis adferat. Itaque quantum me amas, tantum à te peto atque contendere, ut me hac in parte animo meo obsequi sinas. Nam quòd vereri videris, ne dem sermonem hominibus malevolis, libero de hoc metu. Malo si alterutrum necesse sit, silentium meum culpam, quam audaciam notari. Crede hoc mihi, non sine summa molestia facio, ut tibi petenti negem. Sed tamen jam pridem convenerat inter nos, ne  
quid

quid tu à me peteres, nisi quod vires ferrent; quid autem illa ferant, ego unus omnium optime novi. Misi qui Columbinum accerferet. Is se cras sub lucem ad me venturum esse dixit: Agam cum eo de re tua accuratissime, & pecuniæ, quantum opus erit, numerabo. Si fieri posset, ut sex aut septem Tibulli, regia ebarta describerentur, esset mihi summe perè gratum. Hac de re ipse statuas. Vale & me ama. Postrid. Idus Junii. PATAVIO  
M.D. LVIII.

E I D E M.

XVII

**O**bscuro te, quid tu tibi vis cum istis inscriptionibus? Mureto meo, & si nolit: sed malo valentem. Ego tuus esse nolo? aut omnino esse is, quem & esse me & haberi cupio, nisi tuus sim, possum? Ego verò (tuus enim tibi regeram) tuus sum & si nois: sed malo volentis. Quanquam illud verius, nostrum utrumque utriusque esse, neque quicquam esse alteri altero carius; idque quoniam ita uterque vult, alter etiam debet. An verò me aut oblitum esse, aut oblivisci posse putas, quid tibi debeam? Itaque valde me sanè conturbasti: & miror, quid tibi in mentem venerit, ut id fateres. Quæ errata sunt in Tibullo, & Propertii principium, sine ulla dubitatione, cras mittam. Nunc eò non possum quod omnes mei absunt demo, non redituri, ut opinor, ante cænae tempus: & quatuor illa Tibulli folia sunt in cubiculo Molinii; quod ipse abiens observavit. De Propertio etiam num incertus sum; sed facilis iactura. Nunc ad Columbanum, in quo cupio me falli, sed multa concurrunt, quæ suspicionem faciant, eum non optima fide tecum agere, & vulpina potius calliditate, quàm columbina simplicitate præditum esse. Primum, quòd totum illud genus hominum, qui ex aliis

T

nis



nis libris victitant, quæsticulosq; sibi ex aliena stultitia colligunt, mihi sanè suspectum est; iste autem tuus, nam quæsiui; homo tenuis est; cuius generis, nisi adest probitas eximia, in tractandis nummis sublesta est, ut Plautus loquitur, fides, at hæc καλοῖνός τεσσ' sunt; & à me ne animadvertentur quidem in eo, quem tu per veterem amicum vocas, nisi alia accederent; ad me nunquam, nisi ter quaterve evocatus venit; & sæpe, cum se venturum constituit, fallit; libellis tribus sibi opus esse dixerat ad iter; post, quinq; petiit, cum ad rem ventum est; aureum præterea nummum poposcit, & abstulit, biduo aut triduo serius profectus est quam dixerat; cum tanquam mox in iter se coniecturus, à me discessisset, quo se mox ut redisset, ad me venturum pollicitus esset; non nisi biduo post venit, & quidem ter accersitus. Deinde καὶ φέρει τὴν ἀποδοχὴν, se ita rem constituisse, ut certissimum sit, his duodecim aut quindecim diebus pecuniam tibi numeratum iri: melius nihil potuisse fieri. Mandavi ei ut ad te de re tota quamprimum quam accuratissime scriberet: isq; ita se facturum recepit: neq; tamen fecit; quantum literarum tuarum sermonē audio. Omnino ἐκ ἀνιδόλου ἐδε εἰλικρινές, negotium. Ego eum denuo conveniam, & urgebo. Literas quas ad Duditium scribis, curabo. Vale A. D. 6. Kal. Quintil.

PATAVIO, Duditiū, cum hæc scripsissem, venit ad me, & literas tuas accepit.

## E I D E M.

## XIIIX.

**I**teradum eadem isthæc mihi, Tam ἀλυτὸν sunt isthic leges, ut, quo de loco, neminem nostrum ἐδουλεύτο cogitare oporteret, eum ad locum, ὁ Πομπῆς δ' ἐφθίμους tam facile perveneris? Quos equidem puto si fortè is, cui

Gra-

Græcè è venali silentio nomen est, Bononiam iveris, eadem prudentia, ὡς ἔστιν Ἀδελφῶν ἐπὶ τοῦτο in locum illius suffecturos. Ecquid tibi videor ὡς εἴς τις ἔστω; Sed tamen οὐκ ἔστιν ὡς ἔστιν. Redeamus igitur domum. Mihi verò idem planè videtur, quod tibi; nihil esse ad rationes meas accommodatius, quàm si istis aliquid, quale volumus, confici possit. Quare à te jam non magnopere postulo, ut de me agas, studere de illi alteri cuperè. Video enim eadem via, mihi quæq; aliquid confectum iri. De te quidem (si ego tuos sensus bene cognitos habeo) non est, quod Bononienses cogitent. An tu conditionem quietam, optimam, cum propè certa magnarum rerum expectatione conjunctam, interposita præsertim & tua & mea fide illorum causa relinqueres? teq; abjecta valetudinis cura suscipiendo laboriosissimo munere, in præsentissimum vitæ discrimen abjiceres? De Barga iniecasti scrupulum. Nam si ille professus fuerit, video petitionem amico illi nostro difficiliorem fore. Absq; eo quidem certus, ut opinor, esset. Te omnia mea causa facturum non dubito, mi Manuti. Scio enim te, quàm constanter, quos semel complexus es, fovere pergas. Sed gratissima mihi tamen est, quam tuis literis expressisti, significatio voluntatis tuæ. Ego, ut me aliquando meritò amasse dicaris, omni spe conabor efficere. Vale. De Philipono oblitus fueram; puto illum apud me esse. Frid. Non. Septemb. PATAVIO.

## E I D E M.

## XIX.

**A**dolescentes qui ad te has literas perferent, si ge-  
nus requiris, nobilissimo ac splendidissimo inter  
suos orti sunt loco: si bona animi, & studia laudanda-  
rum artium spectas, conjecturâ facere, vel ex eo potes-  
t a quod,

quod, eum ipsis domi in summis delitiis & in maxima rerum omnium affluentia vivere liceret, longinquas peragrationes suscipere, seseq; excolendi ingenii causa infinitis difficultatibus obicere maluerunt. Iicū judicarent idem, quod omnes qui recte sentiunt, judicant ingenii & eloquentiæ gloria Italiam cæteris nationibus; In Italia autem longè unum cæteris omnibus PAULUM MANUTIIUM antecellere, neque se studio suo satisfacere posse arbitrati sunt, nisi in Italiam venirent: neque cū in Italiam venissent, nisi Pauli Manutii affectu & colloctione fruerentur. Quod autem de scriptis utriusq; nostrū intellexerant, quanta inter nos voluntatum ac studiorum conjunctio esset; statuerunt se id, quod cuperent, nullo modo melius quā per me, consequi posse, mecumq; egerunt, ut eos tibi quā diligentissimè commendarem. Ita igitur facio, petoq; à te, ut, si ulla unquam apud te mea commendatio valuit, quod scio valuisse quā plurimas, huic plus etiam quā cæteris,tribuendum putes: adjiciasq; ad illam humanitatem, quā omnes excipere solitus es, quidquid rogante atq; obsecrante me, adjici potest. Vale Postr. Non. Septemb. PAVIO.

E I D E M.

XX.

**T**ibulli primum folium accepi. Scholia mitto locis aliquot leviter immutata. Lectionem non perfacilem fore operis puto, tum propter alia, tum propter crebras interpositiones. Sea in te spes est, etsi, ne vivam, si non interdum ac sæpe vereor, ne mea scribendi negligentia noceat oculis tuis. Quæso tamen à te, ut hanc molestiam, mea causa, devores: curesq; quod commodo tuo facere possis, ne tam multa hic peccentur, quā in

Ca-

Catull  
illo f  
levia  
digua  
cū s  
Multi  
hypod  
chart  
teribu  
ut tui  
jube  
intuer  
strūm  
dins t  
numm  
hodie  
certio  
Franc  
videat  
Molin

V  
center  
rum p  
tuli j  
quant  
non a  
prolix  
bitron  
gredie

Catullo, idèd admonere te visum est; quoniam in primo illo folio, quod accepi, novem librariorum errata sunt, levia quidem nonnulla: sed plurima animadversione digna, quale est charta tertia. Sit dives: jure furorem: cum scribendum sit: Sit dives jure furorem & cetera. Multum autem ad sententiam interest, utrubi nota illa hypodiaftoles collocetur. Illud etiam gravius, quod charta quarta ubi vulgo legitur, Capiti: cum ego è veteribus libris emendassem. Capite: nescio qui factum est, ut tui vulgatam scripturam retinuerint. Si me amas jube eos omni diligentia in exemplar à me emendatum intueri; pertinet ea res non mediocriter ad utrumq; nostrum. Columbinus tuus profectus est, quo scis, ego nudius tertius ei mox ut dicebat, iter ingressuro, aureum nummum (tantum enim opus esse dicebas) dedi. Puto hodie reversurum, quid actum sit, faciam te confestim certiore. Propertium sunt qui suadent ut mittam ad Franciscum Ganzagam. Qua de re aveo scire, quod tibi videatur. Valetudinem tuam cura diligenter. Salve à Molinio 11, Kalend. Quintil. PATAVIO.

E I D E M.

XXI.

VEnit ad te altera mea ad Pontificem oratio: quam cupio æquè placere tibi, atq; iis placuit, qui me dicentem audierunt; quod, cum mihi venit in mentem tuarum planè Atticarum aurium, & polituli illius ac limatuli judicii, vel sperare, improbum puto: cum cogito, quantum me ames, quamq; esse soleas mearum rerum, non æquus modò existimator, verum etiam benignus prolixusq; laudator, ne posse quidem aliter evenire arbitror. Brevi, ni fallor, accipies & tertiam. Quod si progrediemur ad hoc exemplum, poterimus olim Pontifi-

T 3

cia.



ciarum orationum quasi ~~etiam~~ quoddam conficere.  
 Me à te amari certo scio: neq. dubitare te, quin ego ti-  
 bi in amore respondeam. Salva à Ludovico Beccatello  
 Archiepiscopo. Molinio meo multam salutem. *Vale.*  
*A.D. 4. Kal. Januar. M.D. LX. ROMÆ.*

M. ANTONIUS MURETUS S.P.D.  
 PAULO SACRATO.

## XXII.

**F**eci nuper, nescio quid verborum de nobili illa victo-  
 ris, qui Turca à nostris ad Naupactum superati  
 sunt: tanto hominum concursu, quantum ipse non facile  
 credidissim. Quamvis autem res erat nihili, tamen ita  
 multi quotidie petebant describendi sibi potestatem fie-  
 ri, ut satius visum sit semel, quidquid esset, librariis  
 permittere: præsertim cum magistratus populi Romani  
 iudicarent, id ad ipsius populi dignitatem pertinere.  
 Exemplum unum ad te mitto: quod semel inspectum cum  
 Paladino, Canasio, Jacobo Canano, Antonio Monteca-  
 sino, cæterisq. communibus amicis communicare pote-  
 ris ut si ve placuerit, capiat ex eo aliquid voluptatis:  
 si ve minus, intelligatis tamen, conservari à me ut decet,  
 memoriam vestri. *Vale. ROMÆ 7. Kalend. Januar.*  
*M.D. LXXI.*

## E I D E M.

## XXIII.

**I**N multis, tenuibus illis quidem, sed ipsa assiduitate  
 molestissimis occupationibus meis, usus eram ea li-  
 bertate, quam tu mihi dederas, ne prius ad literas tu-  
 as respondere necesse haberem, quam Episcopus Hadria  
 isthuc rediret. Quod tum expecto, etsi quibusdam &  
 meis & ipsius familiaribus negotium dederam, ut me  
 tem-

tempestivè de discessu ipsius admonerent : prius tamen eum abiisse rescivi, quàm de abitu cogitare cognossem. Factum id non modò eorum, quibus id mandaveram negligentia : sed & consuetudine quadam multos jam menses à me suscepta, nunquam, nisi cum urget necessitas, exeundi domo, & perrarò veniendi in aedes Cardinalis : non quia & ipse me libenter videat : & ego eum, qua debeo, observantia colam. Sed tanta me satietas, tantum odium & eula & rerum aulicarum cepit, ut nunquam mihi magis solus videar, quàm in illa turba : nunquam melius comitatus, quàm cum me solus in bibliothecam abdidi. Itaq; cum Cardinale ipso ter, opinor, aut ad summam quater collocutus sum, postquam huc venit. Multi fortassis hanc aut asperitatè, aut rusticitatem vocabunt. Vocent sanè, ut libet, mihi aggrè est, quod non jam pridem ita vivere cœperim, & tamen vivente Hippolyto Cardinali alia ratio erat. Referta erat domus hominibus eruditis, ex quorum convictu ac sermone, aliquid perpetuo disceres Ipse quanquam doctrina mediocri, magno tamè & excelso ingemo, & mirifice dedito studiis nostrum. Itaq; domus ipsius Academia quædam videri poterat. Hic amat quidè & ipse munificè homines bonarum artium scientia exultos, sed sua ei comitas damno est. Dum enim omnes blandè excipit, cum amicis humanè colloquitur, facilem se atq; ubi vult omnibus præbet, excitat quidem admirabiles amatores sui : sed à tam multis gratiam ipsius ambientibus perpetuò obfudet, ut ei vix ad curandum corpus satis temporis super sit. Quid queris? Ego qui quoties cum illo altero suavisimis sermonibus horas aliquot transigere consueveram, nunc in alium quandam orbem mihi delatus videor. Sed hæc mussanda sunt : que tamen semel in tuum hominis amicum effundere volui, putans in eo aliquid de me posse.

Nunc ad alia venio. Quòd tam sæpe me in epistolis tuis tamq̃ honorificè appellas, gratiam habeo: etsi video te multo plus amari, quàm iudicio tribuere. Sed hoc ipsum non minus jucundum est, sentire me à te unicè diligi. Quid nunc præterea scribam, nihil habeo: nisi fortè illud scire vis; me hoc anno, si Deus volet, explicaturum publicè libros Politicorum Aristotelis: in quibus videor mihi navaturus operam, & multa ab aliis interpretibus non animadversa dicturus. Hoc te puto malle, quàm quid ne bello aut pace dicatur, & quæ ejus generis vulgo à circumforaneis hominibus disseminantur, & eas & τῶν ἰσχυρῶν ἀνδρῶν. Vivamus, mi Sacrate, vivamus, & canescamus in studiis nostris, contemnentes ea omnia, quæ vulgò maximi fiunt. Deum & æternitatem cogitemus, alia omnia fluxa & caduca sunt. Vale, ROMÆ 3. Julii, M. D. LXXVII.

FRANC. DUARENUS M. ANT. MURETO VIRO DOCT. S. P. D.

## XXIV.

CUM nihil à te post discessum hinc tuum, vel etiam de te accepissem, mi MURETE, ac ingenti desiderio tenerer, de statu rerum tuarum aliquid cognoscendi, equidem, literis tuis tam oportundè mihi redditis, magnoperè delectatus sum. Illud verò meam auxit voluntatem non mediocriter, quod ex eis intellexi, te mei memoriam absentis summa cum fide & benevolentia retinere. Verùm hoc mihi aspersit molestiæ epistola tua, quòd dolorem illum, aut gravissimum mœrorem potius non obscure testetur, quem tibi ista peregrinatio attulit. At eò magis vicem tuam doleo, quod ante annos, ut opinor, duos & viginti, istorum Schytharum & barbar-

& barbariem expertus sum : quos ne nunc quidem re-  
 sipiscere, sed ~~dehinc~~ illum suum adhuc tueri ac mordi-  
 cus retinere demiror. Sed hanc materiam atq. segetem  
 gloriæ integram tibi Deus, opinor, reservat: ut hosti-  
 bus, qui bello tentati à nobis & laceffui sunt profliga-  
 tis. ac de possessione iurisprudentiæ expulsis, splendidum  
 aliquando de iis triumphum agas. Id quod jam præsen-  
 tire ac prospicere mihi videor, si ad eas copias, quibus  
 abundas, aliæ paulò firmiores atque instructiores ac-  
 cesserint: quas tibi parare, si nervos in ea re contendas  
 tuos, perfacile est. Ac spero fore, ut hæc cogitatio &  
~~ad tuam~~ consolationem tibi non minimam adferat, cupio  
 quidem certè. Nam & nos quoque superioribus annis,  
 cum eadem cura sollicitaremur, qua te nunc angere video,  
 ea spes valde confirmavit: nec nos omnino frustrata est.  
 Et si enim ne hic quidem confecta adhuc res sit, tamen e-  
 ventus iam propemodum vicit expectationem nostram:  
 adeò plausibile apud nos populareq. est, quod Scythæ  
 vestri insolenter, contumaciter, superbe contemnunt at-  
 que oderunt. Mitto principis in nos scholamq. nostram  
 studium incredibile. De quo pluribus tecum, si opus fue-  
 rit, aliàs. Itaq. quod in extrema epistola scribis, unum  
 istic esse doctorem COTELIUM, qui colat nos ac scriptis  
 nostris faveat, ad id ego gloriosius fortè & audacius,  
 sed tamen verè, nisi fallor, respondere possum, quod Ho-  
 mericus Agamemnon Achilli ~~τοῦ ἐμῆς~~ ~~ἡμῶν~~. In quibus  
 & Cotelium tuum, immò nostrum numerari vehemen-  
 ter lator. Qui si talis est, qualem esse eum mihi facile ex  
 tuis literis persuadeo, ne ~~ἴσιν~~ ~~ἡμῶν~~ ~~ἡμῶν~~, ut paucis, quod de  
 eo homine sentio, dicam. Verùm quia pleriq. studioso-  
 rum, quibus noti sunt duces, qui istic sunt, mihi affir-  
 mârunt, neminem in ea urbe ius profiteri eo nomine, tu  
 velim, Anarcharsis hic quisquis sit, paulò plenius me  
 T s literis



*literis edoceas. Quamquam profectò malim, si rationes tue ita tulerint, hùc ad nos maturè te recipias, ut de rebus omnibus coram inter nos conferamus. Qua de re & certius & subtilius ad te scribam, cùm te mihi totum patefeceris. & quod consilii habeas (nam de animo dubitare me sinit Epistola tua) aliquanto apertius mihi declaraveris. Sic enim habeto, nos quæ te velle, quæq; ad te pertinere significaveris, ea summo studio diligentiaq; curaturos esse. Vale, mi Murete. Avarici Biturig ipso Hilarium die. M. D. LIII.*

LUCAS FRUTERIUS M. ANTONIO  
MURETO S. P. D.

## XXV.

**I**ngratus meritò, ne dicam improbus, videri possem, Murete doctissime, si cùm à te non semel, verùm sapius humanissimè acceptus fuerim, ne litterario quidem officio, tantum in me studium tuum, compensare studeam. Deterruit certè me hactenus & rusticus quidam pudor, & ut quod sentio, liberius exponam, ingenii mei non obscura tenuitas. Nunc verò, cùm didici ex scriptis tuis, ingrati vitio laborare non modò eum, qui beneficiis amplissimis & honorum insignibus acceptis ab aliquo τὸν εὖ ἐκ τῆς ἐξουσίας, ut ait ille, οὐκ, sed & illum, qui præstanti ingenio & singulari doctrina virum, in ea loca, ubi & ipse sit appulsum, non è vestigio liberali quodam scripto honestat: meritò sanè & ego in vitio sim, nisi te post tot colloquia tot sermones ultrò citroq; habitos, non quidem opere aliquo laborioso, qui enim possim? sed Epistola tamen officiosa munerer. His ego rationibus cum animo meo diligenter expensis, è deveni audaciæ, ut te & Galliæ r tius & Italiæ tuæ clarissimum sidus litterarum mearum cruditate, ab opiparis illis & suavibus

Græ-

Græcorum & Latinorum epulis advocare non dubitem; in bonam tamen spem adducor fore, ut his meis legendis aliquid temporis lubens volensq; sis impensurus. Quanquam tamen non ea sint, quæ in doctissimas tuas aures, oculosq; veniant; do nihilominus hoc humanitati tuæ, quam non obscure hætenus & intelligere & agnoscere potui, ut isthac officii mei in te certissima argumenta, non alieno vultu amplexurus videare.

Semper enim hoc in doctia viris desideravi, & etiamnum desidero, ut cum ingenio plurimum valeant, & possint, comi non minus alloquio sint, & in omnes sapientie studiosos obvia voluntate. Quod quidem in Mureto suo desiderare FRUTERIUS nec potest, nec debet: non potest certè, quia humanitatem illius semper promptissimam expertus est; & indies experitur ampliorem; non debet autem, quia mentiri nec novit, nec veritatem odisse potest. Et hæc quidem in mei excusationem adducenda putavi, Murete doctissime, ut intelligeres, quàm religiosè voluntatem in me tuam conservare, & si fieri potest, auctiorem reddere cupiam. Nunc autem, ut quanti apud me sit virtus, & ingenium tuum, exploratius tibi innotescat, libuit quædam ex optimis quibusq; auctoribus per me nuper animadversa iudicio tuo, at politissimo; sic humanitatis plenissimo exactius ponderanda relinquere: & hoc quidem, non eo consilio, ut te omnium rerum peritissimum Anagnoslen docere videar, quod certè vel cogitare nefas esse duco; sed tamen ut ex te cognoscere possem, sintne in his meis aliqua, quæ vero esse consentanea putes: quinimò ut quæ à me si nō corrupta, certè non emendata sunt, diligenti tuo studio nobis aliquando saniora reddantur. Satis verò mihi est, loca quædam obscure depravata, quæ possum luce donare, vel certè tibi indicare: Tuum erat vicissim ea in suam

lectio-

lectionem restituere: quod tibi, quàm facile succedat, non obscure testantur variarum lectionum præclarissima opera, quæ mihi quidem, multò antè quàm in familiaritatem tuam veni, semper charissima fuere: & nunc, cum divino illo amicitia tuæ bono affectus sim, chariora indies futura. Sed tandem ad rem: ne multa verborum cruditate offensus, stomacho, Theriacum Victorii haurire, non Varronis mulsum bibere videaris. Festus itaque Pompejus, quem ego auctorem insigniter diligo, tum ob rerum omnium iucundissimam varietatem, tum verborum antiquitatem doctissimam, multis quidem partibus auctior & integrior ex Italia prodiit; non tamen omnibus in locis sui se similem ostendit: quod partim Pauli illi Epitomario, partim temporis injuria debemus. Sed ut tandem, quod agimus, probemus, locus est in P. littera, qui satis quidem obuius est & expositus, sed tamen haud fideliter editus; si modò nec etate impeditur iudicium meum, nec ipse mihi plus justo indulgeo. Dicit Festus: Petissere antiqui pro petere dicebant, ea quidem forma verbi, qua sunt laessere & incessere: sed ut mihi videtur, tum significabant sapius petere, ut petissant, sapius petant, alioqui insulsum erit, quod Festus dicet, nam cum subiiciat, petissere sapius petere esse, non opus est, ut opinor, id tertium repetere, & inculcare, sapius jam explicatum, quinimodò simile quoddam verbum adiunxisse debuit, quod fecisse ipsum vel dejerare ausim. Nunc, ut ad reliqua veniamus, faciliora præmittemus, aliqua, quæ exactiori probatione indigent, in finem rejiciemus. Festus carissam apud Lucillum vasram significare vult, malim ego catissam dixisset. Nam Catos pro callidis & ingeniosis apud veteres fuisse vel Cato testari potest. Accidit aliquis catissam ductui litterarum non respondere, fateor quidem, dummodo nec caprissam

satis-

satisfacere loco huic concedas, quod ab aliquo difficultatem sentienti ad marginem Veneti sodicis adjectum est: quod vero ad religiosum illum ordinem litterarum, nihil est. Nam veteres Festi omnino sunt confusissimi, ut facile credam, Festum Acrostichum illam Alphabeticam observasse: non tamen in syllabis curiosulum fuisse. Alia in loco Hirrire, Garrire, genus vocis est canis rabiose, in margine est ringere pro garrire, & certè garrire quid ad canes pertineat, non video: nisi fortè, quod R litteram canibus esse peculiarem velint Grammatici.

Hirrire quidem vetus est & probè ignotum, rabire quoque, si tibi arridebit, vetus esse incipiet, & obscuritate cum hirrio contendere. Nunc in aciem producatur validissima illa bellorum robora, quæ in Triariorum vicem succedant, ut illis prioribus suapte natura parùm solidis in auxilium veniant. A veteribus nobis exordium erit; quia scimus eam Romanorum prudentiam fuisse, ut longo usu bellorum exercitatos, & annorum successibus prudentiores in belli Catastrophen rejicerent. Prodeant itaq; vetustissima illa succrescentis Urbis volumina, Numæ nitaurum Pompilii sanctissima instituta, quæ ut sunt antiquissima, ita quoque antiquis scripta verbis fuisse negari non potest. Festus, cum, quæ Pellices dicantur, disertè ostendit, pœnam quæ huic mulierum generi per Numam est constituta, subjungit his verbis: Pellex aram Junonis ne tangito. Si tangat, Junoni crinibus demissis agnum fœminam cadito. Hanc ego legem, ut non esse corruptam arbitrer, vetustati tamen suæ reddendam existimo, quod, qua ratione faciendum putem, subscribam. Pellex aram Junonis ne tagito; si tagit, Junoni crinibus demissis arnum fœminam cadito, Veram esse, & genuinam legis hujusce correctionem affirmare tibi nec ausim nec possim; non ausim  
qui-



quidem, quia id gloriosulum videri possit; non possim vero, quod singulorum exactam rationem nondum inveni-  
nerim: hoc tamen polliceri ausim, aut talem omnino aut similem esse debere legis huiusce sententiam. Quod autem pertinet ad singula, non tibi novum esse debebit, ne nec futurum scio, si tagito reposuerim & tagit vel taget, cum vel Festo teste notissimum sit veteres ita loquutos, qui Patrum Teucrum citat, & hunc versum adducit. Ut ego, si quisquam me tagit, & tagam. Caterum, quod crines demesses non demissos velim, ratio est, quod hac lege non levem quandam penam imponi pellicibus sciam; tum quod existimem. Numam ut sapientissimum, ita ut politicum maximè fuisse, neque omnino sanctissima conjugii fœdera temerè violari voluisse; quinimò graviter admodum in huiusmodi nuptiarum corruptelas animadvertisse, ut iusserit eas Junoni, quæ ipsa pellex est, arnum fœminam crinibus demessis: immolare crinibus verò demessis, ut quod in fœminis honorificum est maximè, eis auferret: alioqui observari videar in sacris comptissimas fuisse matronas, & letissimo cultu, quod indicat Tibullus, cum puellam suam Junoni sacrificaturam inducit, & Deæ commendat, sic autem scribit:

Natalis Juno, sanctos cape thuris acervos,

Quos tibi dat tenera docta puella manu.

Pota tibi est hodie, tibi se latissima compsit:

Staret ut ante tuos conspicienda focos.

Hoc ego in loco non vota, sed lota legam cupidinus.

Arnum fœminam scripsi, quod sciam ex Festo sic veteres nominasse. Lex alia est ejusdem Numæ apud Pompejum, ubi quid differentie sit inter occisum & necatum meminit. Lex autem talis est. Si hominum fulminibus occisit, ne supra gœna tollito. In hac Numæ constitutione ali-

quid

quid desiderari videtur, aut enim dicendum est. Si hominem fulminibus occisit, nimirum Jupiter, aut hoc pacto legendum. Si hemonem fulmen Jovis occisit, ne supra genua tollito, fuit tempus, cum sic legerem: Qui hemonem fulminibus occisu, st, ne supra genua tollitor. Tu, quid ex his duobus sit sanius, iudicabis. Mihi sat est, tibi vel indicasse quid sentiam. Supra genua tollere, esse puto, ad sepulturam tradere. Nam Festus & aliam legem Numæ adducit, quæ de eadem re agens sic habet. Homo sine fulmine occisus est, ei iusta nulla fieri oportet. Videtur autem mos fuisse olim, qui & nunc Gallie quibusdam in partibus est, ut restibus quibusdam, vel lineis mantilibus feretro circumvolutis, earumque extremitatibus manuum obvolutis, funus ultra genu sustollerent, sicque in locum communem Mettiae porta transferrent. Hic ego finem legibus esse dabo, si unam modò adjecero non quidem ex Festo, sed Macrobio, qui libro primo Saturnaliorum, cum de noctu concubia disputat, Decem viros ait in 12. Tab. inusitatissime nox pro noctu usurpasse, & hanc legem citat. Si nox furtum factum sit, si jam aliquis occisit, jure cæsus esto. Ego cum hunc locum legerem, miratus sum, cum de persona non admonuisset lex; tamen subungere, si im aliquis occisit, statimque suspicatus sum legi posse hoc modo. Qui nox furtum factum sit, si im aliquis occisit, jure cæsus esto; quam conjecturam meam, si calculo tuo dignabere, Murete doctissime, erit, quod gaudeam; sin minus, patiar certè vel tantulum temporis subita huic emendationi datum esse. Legibus modum imposuisse me fateor: sed tamen omnibus Festi difficultatibus, nego. sunt enim præter eas, quas tibi adferam, vel plurimæ. Silicernium genus esse sarciminis docet Festus, quo, inquit, sieta familia purgabatur, dictum autem silicernium, quia, cujus nominis ea res instituebatur, is jam silicem cerneret. Cæcilium.

Cres-

Credidi silicernium ejus me esse esurum. Quid sibi Pom-  
 pojus velit non video: cum dicit, quo fletu familia pur-  
 gabatur: nisi forte distinctio interponenda est post quo,  
 & intelligamus farcimine, fletu familia purgabatur,  
 Hec levia sunt, illud gravius. Multa & accurata cogi-  
 tatio effecit, ut legendum putarem, quovis esu, quod  
 ipsum & litterarum ductus, & Cecili versus probant.  
 Donatus in Adelpis sic de silicernio meminit. Silicer-  
 nium cœna est, quæ infertur Diis manibus: quod eam  
 silentes cernant, id est, umbræ possideant; vel quod, qui  
 hæc inferunt, cernant, neque degustent: quod quidem  
 meæ sententiæ opponi videtur. Tuum quidem judicium  
 esto, ego vel somnis istis meis facile cesserō; tu verò va-  
 riis tuis lectionibus, quas præpediem auctores expecto  
 admiscere poteris hæc loca, genuinæ lectioni suæ per te  
 data. Properabam ad alia testi loca, & ecce venit in  
 manus meas, & alia 12. Tab. constituta, quam eò liben-  
 tius tibi indicavi, quod & in eam Auratus tuus cogita-  
 tionem & conjecturam suam interposuerit. Talionis  
 mentionem fieri in 12. inquit Verrius hoc modo. Si mem-  
 brum capserit, ni cum eo pacit, talio esto. Auratus cum  
 legit coniecturam meam statim legi posse putavit hoc  
 modo. Qui membrum capserit & cætera, & capserit  
 interpretabatur privaverit, ut in illo talpæ oculis ca-  
 pti Verbum non addam de homine & optimo & doctis-  
 simo, tantum à te petam, ut quid tu de his legibus sen-  
 tias, rescribas. Nulli certè felicius id negotii committi  
 potest, ne Trebatio quidem alicui. Satis enim, superque  
 ostendisti in divinis illis operibus tuis, quantum tibi om-  
 nes Latini & Græci auctores & debeant, & debere  
 velint amplius, si illos melius quidem jam habentes in  
 ipsissimam sanitatem restituere pergas. Extremum ad-  
 jiciam, quod in Festo corrigendum puto. Taminia, inquit,

una silvestris generis videlicet tertio dicta, quod tam mira sit quam nimum; legendum existimo, quod tam rubra sit quam minium. Mecum facit Plinius lib. 23. c. 1. ubi sic de Taminia scribit: Maturescit Astaphis tùm vindemia nigrescit, cùm Taminia rubentes norimus alnos. Nunc subjiciam loca quædam, quæ & obscura sunt, & correctione indigent; quali verò non dicam; quia ne, cio, nec multum scire laboravi; tibi verò facilitum erit sa ingenii tui divinisima acie penetrare, & suis è tenebris eruere. Ait Festus, Red irguisse, Scipionem Africani per E litteram protulisse, eundemq; pertisum dixisse non pertesum, de quo meminerit Lucillus, cum ait: Quò facietior videare, & scire plus quam ceteri, pertisum hominem non pertesum dicere ferunt, nam genus. Primum quidam manifestò scribendum Redarguisse videtur, cùm id ajat Festus, tùm Lucillii versus quadrati videntur; quibus tamen nigra est cauda. Tu his lacuniis felicissimè impletis, nobis pro tenebris oblatis, lucem reddes. Locus alius est eodem in Festo æquè deploratus; cui quidem aliquid opis attuli: quòd tibi eum indicavi; suum verò erit, qua es humanitate, nobis eum saniores dare. Sponsis bene, beneq; volueris in precatione augurali, Messala augur ait, significare sponderis, volueris. Cùm hunc locum attentius legissem, sensi tandem Messalam, qui formulam quandam precationis antiquæ referret, ea verba, utpote obscura explicare voluisse, cùm dicat, sponsis significare sponderis & volueris, volueris, dico ego vel nil cernere me vel atate impediri judicium meum; aut locum hunc corruptum esse; quomodo tamen corrigendus sit, ignoro; nisi forte vultis legas pro vultis, itaq; precere. Bene sponsis, beneq; vultis. Alia sunt, quæ mihi sunt obscurissima, sed ea coram agentur latius; Nondum tibi molesta esse desinit infantia



mea, quam re vera simplicius erit & rectius garrulitatem appellare; quia non tam infans est, quam indecenter loquax nimis. Sed dabis hoc observantia in te mea. Dū enim meliora, quam ut tantum temporis, perire cupiam tibi, dum singula hæc inspicias; quinimò nisi ea essent, quæ studiosis olim omnibus, mihiq; inprimis utilisima forent, omnino te ab optimarum rerum studio avocare inanibus istis somniis nollem. Sed audi, quæso, quod restat. Macrobi. lib. 2. Saturn. cap. 7. cū de Labe-  
rio equite Romano agit, quem Cæsar Julius quingentis milibus iuvitarat, ut prodiret in scenam, & ipse ageret mimos, quos scriptitarat, hos ejus versus subjungit, quos tamen librariorum culpa corruptos nobis edidit. Sunt autem hi,

Necessitas, cujus cursus transversi impetum  
Voluerunt multi effugere, pauci potuerunt,  
Quò me detrusit penè extremis sensibus?  
Quem nulla ambitio, nulla unquam largitio, & cætera.

Hæ versus ut sint venusti multum; tamen venustiores futuri videntur, si unius litteræ mutatio accesserit. Legerem itaq; libens certio illo in versu. Quò me detrusit penè extremis sensibus? Erat enim Liberio præmium à Cæsare oblatum Quingentorum milium. Quod tu quidem immortale esse pretium nôsti. Quin addit, se, cū juvenis esset, nulla largitione, nullis honoribus de statu moveri potuisse. Sic scriberem ego, de te nondum certior, sed brevi, ni fallor, futurus. Intelligere possim, extremis sensibus in senectâ atate; sed nil ad rem, quia subjungit statim,

Ecce in senectâ ut facîle labefecit loco,  
Viri excellentis mente clemente edita  
Submissa placidè blandiloquens oratio?

Sequitur

Sequitur.

Ego bis tricenis annis actis sine nota

Eques Romanus è lare egressus meo,

Domum revertar animus?

Sic legi debere & versus ratio, & ipsi orationis contextus ostendunt,

Paulò pòst est:

Fortuna immoderata in bono aequè atq; in malo.

Si tibi erat libitum litterarum laudibus

Floris cacumen nostræ famæ frangere, & cætera.

Hæc omnia sunt corruptissima. Quid enim est litterarum laudibus floris cacumen famæ frangere? legendum putarem Ludionum laudibus vel lusibus potius; sic enim locum quendam Propertii emendavit Auratus noster, ubi agitur de spartæ laudibus; quæ nudæ puellas in gymnasium mittebat cum viris decertaturas, sic habet versus:

Quod non infames exercet corpore laudes.

Auratus ludos legit. Sic itaq; Labeii versus repono.

Fortuna iumoderata in bono aequè atq; in malo,

Si tibi erat libnum Ludionum lusibus,

Florens cacumen nostræ famæ frangere,

Vel certè florum cacumen, quod erit, floridum. Nam floridus dixisse veteres pro eo, quod floridus nunc est, exploratum habeo. Sequitur:

Cur cum vigebam membris præviridantibus,

Satis facere populo & tali cum poteram viro,

Non me flexibilem concurrâsti, ut carperes (

Non hîc quidem bene habet carmen. Nam qui tandem ille est trimeter. Non me flexibilem concurrâsti, ut carperes? lego, ut cæteros, vel cæperas. Certè quiddam ejusmodi substitui debet. Extremû addit Fruterius, nō minus, ut sperat, Mureto suo gratum futurum, quàm vel alia omnia. Cum hæc scriberem incidi in librum quendam

sodalis mei, ad cuius frontem amylo vel potius visco librario impactum erat folium quoddam membrana, in quo reperi hæc, quæ subscribam. Videbatur autem Grammatici cujusdam figmentum aliquod, de quo tamen affirmare non possum, sic habent ea. Inveni marum pro marium, quod tamen in raro est usu, genitivus apud Nævium in carmine belli Punici. Senex frētus pietate dominum adlocutus summi Dominum Regis fratrem Neptunum regnatorem marum; ejus ablativum Cæsar quinto belli Gallici ponit paulò latiores, quàm quibus in reliquis utimur maribus. In vulgatis codicibus, statim à principio hunc in modum leges. Ad onera & ad multitudinem jumentorum transportandam paulò latiores, quàm quibus in alio mari uti consueverant. Certè, si hic est locus, quem citat Grammaticus ille, mirum est tam sui dissimilem esse; sed fieri potest, ut in alio Cæsaris libro sit hic versiculus. Tu vel optimè id scies, qui optimos quosq; auctores tibi familiares habebas; in primis verò Cæsar è. Hæc pauca sunt de multis, Murete, doctissime, quæ ad te scribenda putavi, partim ut exæscas, qua tetrius esse vitium nullum puto, à me amolirer, partim etiam, ut, quo in te animo essem, non ignorares. Bene vale, Gallia tua & Italia totius clarissimum decus. Cuperem omninò, Marete optime, ut his meis non voce, sed tabellis respondere digneris: quod in suffragiis tabellariis factum nōsti.. Deus ero, si vel literulam à te extorqueo. Iterum vale, & nos ama.

MURETUS JACOBO CANANO

MEDICO S.

XXVI.

Convallui. Hoc me gratius, aut optatius tibi Epistola principium reperire nullum posse, certò scio. *Fris*

bris fuit tertia duplex, qualem tu à me tertio abhinc anno Ferraria depulisti: nisi quod hæc mitior & remissior fuit. Itaque octavo me die, postquam corripuerat, reliquit. Curatus sum non medicamentis modo, sed & missione sanguinis: de consilio Angeli Justiniani nostri, quod medicamenta non solum ipse præscripsit, sed & magnam partem eorum sua manu confecit ac concinnavit. Omnino & ipsius & omnium qui hic sunt, sed præcipue ipsius, & Petri Normesini, mirificum quendam expertus sum in me amorem, mirari in curanda valetudine mea sollicitudinem, sedulitatem, assiduitatem. Neque ita hos prædico, ut non ceteris quoque plurimum deberime fatear: Nam & Bartholomeus Ferrus (puto te antea nescivisse id nomen Theologo nostro esse) & Hieronymus Lippomannus, & Abbas Rossetus contendere quoddam modo inter se videbantur, quis pluribus atque expressioribus judiciis studium, erga me patefaceret suum. Mihi crede, tanti erat agrotare. Nunc confirmatus avidè expecto, quid vos istinc scribatis de nostro in Italiam reditu. Quanquam enim tuæ litteræ certa propè & explorata nunciant; non desunt tamen hic, qui sponsione certare parati sint, nos in Gallia hybernaturus. Alii aliter putant, sed tamen dubitationis aliquid affert, quod hic nondum pro certo auditum est, Nichettum abiisse, qui si media hyeme redierit (& jam vix videtur aliter fieri posse) tamen ne se alienissimo anni tempore, asperissimo cælo, in viis viis, tam longinquo itineri commissurus est Cardinalis? ita disputant quidam; qui mihi non satis cognitum habere ipsius ingenium videntur. Ego enim hoc ipso argumento utor, cur magis augurer fore, ut abeamus. Herus enim noster, quæ est magnitudo animi, hanc ipsam occasionem accipiet declarandi omnibus hominibus, virtutem & constantiam suam, neque



æstatis ardoribus, neq. asperitate hyemis retardari. Quare si aliud nihil obstitit, ibimus vel si cælum ruat. Meam voluntatem si exquiris: equidem negare non possum, quin tanto mihi desiderio sit Italia, quanto fortasse nemini nostrum: sed ad res meas multò accommodatius esset expectari à nobis tempus illud.

— Gelidus canis cum montibus humor

Liquitur, & Zephyro putris se gleba resolvit.

Mea enim maximi momenti negotia citius explicari non queunt. Sed quod fors feret, ut ille ait, feremus æquo animo. Iter hyeme capeendum, si fuerit, incommoditatem, reditus celeritate compensabimus: sin expectandum ver, commoditate temporis ad conficienda, quæ volueris, desiderium Italiæ leniemus. Sed ut ut futurum est, obsecro, obtestorq. te per amicitiam nostram, ut expiscere, si potes, aliquid certi, idq. ad me scribas, quam poteris certissime. Per magni mea interest, scire quid futurum sit, propterea quod consilium mihi ad rationem itineris dirigendum est, & aliud capiendum, si properatur profectio, aliud si differtur. Cura igitur pro eo, quanti apud te sum, ut mittas ad me aliquid explorati. Id si tacitum haberi voles, nemini indicabitur. Mi optime & optatissime Canane: Vale & ama me, ut facis. Salutem quibus videbitur. Nostri omnes te salutant, & Karoli loco. Prid. Non. Octobr. M. D. LXII.

E I D E M.

XXVII.

**E**Go verò jam sub verebar, ne mea hæc nova ad te scribendi ratio parùm tibi probata esset: adeoq. (vide, quanto in errore versatus sim) meditabor excusationem. Sed gaudeo contrà cecidisse, quàm putaveram. Nunc tu à me, & crebras, & longas litteras expectato.

Ea ta-

Ea tamen lege, ut mihi liberum sit, nullo ordine, nullo delectu, quicquid in buccam venerit, scribere. Literæ tuæ omnes mihi redditæ sunt: neq. facile credas, quantam mihi voluptatem attulerint. Quanquam enim non sum solitus valde magnam curam suscipere de iis, quæ ad me nihil pertinent; neq. quisquam usquam est minus, quam ego sum, rerum novarum curiosus; libenter tamen intelligo progressus istius calamitosissimi belli, præcipuè cum ea nunciatur, quæ spem adferat, aut victoria, aut honestæ alicujus compositionis. De recepto Avarico jam hic auditum erat, multò antè quàm tuas ea de re litteras acciperem. Sed videor per nebulam inaudisse quiddam, quod haud scio an literis committere debeam, indicabo leviter. Etenim si falsum est, nihil periculi fuerit, etiamsi tu, quid sit, non assequare: sin. verum, quamvis leviter admonitus, facile totam rem intelliges. Evêre igitur hic, qui pro certo ac comperto affirmarent, potuisse oppidum per vim capi, invitissimis hostibus, nulla deditione, nullis conditionibus, nisi quorundam aut scelerata collusio, aut stulta clementia, alienæ virtuti impedimento fuisset. Quod si est, facile fuerit jam nunc prospicere, qui futurus sit exitus: Neque enim dubium est, quin suum quisq. institutum conservaturus sit ad extremum. O mi Canane, qui tandem finis hujus tam molestæ peregrinationis futurus est? Quando erit ut ad Eridani, aut quod malim ad Tyberis ripam inambulantes, concinere possimus illud Euripidis.

Snavis est laborum præteritorum memoria. Sed pedibus nobis ne consociendum sit iter, metuo; si verum est, quod modò huc allatum est, equos omnes furto sublato esse. Malam pestem illi abigeo, quisquis est. Sed quid est, quod ait Balbus, ferventius quàm unquam antehac, agi de pace? Utinam quidem eveniat: ut  
nobis

nobis tanto maturius in Italiam redire liceat: antequam incidamus in hyemem. Sed hæc, ut opinor, somnia sunt; quæ tamen cuiusmodi erant, scribenda tibi fuerunt. Aliud enim nihil erat, quod scriberem. Præclaras illas historias, quas tibi superioribus literis promiseram, neque vacat scribere, neque nunc quidem satis tutum est. Sed, mihi crede mirificus homo est ille noster: neque magis in quoquam deprehendi verum esse id, quod ex te sapissime audiui, vitandam esse ei familiaritatem eorum omnium, apud quos conservare auctoritatem suam vellet. Nostri omnes te salutant. Saluta mihi tu istic, quos videbitur. Contarellum præcipue, & Gerardinum. Val. Karoliloci 12. Kal. Octobr. M. D. LXII.

## E I D E M.

## XXVIII.

**V**erum est quod audisti. Trepidatum hic est ab omnibus: neque, sanè injuria. Quis enim constare animo posset, cum audiret fuscum ac fugatum esse exercitum regium, pedites concisos, equitatum disiectum ac dissipatum, ex ducibus ipsis alios interfectos, alios vulneratos, Comitem stabuli captum? Mihi crede habent justam excusationem timoris. Nam mea quidem, ut mox audies, non eadem causa est, quæ cæterorum; sed cum hic ita crederetur, nihil propius esse, quam ut ad hanc domum diripiendam turma aliqua militum accurreret; Theologus noster, homo, ut scis, minime bellicosus, qui videret sibi adversus illos homines nihil in Theologia sua presidii fore, quanta maxima celeritate potuit, collegit sarcinas suas; & iter in Belgium cepit. Comitatu ei sunt Abbates duo, neque de iis quicquam postea audivimus. Cæteri, ut scire te puto, Lutetiam ibant, sed cum in itinere alium nuntium acceperant, huc omnes multa jam nocte

nocte redierunt. Ego biduo ante Bellouacum profectus eram; quo me Cardinalis miserat. Ita autem fors tulit, ut eodem plane temporis puncto, quo illi redibant, ego quoque redirem. Quo factum est, ut prius redisse sciperim, quam abiisse scirem. Hilaratis igitur omnium animis, multum inter cœnam risimus; multa in eos qui remanserant, plura in eos qui fugerant jocati sumus: mecum omnes præclare actum esse dicebant; qui quasi proscicerem ac divinarem quid futurum esset, & fugissem ab acerbitate prioris nuntii, & ad posterioris lætitiæ accurrissem. Nunc hic ego & Petrus Normesinus suavissimè vivimus, venatu, aucupio, piscatu; & quod caput est, bonis sermonibus: neque vobis invidemus, quos istic ambitio aureis compedibus alligatos tenet. Unum me male habet. Theologi absentis: quem desidero, & ut discipulum magister, & ut magistrum discipulus. Operas enim permutare inter nos cœperamus, ut ego eum Græcæ literas, ipse me Theologiam doceret. Valde magnam voluptatem mihi attulerunt literæ tuæ, quod & læta nuntiabant, & omnia accuratissimè ac minutissimè persequerantur: Conserva, quæso te, istam consuetudinem: sed noli expectare, ut tecum paria faciam. Tibi enim quæ scribas, plurima quotidie suppetunt, mihi quod scribam, ferè nihil est, nisi hoc ipsum, nihil esse quod scribam. Ego & Petrus Normesinus te communiter salutamus, atque à te petimus, ut nostro amborum nomine Contarellum salutes. Vale, è Karoliloco. A. D. 7. Kalend. Ianuar. M. D. LXII.

E I D E M.

XXIX.

**O** Tristem nobis & acerbum nuncium de Rege Navarra; quem nos hic etsi acceperamus ex alio;

V 5

fustien-



sustentabamur tamen aliqua spe, donec allatæ sunt literæ tuæ: quas ego utraq; heri vesperi acceptas communicavi cum omnibus nostris: neq; eorum quisquam fuit, qui non ita certò statueret, cum tu ita scriberes, fieri aliter non posse, quin plandè deplorata esset optimi & religiosissimi principis salus. Cujus interitu quantam plagam Gallia, quantam causâ religionis acceperit, vereor, ne paucis diebus magno nostro malo sentiamus. En quos fructus civilia bella pariant. Hoc unum miseræ Gallie restabat mali, ut veteres illas Thebanas calamitates in suo sanguine renovatas videret. Quid enim interesse? nisi quod illic ejusmodi fratres contendebant, ut utrumq; cadere expediret: quod & contigit. Nunc cum è duobus fratribus alter error ductus, & quasi præstigiis quibusdam occæcatus; contra patriâ; quodq; gravius est, contra Deum arma ferat; alter nihil unquam habuerit antiquius: quàm ut & fratrem reduceret, & sanam caput illius modis omnibus conservaret: Et allata nex est, cujus in vita & fraterna salus, & magna ex parte totius regni tranquillitas nitebatur. Quod si qui pro patria dimicantes mortem oppetiverunt, eorum memoriam summo cum honore omnes anni consequentes excipiunt: si consecrari ac propè divinis honoribus affici post mortem solent, qui Christianæ religionis defensionem vita sibi priorem ac potiorè esse duxerunt, quos tandem honores satis amplas congregere posteritas in eum principè poterit: qui pro quarum rerum utravis mortuum esse satis est ad immortalitatem comparandam, pro earum utraq; pugnans anima spoliatus est? Nunc ille cælo receptus, ex alto res mortalium despicit: & ut nuper auctoritate, consilio, manu communem Dei & Caroli Regis causam tuebatur, ita nunc precibus ad Deum, cujus aspectu fruatur,

fusus.

fusis, eandem fovere ac sustentare non desinit; im-  
 primè, ut credibile est, filiolo suo ejusmodi duces ac con-  
 siliarios precatur, qui ipsum in paternæ potius constan-  
 tiæ, quàm in maternæ perviciæ imitationem dedu-  
 cant. De fratribus autem, quos sibi superstites reliquit,  
 pro altero petit, ut quàm citissimè mutetur; pro alte-  
 ro, ne unquam mutetur. Addit alia iis congruentia,  
 quæ nos sperare fortasse possumus, optare quidem sine  
 ulla dubitatione debemus. Vides, quàm & ipse otiosus  
 sim, & esse te putem: qui & tecum, Poëtarum more,  
 de iis quæ aguntur in cælo fabuler, & tibi ad hæc le-  
 genda otium suppetere existimem. Sed tua quidem con-  
 ditio melior, qui desinere ubi vis, deinde si quando neq;  
 dormire vis, & somnus urget, repetere intermissam le-  
 ctionem potes: mea deterior, qui homo cum piger ad  
 omnia, tum ad scribendum pigerrimus, cogor hæc, tan-  
 quam ad clepsidram, scribere. Etenim tum deniq; ad-  
 moneor, cum aliquis statim profecturus est. Duplex  
 autem mihi imponitur difficultas: quòd & subito scri-  
 bendum est, ne officio desim, cum tu ad me creberri-  
 mas, de omnibus quæ istuc geruntur, amantissimè  
 & accuratissimè perscriptas literas mittas: & mul-  
 ta scribenda, quo te expleam: cum in hac solitudine  
 novi nihil, nisi ea quæ istuc adferuntur, audiamus.  
 Dabis igitur veniam nuganti mihi, & quia res non  
 suppetunt, verba fundenti. Scio enim te inanes, tum  
 longas epistolas anteponeere aut nullis, aut brevibus.  
 Nunc ad alia venio: hibernaturos in Gallia esse nos,  
 jam, ut opinor, exploratum est; neque id mihi valde  
 molestum erit, dum aut Lutetiæ, aut in aliquo alio op-  
 pido esse liceat. Nam horum quidem nemorum jam  
 pridem tædet; neq; mihi quidquam longius videtur:  
 quàm dum tecum sim, ut more nostro legamus una  
 aliquid

aliquid quotidie, seu novi quid suscipere libeat, seu patius Taciti annales persequi; quos ego totos in hoc secessu devoravi. Interea peto à te, ut quemadmodum instituisti, scribas ad me, quod commodo tuo fiat, quam poteris sepius. Non enim facile credas, quam dulces mihi ac jucundæ sint literæ tuæ. Saluta mihi amicos omnes, inprimis Contarellum: cui dices me de libello ad me missi maximas gratias agere, & mandata ipsius diligenter curaturum esse. Hæc ego ad ipsum scriberem: sed novi hominis occupationes. Itaque scribere me hercules ad eum non audeo, nisi cum est necesse. Salve ab omnibus nostris, & valetudinem tuam cura, è Karoli-loco Postrid. Id. Novemb. M. D. LXII.

HORATIUS CARDANETUS

MURETO S. P. D.

XXX.

**M**itto ad te, MURETBERUDITISIME, omniumque potentiorum literarum decus (liceat mihi, quod sentio, ac potius, quod docti omnes sentiunt, sine ulla assentationis suspitione verè loqui) paucas aliquot epistolas tuas: ad me humanissime ac elegantissime scriptas; quas Lucas Sempronius noster, optimus juvenis, & utriusque nostrum studiosissimus, tuo nomine à me petiit. Descripsit eas libenter & eleganter Balihasar Ansideus, tuusne an meus dicam? utriusque certè quantum alter alterius esse potest, agnosces faciliè ipsius manum: qui superiore anno in describendis variis lectionibus operam tibi suam navavit, tui quidem admirator ac laudator est mirificus. Si de tuarum epistolarum editione cogitas, rectè cogitas. Nihil enim detrahent de eloquentiæ tuæ fama, quam luculentissima tuæ oratio-

nes tibi pepererunt. Excellis tu quidem, Murete, ac  
 mirus es in omni scriptionis genere; seu carmen pan-  
 gas, idē variis numeris: seu solutam: ex as orationem:  
 seu poetam, ut Catullum, interpretaris: seu oratorem,  
 ut Ciceronem, explices: seu Græcos vertas, ut Aristo-  
 telem; quidquid deniq; quoquo modo literis mandes, e-  
 legans est, politum, ingeniosum, eruditum, omnibus  
 numeris absolutum. Tua me scripta omnia capiunt,  
 tenent, revocant, nulla unquam eorum satietas: vel  
 ipsa epistolæ, quas properanter exarare te scio, quā  
 venusta, quā sæpe erudita, quā semper urbana?  
 Quod si volumen ipsarum legatur, studioforum mani-  
 bus teretur, ac, si ullius foret ponderis auctoritas, ju-  
 diciūq; meū, ad eas edendas te cohortarer. In quo Poli-  
 tianos, Bembo, Sadoleto, Manutios, mitto alios, imita-  
 bere. Neg levis tibi scriptionis genus videatur, tui q;  
 ingenio, ac eruditione indignū. Proponā enim gravissi-  
 mos doctrinaq; principes viros, qui munus sunt illud as-  
 spernati, laudemq; sibi ex eo quasi verunt; Plinium, Ci-  
 ceronem, Platonem. Memini etiam epistolam me tuam  
 legere, in qua de bene scribendæ epistolæ difficultate di-  
 sputas; hanc autem semper sequitur laus, illud igitur  
 tui judicii erit, quo excellis. Verū hoc hætenus ego,  
 quod jam diu literarum officium intermisi, hanc arripui  
 occasionem, velim existimes, tantum me tibi tribuere in  
 literis, quantum alii nemini. Nisi igitur impudentior  
 sim in petendo, mitte ad nos aliquid ex tuis scriptis,  
 quod tanquam sacrum Balthasar & ego custodiemus,  
 nec emanabit unquam te invito. Appellarem te crebrò  
 per literas, sed partim vereor, ne interpellem nrgis  
 quanquam officiosis: partim per valetudinis infirmita-  
 tem, docendiq; molestas occupationes, quibus inviti-  
 si me distringor, baud commode licet, cupio tamen con-  
 sue-



suetudinem repetere: mercaturamq; istam exercere, quam tu mihi aliquot ab hinc annos proposuisti, quam si exercuisssem, multum fecissem lucri; quod si minus mihi licuerit, dabo negotium Balibasari meo omnium quos cognoverim, bonarum omnium literarum cupidissimo ac studiosissimo, qui jam adest cum tuis epistolis descriptis: ac fasciculum obsignabit. Vale, mi Murete, atq; ab eo salve. Lucam Semproniam semel à me tibi commendatam, quo primum tempore ad Urbem venit, nunc iterum commendo, non quod ipse à me petat, sed mea tantum benevolentia in ipsum suscepta, ob eximiam ejus probitatem, quibuscumq; rebus illi commodaveris, mihi commodaveris. s. Id. Ianuar. M. D. LXXIX.

M. ANTONIUS MURETUS S. D.  
HORATIO CARDANETO SUO.

XXXI.

**Q**uidni enim te meum vocem, Horati optime & humanissime, cum & ipse te singulariter diligam, & me ita tibi carum esse sentiam, ut nulli te veterum amicorum meorum in me amando cedere profitearis? quod quidem ego, ut, quia summe cupio, facile mihi persuadeo, verè à te atque ex animo dictum esse; ita causas, quibus te ad istam voluntatem erga me suscipiendam adductum esse scribis, non agnosco. Immo verò majorem in modum à te peto, ut si, cum me ac mea diligentius inspexeris & excusseris, animadvertes, non esse in me eam eruditionem eamq; eloquentiam, quam tu fortassis aliquando credidisti, nolis me luere ac sufferre penas erroris tui: neve, quasi vitiosum aliquid aut morbosum pro sano emeris, ex adilitio edi-

esto agere ad redhibendum velis, si me ita amabis ut  
 hominem & honestis studiis deditum, & ingenuum, a-  
 pertum, simplicem, rectum, minimè fucatum, minimè  
 tectum, inprimis φιλόφρον, præstabo tibi ea omnia cu-  
 mulatè, neq; unquam in ejusmodi rebus fallam opinio-  
 nem tuam. Eò tu si præterea aliquid addideris, ut mul-  
 tarum rerum scientiam, ut eloquentiam, ut cætera id  
 genus: ipse quomodo tibi caveas, videris. Ege ea neq;  
 pollueor, neq; præstabo, his legibus initam mihi esse te-  
 cam & constiuntam amicitiam volo, quas à te quoq;  
 non gravatè acceptum iri puto, atq; equidem cùm mul-  
 tis de causis antea amaverim Gisbertum Oddum, a-  
 dolescentem optimum & pleno gradu ita tendentem  
 in ea studia, quibus nos delectamur, ut quod serius in  
 eam viam ingressus est, assiduitate & diligentia com-  
 pensaturus esse videatur; habeo posthac cariorem  
 etiam hoc nomine, quod is conciliater, quasiq; συγγενής  
 hujus nostræ conjunctionis fuit. Magna sanè cum  
 voluptate repeto memoriam tempus illud, cùm ipse  
 mecum de doctrina tua, deq; suavissimis moribus, &  
 creberrimè & amantissimè loquebatur. Addebat et-  
 jam nonnulla de studio quodam & amore mei tuo, quem  
 tibi ex tuis sermonibus cognitissimum esse dicebat;  
 ego autem & audiebam ea libenter, & ei fidem ha-  
 bebam non invitus: ut ad credenda quæ jucunda  
 sunt, faciles naturâ omnes sumus. Itaq; iisdem ex eo  
 sepe & constanter audiendis, sic jam incalueram; ut  
 quemadmodum in aridissimam siccissimamq; mate-  
 riam nulla potest incidere tam parva scintilla, quæ  
 non maximum subito incendium excitet, ita nulla pos-  
 set à te dari tam pusilla tamque tenuis significatio eo-  
 rum, quæ de Gisberto audieram, quæ non ad me to-  
 tum mirifico quodam tui amare inflammandum satis  
 habi-

habitura virium videretur. Adhuc hæc erant; cùm afferuntur à te ad Gisbertum literæ, non solum scriptæ eleganter ac politè, quod tibi proprium ac perpetuum est, verùm etiam illum amorem in me, de quo tam multa sæpe audieram, omni ex parte spirantes. Quid quæris? ita exarsi, ut nihil fieri posset ardentius. Successerunt primis illis alteræ, tertiæ, aliæ deinceps, eadem omnes sua vitate persusæ, iisdem insignes amoris notii. Nonne igitur inhumanius sim, planeq; ferreus, nisi tam amanter a te ultro appetitus ac provocatus, tibi in amore respondeam? sed non committam, ut eo nomine accusari possim: semperq; sine ulla retractatione, si quid accidet, in quo amicitia mea tibi aut usu aut ornamento esse possit, ne qua in parte veri amici officio defuisse videar, studiosissime operam dabo. Quod ad literas tuas tardius fortassis tua expectatione responderim, scito eas mihi nudiუს tertius tandem redditas esse. Vale, post. Non. Decembr. ex Urbe M. D. LXIV.

## E I D E M.

## XXXII.

**V**olotecum, Horati, si modò ab eo voluntas tua non abhorret, quasi mercaturam quandam instituere literarum; ut quando iisdem ferè in studiis nostrum uterq; versatur, si quid & bellum atq; elegans, & non vulgare, neq; protritum, dum ut longinqua litora, ita veterum scripta lustramus, reperisse videbimur, id in commune conferamus, & alter cum altero communicemus. Hæc fecisse veteres illos, quos ENDO COELO, ut Cicero in legibus loquitur, MERITA LOCARUNI, Hippocratem Coum, & Democritum Abderum, Platonem Atheniensem, & Tarentinum Architam: tum è nostris (quanquam illos quoq; quidni no-

Bros

flos vocare liceat? ) sed tamen ex illis, quos usitatus  
 nostros dicimus idem inter se Ciceronem ipsum, Nigidi-  
 um, Atticum, Varronem fecisse satis aperte ipsorum  
 monumenta declarant. Quorum ego exemplum, quan-  
 tum in me est, renovare cupiens ad hanc te societatem,  
 Horati, voco: quam nisi refugis, non dubito fore, ut  
 ex ea primum uterque nostrum; deinde etiam alii, non  
 eorum modo, qui nunc sunt, sed etiam, ut Homericō  
 verbo utar, τὰν δ' ὕμνων; si non magnos atq; uberes, ali-  
 quos tamen aliquando capiant fructus. Ejus autem,  
 nisi tibi secus videtur, ea leges ac pactiones erunt. Pri-  
 mum ut quidquid alterutri nostrum quocumq; in scripto-  
 re antiquo occurrerit, quod aut sit, aut videatur obscu-  
 rum, ambiguum, depravatum; de eo, ut ipsi alterius  
 sententiam exquirere jus fasq; sit: deinde ut is, qui sen-  
 tentiam rogabitur, re diligenter pensitata, cum amicis  
 etiam, si videbitur, communicata, quidquid aut commo-  
 dē cogitare ipse, aut ex aliis expiscari potuerit, aperiat:  
 tum, ut si alterutri aliqua alterius opinio non proba-  
 bitur, liberum ei solutumq; sit, causas, cur eam non  
 probet, exponere, isq; qui reprehendetur, aut potius  
 admonebitur, non modō non lēdi se ac violari in eo: ve-  
 rum etiam beneficium sibi tribui putet: postremo, ut  
 quidquid alter ab altero acceperit, nunquam neq; pri-  
 vatim, neq; publicē id se ab eo accepisse dissimulet: quin  
 potius uterq; omni ope omnes alterius ornandi atq; am-  
 plicandi occasiones, non tantū oblatas arripiat; sed  
 etiam studiosē diligenterq; perquirat. Hæc si faciemus,  
 alter alterius industriam acuemus, ingenium excitabi-  
 mus, & discemus deniq; vicissim, & vicissim docebi-  
 mus. Gisberto quidem nostro, quem ego adolescen-  
 tē quotidie plus amo, quod ipse quotidie honesta studia  
 plus amat, præsens ex hac nostra negotiatione lucrum



paratum est. Ego enim, qui cum ad cetera omnia, tum ad scribendum ita piger sum, ut nemo magis, eo post hoc, cum ad te scribam; amanuensi uti cogito. Nam et ipse cum laborem caussa mea libenter capit, tum hoc studiis suis inutile non fore arbitratur. Vale. 3. Kal. Ian. M.D. LXIV.

## E I D E M.

## XXXIII.

**R**espondeo tibi breviter, ut et postulas, et occupationes meae cogunt. Non te praeferit, apud optimos utriusque lingua auctores reperiri quaedam seu de industriis, seu ab aliis cogitantibus peccata, quae Grammatici modo ἀνακόλυστα, modo σολοικισμὸν vocant: cum illi non ipsam conformationem orationis, aut vocum convenientiam, sed id modum, quod sensum est respiciunt. Exemplum scio tibi non deesse: sed tamen ut videas me tecum ἀτεχνῶς καὶ ἀδόλως agere, congeram quae in mentem venient. Terent. Hecyra. Nam nos omnes quibus est alicunde aliquis obiectus labor. Omne quod est interea tempus, prius quam id rescitum est, lucro est. Ut omnia conere, non reperiēs, cum quo cohaereat illud, nos omnes. Sallustius. Sed antea item conjurare pauci contra Rempublicam, in quibus Catilina fuit: de qua quam verissime potero dicam. Idem. Interea servitia repudiabat, cujus initio ad eum magnae copiae concurrebant. Idem. Familia nostra cum populo Romano bello Carthaginiensi amicitiam instituit: quo tempore magis fides ejus, quam fortuna, pendenda erat, quorum progeniem. Idem. Abundantia earum rerum, quae prima mortales durant. Atque ut in aliis, ita in hoc quoque Sallustius Thucydideus fuit. Apud illum enim talia ὁμοίως. Plautus. Hos quos videtis stare hic capiteivos duos;

duos, illi qui astant; ii stant ambo non sedent. Sed ne apud Plantum quidem talium modus est: hujus generis sunt & illa HomERICA:

Τένον φίλε.

Et

Ενῆμαρ μὲν ἀνίστατον ὤχετο κῆλα θεοῖο.

Τῇ δεκάτῃ δ' ἀγρομέδεσσι καλίστασσι λαοὶ Ἀχιλλεύς.

Et:

Εἴ τις πάλλ' ἐρίθων ἀγαμέμνονα πειρήσεται.

Et illud Virgilianum:

Craetina lux, mea si non irrua dicta putaris.

Ingentes Rutulae spectabis cadis acervos.

Et:

Pars pedes ire parat campo, pars arduus altis  
Fertur equis.

Possum ē Sophocle, Euripide, Pindaro, aliis quamlibet multa congerere: sed ne longior sum, & ne tibi homini eruditissimo videar diffidere, pauca tantum tibi in memoriam ex ipso Cicerone revocabo. Ita igitur est in secundo Tusculanarum; Etenim si orationes, quas nos multitudinis judicio probari volebamus: (popularis est enim illa facultas, & effectus eloquentiae est audientium approbatio) sed si reperiebantur nonnulli, quæ nihil laudarent, nisi quod se imitari posse confiderent, &c. Scio esse locum quendam ubi ad Atticum scribens, cum epistolam dixisset, ita reliquum orationis contexit, quasi literas dixisset, non epistolam. Sed nunc non venit in mentem. Inspice diligenter locum illum ex Catione maiore, ubi citantur hi duo versus Cæciliani:

Tum etiam in senecta hoc deputo miserrimum,

Sentire ea ætate esse odiosum se alteri,

& vide, cum quo ea, quæ statim subiungit, cohæreant; Iucundum potius, quam odiosum. Neque enim hoc dicit, Miserum est, sentire, se iucundum potius, quam odiosum:

X 2

sed

sed hoc si quis commodus senex sit & humanus, eum  
 jucundum potius esse, quàm odiosum. Quæ tamen sen-  
 tentia, si verba tantùm spectes, effici nullo modo potest.  
 Revocabo te ad illos ipsos libros de ORATORE. Ita  
 igitur loquitur, in iocorum tractatione. Ex eodem hoc  
 vetus illud est, quod ajunt, Maluginensem illum M.  
 Scipionem, cum ex centuria sua renunciaret Accidinum  
 consulem, præcoq; dixisset, Dic de L. Manlio: virum bo-  
 num, inquit, egregiumq; civem esse arbitror. Vide quam  
 conveniat, Maluginensem illum, cum verbo inquit:  
 quod postea subjunxit. Eodem igitur modò cum dixisset:  
 etenim ceteræ ferè artes, & cetera: ita dixit postea,  
 cujus terminis septa teneatur, quasi non benedicere, di-  
 xisset, sed ars benedicendi, quod orationis ἀνάλυσις po-  
 stulare videbatur. Habes verbosam & insuavem epi-  
 stolam, ut scriptam à properante, & occupato: etiamq;  
 ut tibi molestia duplicetur, mea manu scriptam: ut for-  
 tassì etiam in legendo aliquid tibi negotii futurum sit.  
 Gisbertus enim noster propterea quod ei hodie ad fores  
 herilis cubiculi assidendum est, ut statis vicibus omnes  
 cubicularii solent, operam mihi dare non potuit, A te  
 peto, ut me ames: quod cum fasies, mutuo te facturum  
 esse scito. Vale, ROMÆ 6. Kal. Mart. M.D.LXV.

E I D E M.

XXXIV.

**A**Deas literas, quas à te amoris plenissimas nu-  
 per accepi, statim respondissem, si otiosus fuissem,  
 sed eram occupatus in recognoscendo volumine quodam  
 orationum mearum, quod à me his superioribus diebus  
 librarii extorserunt verius quàm impetrârunt. Omni-  
 nò enim constitueram nihil posthac scribere. sed me,  
 ut consilium mutarem, amicorum nimis bene de me  
 sen-

sentientium non cohortationes modò ; sed preces assidue coëgerunt. In eo igitur eram occupatus, cùm accipi litteras tuas; & simul cogitavi, si paulò serius responderem, damni nihil in mora fore. De loco illo Ciceronis non puto te dubitare, quin sententia tua vera sit. Nam vel id ipsum, quod ais videri posse ob stare, magis etiam eam, si accuratè inspicias, confirmat. Si quid aliud erit, de quo sententiam meam cognoscere cupias, scribito, non committam, ut quidquam à me, quod ego quidem præstare possim, frustra petas. Amo enim te vehementer, tùm quòd multis nominibus dignissimus es, qui ameris, tùm quòd ita me amas, ut inhumanitatis notam effugere non possim, nisi tibi in amore respondeam. Vale, ROMAE. Prid. Idus Aprilis die ipso natali meo, quem tu mihi faustum ac felicem precare. M.D. LXX. Saluta mihi Gisbertum meum: etsi ei subitans sum: quod quiddam à me sibi in arcanis commissum continere non potuit. Veniam isthuc, ut spero, mense Maio proximo, & præsens ab eo pœnas reposcam. Quæ enim tantùm triduum domi ipsius esse decreveram, ulciscendi causa, totos sex dies manebo. Ad eum scribere nunc non licet per occupationes, propediem scribam.

## E I D E M.

## XXXV.

**N**emini aut mirabilis est aut molestius, quàm mihi, tamdiu differri adventum ad vos meum, sed nescio, quo modo ter jam contigit, ut cùm in viam dare me vellem, jamq. sarcinulas componerem, subito exstiterit aliquid inprovisi atq. inopinati impedimenti. Itaq. nihil amplius ea de re vobis habeo polliceri. Nisi illud certo mihi excuti nullo modo potest, veniendum tamen, & quæ obstant, omnia qualibet ratione superatū



iri, sed *ἀεὶ καὶ τὸν αἰῶνα* alieno arbitrio vivere. *Πρα*  
cipue si quis ei seruiat, qui pro suo commodo omnia a-  
liorum incommoda non nauci faciat. Equidem mani-  
bus pedibusq; ut dicitur, omnia faciam, ut vobiscum  
una esse possim ante Kalendas Iulias, sed, si id non pote-  
ro, certe quidem mense Septembri, si vivam, istic ero.  
Vos interea me, ut facitis, amabitis, & ad me scribe-  
tis, ubi commodum erit. Ego vos vicissim amabo, & de  
vobis sepius & cogitabo, & loquar; si quid erit, de  
quod vestra causa efficere possim, studiosè atq; amicè  
omnia procurabo. Vale ROMÆ. 9. Kalend. Iun.  
M.D. LXX. Marcello Vestrio S. Qui etiam meo nomine,  
nisi molestum est, Paulum Æmilium Comensem saluta-  
bit. Vereor, ne ad te perlata non sint literæ, quas ipso  
meo natali die scripseram. Nulla enim in tuis earum  
mentio.

## E I D E M.

XXXVI.

**V**aldè tardi effecti sunt tabellarii vestri, qui qua-  
dragesimo demùm die literas huc istino adferant.  
Idem mihi accidit haud ita pridem literis quibusdam  
Gisberti Oddi, quæ cum scriptæ ab eo essent de mense  
Novembri perlata ad me sunt ineunte Ianuario. Sed  
hoc tamen commode, quòd hodiè potissimùm, ut qui dies  
annus ex omnibus summa hilaritate ab omnibus traduci  
solet, eò potissimum hilararer jucundissimo sermone li-  
terarum tuarum, & recordatione amoris erga me tuis  
Simulq; quoniam ab interpellatoribus nihil est periculi  
(ludis enim & spectaculis omnes hodie detinentur) va-  
cui temporis ad respondendum aliquid haberem. Igi-  
tur de me meisq; studiis iam cognosse te al quid puto ex  
his literis, quas proximè ad Gisbertum dedi, satis enim  
scio earum te statim participem factum. Terentianum

illud

illud, si sit opus, joci causa dictum est, quasi evenire  
 ullo modo possit, ut hoc quoque factum opus sit. Ergo si sit  
 opus, si quis à me id fieri postulet: si quis hoc sibi à me  
 officium tribui petat: si quis in eo me sibi gratificari  
 velit: si quid eveniat, ut publicè intersit eum laborem  
 à me capi, & si cogites, multa nos quoque vulgò ita ju-  
 cantes dicimus. Quando ita jubes, sedebo, cum tamen  
 nemo iubeat. Honoris tui causa ad prandium ibo, quasi  
 qui id facit, non sua potius causa faciat: hodie in pran-  
 dio pulchrè tibi operam dedi, quasi qui benè ac libenter  
 versatur, non sibi potius operam det quàm amico. Ex  
 eodem genere est illud, si sit opus, de quo satis jam mul-  
 ta. Albedo, latinum non est, non magis quàm nigredo.  
 Sed ita sumus omnes, etiam qui paulò melius latine lo-  
 qui putamur, quàm vulgus solet. Dum confidimus, nos  
 jam eam facultatem consecutos, ut vel aliud agentes  
 emendatè loquamur, multa inepta, & ne in pueris qui-  
 dem ferenda effundimus. Isti præcipuè delicati, qui  
 omnia sibi præter Ciceronem putere ajunt, qui si sine  
 Nizolio possint unam aut alteram Epistolam scribere,  
 Germanos se esse Cicerones putant: qui Senecam con-  
 temnunt, Plinium irrident, Tacitum damnant: ad in-  
 feriorum verò temporum scriptores etiam nauseant,  
 qui me aut mirantur, aut miserantur, aut irrident,  
 quod ex Apulejo ipso aut Sidonio quædam petenda esse  
 dicam ad usum latini sermonis; illi igitur ipsi sæpe ita  
 & loquuntur, & scribunt, ut non se eos modò, quos ipsi  
 tantoperè, abiciunt, quos præ se contemnunt, sed eo-  
 rum pistores ac coquos multò latinus locutos fuisse  
 constet. Ad omnia Epistolæ tuæ capita responsum esse  
 arbitror. Vale 3. Kal. Martii, M. D. LXXI. ROMÆ;  
 quo ipso die literas tuas accepi, quibus adscripta erat  
 dies 7. Kal. Febr. Ne metàm serò tibi respondiſſe me re-  
 ris.

E I D E M.

XXXVII.

**P**ostquam ad te nuper scripsi de illo Terentiano, si sit opus, venerunt mihi in mentem alia, quæ apertius confirmarent explicationem meam.

Simile igitur est illud ex Adelphis.

Tu inter eas restim ductans saltabis M. probe.

Et tu nobiscum una, si opus sit.

Et illud Catulli ex Epigrammate in Vettium.

Ista cum lingua, si usus veniat tibi, possis.

Sed nolo alterum versum adscribere, neque puto esse opus.

Quamvis igitur sperabam, sententiam meam ita tibi probatam esse, ut nihil præterea argumentis opus foret; tamen ne hanc quidem ad te scribendi occasionem prætermittendam putavi. Vale, & Giobertum mihi saluta, & si quos istic præterea nostri amantes mei. ROMÆ. Postrid. Non. Mart. M.D.LXXI.

PETRUS JOHANNES PERPINIANUS  
M. ANTONIO MURETO  
S. P. D.

XXXIIX.

**O**pus Ætna gravius mihi videntur sustinere, qui alteri fidem suam adstrinxerunt: nisi ejus, aut cui, aut pro quo sponderunt, humanitate sublevetur. Scis, credo, quid velim. De versibus illis in D. MARIAM Lauretanam, qui eos à te optabat, propter singularem expectationem elegantie & doctrinæ tuæ, is me urgere non cessat. Ego tamen si inscio & inconsulto te, me temerè recepisse intelligo; tamen hanc temeritatē in

spon-

spondendo meam tua eximia, in re perficienda, humanitate compensatum iri confido. Si quid possunt fontes & pomaria Tiburtina, si quid iste secessus otii à quotidianis occupationibus tuis attulit, oro te atq; obsecro, ut ostendat, me nonnullum apud te gratiæ locum obtinere. Quædam tecum communicare cupiebam: sed ea melius, ut spero, corâ, ubi ad nos redieris. Nam summus nostræ Societatis magister statuit, ut Romæ anno proximo manerem. Nostri omnes te salutant. Vale, ex urbe 18. Kal. Septembr. M. D. LXIV.

M. ANTONIUS MURETUS S. D. PETRO JOANNI PERPINIANO Societatis Jesu.

XXXIX.

Cupio equidem & meam, & tuam si deum liberare: sed mihi adhuc multa, ne id facere possem, obstruunt. Primum quòd quem locum, quòd tempus otii, & quietis plenissimum putabam fore, in eo me & multa, & longissimè à studiis meis abhorrentia negotia occupatum, atq; exercitatum habuerunt. Nam, ut cætera taceam, his paucis diebus bis mihi Romam eundum fuit; quod etsi leve videri potest, tamen ea mihi profectioes octo amplius dies abstulerunt. Deinde quòd multos jam & menses, & annos intermisi Poëtica studia, ut etiam si quid olim fuisset in me ejus facultatis, quòd sanè aut nihil, aut pertenuè quiddam, & perexiguum fuit; effluxisse id tamen, & exaruisse necesse sit. Postremò dñs & tardiore me, ac timidiorē facit expectatio illa, quam de meis versibus concitatam esse scribis. Scis enim, quam inutilis ea, atque aliena sit placere cupientibus. Nam si illud à me postulatur; ut tuorum elegantiam æquem, à te ipso mihi versura faciunda fuerit.



rit. Ut ut est, meditabor tamen propediem aliquid: sed si me amas, quod quidem ita mihi perspexisse videor, ut, quin ita sit dubitare, non debeam, minue, obsecro, quantum potes, istam expectationem: ac perface, ut ille amicus tuus à me tanquam à malo nomine, ut nummos, ita versus etiam, si neque optimæ notæ erunt, neq. justiponderis, æquo tamen animo accipiendos putet. Benè factum, quod te Societatis vestræ magister Romæ retinendum iudicavit. Mihi crede, magnam molestiam cepissem è discessu tuo. Nunc spero fore, cum istuc rediero, ut fruatur tua suavissima, mihi optatissima consuetudine, quam ego, quanti faciam, spero te re ipsa aliquando cogniturum. Vale, TIBURÆ, 10. Kalend. Septembr. M. D. LXIV.

PETRUS JOHANNES PERPINIANUS  
M. ANTONIO MURETO

S. P. D.

XL.

**T**um tandem reditum expectare non possum. Tameo namq. ne sit ille tardior: mihi autem maturato est opus. Quonam, inquis, adeò festinas, ut pauculos hos dies expectare non possis? Nusquam equidem; noli metuere, ne mutata Magistri nostri sententia, mihi sit ex urbe proficiendum, rem totam à principio audies. Præpositus iterum Rhetoricæ scholæ, à qua me solutum penitus ac liberum esse arbitrabar, de Præfati nostri sententia statui Aristotelis de arte dicendi libros explicare, ut si nihil tanti magistri subtilitate dignum in lucem potuero proferre, quod ita planè futurum esse video, certè conatus ipse in re perdifficili, nonnihil ab Auditoribus gratiæ & benevolentia consequatur, summiq. Philosophi nomen apud omnes illustre, languidiora juvenum studia vehementius excitet, ad discendum. Multa igitur

igitur ita ut sit, legenti & meditati mihi, quæ ad eorum librorum explicationem, uui fore viderentur, quædam occurrerunt, quæ meum animum ita dubiam & incertum habent; ut non facile sit statuere, quid sequar. De his tuam sententiam exquirere decreveram, ubi redisses. Verum, ut dixi, timeo, ne serius, quam mihi est, pus, revertaro. Quare agam tecum per literas absens, quod verbis præsens agere non possum, & quid ex te scire velim, paucis perscribam. Non enim dubito, tametsi longè abes à libris, quin omni me dubitatione, nullo negotio sis liberaturus: eò magis, quòd de quibus ambigo, ea tibi iamdudum quæsitæ, cogitatæ, tractatæ esse scio. Primum itaq; velim cognoscere, quid tibi videatur de partitione artis Aristoteleæ in tres libros: præteritum ne putes hæc opus, quod nemo Aristotelis esse negat, à Laërtio qui duorum tantum librorum fecerit mentionem: an in numero librarios fuisse mendosos: an in duas duntaxat partes totum illud quasi corpus ab auctore distributum, ab aliis postea in tres fuisse divisum: num quidnam aliquando legeris apud antiquos Aristotelis interpretes, aut alios idoneos auctores, ex quo perspicui possit, quot in libros partitus ipse fuerit hanc artem bene dicendi tam accuratè conscriptam. Deinde τί τῶν ἐκ τῶν πρῶτων καὶ ἀναγκαζόντων συζεγμέναιων esquid cōpertū habeas? Nam ut à Cicerone, Gellio, Plutarcho, Galeno, Ammonio, Simplicio divisionē hanc operum Aristoteleorum confirmantibus dissentiam, nullo præsertim duce, nullo auctore, cuius nomen grave apud alios esse debeat, animū inducere non queo; argumenta contra sententiā, qua ratione refellam, nō video. Cur enim, in primo libro Νικομαχείου libros de anima, quos subtilitatis plenos esse omnes consitentur, ἐκ τῶν πρῶτων appellat? Cur hos ipsos de moribus libros ad Νικομάχου modò vocat ἐκ τῶν πρῶτων, ut in tertio πολιτικῶν libro, modò

modò δὲ τῶν ἐξωπερικῶν sejungit; cū in ipsis τὰ ἐξωπερικὰ, veluti genere prorsus diversa, citet? cur τῶν ἐκρηγματικῶν nulla usquam mentio? Quodenim octo libri τῆς φυσιολογίας, αἱ φυσικῆς ἀρεθῆσεως inscripti sunt, eam ego inscriptionem idcirco Aristotelis ipsius non esse suspicor: quod nusquam illi ab eo libri hoc nomine citantur. Postremo duceri cupio, an Dialecticæ nomen sic ab Aristotele aliquando usurpetur, ut non τὸ τυτικὸν solūm, sed totam omnino Logicam comprehendat. Alexander enim in Proœmio τὸν δὲ tres tantūm tradit hujus verbi significationes: de hac verò vulgari notione, prorsus nihil. At mihi in hoc, quod subijciam loco, primi de Rhetorica libri, αἱ δὲ συνηγορικῆς ὁμιλίας ἀπὸ τοῦ τῆς Διαλεκτικῆς ἐστὶν ἰδεῖν, ἢ αὐτῆς ὅλως ἡ ἀρεθῆς πρὸς, non alia notio ei videtur esse subiecta. Nolum tibi esse molestior: His nunc ero contentus; si quid est aliud, de quò scire velim, quid sentias, id ad tuum in Urbem reditum reservabo, ne jure queri possis, ne in otio quidem tibi licere esse otiosum. De versibus, quos avidissime expecto, nā tu prudentissime fecisti, qui tamdiu nostros animos tenueris expectatione suspensos, ut tanquam poculum aquæ frigida longinqua siti exarescentes, sic nos illi multum cupientes. & diuturno desiderio flagrantēs insolita quadam suavitate perfundant. Accipio tamen excusationem, modò quā citissime, quod commodο tuo fiat, eos ad me mittas. Nam quòd vereris; ut expectationem de te concitatam possis expleve, vide, ne, dum modestus haberi studes, parū de nobis amice existimare videaris. Quid enim hic tu nos intelligentiæ communis expertes esse putas, ut quantum à quò, sperandum sit, videre nequeamus? aut tam parū studiosos tui, ut quemadmodum nobis satisfacias, vehementer sit tibi laborandum? facis tu quidem, quòd te decet; ut nihil à te, nisi summa industria elaboratum,

rationem  
to, tan  
eam  
quid n  
rem  
quid  
forte  
quanti  
non p

M.

V  
bam,  
spon  
tebas,  
respon  
verbo  
siam  
repor  
rem e  
cnam  
diligen  
Car  
cundi  
ne me  
gus p  
strare  
quā  
tūm e

ratum, atq; perfectum exire patiaris; verum, sic habeto, tantam esse omnium nostrum erga te benevolentiam, eam de ingenio & doctrina tua existimationem, ut si quid minus dignum tuo nomine editum à te fuisse videremus, id quod accidere nullo modo posse intelligo, sed si quid à te elucubratum scriptorum tuorum dissimile forte legeremus, noluisse te potius tantum contendere, quantum pesses, quam quantum contendisses, efficere non potuisse crederemus.

M. ANTONIUS MURETUS S.P.D.

FRANCISCO BENTIO

Societatis JESU.

XLI.

**V**Traque litera tua mihi gratissima fuerunt: hæ posteriores eò etiam gratiores, quod subdubita-  
bam, ne aegrè tulisses, nihil à me ad illas Senenses, res-  
ponsum esse, etsi videbar satis respondisse, cum, quæ pe-  
tebas, ad te miseram. Mihi enim videtur melius petenti  
respondere, qui silentio facit, quod rogatur, quam qui  
verborum affatim rependit, rei nihil. Gaudeo te Peru-  
siam venisse, unde opinor crebrius à te literas expecta-  
re poterò. Cupio autem scire, quem potissimum scripto-  
rem explicandum susceperis. Nam, si nihil aliud, exa-  
cuam industriam tuam: teq; fortassis ad locos quosdam  
diligentius, quam ab aliis solent, tractandos excitabo.

Cave enim, putes, quidquam mihi accidere posse ju-  
cundius, quam videre te *μακρύνω*, ut ita dicam, discipli-  
nae meae alumnum, florentem laudibus, & quotidie lon-  
gius progredientem in ea via, quam me tibi olim mon-  
strare memini. Et si tu quidem, ut à me discessisti, multò,  
quam ego sum meliores magistros nactus es. Sed quid  
tuum? blandior mihi *μεγαλύνω*; & quia te olim nescio  
quid



quid docui, videor mihi te quantus quantus es, aut potius quantus futurus es, produxisse. Sed ut hac missa faciam, scin tu me nuper à Pontifice iterum antiquo, ut ait HORATIUS, inclusum ludo? Cùm enim Cæsarius multorum jam stipendiorum veteranus missionem impetrasset; egerunt mecum primùm Cardinales, deinde etiam uirgines, ut eam provinciam susceperem. Multa argumenta allata sunt, quæ me mouerent; sed unum aduocatus, quo pro ducentis aureis annuis, quadringentos proposuerunt. Homini autem egenti, & propter imminentem senectutem paulò ad rem attentiori, nullum medicamentum adhiberi potuit efficacius. Itaque redibo jam ad veteres illos Congerrones meos, Ciceronem, Horatium, ceteros, & mihi quodammodo repuerascere videbor. Tumultuantur tamen, qui ex me Pandectas audiebant, & negant, se quenquam alium ferre posse. Plerique etiam, nisi me habeant, jurisprudentiæ se multam salutem dicturos profitentur; ipsi viderint. Ego ludibundus quadringentos illos quotannis in arcam, si hoc fieri possit, concludam; ut sit aliquando, unde otio frui possem. Beatum te, qui eam vivendi rationem ingressus es, ubi à talibus curis animus liber est. Noli tamen putare à me ipso hæc ita curari; ut angar: & quia usque hæc paulò negligentior fui, ex illa negligentia ita aliquid detraho, ut nihil detrahā ex hilaritate. Adolescentem, qui mihi literas tuas reddidit, vidi perlibenter; & mihi, quantum ex una colloca-tione existimandi potestas fuit, visus est tua commendatione dignissimus. Saluta mihi, si quos istic nostris studiosos mei. Vale, mi Benti optime & suavissime, & me

ANNA. ROMÆ, c. Kalend. Septembr.

M. D. LXXII.

GU-

GULIELMUS CANTERUS M. ANTONIO MURETO S. P. D.

## XLII.

**E**T si satis audacter facere videor, vir doctissime, cum te literis meis interpello; quoniam tamen hunc libellum proximis his mensibus edidi, putavi me non satis ex officio facturum, nisi cum eundem ad te mitterem, tum veniam à te rerum tuarum peterem. Etenim, cum id, quo libellus noster est exornatus maxime (Athenæi fragmentum dico) à te primum in manus nostras deveniret, postquam tu id cum Aurato nostro communicaras: nemini potius hoc totum, quidquid est mitti debuerat quam tibi. Jam quod ea fuerim audacia, ut rem à te ~~receptis~~ ~~diu~~ habitam publicare ~~sim~~ ausus, non miraberis, si quanta debeat esse studiorum hominum inter ipsos rerum omnium communitas, tecum cogitaris. Huc accessit, quod non leviter suspicabar fore, ut alii, nisi ego prævertissem, eam gloriam, cuius ego te participem jure feci, sibi solis essent prærepturi. Quamquam nihil magnopere video, cur ea res gloriæ tuæ, quæ jam pridem est toto orbe clarissima, multum addere ponderis potuerit. Quis est enim in omni, quæ incolitur terra ita barbarus, & omnis expers elegantiae, ut Muretum non cognoscat, amet, exosculetur? Ego certe ὁ τῶν λόγων ὅσον ἔστιν ἡ ἀρετὴ σου, tanti te, liberè ut loquar, facio, quanti haut scio, as alium neminem. Sed, ut ad ipsum redeam libellum: in eo si fortè alicui majorem videbimur habuisse veritatis quam hominum rationem, suggeret tibi, spero, memoria tua, qua vales plurimum, quid de veritate Socratem Plato sensisse tradiderit. Quid quod eam præbent optimæ literæ suis cultoribus libertatem, ut in utramque partem sine peri-

periculo disputare possint? nec enim hic opus est τὸν αἰὲν  
 ψυχῆς δεξιότητι. Quocirca, si hoc à te consecutus fuero, vir  
 doctissime, ut nihil hujus libelli editione offensum te du-  
 cas, non admodum timebo, ne quis de me conqueratur  
 alius: sperabo potius me, quod ille dicebat, sine invidia  
 laudem deinceps invenire, & amicos parare posse. Et  
 quoniam non facile fortassis me, qui sim, agnosces: ve-  
 lim tibi Aurati tui atq. mei in mentem veniat; cuius ego  
 convictu, cum tu ante annos duos in Galliam venisses,  
 fruebar. Fruterii quoq. cum quo me aliquando, si non  
 es obliuus, vidisti. Si quid etiam dignaberis rescribere  
 (quanquam nos tantum boni non meremur) ad Opori-  
 num, vel Petrum Pernam Typographos Basileenses li-  
 teras curabis. Bene vale, vir doctissime, & eum te à no-  
 bis haberi crede, ut quod aliquando de nobis Auratus,  
 condiscipulorum comparatione, ludens dicere solebat,  
 id meritò tibi doctorum omnium respectu tribuamus,  
 quid hoc? inquires, τὸ δ' ἄνευ κοινότητος τοῦ Μυρήτω FRAN-  
 COFURTI nundinis autumnalibus, anni M.D.LXIV.

ALEXANDER JUSTINIANUS M. AN-  
 TONIO MURETO S. P. D.

XLIII.

TE post tuum discessum VENETIIS in febrim in-  
 cidisse, ægrè sanè tuli, ut debui: idq. statim meis li-  
 teris significassem: sed præter morbum, tibi molestus esse  
 nolui. Nam indies experior, quàm molesta agrotanti-  
 bus omnia penè esse soleant. Caterùm mitescente jam  
 morbo, nullum μετὰ τοῦ νόσου λόγος in tam magno præse-  
 rtim elatoq. animo, adversum omnem fortunæ temerita-  
 tem mihi locum relinqui video: & fortassis, ipso jam  
 fugato, convalescenti gratulandum potius, aliquid serii  
 ad te

ad te scriberem, nisi id mihi Medicorum legibus <sup>παρα</sup> <sup>απαγομένη</sup> <sup>ἐπιτάχυν</sup> interdictum scirem. Scribam aliàs, & quod toties recepi, tandem cumulatissimè præstabo, præsertim cùm <sup>χρόσια αὐτὴ καλκείαν</sup> à te sperare liceat. Interim cura, ut valeas, ego verò, & Iohannes Datianus noster, valemus, teq; plurimùm salutamus, & cùm primum per valetudinem tuam licuerit, à te literas expectamus. Vale, VENETIIS, Prid. Kalend. Octobr. M. D. LVIII.

## EPIST. I. D. E. M.

## XLIV.

VETERIS illius familiaritatis ac necessitudinis, quæ mihi maxima tecum olim Venetiis intercessit, minime te oblitum esse opinor, neq; tot amoris <sup>ἀφ' ὧν</sup> <sup>ἀπορρέει</sup> ex animo tuo nostri memoriam effluxisse dubito. Plurimum sanè momenti ad vulgaris cuiuspiam amicitie diuturnitatem in assiduitate literarum positum esse non dissideo: mutuam verò inter nos benevolentiam, certò iudicio semel susceptam, eam ipsam virtutem, quæ genuit, & continuasse & conservasse certò scio. Nam illam sanè <sup>παγκύβητον</sup> quam Athenæus iure <sup>μυσωθεωποτίτῳ</sup> appellat, ad cuius præscriptum <sup>πλεῖς φίλοι γίνονται, ἐκ εἰς οἱ φίλοι</sup> tibi probari nequaquam credo, cùm amicitiam non locorum spatiis; sed amicorum moribus metiendam esse non ignores. Quod si ad meam erga te benevolentiam, accessionem quoq; mearum litterarum à te desiderari, mihi significaveris, non solum hoc officii genere tibi posthac satisfaciam, sed etiam ejus longo tempore à me prætermissi usuram cumulatissimè reddam. Quanti verò te faciam, quamq; tui sim memor, testem habes Johannem Bissnerium, quem tibi cùm morum probitate, tum doctrina singulari conciliatum esse audio. Eum,

Tui mi



mi Murete, sic velim tua humanitate complectare, ut ea omnia, quæ in me, si Romæ essem, conferres, in eum conferas. Est enim mihi amicissimus, tuusq; amantissimus, neque te unquam pœnitebit in eum beneficium contulisse. Experieris meherculè re ipsa & grati animi juvenem, & commodorum memorem. Expectabo literas tuas, quibus & me à te amari adhuc intelligam, & si quid Genuæ à me agi voles, certior fiam. Vale, GENUÆ 7. Kalend. April. M. D. LXXV.

MARTINUS BELLIVICEJUS PANNONIUS M. ANTONIO MURETO S. P. D.

XLV.

Juvenis quidam natione Gallus, vir clarissime, qui Roma huc venerat, scribendarum ad te literarum ansam mihi præbuit: quarum quidem auctor, vel si sæpius eas percurreris, vix tuo innotescet animo. Cum enim mense Martio te Paulum Manutium Romæ salutarim, quid miri, si usq; ad hoc tempus in tanta temporis intercapidine, memoria tua, quæ gravissimis studiis continuè fatigatur, exciderim? Hoc etsi persvasum habeo, non tamen dubito, quin facile in tui memoriam redigar, præsertim si & album tuum, in quem nomen tuum relatum esse voluisti, intueberis, & memineris quibus verbis Huberti Giphantii, Lucretii editionem collaudaveris: cum adjiceres nihil esse, quod non Giphantii causa libenter faceres. Quare cum tibi in mentem rediisse nomen meum existinem, ad juvenem illum revertor, à quo cum quæsissem, quid rerum ageres, an quicquam de Plautina editione cogitares, quam nos jam dudum, & ceteri omnes qui elegantiorum literarum cupiditate tenentur, avidissimè expectant: à Philosophia naturali ad civilem hanc nostram Philosophiam, quæ tu ante ali-

quos

quot annos, humanarum literarum causa, intermiseras, te contulisse respondit. Qua in re cum tuum factum vehementer probavi, tum ratus sum, ad studium juris illustrandum, maximum adjumentum allatum iri, si tuum exemplum hujus ætatis jurisconsulti imitarentur, quos & barbarorum interpretum inanissimas controversias toto animi impetu consecrari videmus, & omnes suum studium ad calumnias litium, & ad turpem & invidiosum questum conferre. Sed quod Cujacius & tu homines Galli, in studiis sapientiæ consecuti estis, id non sine munere divino vobis evenisse credo. Idem sentire videtur Giphanius Cujacio amicissimus, & tibi charissimus. In hac enim nostra Academia Patavina superioribus diebus fuit, atq; de te sæpius honorificè loquutus est, & nullo in sermone libentius eum versari vidi, quàm cùm de Plauto loqueretur, existimans scilicet, quod res est, bene actum cum studiosis literarum fore, si tam bonus latinitatis auctor tua diligentia, doctrina, opera nitidior & emendatior in lucem proferretur. Caput sanè esse in tua gratia, quam humanitate tua fretus, tuis verbis ei non solùm pollicitus sum, sed etiam spondi. Itaq; non erit tuæ bonitatis committere, ut sponsorem appeller, cùm ipse facile possis dependere. Unum est quod à te contendendum mihi putem, ut duas orationes tuas ad me mittas: quarum altera de laudibus juris studii scripta abs te nuper est, altera in Collegio Pontificum habita. De Plauto fac promissa appareant. Diutius enim deberi politis & ingeniosis hominibus non potest. Et herclè tua maxime gloria agitur. Vale, & salvebis à Giphanio, qui Venetiis, apud Oratorem Regis Gallie degit. PATAVIO, Kalend. Decemb. M. D. LXIV.

M. ANTONIUS MURETUS FRAN-  
CISCO TURNONIO S. R. E. EPI-  
scopo Cardinali S. P. D.

## XLVI.

**S**I tempus ad te scribendi usq; eo differre voluisssem,  
Francisce Turnoni Cardinalis Amplissime, dum par  
à me aliqua tuis erga me plurimis maximisq; beneficiis  
reperiretur oratio; magnoperè mihi metuentum erat,  
ne & in eo quarendo, quod nunquam consequi possem,  
inani ipse me labore torquerem, & immodica silentii  
diuturnitate suspicionem tibi aliquam angusti & hu-  
milis animi, neq; satis, quantum à quoz acciperet sen-  
tientis asferrem. Cum igitur, diem assidue ex die ducens,  
sine dubio diutius, quàm par fuerat, reticuissem, planè  
obstupefactus admiratione istius erga me tam prolixæ,  
tamq; beneficæ voluntatis tuæ: confirmavi me tandem;  
& ad hæc pauca, quoquo modo possem scribenda me con-  
tuli: quibus, quod tam multis, tamq; claris & illustri-  
bus signis, me, quamvis nihil prorsus tale promeritum,  
tibi tamen non vulgariter carum esse declaraveris, gra-  
tias, quando nihil præterea neq; tu expectare, neq; ego  
prestare possum, tibi agerem immortales. Est omnino  
hæc tota gratiarum actio perpusillum quiddam, perq;  
tenue: præsertim si comparetur cum magnitudine eo-  
rum beneficiorum, quibus tu me à te ornatum esse vo-  
luisti: sed eam tamen, cum hæc scriberem, pro certo atq;  
explorato habebam: tibi non ingratam, neq; injucundam  
fore; cum, ut scis, ne Dei quidem bonorum omnium au-  
storis infinitam in nos beneficentiam ullo alio modo re-  
muneremur. Officiorum vicissitudo eas amicitias conti-  
net, quibus inter se ejusdem sortis homines, aut certè  
non admodum dispares devinciuntur: vobis, quos supra  
cato-

ceterorum conditionem erectos, in ipso rerum humanarum fastigio divina providentia locavit, illud cum corporibus cœlestibus commune est, quod ut illa efficientiam quidem suam declarant in inferiora hæc, viresq; in ea exercent suas: sed ab eis nihil vicissim accipere, & ut Græci sua lingua dicunt, pati queunt: sic vos potestatis quidem copiarumq; vestrarum documenta, sublevandis inferioribus, datis: ipsi vicissim quicquam ab eis, præter laudem ac prædicationem, testem grati ac memoris animi, percipere non potestis. Ago igitur tibi quam maximas gratias, Cardinalis clarissime, humanissime, optime, agamq; dum vivam, tibiq; à summo hujus universitatis effectore ac gubernatore Deo assiduis votis fausta ac felicia omnia precabor: non quod me digni existimem, ejus vota ab eo attendantur: sed quod tu dignissimus, pro ejus salute atque incolumitate, etiam fororum, qui per se nullo numero habendi sunt, preces non negligantur. Ita igitur faciam: conservabo diligenter memoriam ejus humanitatis, qua tu me immerentem, talis tantusq; vir, complexus es: utq; tuo de me amplissimo atq; honorificentissimo testimonio, quantum in me erit, respondeam, modis omnibus operam dabo. Illustrissimo quidem Cardinali Ferrariensi, ad quam tua potissimum auctoritate adductus, me, cum primum potero, conferam, commissuras non sum, ut unquam venire possit in mentem, quod fidem tuam in me recipiendo secutus sit, pœnitere. Vale, 3. Non. Febr. M. D. LVII. PATAVIO.

E I D E M.

XLVII.

**N**on puto ulla mihi excusatione apud te utendum esse, quod ad te rarius scribam. Nam tum demum

T 3

pec-



peccare ipse mihi viderer, si tanti me facerem, ut tibi, tanto viro, tantisq; assidue occupationibus impedito, frequenter literis meis obstreperem, ideoq; contineo me: & cum quotidie de te cogitem, vota q; uti debeo, pro tua salute atque incolumitate faciam, in scribendo sum rarior, neq; unquam id facio, nisi cum aliquid accedit, ut, nisi scripsero, officio videar defuturus, quale est, quod me hoc tempore, ut scriberem, adduxit. Cum enim nuper octo variarum lectionum libros edidisset: etsi satis intelligebam, eos leviores esse, quam ut tu, quem nihil nisi praeclarum atque eximium capit, ullam magnam voluptatem ex eorum lectione percipere posses: iudicavi tamen, omnino mihi faciendum esse, ut eorum exemplar unum ad te mitterem: neque dubitavi, quin tu eos libenter accepturus esses: vel quia mei sunt, vel quia scripti ad eum, qui ut à te singulariter amatur, ita te ipse admirabili, non amore solum, sed cultu medius fidius, atq; observantia prosequitur. Unum est, quod quamquam mihi, conscius sum, me optimo animo fecisse, tamen, quia fieri potest, ut confidentius in eo me gesserim, quam decebat: per illam & aliis & mihi imprimis perspectam humanitatem tuam, mihi ut ignoscas, etiam atque etiam à te peto. Ausus enim sum quodam ex eis libris loco nominare te: ac versus etiam aliquot ponere, qui mihi in memoria haeserant ex eidyllio, quod olim ad te misi unà cum tragœdia, quam de C. Caesaris cade factam in tuo nomine divulgaveram. Qua in re si quid à me peccatum est, (nihil enim debueram te inconsulto facere: praesertim cum te Venetiis convenissem) peccatum est, incredibili quadam abundantia amoris erga te mei: quam ut æquo animo feras, omnibus à te precibus, atq; omni obsecratione contendo. Etenim verè hoc dicam, nihil videtur esse ita difficile atq; arduum, in quo ego pa-

ratus

ratus non sim voluntati & auctoritati tuae morem gerere. Unum est in quo tibi, ne quid dissimulem, non possem, nisi invitissimus, obtemperare; si me iuberet tacere de tuis virtutibus, & continere in sinu immortale illud gaudium, quo efferor, quia me tibi carum esse sentio. Hac una in re dum me mihi obsequi, & animo indulgere patiaris; quo minus aliud mihi quidlibet imponas oneris, non recuso. Quod scribam, aliud nihil est, nisi omnes hic omnia tibi fausta & prospera precari, & gratulari aquis istis, quod eas tibi salubres & fuisse & esse audimus. Vale.

CORNELIUS VALERIUS M. ANTONIO MURETO S. P. D.

XLIIIX.

Vide quanta in te sit humanitas, eruditissime Murete, & quae opinio apud exteras gentes. Justus Lipsius, familiaris & idem discipulus meus, literarum & antiquitatis causa in Italiam proficisci velle cepit, petiit à me, amicis quibusdam commendari; inprimis autem contendit, ut ad te, cujus cognoscendi & videndi studio mirifice flagrat, literas sibi darem. Ego autem etsi videbam putidum esse, me hominem fortassis ne fama quidem tibi cognitum, literas ad te dare, ejusmodi praesertim, quibus onus aliquod officii tibi imponerem, morem tamen gessi adolescenti tam vehementer petenti, & voluntati ejus obsequi volui potius, quam aut naturae aut pudori meo. Quod feci eò libentius, quod non ad aliquem nescio quem duris & asperis moribus seribendum mihi viderem; sed ad eum virum qui cum humanitatis studiis & iis artibus omnibus, quae ingenuo homine dignae sunt, sit perpolitus, abesse non potest, quin tunc in omnes, cum praecipue in earundem artium studiosos

propenso animo ac humano. Accedit similitudo professionis studiorum nostrorum, nam & nos pro mediocritate ingenii nostri, eloquentiæ humaniorum literarum studia, voce & scriptis, quod in nobis est, in hac Belgica nostra excitare conamur, & tu M. Antoni, antea quidem in Gallia, nunc in illa Italia luce hæc ipsa studia cum immortalī tua laude & omnium gentium admiratione tractas. Quare non tam querenda mihi est excusatio & pratextus pudoris mei, quod scripserim, quàm gaudendum, oblatam mihi in amicissimi mei negotio facultatem scribendi simul & testificandi amoris mei. Sed veniam ad id quod caput est epistolæ meæ. Mitto ad te, Murete, hunc Iustum Lipsium, alumnū, ut dixi, discipline meæ adolescentem ea probitate, modestia, ingenio, eruditione, iudicio, quanta testari possū, equidem me in alio nullo, in ista imbecillitate ætatis, adhuc esse expertum, tum verò, quod apud te plurimum valet, studiosum antiquitatis & artium illarū quas tu amas, & in quibus maxime excellis, id est, optimarum. Cave autem existimes, me hæc ambitiosè & supra quam res est, commendantium more, scribere: immò verò minus fortasse, quàm virtus & eruditio adolescentis merentur scribo, ne, dum cum laudo, videar nos ipsos institutionemq; nostram velie extollere. Quamobrem rogo te, Murete mi, vel potius precibus omnibus oro atq; obtestor, per communia studia nostra, per illum amorem, quo literas & literatos omnes prosequeris, adolescentem hunc omni studio, amore, benevolentia tua complectare atq; devicias. Et quoniā is honesto quidem genere & optimis parentibus natus, ea tamen mediocritate fortunæ est, ut se in longinqua & extera regione difficulter suis facultatibus sustentare possit, verecundè etiam hoc à te petam, (vides quantū mihi sumā) ut, si qua in re cōmendatione

&amp; ope.

& opera tua juvare eum potes, quod certe potes, ei ut ne desis. Hoc quidem tibi spondeo, & in me recipio, te, si quid ei accommodaveris, non minorem ex eo voluptatem percepturum, quam nos universos. Impedior recundia, ne pluribus verbis te rogem. Illud tantum dicam, quod in sermone sæpissime mihi significavit, eum pene non alia ulla de causa in Italiam è tam longinquis regionibus venisse, quam ut te inprimis tuiq; similes eruditos viros videret & cognosceret, quo erit æquius, ejus laborem per te ex parte levare, cui tu laboris causa fuisti. Quod si tu aut amicorum aut familiarum tuorum aliquem hic habes, aut fortasse habiturus es, utere eadem audacia & familiaritate apud me, qua ego tibi prævixi efficiam ut intelligas mihi ad benignè faciendum nec voluntatem deesse nec facultatem. Litteræ hæc meæ si aliquid pondus apud te habebunt, dupliciter gaudeo; primum enim Lipsio meo, cui vehementer cupio, ac commodum vero; deinde mihi ad amicitiam tuam quasi fores & aditum patefecero. Quo nihil mihi potest contingere optabilius. Vale LOVANO, ante diem 14. Kal. Septembrium.

M. ANTONIUS MURETUS S.D.  
CORNELIO VALERIO,

XLXIX.

**R**edit ad te Lipsius tuus, & redit magno meo dolore. Ita enim me devinxit sibi præstantia ingenii & doctrinæ, integritate morum, suavitate sermonis ac consuetudinis suæ, ut, eo discedente, à memetipsa mihi avelli viderer. Felicem te Corneli, cujus ex disciplina adolescens tam rari exempli prodit. Equidem antea & magnificiebam te ex scriptis tuis, & amabam pro  
judi-



judicio quod *amantissimè* de emendatis à me Terentii fabulis feceras. Nunc verò mihi crede, tanta accessio propter Lipsium facta est, & ad opinionem de te, & ad amorem erga te meum, nihil ut magis cupiam, quàm occasionem mihi aliquam dari declarandi tibi re & factis, quanti apud me sis, cujus rei si licebit periculum facere, quæso te, si qui huc venient, quos tu ames, præcipueque qui habeant aliquid simile Lipsii, ut eos mihi potissimum commendandos putes: Nam eadem opera & ego mihi videbor abs te beneficium accipere, & conabor efficere, ut ipsi quoque eo nomine aliquid se tibi aliquando debere fateantur. Vale ROMÆ 3. Non. April. M.D. LXX.

M. ANTONIO MURETO  
NATHAN. CH. S. P. D.

L.

Ulm 5. Id. Octob. anno abhinc quarto ROMA M  
ex Campanio rediissem, postridie ejus diei magna cum admiratione, te, Murete clarissime, orantem audiui, coram Pio V. Pont. Max. cùm Christianissimi Regis legatus, usitata solennitate, magnificè exciperetur. Ea ego oratione, etiamsi jam antea, ex monumentis scriptorum tuorum, qualis esses cognovissem, ita sum tamen admiratione tui inflammatus, ut ex omnibus, quos ego antea præstantissimos existimassem, tibi uni in Oratoria palmam deberi, certissimò mihi persuaderem. Quin si animo tum obsequi licuisset, unà cū illo exclamare veritus non fuissim: ὦ σωτὴρ, ὦ λόγι, ὦ μέγα, ὦ σωτήρ, καὶ δόξα σοι, καὶ δόξα σοι, καὶ δόξα σοι. Cū autem id, eo quidem in loco, & in clarissimorum virorum corona me non deceret, illa ipso die te adii, ut amorem tui sanè ardentissimum, qui oratione tam excellenti

cessenti in animo jam inflammatus esset meo apud te ipsum detegerem, & literis Caselii nostri, quas tunc mecum habebam, amicitia tua quasi fores mihi aperirem, Accepisti tum me, ut soles, humanissimo amplexu, & literis nondum lectis, notum me tibi esse, ex sermone Caselii, quem tecum ad oppidum SanctaSSIONENSE paulò ante habuisset, ostendebas. Id certe longè mihi fuit gratissimum, cæpiq; ut antea doctrinam, & eloquentiam tuam admiratus fueram, ita hinc etiam virtutem & bonitatem tuam suspicere, & exosculari. Verùm illa congregio, fato quodam meo infelici, diuturna esse, firmasq; radices agere non potuit. Senis enim cuiusdam interventu, vix dum inchoata collocutio nostra, interrupta est: & ipse etiam, propter comitum festinationem, & hyemem imminentem, celerius opinione, istinc sum avulsus. Quod itaq; tum necessitate quadam impeditum est, quid vetas, quo minus id ipsum literis restituamus? cuius quidem consilii auctorem habui eundem illum qui me primus in animum tuum insinuarit. Cum eo enim ego hîc in iisdem literis & studiis, in quibus tua quoq; lucubrationes non parum nos adiuvant, vivo amantissime. Quod si ille, ut primò fuit, ita nunc quoq; felix erit, tuamq; mihi hoc modo benevolentiam denuo conciliabit, quis me erit beatior? quis ipso deniq; in animis hominum conglutinandis fortunatior? Ego certè Mureti notitiam & benevolentiam omnibus Cræsi thesauris longè anteposuerò. Vale ROSTOCHIO. Kal. April. anno M. D. LXX.

M. ANTONIUS MURETUS AGA-  
PITO GIDETO SVO S.P.D.

L I.

**V**Erees, quid diceris: neq; quàm tu, ἀγαπᾷς  
quisquam. Itaq; nihil mihi longius videtur,  
quàm

quàm dum Romam redeam, te ut videam: tecum quoti-  
dientum: tibi, vel proxi-  
mo re aliqua, vel certè prodesse  
coner: ut voluntatem erga te meam vel declarare re-  
ipsa, vel tibi, saltem conatu probem: quorum hoc, si me  
tantum respiciam, satis est: illud, quia te ex animo amo,  
multo optabilius mihi videtur. Et quanquam nihil mi-  
hi jucundius est, quam abs te quàm maximè amarista-  
men, ita mihi eveniunt quæ volo, ut, si mihi detur o-  
ptio, malim justam tibi causam esse, cur me ames, quàm  
abs te sine ulla justa causa amari. Agam causam me-  
am. Debes & tu talem amicum magnificare, qui nihil  
à te aliud expetens, eò te tantum amat, quia dignum  
judicat, quia amaris. Quod M. Antonium Bizonum po-  
tissimè delegisti, ad quem irares, qui te crederes, cui te  
in disciplinam dares, vehementer te, mi Agapete, lau-  
do. & ut eum afficeris, ex ejus ore pendeas, ejus do-  
ctrinam avidè me comibbas suadeo. Spero me istuc fo-  
re. Et ceteras Septembres; & ut sim, operam da-  
bo: eò magis, quia te videre discupio. De Maeciano  
meo, qui mihi perpetuò ante oculos obversatur, quæso,  
Agapete mi, si quid habes, quod me exhilararet, scribe.  
Vere ipse mihi non videor, donec vitam ipsius in tuto  
esse cognovero. Nolito agrè ferre quod dicam. Illum  
unum plus amo, quàm te: & ne hoc tibi durum videat-  
ur, te à me proximum habeo; illum aequè amo ac me-  
metipsum. Vale TIBURE. 3. Non. Augusti.  
M. D. LXXVII.

E I D E M.

LII.

**V**ix ausus essem à te postulare, ut ad me Latine  
scriberes: veritus ne id tibi cupidò difficile vide-  
retur. Quo mihi gratiores fuerunt ea literæ, quas à  
te

te Latine scriptas nuper accepi: non illæ quidem cunctis  
ex parte emendatæ, multò tamen nitidiores & cultio-  
res quam credidissim. Itaq; bene te sperare jubeo, neq;  
dubitare, quin aliquando, duce me, aliquam sis hujus  
quoq; generis facultatem consecuturus. Advenis huc  
tutus quàm mihi optatus ac jucundus futurus fuerit,  
nihil necesse est affirmari. Satis enim, ut opinor, nôsti  
magnitudinem amoris erga te mei, sed ita multis hic  
adolescentes, qui Roma venerunt, ægrotare video, ut  
veritus sim, ne quid tibi ista hoc tempore cœli commu-  
tatio periculi adferret. Ego ante nonum Kal. Septemb.  
spero fore ut nonnihil remittant calores. tunc igitur, si  
Deus volet, excurram istuc, cupidus videndi tui: teq;  
statim accersi jubebo. Non habeo nunc ad manum su-  
periores illas tuas, in quibus nescio quid quærebas de  
dominio directo & utili, cujus tamen totius quæstia-  
nis molestia facile liberare ipse te potes. Di. minimum  
enim directum & utile, nusquam à jurisconsultis, nus-  
quam ab Imperatoribus nominantur, sed commenta  
ac somnia sunt eorum, qui obscurando & ineptiis suis  
contaminando jure civili, sibi se acuminis. & eruditio-  
nis laudem quæsituros putârunt: Quod usu capitur sit  
plenus iure ejus qui usucepit. Qui tamen se postea id  
pro derelicto habeat, æquius est rem redire ad vete-  
rem dominum, si eam forte recuperare studeat, quàm  
adjudicari ei qui neq; usucepit, & sine titulo possidet.  
Datur igitur vindicatio veteri domino adversus eos  
qui pro possessoribus, ut dicitur, possident: æquitate  
quadam: qua fingit lex, eam rem nunquam usucaptam  
fuisse. Nam cum is qui usuceperat, jure illo sibi quæ-  
sito uti velle desierit, prope pro eo est, ac si usucapta  
non esset. Erat & aliud quiddam in iisdem literis, de  
quo quærebas: sed nunc non recorder. Hujus generis  
lite-



literas, in quibus aliquid est, quod ad studia tua pertineat, & ego libentius scribam, & tu majore cum fructu leges. Heliconio, Antonio, fratribus tuis salutem. De Mattheo vehementer doleo, sed gratum est quod scribis, spem esse, eam, sine ope pratoris, in integram restitutum iri. Horatio audio meliusculè factum esse, quod quàm mihi jucundum sit, ipse scis. Vale Agapete mi, meq; ama, ut facis. TIBURI. 7. Idus Augusti. M.D. LXXVII.

CONSTANTIUS BARGELLINUS  
EPISCOPUS REATINUS M. AN-  
tonio Mureto S. P. D.

LIII.

**A**fficior letitia incredibili, quod ut ex literis tuis accuratissime scriptis intellexi, à nonnullis Lutatiae impressoribus urgeris, ut Epistolas tuas mittas, quas praelo subjiciant. Auguror enim ex eo, bonarum literarum studiosos multum voluptatis, plurimum etiam utilitatis ad Latinam eloquentiam vel comparandam, vel augendam percepturos. Equidem etsi fateor in his politioribus literis, quæ ab humanitate nomen acceperunt, me nuperrimè non esse versatum, gravissimis occupationibus abductum: Sed tamen, ut sententiam meam dicam, necesse est. Nihil epistolis tuis elegantius, nihil eruditius, nihil uberius fieri posse existimo, nihil, quod ad illam Ciceronis majestatem propius accedat. Atq; id antea testatum apud animum tuum reliquisssem, nisi me recundia mea à rei perspicua testimonio non necessario revocasset, nunc, quando te amicis tua scripta flagitantibus invitum gratificari intellexi, audacie notam subire malui, quàm in bonum publi-

publicum inefficacius judicari. Illa etiam non levis conjectura ad id me valde impulit: his enim diebus, cum schedas aliquot, quibus olim in arena mea uti consueveram, evolverem, nihil tale opinanti epistola tua in manus venit, quæ me, quod amantissimè, & disertissimè loqueretur, mirificè delectavit. Itaq; cum eam ipsam vesperi inter alia scripta, quæ forent magis in promptu, retulissem, postridie mane ecce tuæ litera, quibus epistolam postulabas; sic admirantem ea cogitatio me excepit, ut illam exstaret Deus sine dubio velit. Ejus igitur exemplum mitto, teq; hortor, aut si pateris, rogo ac flagito, ut negotium conficias, nève in aliud tempus rejicias. Quid scire cupis, an æquo animo laturus sim, si quæ à me scriptæ sunt litera, unà cum tuis emittantur, vereor, mi Murete, ne quod ajunt *καλὸς ἐν ὁμοίῳ*. Ego profectò non tam tuas admirari, quàm meas improbare soleo; tamen ubi quòve pacto amicos sub tuo nomine cobonestare possis; tui consilii est, nec est cur aliorum sententiam exquiras. Quod si tibi statutum est, ut illa horridula mea litera exeant, impones extremam manum. Sunt enim indiligenter scriptæ; quod res ipsa declarat, nec earum editio- num aut probarem, aut paterer, nisi ut nostra amicitia, in quo minimum mihi ornamenti pono, omnibus esset nota, vehementer desiderarem. Vale mi Murete, & de bonis literis optimè mereri, quando id vel uni tibi maxime licet, ne desistas, ac BARGELLINO tuo ad omnia utere.

E I D E M.

LIV.

**I**Ta diu jucundissimè vivam, mi MURETE, ut al- lato nuncio de tua valetudine, quæ te in vitæ pericu- lum vocaret, acerbam mihi vitam putabam. Equidem

ita

ita fui commotus, ut magis fortassis nemo, cuius prae-  
cipuum aliquod bonum repente in discrimen esset ad-  
ductum. Incredibilis est enim amor in te meus. Nihil  
eum extrinsecus accedens, nihil adventitium peperit,  
sed virtus, quæ est ipsa per se amabilis, cuiusq; omnia  
in te elucent ornamenta, & animi inductio cum perpe-  
tuo quodam iudicio meo conciliavit. Postea verò,  
quum te morbo levatum esse cognovi, difficile dictu est,  
quanto gaudio penè exilaverim. Ex diuturna enim a-  
nimi perturbatione ad aspiciendâ lucem nunc primum  
mibi videor esse revocatus. Qua quidem de re tibi  
magnoperè gratulor, etsi nostra certè gratulatio o-  
mnibus qui modò sint & virtutis amantes, & huma-  
nitatis pietatisq; non expertes, jure debet esse commu-  
nis. Etenim quis te non amet, tanta probitate, virtu-  
te, humanitate, tam deniq; excellenti eruditione, atq;  
industria virum? cui salus tua æquè exoptanda non  
sit, ac sua? Eum profectò ferreum, & ab omni huma-  
nitate alienum esse dicam, nihil perspectæ, spectatæq;  
virtuti, nihil illustri gravissimî viri gloriæ dare haud  
temerè affirmàrim, qui Muretum omni liberali doctri-  
na politissimum diutissimè vivere non modo non expe-  
tat, sed ab immortalî Deo precibus ac votis non con-  
tendat. Maximam ex eo capio voluptatem, gaudeo  
triumpho. Iam, ut spero, ( id quod Deo optimo maxi-  
mo acceptum referendum est ) poteris Musis tuis ope-  
ram reddere: cum quibus quoq; præclarè actum pu-  
tem, cum omnes delicias, amores, omnia deniq; orna-  
menta, te incolumi recuperârint; in omnibus caritu-  
ræ, si te, quod Deus omen avertat, patronum, te ducem,  
infelici ipsarum fato mibi vis eripuisset. Quocirca mi-  
hi gratissimum feceris, si illis incolumitatem tuam meo  
nomine fueris gratulatus, atq; in earum clientelam me  
quàm

quàm  
tibi no  
quâ  
tibi m  
ri trib  
bit eti  
qua et  
tamen  
quâm  
si per t  
volunt  
comple  
di, dili  
utilitat  
guover  
M. D.

M. A  
STA

N  
Et tamen  
cundiss  
vehement  
mea nunc  
quam ab  
non potu  
liis pluri  
esses, nih  
optabili  
da esse no

quàm diligentissimè commiseris. Hæc hællennus, mitto  
tibi nonnullas radículas ex melle confectas conduasq̃,  
quales fert hæc regio. Exiguum, inquis, munus. At  
tibi maximè consentaneum; e cuius lingua, quod Nesto-  
ri tribuit Homerus, melle dālcior fluit oratio. Habe-  
bit etiam meæ erga te benevolentia significationem, de  
qua etsi te pro tua humanitate non dubitare video, eam  
tamen & omnibus cognitam esse, & studiis, efficiisq̃  
quàm plurimis colere, & confirmare desidero. Quid  
si per tenuitatem meam assequi non potero, certè hanc  
voluntatis meæ propensionem liberalissime, uti soles,  
complere. Inservi valetudini: huic quantum stu-  
dii, diligentiaq̃ adhibueris, tantum te mihi, publicæq̃  
utilitati, cui consulere gloriosum est, elargitum esse co-  
gnovero. REATE ex adibus nostris. Non. Febr.  
M. D. LXXVI.

M. ANTONIUS MURETUS CON-  
STANTINO BARGELLINO EPISCO-  
PO Reatino. S. P. D.

## L V.

**N**unquam putâssem fore, non modò ut ex tuo, sed ut  
ex cuiusquam dolore voluptatem capere possem.  
Et tamen, si vera dicenda sunt, fatear, necesse est, ju-  
cundissimum mihi fuisse, quod ex literis tuis intellexi,  
vehementer doluisse te, cum primùm de in valetudine  
mea nuntius istuc allatus est. Dolor enim ille aliunde  
quam ab eximio quodam amore erga me tuo, proficisci  
non potuit; & mihi, ex quo te primùm vidi, atq̃ ex a-  
liis plurimis audi vi, quâ tu eruditione ac virtute vir  
esses, nihil optatius fuit, quàm ut abs te amarer. Iam  
optabilium rerum signa atq̃ argumenta cuncta iucun-  
da esse notum est. Incredibiliter igitur gavisus sum,  
Z Bar-



Bargelline vir præstantissime, tanti me à te fieri, ut & mirificum dolorem senseris, cum me graviter egrotare audivisti & exhilaratus sis, simul atq; DEI beneficio, morbum depulsum esse cognosti. Quanquam ego ipse nondum satis constituui, utrum mihi satius fuerit, ex hujus vite miseriis quam primum eripi, an diutius hic manere. Certè enim, cum omnes summo consensu Medici diliterent, nullam propè amplius reliquam esse spem evadendi; ita me compararam, atq; ita animum composueram, ut neq; angerer neq; timerer mortis, ut putabatur, imminenti metu: neq; quidquam aliud à Deo peterem, quàm ut mecum misericorditer ageret; <sup>+ In purgato</sup> rondonaret errata antea vite; neq; pateretur me in illa separatione animi à corpore, aut diutius, aut vehementius torqueri, quàm vires mee ferre possent. Hoc ego tum unum agitabam animo; hoc ex animo precabar; hoc ceteros quoq; qui mihi assidebant, ut à Deo mihi impetrare conarentur, obsecrabam. Spero tamen, relictum esse me à Deo in hac vita, ut maculas superiori <sup>\*</sup> atate contractas, lachrymis deleam: tandemq; missis & abjectis vitiorum illecebris, saltem jam senex eam vivendi rationem capebam, quam tenere à principio debuissim. Atq; à te, vir clarissime, etiam atq; etiam peto, ut me ad hoc animi mei propositum persequendum, ut exemplo incitas, ita & monitis ac præceptis & fufis pro me ad Deum precibus adjuvare digneris. Lucundissimum mihi fuit munus tuum. Nam radiculæ illæ non tantum palato sæves sunt, sed etiam ad valetudinem meam valde accommodatæ. Mitto ad te, ut te pro opibus remunerer, librum unum orationum mearum, & poemata quadam, quæ spero te libenter lecturum esse, non quòd valde bona sint, sed quòd mea. A te peto, uti me amare pergas: tibiq; pro certo persvadeas te à me

ita

ita observari, ac coli, ut paucos admodum habeas tui, quàm ego sum studiosiores. Vale, ROMÆ. 14. Kal. Mart. M.D.LXXVI.

CONSTANTINUS BARGELLINUS  
EPISCOPUS REATINUS M. AN-  
tonio Mureto S. P. D.

## LVI.

**A** Mavite semper, mi MURETE, ex quo primùm die cognitus es mihi, cùm te nunquam antea vidissem, commotus fama laudum tuarum, postea verò quàm te de superiori loco docentem audiri, ita tui studio sum incensus, ut nullam amoris accessionem fieri posse putarem. Acceptis tuis literis 14. Kalend. Mart. datis, (fatear necesse est) ad summum amorem tantus cumulus accessit, quod fieri jam non posse arbitrabar, ut nunc denique videar amare, antea dilexisse. Nam sic omni observantia insignes doctrina, & gravitate viros colere debemus, quanti fieri à meipso debes, qui omni liberali doctrina u sis excultus, ut habeas paucos admodum pares, superiorem verò neminem, cùm hæc ipsa sint tibi cum tanta Christiana pietate conjuncta? In qua quidem nemo sapiens veras virtutes omnes inesse negabit, quibus nobis ipsi felicitatem comparamus: hanc unam laudo, & admiror, & ante omnia expetendam esse censeo: hanc non modò Crassi divitiis, sed omnibus etiam animi ornamentis, quæ humanis viribus pateant, antepono, hæc ipsa te olim mihi charissimum, longè jam chariorem reddidit. Hinc illa tua in periculosissimo morbo fiducia modò concepta, non angebaris, non terrebaris mortis imminentiæ metu, sed ad Deum optimum maximum toto animo

Z 2      impe.

impetu ferebaris, sperans fore, ut ejus beneficio post  
 has arumnas & calamitates, tandem beatiorē vi-  
 tam consequi posses. Hi sunt nimirum animi fructus,  
 nullius culpæ, quæ Dei Gratiā discutiat, sibi consciī:  
 qui cū à corpore separabitur, licet sit periculū, ac ter-  
 roribus undiq; circumfusus, nihil tamen benefactorum  
 conscientia fretus, timendum arbitretur. Hoc oro, non  
 modò ut utriq; nostrū, sed cunctis salutarī renatis a-  
 qua contingat. Quod autem dubitas utrum satius tibi  
 fuerit, ex huius vitæ miseriis quam primū eripi, an  
 diutius hīc manere, id, etsi est ejusmodi, ut non facili  
 explicari possit; tamen est; quod Deo immortalī grati-  
 as agamus incredibiles, qui tibi vitam, optabile suapte  
 natura donum, prorogavit, bonarum artium cultori-  
 bus consuluerit, teq; sine dubio ad majorem laborum  
 tuorum mercedem reservavit. Præclara enim ista tua  
 à Deo accepta dona, si intelliges, te ea conditione acce-  
 pisse, ut, cū ea ad communem utilitatem contuleris,  
 reddere cum sœnore debeas, quis dubitet uberiora ac  
 præstantiora præmia tibi parata fore? Quare te hor-  
 tor, ac si æquum est, rogo, ut habeas rationem valetu-  
 dinis paulò diligentius, teq; in dies magis magisq; con-  
 firmes, sentiasq; in eo verti communem causam, quam  
 quidem, ut arbitror, nemo unquam, q; i sapiens, non  
 privatis commodis anteposuit. Ego verò etsi me exi-  
 guis emendò meritis adjectum esse probe novi; tamen à  
 Deo summo perē contendam, ut te incolumen diu ser-  
 vet in vita, atq; ad eorum numerum adscribat, quos an-  
 tequam orbis conderetur, elegit. In quo quidem si  
 minus grata potero, gaudebo me tamen pietati, ami-  
 cūq; debitum officium præstitisse. Venio ad Ora-  
 tionum ac Poëmatum tuorum librum, quem sanè  
 legi libentissimè. Orationes habite de Philosophia

me delectarunt, quantum vix credas: omnes verò ea eloquentia, ac doctrina conscriptas esse video, ut, quemadmodum mea fert opinio, quam tamen ab amore filii non credim, summa vigeat eloquentia præstanti cum eruditione coniuncta. Non verborum elegantiam aut splendorem, non sententiarum gravitatem desideres. Quid est vel antiquitatis, vel historiæ, vel exemplorum, quod non ita proferas, ut nihil ignorare videaris? Sed mirari satis non possum quàm venustè, quantaq; cum dignitate Theologiae locis eas perspergere consueris; ita fit, ut & summum Oratorem expriment, omniq; scientiarum genere perpolitum radoleant. Quas equidem, dum lego, etsi ædavi sunt, crebrò tamen aures meæ præclara illa voce tua, qua prælegens in publicis Gymnasiis ateris, personare videntur. Poëmata mirum in modum me ceperunt. Quid enim vel à diuturno studio, vel à divite vena proficisci potest, quod non fueris consecutus? & quidem tùm illa profunt, tùm magnoperè delectant. Crebræ sunt, & acutæ sententiæ; miros pietatis igniculos excitant; stylus quoq; ita rei consentaneus, ut facile quivis intelligat te parem, eandemq; in utroq; genere laudem assecutum. Quamobrem tibi tùm plurimum debeo, tùm verò quibus verbis gratias agam, non reperio. Sed cave, suspiceris me hoc auribus tuis dare. Nam et se mirifice amicos colo; plus tamen veritati tribuo. Quod enim ita sentio, idcirco meam de tuis sententiam aperire non dubitavi. Utinam aliquid esset in me ingenii, ut laudes tuas non detererem, sed augerem. Scio id à modestia tua minime postulari; malui tamen iudicium periclitari meum dicendo quàm silentio rem non sine suspitione improbitatis præterire. Da operam, ut veles, atq; me ipsum unà cum universa familia mea ad omnia



tua paratissimum esse confidas. REATE. 6. Idus  
April. M. D. LXVI.

## AD M. ANT. MURETUM

LXVII.

**O** Qui flos hominum politiorum es,  
Quot sunt, quotquot erunt, quot aut fuerunt,  
Doctrinae decus elegantioris,  
Lumen Italiae, MURETE, salve,  
Salve, & has aliquid puta esse nugas,  
Quas mittit tibi maximo Poëta,  
Longè pessimus omnium Poëta.  
Sic calvus tenero ausus est Casullo,  
Saturnalibus optimo dierum,  
Dono mittere pessimos Poëtas,  
Quis is continuo die perires.  
At tu, ni caveas, MURETE, nugas  
Istis, tam illepidis & invenustis,  
Plenis ruris & inficetiis,  
Non dies aliquot velut Catullus,  
Sed totum malè nausebis annum.

Justus Lipsius.

M. ANTONIUS MURETUS ALEX-  
ANDRO RIPARIO SUO S. P. D.

LIX.

**D**ulces literæ tuæ, ut omnia quæ à te proficiscun-  
tur: etsi in eis multa peccaveras. Sed ut filioli  
palbutescentes libenter audiuntur à patribus, suntq; eo-  
rum etiam ipsi errores voluptati; sic mihi ista tua in  
literis infantia jucundissima est. Eas ipsas ad te re-  
mitto

mitto  
venisse  
seque  
cura fo  
gnâ do  
citavi  
studio  
M. D.

**N**E  
L  
gentian  
cipies  
stior  
modum  
sponsur  
quod &  
rebus n  
patietu  
dias, fr  
te, ac c  
cogites  
autem i  
sine mag  
taum, c  
idem, qu  
volo: ea  
Vale, mi  
ITIBUR  
se flume  
de te quo  
oportet.  
mitto  
dum sit.

mitto mea manu emendatas. Scis enim ita inter nos con-  
venisse. Tu, mi Alexander dulcissime & suavissime,  
sequere magno animo eam viam, ad quam & tua te na-  
tura ferit, & ego tibi hortator atq; impulsor fui. Ma-  
gnâ de te spem meo testimonio apud parentes tuos con-  
citavi: quæ ne & eos & me fallat, omni tibi cura ac  
studio providendum est. Vale, Noniâ Julii. TIBURE.  
M. D. LXX.

## E I D E M.

## LIX.

**N**E priores literæ tuæ ad te pervenirent, CARO-  
L I incuria factum erat; cujus tu quoq; negli-  
gentiam nôsti. Nunc unâ cum his meis utraq; tuas as-  
cipies: simulq; hoc intelliges, quod tibi gratuleris; po-  
steriores multò meliores esse prioribus: ut, si ad istum  
modum pergas; magna mihi spes sit, te præclare re-  
sponsurum expectationi meæ. Vide igitur, si me amas,  
quod & facis, & facere certè debes, ut omnibus aliis  
rebus neglectis: quantum quidem valetudinis ratio  
patietur, urgeas studia tua: multa legas, multa au-  
dias, frequenter cum iis versere, quorum familiarita-  
te, ac consuetudine melior, ac doctior fieri potes. Fac  
cogites gravissimam esse jacturam temporis: præcipuè  
autem ista ætate, qua tu nunc es, hora nulla tibi perire  
sine magno dispendio potest. Saluta mihi præceptorem  
tuum, cui meas ad te literas ostendas licet: Eas qui-  
dem, quas tu ad me missurus es, nemini prorsus ostendi  
volo: eas enim mihi gratiores faciunt ipsi errores tui.  
Vale, mi dulcissime Alexander. s. Id. Junii, M. D. LXX.  
TIBURE. Oblitus eram scribere, heri in mensa in-  
iectum esse sermonem de Comædia: qua occasione multa  
de te quoq; dicta sunt. Valde tibi tunc aures tinnivisse  
oportet. Omnino spero fore, ut huc tibi ad me venien-  
dum sit.

## E I D E M.

## L X.

**P**erge, ut facis, mi ALEXANDER, amare literas, eis te oblectare, in eis omnia & seria & joca tua collocare. Non magnus labor, magno tibi olim honori futurus est. Ista via, quam tu nunc ingrederis, multi humili & obscuro loco orti ad amplissimas dignitates pervenerunt. Atque etiam si nulla ejusmodi præmia literis proposita essent; ipsa tamen doctrina amanda est per se: neque quidquam in homine ingenuo turpius est ignorance earum rerum, quarum scientia sine literis comparari non potest. Voluptas, quæ ex turpibus capitur, celeriter transit; dolorem autem in animo diuturnum relinquit: at labor in rebus honestis collocatus, ipse quidem effugit; memoriam autem sui in animo relinquit plenam honestissimæ & solidissimæ voluptatis. Hæc cogita & vale. Postrid. Id. Iul. TIBURE.

## E I D E M.

## L X I.

**E**t si nihil erat, quod scriberem, ac præterea mirum me quoddam scribendi odium tenebat: nolui tamen verberonem hunc meum sine meis ad te literis istuc venire. Amo te quotidie magis, quod à te literarum studia eodem modo amari confido. Sed velim ad me diligenter scribas, quo te nunc scriptore oblectes, Cicerone, an Terentio, an quod malim utroque? Dare etiam operam debes, ut in iis quæ ad me scribes, iis loquendi generibus utare, quæ in illorum scriptis notaveris; ut ea ipsa res fidem mihi faciat diligentiae in eis legendis tuæ. Vale, TIBURE. s. Kalend. August. M. D. LXX.

E I

## E I D E M.

## LXII.

**N**emo est omnium ad quem libentius quàm ad te scribam. Sum, enim animo ac voluntate erga te planè paterna. Sed vix credas, quam sim in hoc secessu occupatus; quem tamen plerique omnes esse plenum otii putant, & quotidie quinas aut senas ab amicis literas accipio, ad quas, si respondere omnes velim, nil aliud agendum sit. Gratum est mihi, quod applicuisti te ad consuetudinem P. Æmilii, & Horatii Macarani. Eorum enim uterque te & doctrina, & exemplo efficere meliorem potest. Tales sectare: qui autem alio ingenio sunt, eorum consuetudinem quasi pestem aliquam vitæ. Ætati tuæ nihil diligentius providendum est, quàm quibus scidalitatibus utare. Neque ego severum esse te ac tetricum, omni generi voluptatum inimicum volo. Hoc tantum moneo, non eas amicitias querendas, quæ dulcissimæ videantur, sed inducendum animum, ut quæ honestissimæ sunt, easdem etiam dulcissimas esse ac suavissimas putes. Mi Alexander, etiam atque etiam vale. TIBURÆ, 5. Id. August. M. D. LXX.

## E I D E M.

## LXIII.

**V**ide, quàm te amem, cum à multis hodie literas acceperim, nihil mihi prius faciendum esse duxi, quàm ut ad te potissimum rescriberem, cave, putes Alexander mi, ipsi te patri tuo chariorem esse quàm mihi. Ac si quæras, quæ causa sit hujus erga te tanti amoris mei, ne vivam, si aliam adferre possum, quàm quod videor mihi animadvertisse in te ingenium excellens, & si



tu volueris, ad omnia summa natum. Sed tu hoc facito, tecum cogites: multas res esse suapte quidem natura bonas; sed quæ culpa eorum, qui illas possident, interdum pessimæ ac perniciosissimæ fiant. Bonæ sunt opes, sed si quis non rectè utatur, malæ. Bonum forma: Sed id bonum multis exitio fuit. Ex eodem genere est ingenium, si rectè utaris: nullum propè hominum generi dari potest majus aut præstabilius donum. Sed si ad bonum ingenium mala mens accesserit, itidem erit, ut gladius in manu furiosi. Quò erit melior & ascuratior, eò plus adferat mali. Ego autem te, Alexander, amo nunc, quia ingenio bonus es; amare desinam, si tu bono ingenio malè uti cæperis. Sed id spero non fore, teq. bono ingenio bonè usurum esse confido, vel tuapte sponte, vel quia videris mihi valde amare amorem erga te meum quem tueri ac conservare alia ratione nulla potes. Vale, & si me amas, virtutem ac literas ama. Nulla in humanis rebus majora sunt. Iterum vale. TIBURE, 8. Kalend. Septembr. M. D. LXX.

E I D E M.

LXIV.

**A**ccepi ternas tuas literas; in postremis autem quædam erant ita negligenter scripta, ut facile constaret, aliud egisse te, cum illa scriberes. Ostendam ea tibi, cum istuc venero, & auriculam percellam tibi; ut postea in scribendo attentior sis, & saltem eos solacissimos effugas, quos effugerent etiam pueruli, qui primis literis imbuuntur. Noli tamen ex hac mea admonitione molestiam ullam capere. Non enim propterea volo quidquam de tua hilaritate detrahi, sed ad diligentiam addi. Vale, TIBURE, 9. Kal. Octobr. M. D. LXX.

E I.

## E I D E M.

## LXV.

**V**ersiculi, quos ad me misisti, ostendunt illi quidem, te, si ad Poëticam ingenium tuum contulisses, & bonos magistros nactus, in eo studio perstitisses, ad aliquam præstantiam pervenire potuisse. Nam & numerosi sunt, & sententias habent, neque inconcinneas, neque ineleganter collocatas: & ipsum dicendi genus non abhorret à recto. Planeque sperare posses, te aliquando bonum Poëtam fore, si hoc agere velles. Sed majora tibi proposita sunt, quæ, quantum potes, urgeas, censeo, & subsicivis horis veterum Poëtarum scripta manibus teras, non tam ut imiteris, quam ut eis te oblectes; simulque aliquid ex eis assidue, quod tibi usui sit, colligas. In scribendis versibus tempus à te collocari, verum ut fateor, nolim. Malos versus facere, turpe est: mediocres, inglorium: bonos difficilium quam & præstari possit ab eis, quibus aliud agendum est. Quid in tuis lima egeat, præsens præsentem monere possem: per literas non æquè facile possum. Recteque ac verè mihi videtur Ovidius dixisse, emendandi laborem majorem esse quam scribendi. Mihi hoc credas, velim: me hodie non difficilium ad saltandum, quam ad faciendos versus adduci posse. Si quid erit serium, in quo meam operam desideres, non deero: in his levioribus, si quando de me cogitabis, peto à te, illud quoque cogites, non multò juniorem esse me, quam erat Horatius, cum illa de se scriberet.

Nunc itaque & versus, & cætera ludicra pono. Vale,  
ROMÆ, Id. Febr. M. D. LXVIII.

M. AN-

M. ANTONIUS MURETUS PAVLO  
SACRATO suo S. P. D.

## LXVI.

**T**Andem ad te remitto Epistolas tuas: neque enim per assiduas occupationes, & per molestissimum oculorum dolorem, quo dies aliquot laboravi, citius licuit. Eæ si conquerebantur se à me paulo severius acceptas esse: recordari debebis, hoc ipsum à te mihi mandatum esse: ut si mollius ac levius eas tractare voluissem, verendum mihi fuerit, ne tibi non satis obsequens viderer. Sed de his satis. Nunc exponam tibi totum illud negotium Polonicum: quando literæ, quas ad te, re adhuc recenti, scripseram, perierunt. Stephanus Poloniae Rex, qui & aliis regibus virtutibus ornatissimus est, & hoc supra cæteros omnes Reges, qui multis abhinc seculis vixerunt, eximiam habet, quod & amat unice homines eruditos, & ipse omni elegantis doctrinae genere mirifice excultus est, miserat in Italiam unum e domesticis suis, qui quasi delectum quendam haberet præstantium doctrinâ virorum, eosque optimis admodum propositis conditionibus, in Poloniam invitaret, ad Academiam novam, quam Rex Cracoviæ instituere parabat. In mandatis autem regibus, quod ad alios quidem attinet, facta erat potestas ei, qui hâc venerat, optimum quemque & in docendo exercitatissimum deligendi: de tribus nominatim perscriptum erat: de me, de Carolo Sigonio, & Fulvio Ursino. At mihi merces proposita mille quingenti quotannis aurei nummi. Addebat Rex, si sacris initiari vellem (nondum enim sciebat me Sacerdotem esse) perfecturum se, quod mihi magis liberet manere in Polonia, ut intra breve tempus honesto aliquo Sacerdotio, ex quo non minus quingentos annos aureos nummos

cape-

caperem, cohonestarer. Ea de re unus è primoribus il-  
 lius regni, Johannes Zamoscius, qui nunc magnus re-  
 gni Cancellarius est, literas ad me peramanter perque  
 honorificè scriptas dedit. Commotus sum non tam ipsius  
 præmi magnitudine (etsi his quidem temporibus inu-  
 sitata) quàm tanti regis tam propensa ac benefica erga  
 homines literarum studiis deditos voluntate. Neque me  
 commonebat itineris difficultas: qui exploratum habe-  
 rem, cum lectica, unà cum filiolo fratris mei, puero sex  
 annos nato, quem mecum illuc ducere cogitabam, ad fa-  
 num Lauretanum (eo enim, religionis ac pietatis causa,  
 iter facere decreveram) gestatus essem; posse me visio  
 Cracoviam usque commodissimè vehi. Et jam convenie-  
 rat, ut mihi REGIS nomine ad iter conficiendum daren-  
 tur trecenti aurei nummi, ad quos ego ducentos de meo  
 præterea addere cogitabam. Jam mihi illud sanctitatis  
 & doctrinæ specimen STANISLAUS Cardinalis Var-  
 miensis gratuitam habitationem in palatio, quod Cra-  
 coviæ habet, amplissimum offerebat. Multa à summis  
 viris literæ commendatitiæ in Germaniam & in Polo-  
 niam promissæ erant: ut cum eò venissem, nunquam fe-  
 re in diversa publica ingredi necesse haberem. Neg-  
 verebar illam, quæ in Polonia esse dicitur, inclemen-  
 tiam cæli asperitatemque frigoris. Sciebam illa cuncta re  
 multò minora esse quàm famâ: & altoqui sum ipse quo-  
 que natus in parte Gallie maximè montosa ac frigida.  
 Quod autem, quidam qui deterrere me cuperent, cla-  
 mabant, gentes illas feras ac barbaras esse; interdum  
 mihi risum, interdum stomachum movebant. Magna  
 mihi, Sacrate, cum multis Germanis, magna cum per-  
 multis Polonis familiaritas, magnus usus, magna ne-  
 cessitudo fuit. Semper eos experiri sum bene viros;  
 rectos, simplices, aperiros, humanissimos præterea, &  
 pro-



propè omnes eo vitæ cultu, ac munditia, quæ ad elegantiam potius quàm ad ullam barbariem accederet. Nugæ istæ sunt hominum, eos qui adulari, & fallere, & aliud loqui, aliud cogitare nesciunt, barbaros vocantium. Utinam nos eo modo barbari effemus. Utri verò barbariores sunt: nati in media Italia, quorum vix centesimæ quemq; reperiās, qui Latine aut Græcè loqui sciat, aut literas amet: an Germani, ac Poloni, quorum permulti, & earum linguarum utramq; perfectissimè callent, & ita literas ac liberales disciplinas amant, ut in eis tempus omne consumant? Olim illi fortassis, asperi ac barbari fuerunt: hoc quidem seculo, vereor ne ad nos barbaries, ad illos cultus & splendor vitæ, & eruditio atq; humanitas, mutatis sedibus commigrarint. Itaque ut verum tibi fatear, libentissimè eò commeāssem, si nihil obstuisset. Quicquid enim commodi mei causa ab eis petebam, id omnes prolixè ac copiosè offerebant: ut jam constaret inter nos, sine ullo negotio conventuram esse. Quid quæris? Fidem eis dederam venturum esse me, si per summum Pontificem, cui servio, & per Cardinalem Estensem, cuius in clientela ac familia sum, liceret: alioqui enim non posse me, nisi eorum permissu, de me ipso quidquam tale polliceri. Putabam autem, neutrum eorum hoc iniquo animo laturum: cum Cardinalis quidem gratis me alat. Nullam enim ad rem, mea opera utitur: summus autem Pontifex ingentem copiam habiturus esset eruditissimorum hominum, qui se in locum meum substitui postularent. Contra tamen accidit, quàm putaram: Etenim cum rumor de meo discessu tota iam Urbe pervulgatus esset, Conservatores populi Romani (is summus Magistratus est eorum qui hodie populi suffragis deferuntur) ad Pontificem accedunt, cum præsentibus etiam adessent ii ex Cardinalibus, quibus studiorum

cura

cura  
ees p  
qua  
audi  
turi  
cum  
tore  
tione  
cura  
zere  
quid  
rificu  
carer  
à tali  
me m  
gento  
pieba  
dem  
rius  
lari R  
ut scis  
mand  
assign  
Itaq; h  
de me  
tes for  
numm  
diti, an  
to m  
Paren  
non sat  
ffus  
egeris  
LXXX

cura commissæ est, remq; ei exponunt: atq; ab eo suppli-  
ces petunt, ne me abire patiatur: addunt multa de me,  
quæ malo te ex aliis cognoscere. Pontifex benignè eos  
audit: bono animo esse jubet, se, quod opus foret, impera-  
turum esse confirmat. Paucis post diebus, per Ludovi-  
cum Castaneum Rupipozeum Christianissimi Regis Ora-  
torem, virum & claritate generis, & virtute, & erudi-  
tione præstantem, jubet mihi denuntiari ne abeam: sibi  
curæ fore, ne me, quod auctoritati suæ paruissem, pæni-  
teret. Respondi, nullam pecuniam mihi esse tanti, ut mihi  
quidquam placeret, quod Pontifici displiceret: & hono-  
rificum quidem mihi visum esse, quod à tanto Rege vo-  
carer: sed multò honorificentius, quod & à Pontifice &  
à tali Pontifice reimerer. Pontifex postea epistolam ad  
me misit amantissime scriptam, qua ad stipendium quin-  
gentorum nummorum aureorum, quod jampridem ca-  
piebam, significabat se ducentos præterea addidisse. Eo-  
dem tempore Matthæus Contarellus Pontificis Data-  
rius vir & eximia quadam integritate vitæ, & singu-  
lari Romanarum rerum intelligentia insignis, & mei,  
ut scis, amantissimus, certiore me fecit, sibi à Pontifice  
mandatum esse, ut mihi quamprimum attribueret &  
assignaret annuam trecentorum aureorum pensionem.  
Itaq; Rex tam longinquus effecit testimonio & judicio  
de me suo, ut sanctissimi Pontificis liberalitate ad vete-  
res fortunulas meas accesserint annui quingenti aurei  
nummi. Sed & Cardinalis Estensis, simul atq; istinc re-  
diit, amplo me atq; honorifico munere donavit: quod ego  
eò magis prædicare gestio, quod ipse tacere me iussit.  
Parendum tamen est, ne dum gratus haberi volo, me illi  
non satis morigerum præbeam. Sed & ego scribendo de-  
fessus sum: & te suspicor, cum hac tam verbosè scripta  
legeris, fessum fore. Vale, ROMÆ, prid. Kal. Maij. M.D.  
LXXVII.

M. A. N.

M. ANTONIUS MURETUS JACOBO  
CUIACIO J. C. S. P. D.

LXVII.

**B**lennium jam est, & eo amplius, Cujaci V. C. càm  
Lælius Ubaldinus & Octavius Bandinus summo  
genere nati adolescentes, in Galliam se, studiorum caus-  
sa, auctore potissimum atq; impulsore me contulerunt.  
Nam cùm ex me ipsorum propinqui quæsisent, quid eis  
potissimum faciendum esse, quaq; ratione ipsorum stu-  
dii optimè consuli posse censerem: auctor eis fui ut Lu-  
teitiam primùm irent, ibiq; se Græcarum literarum &  
Philosophiæ magistris recoquendos darent: deinde jus  
civile, cujus studio incensi erant, neq; usquam hodie nisi  
in Gallia, neq; in Gallia, nisi à Cuiacio, rectè ac verè disci  
posse sperarent. Ita igitur fecere: & quòd meo consilio  
paruerint, sibi magis magisq; indies gratulantur. Ego  
autem Cujaci, ambitiosum fateor esse me: & quod Thucy-  
dides ait, unum hoc πῦρ<sup>1</sup> sentiri expers esse, verè ab eo  
dictum demum experior. Quare superem eos qui mihi  
jam multum se debere agnoscunt, quòd indicaverim si-  
bi iter ad fontem, debere etiam mihi, quod à te, mea  
causa libenter viderentur, exciperenturq; ea humani-  
tate ac comitate, qua tu excipere omnes ingenuo ac li-  
berali præditos ingenio soles. Sed vereor, ne mea jam  
sera commendatio sit: nève ipsa qua sunt & morum &  
ingenii elegantia, ita te iam; hominem τὸν τῶν τῶν ἐνέ-  
λκτων, ceperint, ut novæ commendationi nullus supersit  
locus. Peto tamen à te, quantum me amas, & puto me  
à te non vulgariter amari; ut, sive aliquid est, quod ad-  
di ad tuam erga eos benevolentiam possit, id mea causa  
adjicias; sive ipse jam eos amas, ut nulla fieri possit ac-  
cessio; reperias ita tamen, atq; excogites aliquid, quod

com-

comme  
dearis  
est, a  
bros  
tiam;  
Major  
adole  
quid  
M. D.

JOAN

E  
de te pe  
vis har  
prætere  
suadeo;  
magis  
am, vu  
lit. Vi  
becius  
permo  
duxer  
rent, ut  
epistol  
cultam,  
fores in  
illa et  
humanit  
gnosce

commendatione mea adductus, eorum causa fecisse videaris. Ego te, Cujaci, eximie amo: & quantum in me est, excito horum hominum ingenia ad evolvendos libros tuos, & ad cognoscendam doctrinam tuam præstantiam; te quoque aquum est aliquid mea causa facere. Maius autem facere nihil potes, quam si his duobus adolescentibus ostendas, meam commendationem aliquid apud te valere. Vale ROMÆ 7. Kal. Februar. M. D. LXXIX.

JOANNES CASELINUS M. ANTONIO MURETO S. D.

LXIIIX.

Ego verò quàm sum importunus? Toties te inter-  
pello, sive hoc facti tuus in me animus: sive mea  
de te persuasio: sive hominum tui sitis. Mibi enim quæ-  
vis harum causa sufficit, ad excusationem. Ut autem  
præteream, quæ in nobis mutua esse, lubens mihi per-  
suadeo; nemo est vel modicam tinctus literis, quin & te  
magis faciat, & si istuc proficiatur, audire volem tu-  
am, vultum contemplari, & humanitatem experiri ve-  
lit. Vides quid dicturus sim. Hi amici mei Joannes Lu-  
becius & Gallus Beccius Germani, fama tui nominis  
permoti, & ipsi te salutare jam pridem in animum in-  
dlexerant. Quod cum mihi mirifice placere intellige-  
rent, ut qui te jam penitus perspexissem: visi sunt à me  
epistolam hanc cupere, quàm ipsis dedi brevem & in-  
cultam, ut vides. Hac tamen munus suum obieri, si ipsis  
fores in sermones tuos patefecerit, quod haud dubie si-  
ve illa etiam antequam huc legendo profecseris, sine tua  
humanitas faciet. Si tamen hoc requiris præterea, co-  
gnosces viros, & virtute præditos, & literis præbe ex-



cultos, & cum omnium eruditorum, tum tui observantissimos. Quæ cum in iis dependes, erunt tibi me quoque tacente commendatissimi, cui commendatione si fiet quædam quoque ex hisce literis accessio; multò magis & ipsos & me tibi obligabis. Vale Murete clarissime. FLORENTIA Kalend. Mart. anno M. D. LXII.

ANDREAS DUDITIUS M. ANTONIO MURETO V. C. S. P. D.

LXIX.

**P**udet me ad te, virum eloquentissimum scribere. Neque tamen impetrare à me ipso possum, ut nullas potius, quàm ejus generis, cujusmodi soleo exarare, literas ad te scribam. In quo tu, humanissime Murete, non quàm in scribendo sim infans: sed quàm studiosus, quàm tui cupidus, spectare debes, magnum me hercule benevolentia cum verecundia fuit certamen; sed vicit tandem benevolentia erga te mea, & ad scribendum me impulit. Neque verò nullos stimulos addidit ingens illa, perspecta mihi & cognita superiore anno humanitas tua; cum ego te effugui causâ adirem; quâ tu me hominem tibi ignotum ita obstricti, ut quibus plus, quàm tibi, debere me sentiam, quàm paucissimos habeam. Admirabor equidem antea doctrinam, atque incredibilem quandam in dicendo suavitatem tuam: ac summam in familiaritate, atque amicitia tua gloriam statuebam. Nunc verò, non id modò, sed ex quo die te cognovi, ita te amare cœpi, ut illis, quibus tua consuetudine frui datum est, demùm invideam; illos soles felices esse ducam. Atque utinam hac eadem & mihi felicitate frui liceret. Sed non licet; at quod licet facio, meumq; incredibile hoc tui fruendi desiderium levo frequen-

quentissimis, & honorificentissimis de te, deq̃ excellenti  
tua doctrina sermonibus. Ex quo enim ego te die (cōpi  
diligere, omne studium, omnem orationem meam, qua  
liscunque ea sit, ad laudem, & tui nominis gloriam con  
tul. Quod sanē non eō dico, quod meis sermonibus, &  
prædicatione quidquam ad tuam famam putem atces  
sisse, (neque enim tam sum à ratione alienus, ut facibus  
solem illuminari posse credam) sed ut, quanti te faciam,  
quàm obserrem, quanta benevolentia complectar, in  
teligas. Quod tibi persuasum esse ita cupio, ut nihil o  
ptem magis. Audio te habere paratos quosdam anno  
tationum libros, quos in manus hominum emittas; quos  
equidem quales exspecto, futuros auguror, hoc est, omni  
doctrina eleganti refertos. Quid enim aliud a tali,  
tantoq̃ viro exspectari queat? Peto abs te, ut cujus ge  
neris id totum sit, ad me perscribas, & quæ tua est hu  
manitas, si quid jam est à Typographo descriptum, ad  
me mittas. Nam planē non fero desiderium legendi  
eius libri. Superioribus annis, cū Lutetiæ Parisio  
rum, magna tua cum laude, & omnium admiratione  
Philosophiam ita doceres, ut non minus sententiarum  
gravitatem, quàm verborum elegantiam dicendiq̃ ar  
tificium homines admirarentur, audio te quiddam in  
quintum Aristotelis ἑκτὸν Νικομαχείαν librum scripsisse,  
quem ego librum jam ab aliquot annis legere discipulo,  
pergratum igitur feceris, si etiam hunc mihi literis  
tuis adiunctum miseris. Vale, mi optime atque erudi  
tissime Murete, & meæ libertati ignosce, ac hominem  
tui studiosissimum cupidissimumque multo ama.

PATAVIO, 6. Id. Mai.

M. D. LIX.

PETRUS MORINUS M. ANTONIO  
MURETO. S. P. D.

LXX.

**C**um Theologum Græcum prædicatione incitatus tua admirari cepissem, isque huc venisset, cum ego discipulo meo fortè operam darem, permolestè tulà, eam ne conveniendi hominis doctissimi atque humanissimi potestatem per imprudentiam amisisse. Et, quo dolorem meum desideriumq̃ tanti viri lenirem, & aliquid earum literarum elicerem, quibus inprimis delector, scripsi ad eum, mandaviq̃ ei, cui literas dederam, ut studiosè percontaretur, ubinam esses, ut valeres, quid ageres. Is te ibi esse renunciavit, se veritum esse tecum loqui, & propter redeundi festinationem expectare non potuisse, dum esset commodum. A te summo studio peto, mi Murete, ut de rebus, de literis, de consiliis tuis ad me scribas; Amotumne conveneris, & quid ei gratum feceris de Plutarcho, de Victorino: his si etiam in manibus, an jam divulgatis: consiliūne sit sacros & ecclesiasticos reliquos Scriptores studio & opera simili adjuvare atque Victorinum. Jam enim leviores literæ, quæ tibi sunt: οὐδὲ γὰρ ἀξιοῦμαι, sanctiores. Tu illa ἀποχρησάμενος. Ad hæc verò, matura jam ætate, animum studiumq̃ tuum contulisti. In quibus te jam arbitror, ut ait Theognis, τὸν ἰδὲ μῦθον, τὸ δὲ δεινόν, ἔμελλεν ἵκναι. Velim item, teque id etiam atque etiam oro, si quando erit otium, si quid homini amicissimo & observantissimo tibi cogitationum tuarum impartendum putas, perscribas ad me, quid de his miserrimis temporibus sentias, quibus ἐν τῶν τελευταίων, ἐν τῶν τοῦ ἀνθρώπου καὶ τοῦ μὲν ὄντος καὶ τοῦ οὐκ ὄντος, in hanc pernicio-

fissi.

*issimam sanctorum & doctorum invidimus. Græcum Theologum meis verbis plurimum jube salvere. Vale CAN-*  
TILII A. D. 4. Kalend. Septemb.

IDEM M. ANTONIO MURETO VI-  
RO OPTIMO AC DOCTISSIMO ET  
homini amicissimo S. P. D.

## LXXI.

**P**roxima congressionis nostræ grata jucundaq; re-  
cordatio facit, ut sermonis vel non necessarij occa-  
sionem & facultatem etiam absens quæram. Atque  
hoc vel singularis humanitas tua, vel nostra conjun-  
ctio, mutuaq; benevolentia patitur, vel requiris po-  
tius, ut nullo scribendi argumento; inter nos tamen per  
literas nonnunquam colloquamur. Tu quidem, quæ  
mihi epistolæ materia prope una fuerat, ut res meas  
cura tuæ bonitatiq; committerem, & commendarem,  
eam mihi singularibus tuis in me studiis, & eximia li-  
beralitate præripuisti. Nam cum antea semper ratio-  
nibus meis per te consultum esse voluisti; tum nuper  
in hac provincia, quam te potissimum auctore suscepi,  
sic dedisti operam, ut ea mihi quàm honestissima &  
quàm fructuosissima esset; ut si de fratre laborares tuo  
(etsi me quidem fratris loco semper habuisti) nec dili-  
gentius à te, nec amantiùs agi potuerit. Quo in mu-  
nere cum non solum rem meam, officium, famam agi vi-  
derem, sed etiam existimationem & gratiam tuam; ef-  
feci quantam potui, ut id in me iudicii, te haud temere  
consultisse homines existimare possent. Atque in eo ne-  
gotio, quod tuo hortatu susceperam, eò majorem curam  
& diligentiam mihi adhibendam esse constitui, quod in  
eo gerenda me intelligerem auctoritati & voluntati



sua inservire. In quo, ut coram tibi significavi, gratiam ab hominibus ineundam mihi duxi esse, πῶς καὶ τῶν  
 νῶν Οδησίῳ, καὶ ἐξ ἐξουσίας, γὰρ ὅσα ἢ ἐν ἐξουσίᾳ, modo in o-  
 pere, reliquis temporibus cessationi suae veniam spera-  
 vit datum iri, καὶ διὰ τὴν αὐτὴν αὐτὸν ὁ δὲ τῶν: quod ut jam  
 me me fefellerit; confido quidem certe. Hoc verò do-  
 cendi officium cum consilio & muniti tui memor stude-  
 rem in honorem adducere, processit quidem: sed tamen  
 in minibus valde repugnantibus: itaque δὲ τῶν τῶν me-  
 dior. Tu, ut spero, consues, πῶς ἢ πῶς ἐν τῶν ἐξου-  
 Ego te illud tuum honestissimum otium ad Ecclesiae hi-  
 storiam literis tuis illustrandam conferre, jamq̃ tibi,  
 quod de Basilio Magno Gregorius scripsit Theologus,  
 λαγὺς τὸ πῶς ἐξουσίας, mirabiliter laetor. Vivent scri-  
 pta tua in aeterna hominum memoria, & valebunt ad  
 sancendam & stabiliendam veterem perpetuamq̃ Ec-  
 clesiae disciplinam, & eos homines errore graviusq̃  
 opinionibus liberandos, ὅτις, ὡς ὁ ἡμῶν ἐν τῶν ἀπὸ τῶν  
 τοῖς θεοῖς ἐκ τῶν ἐν τῶν θεῶν ἡμῶν, ἀπὸ τῶν ἐξουσίας  
 θεῶν ὁ δὲ τῶν πῶς ἐξουσίας. Peto a te, ut Niceto, quas  
 ad eam scribo literas, reddendas cures, ejusq̃ volun-  
 tatem tibi quam maxime ad me tuendum & augendum  
 adjungas. Si quid tu ad me literarum, ut & opto &  
 spero, quod ad Julianum Granacium Medicum mise-  
 ris, is ad me perferendum curaturum se est pok-  
 licitus. Vale, POLI. Postrid. Non.

M. D. LXXII.

OS (O) SC

MORE

## MORINUS EIDEM.

## LXXII.

Cum expectarem, dum aliquod serium argumen-  
tum haberem ad te scribendi, literæ à Niceto ve-  
nerunt comitatæ tuis, ibi ego agnita manu mihi charissi-  
ma, teneri non potui, quin vel nulla materia, aliquid ta-  
men exararem, & apud te, qui huiusmodi negotiis  
perhelle devorare soles, ~~et~~ *αὐτολογία* ineptirem. Ex hoc,  
mi Murete, tam diuturno literarum mearum silentio  
intelligere potuisti, quàm otio & præter consuetudinem  
nihil agendo languescerem; in qua tamen desidia narro  
tibi, quid mihi optatissimum & jucundissimum nec opi-  
nanti contigerit. *Ædes* hic sacra est D. Virgini dicata,  
ejus ædis custos & præses, senex optimus ac religiosis-  
simus, cæcum habet virorum summa nobilitate, & hu-  
manitate prædiorum domi suæ, quæ divinæ juncta est.  
Quo ex numero cùm apud Archiepiscopum esset vir sin-  
gulari virtute, doctrina, probitate, in eumq; ego casu in-  
dixissem: Quid tu, inquit, in hac solitudine consenesis?  
& simul me humanissimè invitavit, ut secum apud eum,  
quem dixi, æditimum, si quando liberet, esse vellem. Ego  
ejus studium & liberalitatem secutus, pauculis post  
diebus cùm me ed, quò vocarat, contulissem, hominem  
offendi cum illo sanctissimo sene GREGORII Theolo-  
gi scripta studiosè legentem. Adjunxi me vel audito-  
rem, vel interpretandi arbitrum perlibenter, dedi me  
utrique: alterum etiam assidue in Republica versan-  
tem & studiosum Rhetoricorum Aristotelis, ac Demo-  
sthenis orationum, ut potui, adjuvi. Hi etiam viri hu-  
manissimi & probissimi aliquid esse credunt, Grego-  
rium nulla meditatione interpretari, cujus ego li-  
brum, tuum legendo, detriveram: & Demosthenem

explicari ab homine Manutii, Mureti, talium virorum  
 discipulo mirantur: ut mihi, (fatendum est enim, præ-  
 fertum apud te) paulò jam beator esse videar, & hæc  
 nostra studia non adeò contemnenda ducam. Nunc no-  
 bis Magnus ille frater Gregorii est in manibus, ut ab  
 ambobus eruditione, sanctimonia, gloria, germanis  
 communia & intelligendi & bene vivendi præcepta  
 ducantur. Tantum est, cujus te participem fieri, &  
 mea causa latari cupiebam. Ab Archiepiscopo quidem  
 ita liberaliter & à principio sum acceptus, & quotidie  
 tractor, ut quid illustrissimo Cardinali Sirleso debeam,  
 quid etiam vobis, qui me ei commendastis, non solùm  
 scribendo, sed ne cogitando quidem assequi possim. Utor  
 in primis familiaritate Vicarii: qui Jurisdictionem ex-  
 ercens sibi demandatam, & dijudicandis controversiis  
 operam navans, mihi sæpius, negotiorum molestia  
 pressus, gratulatur, qui rationem cum musis humanio-  
 ribus & sanctioribus literis habeam; dum ipse, luitibus  
 & turbis implicatus, horridas interpretum juris char-  
 tas non sine stomacho pervolvatur. A quibus etiam, si  
 quando rogem utendas, me deterret, nec à veterum Ju-  
 risconsultorum, quòs sæpiusculè in manus sumo, usu dis-  
 scedere patitur, nec quicquam proficio, quod dicam con-  
 secuturum me, cùm illa digustaro, ut ipsi & Archiepi-  
 scopo in consilio esse possim: otium hoc tuear, & nôrim  
 fortunas meas, qui politiorum & elegantiorum lite-  
 rarum studio incultis sordibus & caruerim. Hoc idem  
 ambi hi mei *συμφιδόζοντες* distitunt. Qui quidem se suas  
 omnia liberaliter mihi detulerunt, & nisi meas copias  
 viderent, uti cogerent suis, habent *συμμετέμλη* rebus  
 necessariis instructum, non sumptuosum, non gravem a-  
 micis, & tamen aliquid à se sumere voluerunt, qui hanc  
 mediocritatem interea tueor. De epistolis, me Murete,  
 maxi-

maxim.  
 si Mea  
 certi co  
 etiam  
 frid. Is

HU

Etsi  
 Gal  
 dicantes  
 egregia  
 nunqua  
 petui, u  
 bi viam  
 modam  
 um & q  
 Deia te  
 amorem  
 us juve  
 re versu  
 nismos  
 has ad  
 non is su  
 debeas.  
 prudent  
 jungere  
 cillitate  
 losophia  
 sponder  
 siva qui  
 sum, qu

maximam habeo gratiam: iis utar, si opus erit, id est, si Mediolanum proficiscar. Nondum enim quicquam certi consilii cepi, ad minimum unum me hic mensem etiam commoraturum puto. Vale. GENUÆ. Postrid. Id. Ianuar. M.D.LXIX.

HUBERTUS GIPHANIUS M. ANTONIO MURETO S. P. D.

## LXXIII.

ET si de tua liberalitate atq; facilitate multa sæpe in Gallia Auratum, Fruterium, & Cantorium prædicantes audiui; atq; aded ipse viderem doctrinam tam egregiam singulari humanitate iunctam esse debere: nunquam tamen, qui meus est pudor, imperare mihi potui, ut, nulla accepta occasione, mea sponte ad te mihi viam aditumq; munirem. Nunc eam nactus percommodam, nihil prius habui, quam ut studium in te meum & quo ab ineunte ætate te ob scriptra & magnas Dei in te collocatas ingenii dotes, licet ignotus, colui, & amorem literis ad te datis restarer. Nam Berzevicæus juvenis Hungarus, amicus meus, Roma nuper huc reversus, cum tuos de me, minimè licet idoneo, humanissimos sermones commemorasset: facile impulit, ut has ad te literas darem. Ego, mi doctissime Murete, non is sum, de quo tam præclarè sentire & existimare debeas. Dedi quidem semper operam, ut cum Iuris prudentia nostra, encyclica. & humanitatis studia conjungerem: sed sentio & agnosco eam esse ingenii imbecillitatem, ut in utroq; (quando ad Iuris scientiam Philosophiam necessariam esse non ignoras) satis mihi respondere votoq; meo non possim. Et sunt tamen subcivica quedam, quæ suavissimè illi humanitati non possum, quin adsignem. Hinc ea in Lucretium perpusilla,

Aa s

hinc



hinc & in Gellium quodam jam diu paramus: quam post tam malè acceptum Parisiis à Lambino Lucretium nostrum, aut me potius, haud scio an quicquam in eo genere narrare debeam. Mirificè tamen Gellium expolitum cuperem. Sperabam posse me hoc, quod in Gallia non potui, hic integrum aliquod idq̃ per-  
 vetustum ejus exemplum nancisci. Sed nihil dum reperire potui. Utinam tu, hac in re nos juvare velis. Nam quin possis, non dubito, in tanta librorum veterum, quos Romæ esse audio, copia. Ad solos 7. priores libros vetustum, hoc est, in quo diphthongi sint plerq̃ integræ, & græcum exemplum requiro. Nam reliquos ad vetustissimum collatos & emendatos habeo. Ecce autem meam libertatem, ne dicam impudentiam, qui in primo familiaritatis, ut ita dicam, vestibulo & aditu onus etiam imponere tibi non sim veritus. Sed hoc tue humanitati partim ut tribuas; deinde & studiis communibus ut des, rogo. Neq̃, verò ignoras teneras etiam familiaritates, officiis utrinq̃ maxime ali & augeri. Quod reliquum est, te oro, ut eorum loco numeroq̃ me esse velis ac patiaris, qui te & colere & observare ob singularem tuam eruditionem consueverunt. Quibus ego rebus, etsi aliis faciliè concedo; fide tamen, diligentia, summoq̃ in te studio ne minimum quidem cedere sum paratus. Vale & salve. Si quid rescribes, facile poteris, ad ades Legati Regii. Salutat te Alfonso Delbenius, VENETIIS.

HUB. GIPHANIUS EIDEM.

LXXIV.

**N**E me putes, clarissime Murete, vel oblivione tui, vel graviore culpa tardius ad te scribere; quem cum aliàs & ante hac semper, tum post literas illas ad

ad me tuas omnis liberalitatis plenissimas, amare & in oculis ferre soleo. Longinqua, mihi crede, peregrinatio culpam omnem sustinet, Domum igitur, hoc est, Venetias, tandem aliquando reverso, nihil prius mihi faciendum putavi, quam ut humanissimis tuis literis responderem. Quibus ut iunexis respondeam, scito illustrissimo Legato nostro gravissimam accidisse voluntatem illam tuam, qua munus aliquod illi ostendis. Quod si ille gravioribus rebus distractus, exigere non curaverit; ego tamen urgere & flagitare pergam; Ne tamen nostros sensus ignores, si forte hoc tibi utile ad eam rem futurum putas, multus est in Aristotele, eoz imprimis delectatur, maxime Physiologo. Quod equidem sæpe miror, cateroqui omnia tua illi pergrata esse fore, tibi confirmo. De studio in acquirendo Gellii exemplari gratias tibi agam, cum erit commodum, nunc quam possum, habeo maximas. Intellexi postea ab iis, qui Romæ superioribus mensibus Fulvium Ursinum, de quo literis meministi, salutarunt, habere illum Gellium satis antiquum, etsi non integrum: vidisse namque se illum apud Fulvium mihi confirmarunt. Quare etiam atque etiam à te peto, & quaeso, mihi Murete, ut mihi librum illum ab Fulvio homine, ut audio, perfacili, tibiq; amicissimo ad paucos dies nobis impetres: eumq; commodè compositum & involutum vel tabellario Veneto, aut amico notiq; si qui certus occurret, des huc perferendum. Dabo operam, ut paucis post diebus ad te istuc referatur. Nam de fide mea ne dubites, tuam tibi prudentiam & constantiam restor, & apud quem vicum agam; memineris, & ipse me in amicitiam jam susceperis. De fructu & utilitatibus, quæ ex hoc scriptore, mea opera, expectanda sunt, etsi puder multa polliceri me vetat; quædam tamen

tamen hic apponam, ex quibus tu conjector hac in resol-  
lertissimus, conjecturam de reliquo capere possis.

Lib. 10. cap. 15. initio: item casus multiplices, legen-  
dum ex vetere libro puto, item casus multiplices.  
Quid casus, apud Nonium & Festum: Minuebatur, in  
fine. Eodem cap. legendum cum strue atq; ferto, &  
mox arborem felicem, & quod in ricia, ex vetere libro  
eisi in vetere erat I N R I T A, de ricia Festus, & de  
ferto. Cap. 21. Alius illo: Legendum ex veteri codice  
L. Alius Sulo, & mox. Quod extremum inquit, dice-  
batur, dici novissimum ceptum vulgo. Cap. 25. ru-  
mies, trifaces, de utroq; teli genere Festus. Cap. 24.  
Sicut pristini & pristini: legendum praefiseini & praefi-  
scine. Et mox: Sacerdotes populi Romani cum condi-  
cunt. Lib. 21. cap. 12. Non partitionem solam, tanquam  
ille. Accipe quoq; versus pulcherrimos Ennii lib. 12.  
cap. 4. ita emendatos ex libro vetere.

Hæc locutus vocat qui cum bene sæpè libenter  
Mensam sermonesq; suos, rerumq; suarum  
Commiser impertit, magnam cum lassus diei  
Partem fuisset de summis rebus gerundis  
Consilio, endo foro, sanctoq; senatu,  
Cui res audacter magnas parvasq; iocumq;  
Eloqueret, & cuncta malus quæ & bona dicta  
Evomeret, si qui vellet tutoq; locaret.

Quo cum multa voluptia gaudia clāmz palāmz  
Ingenium, cui nulla malum sententia svadet.  
Ut faceret facinus levis, haud malus, doctus, fidelis  
Svavis homo, facundus, suo contentus, beatus.  
Scitus, secunda loquens in tempore, commodus  
verbum

Paucum, multa tenens antiqua sepulta vetustas  
Quæ sacra & mores veteresq; novosq; tenentem

Multa-

Multorum veterum leges, Divumq; hominumq;  
Prudentem, qui dicta loqui ve tacere possset.

Et mox, L. Ælium Stilonem.

Et lib. 10. cap. 19. versus Lucilii, ita legendi ex veteri  
codice.

Illud opus durum, ut Setinum accessimus finem,  
Ætne omnes asperi Athones.

Ejusdem modi complura adferre possem, adeoq; vel-  
lem, nisi illa jam nimia esse vererem. Videbis igitur,  
humanissime Murete, an expoliendum mihi scripto-  
rem illum putes, hoc est, adjuvandum me in Fulvii li-  
bro impetrando. In Cæsare similem operam posui:  
quod ipsum pronuper in Epistola ad lectorem Lucretio  
præfixa sumus testati. Verum ab LAMBINO, postea  
ita verberati: & quia à jure paulum temporis leci-  
nobis, ut ita dicam, subciditur, omniaq; quàm accu-  
ratisimè sine librorum veterum copia expoliri neque-  
unt: tardius fortasse quàm debueram, certè, quàm  
putàram, Cæsarem tamen brevi, DEO volente, da-  
turus sum, adjecta explanatione modica: gratum, ut  
spero, opus Celtis nostris, seu Transalpicis futurum,  
cui illa Epistola (eò namq; redeundum est) mirificè re-  
creatus, atq; adeo munitus adversus furores illos Dio-  
nysiacos; quem iam audio libellum illum, qui vulgò  
Æmilius Probus à me certissimis rationibus in Lucre-  
tium plurimis in locis Cornelius Nepos dicitur, de illu-  
stribus Imperatoribus Græcis, explanationibus lon-  
gissimis, ut solet, oneratum in lucem edidisse: in quo li-  
bello si quemadmodum in CICERONE, omnia illa,  
quæ in collectaneis Lucretianis emendata proposui,  
sumpsit, sibiq; arrogavit: veniam mihi viros eruditos  
daturus spero, si, manu injecta, illa, quæ mea legitimis  
documentis ostendero; asseram & vindicem, incusso  
plagia-



plagiario pudore, quando aliud non licet. Vale, doctissime & humanissime Murete. VENETIIS. Idibus Augusti. M. D. LXIX.

HUB. GIPHANIUS EIDEM.

LXXV.

**Q**uia Tibure Comam te jam reversum puto, auctore etiam Tesserano nostro, qui tuam in me singularem voluntatem predicavit, tertium ad te scribo de Gellio: te etiam atque etiam oro, ut à doctissimo Fulvio librum illum auferas, quem vel ad paucos dies huc mitas, vel quod commodius fortasse erit, cum editione aliqua comparandum des, non totum, sed id duntaxat quod in eo exemplo reperietur ad VII. primos libros ejus scriptoris. Cave enim, putes, mi Murete, ullum scriptorem mendosorem reperiri posse. Ex posterioribus libris cum possum adferre loca innumerabilia, tum proxime quædam indicavi. Quo argumento contentus, non dubito, quin priores simul malo laborent; præsertim qui jam periculum, & in his fecerim, adjutus nonnihil à libris quibusdam sed minime vetustis. Verbi gratia lib. 1. cap. 7. expavidusque Demosthenes avertit iter: in vetere codice reperi, avertitur; hinc legendum fortasse avertit, inducto iter, ut Plato in Phæd. ὅτι δὲ διαγέγραυτο. μετὰ τὸ φέρεται δὲ ἀμείν. & cap. 20. quales sunt ferme metæ triangulæ quas sit scilicet legendum, cap. 26. Convertit ad me, sic vetus liber. Et lib. 2. cap. 8. Sic in actibus civilibus auctor laudari dicitur, & cap. 7. aut pro reo Catilina aliquo, aut Tubulo, aut P. Clodio, de Tubullo, sæpè hic. Habeo emendationes aliquot in Scistilas Ciceronis famil. quas Manutius (eum expl. nationes scribere, ex filio ejus, qui jam pridem hinc Asulæ abest, cognovi) si me mittere ad

ad se volet, mittam quàm primum, sed tua fide & auctoritate. Nam Manutium etsi virum doctissimum esse scio, & filio Aldo sum usus perquam familiariter; temerè tamen meis non nimis acutis emendatiunculis interpellare, ipse non ansim. Vale humanissime & doctissime Domine, VENETIIS, 7. Kalend. Decembr. M. D. LXIX.

HUBERTUS GIPHANIUS

MURETO S. P.

LXXVI.

**M**agnam tibi gratiam habeo, Murete humanissime, qui laborem cum ipse ceperis, quo nemo id melius præstare possit, teq; rogo, ut, quod facis, reliqua item descripta usq; ad lib. 9. quæ quidem reperies, mittere velis. Valdè gaudebam de Tubulo lib. 2. c. 7. ibi Catilina aliquo aut Tubulo. Nam ex clarissimi Pinellii libro, minimè tamen vetusto, in quo ita erat, aliquo aut cubant, aut jam pridem, Tubulo conjeceram, quod an ad te præscripserim dubito. Sambucus certè, ad quem ea de rescripseram, nuper ita rescripsit. De Tubulo coniectura non displicet: cum facilis sit lapsus de Tu in Bi. Nam de Tubulo, qui palam ob rem judicandam pecuniam acceperat, condemnato, viro improbissimo, Cic. 2. de finibus, 3. de natura Deorum & pro Scauro meminit. In fragmentis orationis pro Scauro hæc Ciceronis verba. Si meherculè iudices pro L. Tubulo, diceret, quem unquam ex omni memoria sceleratissimum & audacissimum fuisse accepimus, & cætera. Ea, inquam, verba huius loci imprimis conveniunt. Existimo in veteri codice vestro, cap. 1. lib. 1. desiderari. Scio namq; varietatem aliquam reperiri in aliis, atq; adeò in primis versibus. In cap. 13. lib. 1. Scripsi ad magistrum de xanthia, malis Atheniensium. In veteri codice quodam vidi, ad magistratum

Græ-

Gracum more Atheniensium. Ex quibus verbis mendum odoratus, legendum putabam *ἐπερίστορα*, Atheniensium. Hoc igitur consideres, velim. Deinde an eodem libro cap. 24. pro, Orchio traditus thesauro, non sit scriptum, Orcivo, & lib. 2. cap. 10. Fuisse, duobus SS. an uno S. exaratum sit. De nomine scriptoris etsi ipse dubito. Nam ea quoque re in Lucretio infinite illum voco scriptorem nostrum Atticarum: tamen argumenta in utramque partem, quae habeo proximis tibi perscribam. Nam Lambinius, qui paulo momento huc illuc impellitur, & in Ciceronem plerumque Agellum vocat, cur nunc ita clamat contra se quoque tu fortasse ignoras: ego nunc etiam tibi indicabo. Et quia vidisse te sentio, ponderosas illas explanationes in Cornelium Nepotem, seu Aemilium Probum, deprehendimus nos, eum omnes nostras emendationes in eum scriptorem, quas de veteri codice, quem habemus, desumptas, in Lucretiana collectanea conieceram, sibi sumpsisse omnes. Quae de re memini ad te scribere timide. Sed ipse faciam, ut comperias ita rem se habere, si libebit conferre haec loca ex collectaneis nostris, & commentario Lambini, quae hic notavi. Sunt hic eruditi viri, qui, re cognita, fabulam egisse dicerent Lambinum: qui, ut alibi perscrutaret, se non legisse nostra, Puteanum *ὁμοῦς ἰσχυρῶς* *δοῖν* unguis adhibet, cum nodus vindice dignus occurrit. Excusatum habebis, quae tua est humanitas, mi Murete, qui in rerum nostrarum vindicatione diligentior fortasse tibi videar: in quibus usurpandis vir ille propriis lapsis, maximas etiam adhibuerit, laudat te quem ita tamen accepit, scit scilicet; quem laudet, & cur, metuit, ne offendant solido. Valde laboro in praenomine Cornelii Nepotis inveniendo: Tu, si pates, me explica. Vale, mi doctissime & humanissime Domine. Salutem dixi

dixi clari  
M. D. I.

Tu  
be  
aliquem  
non mag  
quod lib  
quam ut  
Nondum  
occupat  
pedatus  
sum hon  
jam prid  
multa a  
suis est  
quaso te  
tus esset  
stultè in  
re ludib  
bere, ea  
sceserat  
tare usq  
eiusmodi  
pudentia  
me unum  
injuris p  
dem tac  
credas,  
abhorrea

dixi clarissimo Oratori. VENETIIS. Kalend. Jan.  
M. D. LIX.

MURETUS GIPHANI

NIO S.

LXXVII.

**T**um demum non recusabo, quin te mihi aliquid debere fatearis, mi Giphani, cum tua causa laborem aliquem cepero. Quæ enim usq; huc à te oratus feci, non magis causa tua feci, quàm mea. Nihil est enim, quod libentius faciam, cum quid vacui temporis datur, quam ut libros pervulgatos cum veteribus conferam. Nondum possum ad te mittere, quod reliquum est, iis occupationibus, quæ tibi quoq; ipsi non ignotæ sunt, impeditus. Contuli loca, quæ notaveras: & admiratus sum hominis impudentiam: quam tamen in memetipso jampridem expertus eram. Non enim tantum, cum multa à me accepta pro suis publicasset, ultrò conquestus est: sua sibi à me subrepta esse: sed etiam (vide, quæso te, inauditum improbitatis genus) cum admonitus esset à me de locis quibusdam Horatianis; quos ita stultè interpretatus fuerat, ut omnibus eruditis debere ludibrium videretur; non est veritus dicere ac scribere, eam ipsam sententiam, à qua ipse monitu meo discesserat, meam fuisse; meq; ut illius auctorem, exagitare usdem illis argumentis, quæ à me acceperat. Quid ejusmodi homini facias, aut quid ad tam insignem impudentiam addi posse arbitrèr? Sed bene, quod non in me unum eo modo injurius fuit. Reperiet alios minus injuriæ patientes, quàm ego sum. Fortassis ne ipse quidem tacitè hoc tulissem calidus juvena. Nunc vix credas, quàm mihi à toto illo controversandi genere abhorreat animus. Tu quæque, si me audis, non ni-



• mis acriter eum infestabere. ulciscantur hominem mores sui. Vale. ROMÆ, Idibus januar.

HUBERTUS GIPHANIVS  
MURETO. S.

LXXIIX.

**P**aulò tardius rescribo, quod de auctoris nomine, quæ requiris, denuò mihi conquirenda fuerint. Quæ etsi olim Brugæ ad Gvidonem Laurinum diligenter collecta perscripseram, cum & ille de Carfania aliusq; id genus conditionibus monuisset; nunc tamen in schedis, quas huc mecum attuli, reperire non potui. Petendi igitur hinc inde libri, quos ferè nullos hic habeo. Sed de Lambino quæ tñs avadèas, in quem ut omnia pulchrè conveniant, accipe & aliud ejus strata-gema. Cùm Lutetiæ Thyrsus non Lucretianum illud, sed suum in me quater instituisset, ( ego interim domi virgam tam pueriliter peccanti imitabar ) prima concione dixit cum Belgis omnibus familiaritatem sibi esse, me unum sibi male cupere: protulitq; duodecim ferè Bel-garum nomina, qui tùm ibi agerent studiorum causa. Multi ex hù, admirati hanc publicam testationem & citationem, quòd illum ne salutassent quidem unquam; me autem uterentur familiarissimè, in modò eo ipso tem-pore epigrammata in illum partim præscripsissent, ad me accurrerunt, & acumen Lambini, artèsq; ejus oratorias mihi exposuerunt. Mirantibus omnibus, unde eorum nomina collegisset, intervenit mox ejus con-victor, Bruxellensis, qui scrupulum illum nobis exemit. Se namq; rogatum & coactum fuisse Lambino petenti donq; ea aliquot Belgarum nomina dictare, cause igna-rum.

rum. Atq; ita res in risum abiit. De Agellio quæ adferam, te rogo, ut accurate perpendas: quæ si tibi probabuntur, fac, ut ratione aliqua adfirmes. Contuli igitur manu scriptos septem. Lovanii Buslidianum antiquum satis, sed minimè integrum; alterum Cujacii, in quo decem libri posteriores, item bonum: tertium Mærianum, clarissimi Senatoris Henrici Mæmii, ejusdem bonitatis ac magnitudinis: duo præterea erant Pinellini: quos tamen, quia minimè vetusti, non libuit totos conferre, ut neq; RHEDINGERI unum, juvenis nobilissimi Germani. Septimus quem Lutetiæ diligentissimè contuli, Daniëlis amici cujusdam mei, advocati Parisiensis erat, omnium longè pulcherrimus & antiquissimus; accedat huic, bonitate, ni fallor, proximus Fulvianus. In iis omnibus, uno, eorū optimo, excepto, in quo A. Gellii scriptum reperi: neq; sapius nomen in eo codice aderat: constanter vidi exaratum Agellii. Itaq; veterum codicum auctoritate sola, usitatam descriptionem mutare nolim.

Nam tametsi omnes alii habent, Agellii; unus tamen omnium antiquissimus habet A. Gellii; Rursus hic etsi jam vetustus est: unus tamen habet A. Gellii: cum reliqui omnes, ex quibus duo aut tres etiam bene vetusti, habeant Agellii. Hoc igitur ex vetustis codicibus argumentum in medio relinquendum censeo. Reliqua sunt duo, prius, meo quidem iudicio egregium: quod hic auctor nunquam adducatur (sæpè autem adducitur) Gellii nomine, sed semper A. Gellii, ut quidem in vulgatis codicibus perscribitur. Ab Servio in Virgilium, minimum ter abducitur, à B. Augustino usurpatur quinquies, à Prisciano ter. Loca sunt hæc. Priscianus lib. 6. A. Gellius noctiū Atticarū 9. Historia ex libris Heraclidæ Pontici, & cætera, & eodè libro: A. Gellius noctiū

Atticarum 6. Sole medio, inquit, & arido, & cætera, & lib. 7. Unde A. Gellius nocturnum Atticarum inscripsit: Augustinus de civitate Dei, lib. 9. c. 4. in libris, quibus titulus est nocturnum Atticarum, scribit A. Gellius, vir elegantissimi eloquii, & multa ac facundæ scientiæ, & cætera. Mox ibidem: Narrat A. Gellius, & cætera, postea quæsit A. Gellius à Philosopho, & cætera, in eo libro se legisse dicit A. Gellius, & cætera, & : hæc ut potui non quidem commodius A. Gellio, sed certe brevius, & cætera. Sic Augustinus in uno eodemque capitulo. Servius in commentario Virgilii: ad illum versum lib. 5. Et me sævus equis oriens adflavit anhelis. Hæc autem, inquit, plenè exequitur & Cicero in Auguralibus, & A. Gellius in libris nocturnum Atticarum, & lib. 7. ibi. Et quos malifera despectent nomina, & cætera, & in Georgicis ni fallor, semel.

Alterum est argumentum, quod illis omnibus in locis, in codicibus eorum scriptorum manu descriptis constanter exaratum vidi Agellius & interdum Agerius. Contuli autem codices Prisciani sex manu scriptos. Servii duos, Augustini unum, omnes valde antiquos, sed Augustini illum antiquissimum. Possem & auctoritates doctorum quorundam hominum adferre, quibus hæc probarem. Nam Lambinus, ut solet, paulo momento huc illuc impulsus, in edendo Cicerone Agellius probat: in Nepote detestatur. Accepi Gabrielem Faërnum Agellii quædam nomen probasse, commotum maximè versiculo quodam antiqui nescio, cujus Grammatici, in quo hæc vel similis fuerit clausula: ut doctus Agellius inquit. Tu, si eum Grammaticum & versiculum (Fulvius fortasse eum tibi subjecit, quem valde familiarem Faërno audio fuisse) mihi indicaris; magnoperè hanc opinionem confirmaveris.

Agelli

Agellii autem nomen Romæ usitatum fuisse (ut & Agerii, de quo cum alia in Pandectis loca, tum l. qui Romæ Agerius de verbor. obligat.) cum ex inscriptione quadam antiqua, quam reperi in iis, quas multas, & fortasse nimis multas, in parvum libellum suum de Orthographia retulit Aldus junior, & ex Statii Poetæ matre, quam vocatam Agellinam scribunt, tum ex Prisciano, qui mihi nostrum auctorem auctoritatem videtur. Sicigitur ille lib. IV. in eis desinentia sive à nominibus, sive à verbis derivata, servantur ante us, & cætera, ut servus, servi Servius: servilis, Servilius, agellus, agelli, Agellius: silva Sylvius: virgula Virgilius, & cætera. Nunc respondeamus objectionibus, quas puto esse posse duas. Una est, potuisse depravari manu scripta contractione quadam facile lapsu, scripto Agellio, pro A. Gellio, ut in Carphania & aliis nonnullis accidit. Altera est, Romani hominis nullum fore Prænomen, quod novum sit & inusitatum. Prior nullam vim mihi videtur habere. Proferat enim quis nomen aliquod scriptoris noti, quod constanter & perpetuo ita contractum & depravatum in plurimis locis reperitur; quod certè nemo unquam (aut valde erro) facturum est. De prænomine, ea ætate mirum non sit, quæ certum est multa Romanorum propria instituta jam exolevisse. Fortasse & prænomen & cognomen habuit hic noster, quæ tamen interciderint, aut quæ ipse auctor, Agelli nomine notior, prætermiserit adscribere. Pauli & Ulpiani & omnium ferè juris auctorum prænomina, quis unquam audivit? Possem fortasse probabiliter, A. Agellium dicere appellatum, sed conjecturis hujusmodi non puto esse opus. Hæc ferè sunt, quæ de Agellio habebam, quæ, si probas, obsecro, si potes, adjuva, maxime illo Faérni versiculo: sin minus probas,



tamen ut versiculum illum, & tua perscribas. Sed enim volumen ut habeas, teq; civiliter lecessam, cupio tibi explices, tuamq; indices sententiam, cur Ulpianus Jus à justitia deducat. Ego quidem etymon hoc non grammaticum, sed philosophicum esse puto: Jus enim ut actionem ex habitu justitiæ manere. Quæro etiam, cur Juri gentium Florentinus adscribat vindicationem in l. tertia: cum & beluis ea sit communis. Plura alibi, jam satis. Vale, mi doctissime Murete, 5. Kalend. Febr. M. D. LXX.

JOANNES ZOMOSCIUS REGNI  
POLONIAE VICECANCELLARIUS. BEL-  
zensis, Knissynensis, Zamchensis Capi-  
taneus, &c. M. Antonio Mu-  
reto S.

LXXIX.

**T**um ex constanti fama, tum ex scriptis tuis, quæ in lucem à te edita, manibus omnium, ab eorum elegantiam teruntur, cognovi, quantus sis in literis. Facile igitur tua virtus me, etsi tante locorum intervallo à te remotum, & eum, qui te nunquam viderim, in tui amorem trahere potuit. Cum & ipse eas, licet earum ignarus, ac in vita civili occupatus, amem. Id tibi literis hisce meis breviter significare v. lui. Plenus verò per Generosum Johannem Zamoscium, Serenissimi Regis nostri Secretarium, qui istuc à Rege missus est. Cui tu fidem, in iis, quæ tibi nomine meo nuntiabit, adhibebis, & me tui amantem, redamabis. Vale, ex Castris ad Gedanum, 3. Kalend. Julii, M. D. LXXVII.

SERE-

SERENISSIMO ET POTENTISSIMO PRINCIPi STEPHANO, DEI GRATIA, Poloniz Regi, &c. M. Antonius Muræus S. P. D.

LXXX.

**N**ihil in vita aut optabilius, aut honorificentius mihi contingere potuit, Serenissime Rex quàm ut homo neque ingenio, neque doctrina, præter ceteros præstans, amplissima & honestissima conditione proposita, à Majestate tua in Poloniam vocarer. Quod equidem venire cupiebam; non tam privati commodi spe, quàm mirifico quodam studio incensus videndi ac venerandi cominus eum principem; qui solus hodie confirmat vetus dictum, hominis sapientissimi: tunc demùm beatas civitates fore, cum aut Philosophi regnarent, aut Reges philosopharentur. sed id, cum ita cuperem, ut nihil unquam cupierim ardentius, cur efficere non potuerim, Regia Majestas tua ex Joanne Zamoscio Secretario suo intelliget. A qua supplex peto: ut ne propterea dedignetur me in suorum numerum abscribere: neque in quo animo ferat, me, dum vivam, quibuscumque modis potero, & loquendo & scribendo, quantum Regia ipsius liberalitati debeam, profiteri ac prædicare. Deus Opt. Max. Regiam Majestatem tuam rebus omnibus florentissimam quàm diutissimam servet. ROMÆ, Kalend. Decembr.

M. D. LXXVII.

M. ANTONIUS MURETUS JOAN-  
NI ZAMOSCIO REGNI POLONIAE VI-  
cancellario, Belzensi, Knissynensi,  
Zamchenſi Capitaneo, etc.  
S. P. D.

## LXXXI

**P**reter spem & opinionem meam accidit, ut cum in-  
ter me & Joannem Zamoscium Serenissimi Regia  
Secretarium omnibus propè de rebus convenisset: in  
eâ cogitatione totus essem: subito ostenderit Gregor.  
Pontifex Maximus profectionem meam sibi non place-  
re: meq; per viros summa auctoritate præditos monen-  
dum curaverit, ne ex urbe discederem: sibi curæ fore,  
ut ne in urbe deteriori conditione essem, quam quæ mi-  
hi in Polonia deferretur. Quid? etiam ad quingentorum  
aureorum nummorum stipendium, quod mihi jam pridè  
constitutum erat: statim ducentos adjici jussit, manda-  
vitq; Datario suo; primo quoq; tempore quoquo modo  
efficeret, ut aliunde mihi trecenti aurei nummi quot an-  
nis penderentur. Ea re factum est, ut coactus sim depo-  
nere consilium, quod ceperam veniendi ad vos: à quo,  
nec vivam, si me alia ulla res, quam summi Pontificis  
voluntas atq; auctoritas abducere potuisset. Interea  
etiam tacente me, facile omnes vident, quantum Serenis-  
simo ac potentissimo Regi Stephano, quantum tibi, Zamosci  
clarissime debeam. Vobis enim, nisi planè ingratus sim,  
hanc tam luculentam fortunarum mearum accessionem  
acceptam feram, necesse est. Quare, dum vivam, me  
utriq; tantum debere fatear oportet, quantum ab ho-  
mine deberi homini plurimum potest. At te etiam atq;  
etiam peto, ut mihi veniam à Serenissimo Rege impe-  
tres: tibiq; persuadeas, si ullum tempus unquā eveniat,  
ut

ut me vi  
clarissime  
porteat  
majori an  
LXXVI

JOAN  
POLON  
Kniss

NO  
bis  
sum, qui  
poteram  
dem sum  
cui neces  
quàm se  
ipsius oc  
nos quoq;  
gratissim  
tum VA  
LXXXVII  
esse.

M  
M  
ne  
quam ini  
cum, neſe

ut me vitam ipsam vel pro Majestate ipsius, vel pro tua, clarissime Zamosci, dignitate in discrimen exponere oporteat, nemini me concessurum, qui id promptius aut majori animo faciat. Vale, ROMÆ, Kal. Decemb. M.D. LXXVIII.

JOANNES ZAMOSCIUS REGNI  
POLONIÆ CANCELLARIUS, BELZENSIS,  
Knissynensis Capitaneus, &c. M. Antonio  
Mureto S. P. D.

LXXXII.

NOstrum tui studium tam bene cessisse tibi, ut scribis, tibi quidem gratulor; mihi gaudere non possum, qui te hic careo, ubi & frui è propinquiore loco poteram tuis literis, & eas etiam ornare magis, uti quidem summo operè cupiebam. Sed hæc Deo committamus, cui necessario obtemperandum est. Tu vide, ut ad nos quàm sæpius scribas, & cum quid habes, quod tuis ipsius oculis atq; auribus dignissimum esse arbitrere, nos quoq; eo beare ne prætermittas. Rem nobis feceris gratissimam, & nostra amicitia dignissimam. Vale, Datum VARSOVIÆ, die 25. Martii Anno Domini M.D. LXXVII. Scias te Regi nostro imprimis commendatum esse.

MURETUS GERARDO SUO  
S. P. D.

LXXXIII.

Mihi crede. Irascerer TITIO nostro, nisi vererer, ne ipse eandem rationem iniret placandi mei, quam iniit abhinc biennium. Etenim, si nescis, cum ego eum, nescio qua de causa subasperè appellassem; meq; illi

Bb s

ira-



iratum esse dixissem: renidens ille, faxo, inquit, istud  
 verbum magno redemptum velis; Eo ipso die sub vespere-  
 ram, cum mihi jam parata cœnula esset; ecce tibi homo  
 ad fores. Quid tu, inquam, huc? Tecum, inquit, ut cœ-  
 nem, si forte placare te possim *φίλων ἀμφὶ τῷ πείσαν*. Tu ve-  
 rò cœnare mecum potes; placare me neq. tam cito, neq.  
 iam facile potes: Inter cœnam, multa, ut solet, festivè  
 narrare, multa urbanè dicere: quæ omnia ego, non fa-  
 cilè quidem, sed tamen, mihi imperans silentio audie-  
 bam; ita composito ad severitatem vultu, ut ne illud  
 quidem facerem, quod canes iratæ silent. Discessurus  
 etiamne, inquit, iratus es? Multò, inquam, iratior,  
 quàm prius. Postridie eadem hora, cum, tanquam ad  
 constitutum venisset, querenti mihi: Quid tu huc denuò  
 invocatus? *ἀντίπατος δ' ἀγασθῆναι*, inquit ille. Itane, inquam,  
 falsis distis & versiculis cœnam te quotidie nacturum  
 putas? At ego, ne erres, hodie non cœno. Rectè sanè,  
 inquit, ego igitur, te spectante, bona tua comedam. Scio  
 enim, quid tibi in cœnam paratum sit. Forè autem eo  
 die amicus quidam ad me turdos & ficedulas aliquot  
 miserat. Quarum cum partem coqui, partem in crasti-  
 num servari vellem, præteriens ipse coquo meo, homini  
 simplici ac credulo, apud quem valdè gratiofus est, per-  
 suaserat, ut omnes coqueret: alioqui enim fore ut cor-  
 rumperentur. Ita mihi denuò hospes habendus fuit  
 non multi tantùm joci, sed multi etiam cibi. Ubi ad sedi-  
 mus, tam multa dixit, ut non cæteris tantùm domesti-  
 cis, risu ilia distenderit, sed postremo mihi etiam ipsi, qui  
 tristitiam simulare cupiebam, risum invitissimo excusse-  
 rit. Facilè jam perspicere poterat, iram in se meam aut  
 nullam fuisse: & ita erat: aut planè depositam esse: sed  
 expediebat homini, putare me adhuc iratum sibi. Redit  
 tertio: & querenti, quid hoc negotii esset: Volo, inquit,  
 parere

parere veteri sententiæ. Οὐ γὰρ συνποσίτοι φίλων ἀν' ἑαυτοῖς  
 ἰταίεσσι Διέει. Tum tu igitur, inquam, unum me sodalem  
 habes? Ego verò, inquit, te unico magis unicum, neque  
 mihi unquam bene est, nisi cum & esse & comesse unà  
 tecum licet. An tibi igitur diu videris absuisse, qui me-  
 cum & heri & nudius tertius cœnaveris? Quinimò, in-  
 quit, ita erga te affectus sum, ut Medus ille erga Cyrum  
 οὐδ' ὅσον παρὰ δαμύτῳ γέγονεν πάντοτε λυγρὸς μοι δοκεῖ εἶναι. Abi, in-  
 quam, quò dignus es, cum istis tuis ineptiis, ante mihi  
 pro ignoto verba dare postulas? Licuit dicere, licuit ob-  
 jurgare: ipse tamen absterri non potuit, quin  
 mecum cœnaret. Sublatis mensis, quæso, inquam, amoto  
 ludo, an hoc quotidie facturus es? Quotidie, inquit, donec  
 te mihi planè placatum esse cognovero. At ego, inquam,  
 potius iusjurandū in eam rem arbitrato tuo dabo. Quid  
 quæris? Nisi irasci desissem, adhuc opinor eum συνδειπνῶν  
 quotidianum haberem. Itaque quid vis jam perpeti possum  
 potius, quàm ut istis irascar, qui se tam bene vindicare  
 nōrunt. Extra jocum, mi Gerarde, neque Tisio quisquam  
 vir melior est, neque officii plenior, neque cuius aut sermo  
 aut convictus mihi dulcior sit: sed tamen interdum in me  
 nimis sibi multa permittit. Nihil est in Bibliotheca mea  
 ita abstrusum ac reconditum: ut ei non pateat: omnia in-  
 spicit, omnia perscrutatur. Fuit etiam tempus, cūm,  
 quicquid visum erat, etiam me inconsulto, auferebat, ac  
 deinde referebat, sed id facere desuit, postquam me agrè  
 ferre animadvertit. Et tamen sic quoque absente me, per-  
 volutat omnia, omnes forulos excutit, neque si quid mo-  
 do absolutum ac perpolitum est, sed rudia etiam, si col-  
 libuit, & inchoata describit. Quis ne per hoc nimis me  
 ait? Hispanus Poëta: sed sit satis, saltem ne me  
 ceret: sed, quod semper pollicetur, nunquam præstet,  
 nugæ meas legeret solus. Nunc, quia ita me amant  
 mea

mea omnia miretur, vos quoque sibi esse hujus erroris socios putat: & ea saepe vobis, ut admiranda dilaudat, quae vos, sat scio, contemneretis. Mitto cetera. Hoc de Graeca tragædia quale est? Neque enim uni tibi, ut putas, sed aliis compluribus amicis dixit vidisse se apud me tragædiam quandam græcam admirabilem: cum tamen ego latine quidem duas tantum adolescentulus tragædias scripserim: de græca tragædia scribenda nunquam, ne per somnium quidem cogitarem. Non ea vis animo. Et tamen vix credas, quot mihi tragædias ficta illa tragædia concitavit: multis qui ex eo illud audierunt, ejus legende potestatem sibi fieri postulantibus, mecum quoque, quod id non facerem, expostulantibus. Narrabo tibi rem totam, ut tu porro narrare aliis possis. Sumpseram haud ita pridem, otiosus in manus Senecæ tragædias, easque animi causa evoluebam: ac forte incideram in principium Troadum. Ita enim vocandam puto, quæ vulgo dicitur Troas: Libuit tentare, num quid græcè simile possem: & subito quodam impetu itaque exorsus sum:

Εἴ τις τυράννων θυμὸν ἐξαιθέρις τύχη  
 Φρενας γιγνῆτε ταῦτ' ὅ· ἢ κομπᾶξεται  
 Ἐς αἰεὶ θεῖον ταυτὸν ἐλπίσας ἄρχειν.  
 Εὐλοπὴ καὶ σοὶ δύσμορε Τεγὶ ἐμβλεπτοί.  
 Οὐδ' ἔτι ποτ' οἱ θεοὶ πρὸ πτερό τοῖς θνητοῖς στυγνὰ  
 Σαφέστερον ἀπέδειξαν, ὥς πάντ' ἀδενῇ.  
 Παιδων τ' ἄφρμα καὶ καπνὸς ἰᾶς ὕναρ,  
 Φῶς, φῶς τὸ κλεινὸν ἔρεσμα τῆς σπίνης ὀλβίας  
 Ἀσιὰ πᾶσα γῆς, θεοὶ πᾶν τελευτῶν χεῖρ,  
 Ὡς ἄρχετο πολυμήν καὶ ἄσπερα φθὴν ὀδὸν,  
 Κῆρταί τε φρεσὶ οἷον ἐξ οἷς φανεί;

Vereor ne proficias epistolam, si perrexero. Et tamen blandiente progressu, persecutus sum totam illam Hecubæ ἔκθιν. In illud αὐτοχρῆμα absente me, inciderat Tyrtius: & putans se reperisse, quod pueri in faba, avi-

dissime  
 me digr  
 ciderat  
 tragædi  
 temere  
 an Hor  
 ut quis  
 mnes o  
 tiende p  
 ego, qu  
 tem ull  
 tam id  
 aut hoc  
 ejus fab  
 tum no  
 ratus su  
 iis præc  
 parum  
 ostendiss  
 Video i  
 mi Ger  
 quod eg  
 tanti ef  
 auditor  
 operis i  
 Neg ent  
 qui bon  
 cultus il  
 diis suis  
 bas, cog  
 stantiss  
 do me ab  
 Prid. Id.

dissimè legere exorsus, superveniente me, destitit. Vix à  
 me digressus erat, cum, ut in quemcunque amicorum in-  
 ciderat, spargit, mirificum Poëtam esse me: visam à se  
 tragædiam græcæ meam *δαμόνιον πρῶτον*: sed me non  
 temerè quemlibet ad mea legenda admittere: Jovis, ut  
 ait Horatius, auribus illa servare. Paucis post diebus,  
 ut quisque amicorum mihi obvius factus erat, ita om-  
 nes orare, obsecrare, obtestari, uti sibi saltem inspi-  
 cienda præclara illius tragædiæ facerem copiam. Cum  
 ego, qui vix jam illorum versuum memineram, nega-  
 rem ullam unquam à me scriptam esse tragædiam græ-  
 cæ, idq; etiã jurejurando confirmarem, neque tamen  
 aut hoc persuadere possem, aut ab eis cognoscere, quis  
 ejus fabulæ auctor fuisset, exstitit tandem unus, qui Ti-  
 tium nominaret. Audito hominis nomine, statim suspi-  
 catus sum, id quod res erat. Itaq; cum quibusdam eorum,  
 iis præcipuè, quos videbam iniquiore animo ferre, quod  
 parum amicè agere me secum putarent, eos versus  
 ostendissem feci, ut tragædia in minimum vertereetur.  
 Video tibi quoq; illud mendacium aspersum. Tu verò,  
 mi Gerarde, cave quidquam meorum esse arbitreris,  
 quod ego non tecum libentissimè communitem. Quod si  
 tam essem, ut quidquam tale scripsissem, non te modo  
 auditorem, monitorem, censorem admitterem; sed alios  
 operis inspectores, quàm possem, plurimos corrogarem.  
 Neq; enim mihi cornea fibra est. Neq; quisquam unquam  
 qui bonos versus aut fecisset, aut fecisse se putaret, oc-  
 cultos illos habere voluit. Ego de tua valetudine, de stu-  
 diis tuis, quid in isto amænissimo secessu legas, quid scri-  
 bas, cognoscere discupio. Vale, & alumnum tuum præ-  
 stantissimum adolescentem, Ascanium Columnam, quan-  
 do me ab eo amari scribis meo nomine saluta. ROMÆ,  
 Prid. Id. Sextil. M. D. LXXV.

M. A. N.



M. ANTONIUS MURETUS AVGU-  
STINO VALERIO EPISCOPO  
Veronenſi S. P. D.

## LXXXIV.

**S**oleo libenter, quoties incidit occasio, de summis vir-  
tutibus tuis loqui, & commemorare in omni sermo-  
ne eum usum, qui mihi tecum olim Venetiis maximus ac  
suavissimus intercessit: cum & ego te propter tantam  
doctrinæ copiam, tantamq; morum sanctitatem, quan-  
tam in homine adolescente nunquam videram, colerem,  
atq; adflectarer: & tu mecum, quæ tua est humanitas,  
tua omnia familiarissimè communicares. Ex eo igitur  
pleriq; qui mecum versantur, in eam opinionem vene-  
runt, ut putent me apud te aliquid posse: neq; ego, ut ve-  
rum fatear, hanc ipsorum opinionem, aut refello, aut  
imminuo: confirmo potius. & quantum in me est, augeo:  
qui præclare intelligam, quanto perè mihi pulchrum at-  
que honorificum sit, arbitrari quam plurimos me à te  
tali viro amari: sæpe igitur multi, qui à te obtinere ali-  
quid vellent, egere mecum, ut ad te sua causa scriberem:  
quod tamen facere usq; adhuc nolui: quod, quæ ipsi vo-  
lebant: non erant ejusmodi, ut ea vel me à quoquam, vel  
à te quenquam petere debere arbitrarer. Nunc cum ea  
se res obtulerit, in qua non modo clarissimi viri mihiq;  
amicissimi commodum; sed quod multò pluris est, existi-  
matio tua quodammodo agitur, putavi me, nisi ad te,  
præsertim rogatus, scriberem, officio defuturū. Jam diu  
est, cum qui hic Pauli Sadoleti Carpentoratenſis Epi-  
scopi, viri præstantis, planeq; magno illo patruo digni,  
negotia gerunt; conqueruntur, non solvi pensiones an-  
nuas: quarum alteram ipsi, alteram ejus fratri patrueli  
Camillo ex Ecclesiæ tuæ præventibus deberi adseve-  
rant.

rant. Jamq; hic tertius mensis est, cum ad te super ea re, ipsorum rogatu Hippolitus Cardinalis Ferrariensis, cujus ego, ut scis, in familia sum, literas dedit. Cum hoc omnibus qui te norunt, novum atque incredibile videntur, dare te cuiquam causam ullam de te querendi: tum te nihil, dum ad Cardinalis literas respondisse, non alii tantum, sed & ipse miratur. Hic ego te, Valeri optime ac sapientissime, non orabo: des operam, ut Sadoleta quamprimum satisfiat: novi non integritatem modò; sed & altitudinem animi tui longissimè remoti à sordibus, & pro honestate nihili cetera omnia facientis. Hoc tantum petam, ut cum ei satisfaciendum curaveris, quod te celeriter facturum non dubito, & certò mihi persuadeo per te non fletisse, quò minus suo tempore factum sit; hoc igitur cum feceris, ut significes Cardinali, literas ipsius tantum apud te quantum debent, ponderis habuisse. Vale. ROMÆ, Idibus Mart. M.D. LXVIII.

M. ANTONIUS MURETUS JOANNI  
ANTONIO ODISCALCO SUO S.

## LXXXVI.

ET si pro mutua inter nos voluntate tibi dubium esse non potest, quin tua omnia mihi chara ac jucunda sint, tamè mihi hoc affirmanti credas velim, literas tuas mihi etiam jucundiores fuisse, quàm tu existimare facile possis. Nam & quod ego summo opere cupiebam, continebant ~~et~~ <sup>et</sup> totam rationem itineris tui, & quæ istic vita, qui mores, quæ cum ceterarum artium, tum juris docendi ratio, ita disertè ac luculenter explicabant, ut Ulixis Homerici narrationem Alcinoò, ac Theacibus minus fuisse jucundam putem. Admiscueras etiam eis plurimum nativi illius leporis & ~~aut~~ <sup>et</sup> ~~quæ~~ <sup>urbæ</sup> ~~urbæ~~ <sup>urbæ</sup>.

urbanitatis, quâ præsens sermones tuos condiebas, ut eas legens, tantum non spectare te ac tecum confabulari viderer. Accessit ad voluptatem meam, quod patruus tuus V. C. qui eas mihi usque in Quirinalem, ibi enim nunc sumus, ipsemet attulit: ostendit mihi etiam eas, quas ad alterum patrum scripseras; quibus eadem prope quæ in meis, sed latine expressa continebantur. Tum demum agnovi, quid te adduxisset, ut ad me populari sermone scriberes. Neque enim illud te movit, in quo jocularis Phormionis exemplum: sed id potius fecisti, φιλονεικῶν παρ' ἡμῶν ἐπὶ τῇ ἐν αὐτῷ τῆς τοῖς ἰδιώμασιν ὁμιλίᾳ. Quod artificium tuum cum jam detectum esse videas: censeo posthac ad me quoque latine, si videbitur, scribas. Quod tamen ea lege à te peto, ut ne propterea minus crebras, aut minus longas literas des. Quid vis enim malo, quam earum fructu carere. Gaudéo metum meum de iis qui istis jura civile profitentur vanum fuisse: & eos scriptores, quos ego ubi de laudare consueveram, etiam istis vigere. Felicius hac in parte tecum actum est, quam cum quibusdam aliis συμφοιτηταῖς tuis, qui, ut à me digressi sunt, inter illos συζητῶντες ac πορροῶντες splendorum ineptiarum magistros consenscunt. Ego & tibi hoc nomine, ut debeo, gratulor, & cupido tempus illud exspecto, cum ad nos non illa inani δόξα σοφίας, sed vera, ac solida jurisprudentia instructissimus revertaris. Nondum audisse te puto, me hic Pandectas publice interpretari, non sine aliqua molestia eorum, qui nollent configi oculos cornicibus, & quæ juvenes didicere, senes ridenda fateri. Equidem dabo studiosæ operam, ut eripiam ex animis hominum stultissimam illam opinionem, nihil in jure, aut sapienter cogitari posse, quod non ex illis lacunis hauriatur, aut eruditè dici, quod non insulse ineleganterque dicatur. Spero me his

astivis

astivis n  
secessu al  
modò  
tur. Int  
tuò face  
Vale, RO

HIPP  
RAR

Cum  
tubi  
à te perpe  
defendend  
labefactan  
del. gerem  
locum ac g  
ut magna  
ad ipsam  
nister de  
parte in tu  
de te pollic  
præstitum  
illo docend  
b ipso De  
nobis quide  
luntas de  
r

æstivis mensibus, quibus res proferentur, in Tiburno  
secessu aliquid novi adolaturum. Quidquid erit, si quid  
modò erit, sum enim mirificè Callipedes, ad te mitte-  
tur. Interea amabis me, ut facis. Scis enim te id mu-  
tuò facere, & ad me, quàm sapissimè poteris, scribes.  
Vale, ROMÆ 3. Non. Januar. M. D. LXVIII.

HIPPOLYTUS CARDINALIS FER-  
RARIENSIS ARCHIEPISCOPUS Au-  
scitanus A. Sorbino Theolog  
S. P. D.

LXXXVI.

Cum allatum esset ad nos de doctrina, & eruditione  
tibi in rebus sacris à Deo concessa, deq; studio quod  
à te perpetuò adhibetur in vera & Catholica religione  
defendenda, atq; in pravis opinionibus refellendis, ac  
labefactandis, libenter sanè fecimus, ut te potissimùm  
deligeremus, qui in Ecclesia nostra Auscitana Theologi  
locum ac gradum obtineres. Quod munus, hortamur te,  
ut magnò animo suscipias, utq; te cùm primùm poteris  
ad ipsam Auscorum civitatem conseras: ut animus  
noster de populo illo dies noctesq; sollicitus, aliqua ex  
parte in tua fide, ac diligentia conquiescat. Multa nobis  
de te pollicemur, neque diffidimus à te, Deo adiutore  
præstitum iri. Laborum ac vigiliarum quas in populo  
illo docendo collocabis, vera quidem & solida præmia  
ab ipso Deo, cui servies, expectare te convenit: sed ne  
nobis quidem ullo aut loco aut tempore ornandi tui vo-  
luntas defutura est. Hoc re ipsa verum esse compe-  
ries. Vale, ROMÆ, 6. Idus Mart.

M. D. LXVIII.



PETRUS VICTORIUS LUDOVICO  
CASTANÆO RUPIPUZÆO ORATORI  
Regis Christianissimi ad Gregorium  
P. M. S.

LXXXVII.

**N**osti maximè illustris, & omni liberali doctrina  
erudite Orator, quod literis proditum fuit à M.  
Cicerone de Themistocle sapiente ac forti viro, respon-  
disse eum, cùm quidam illi pollicitus esset, se artem ei  
memoria traditurum, oblivisci se malle discere. Quæ  
sanè vox egregia est, & summo hoc homine digna: re-  
ctique fecisset, quicumque literis mandasset, ne pruden-  
tiæ plena sententia vetustate interiret. Laudo igitur  
Ciceronem, qui in illustri loco ipsam collocavit. Nam  
Plutarchus, qui vitam ejus diligenter scripsit, in aliis  
pluribus ejus ~~historiis~~ hanc non commemoravit:  
non tamen, cùm de ipsa sæpe mecum accurate cogitarem,  
probo declarationem ipsius, qui putavit hoc a Themis-  
tocle dictum esse, quod hærebant in memoria, quacun-  
que audierat aut viderat. Etsi namq. hoc præstare po-  
tuit, ut novum illud artificium despiceret, cùm minime  
ipso egeret; nihil tamen valebat ad acrem cupiditatem,  
sumque explendam, quæ in animo Themistoclis vige-  
bat, ejuiendi inde, quod tum molestum erat, ac dolorem  
ingentem homini inurebat. Arbitror igitur (ut liberè,  
quod sentio, loquar) hoc summum illum virum signifi-  
care voluisse, se valde omni mortali obligatum futu-  
rum, qui rationem ipsi viamq. monstrasset, qua penitus  
obliteraret cuncta, quæ non sine dolore in memoria in-  
siderent; præsertim cùm feratur Themistocles in ado-  
lescentia culpas non parvas admisisse; famaq. ipsius  
eo tempore, quasi ad metas hæserit; quod postea ipse

quo-

quoque  
tis acco  
mo ego  
fuerint  
cui volu  
rium su  
etiam d  
cum mu  
ipso judi  
tuo, quem  
magnum  
verum e  
nicne sue  
auctorita  
Kalend.

LUDO

**F**ontes  
tu, ta  
quod ipse  
exquirend  
bas, qui de  
mnium ad  
tantum ca  
multisq. ac  
& subterf  
taque add  
fecisse, ut  
diti inter  
populum tal

quoque confessus est: & simili ad rem declarandam satis accommodato, purgare conatus est. Et sane existimo ego paucos mortales inveniri, qui vacui penitus fuerint ab omni labe ac vitio in lubrica illa etate, & cui voluptas corporis libidoque dominatur, quæ imperium suum durum atque injustum, exercet aliquando etiam in graves & moderatos viros. Cum igitur mecum multum jam de hoc quasi verim, expecto modò de ipso iudicium tuum: teque iudicem hujus questionis statuo, quem ob exquisitam honestarum artium scientiam, magnumque usum regnum spero facile cogniturum, an verum ego in hac re attigerim, sive contrà lapsus opinionem fuerim, valdeque peccarim, qui temerè à tanti viri auctoritate discedere, ausus sim. Vale, FLORENTIA, 6. Kalend. Januar. M. D. LXXXVIII.

LUDOVICUS CASTANÆUS RUPI-

TOZÆUS P. VICTORIO

S. P. D.

LXXXIIIX.

**F**ontes quidem ipsi, quod dicitur, sitiunt, Victori, cum tu, talis tantusque vir in hoc genere literarum de eo quod ipse statuisti, cuiusquam tibi sententiam præterea exquirendam putas. Sed si maximè aliquem quærebam, qui de tuo iudicio iudicaret; ego tamen minimè omnium ad eam rem idoneus videri poteram: qui dictis tantam causam, ut vos loquimini, hæc studia attingo: multisque ac gravibus curis impeditus exceptas tantum & subsivas horas eorum tractationi tribuo. Facile itaque adducor, ut credam, te magis, ornandi mei causa fecisse, ut quæreret, quid mihi de tua Themistocleæ dicti interpretatione videretur, quam quod me valde bonum talium rerum existimatorem esse iudicares.

Sed tamen, si mihi quoque in vestro eruditorum hominum senatu sententiæ difficilis est, adsentior tibi, Victori, atque ita adsentior, nihil ut putem super hac re verius aut sapientius cogitari posse. Nam ut tu recte ratiocinaris, si omnia in animo Themistocli, quæcunque aut audierat, aut viderat hærebant; poterat quidem despicere artem illam memoriæ, ut sibi minus necessariam: sed nihil tamen erat causæ, cur artem præterea requireret obliviscendi. At cum gaudium, quod cupiebat e rebus suis præclarè gestis, contaminaretur recordatione eorum, quæ adolescens libidinose ac nequiter fecerat, non immerito cupiebat, eorum oblivisci posse, ut illo gaudio liquido sinceroque fruereetur. Habes igitur me ad stipulatorem sententiæ tuæ: quod tu quanti facturus sis, nescio: ego ita demum à te non omnino parvi fieri putabo, si me, quod tuo commodo fiat, talibus epistolis sæpe provocaris. Interea, mi Victori, si quid vides, quod ego hic aut tua, aut tuorum causis facere possem, fac ut sciam; atque hoc pro certo habeto, tua omnia majori etiam studio, quam mea semper à me procuratum iri. Vale,  
ROMÆ, 6. Non. Januar. M. D. LXXIX.

M. ANTONIUS MURETUS S. D.  
HERCULI CIOFANO.

LXXXIX.

**I**Ta crebra sunt tua erga me officia, ut ego, quia nihil adhuc causa tua ex animi mei sententiâ efficere potui, quoties de te cogito, id quod facio sæpissimè, totus pudore suffundar. Sed tanta his temporibus in urbe est Æneia conditionum, quæ quidem ex usu tuo esse possint, ut nunquam fuisse majorem putem. Video hic quotidie homines adolescentes optimo ingenio, amabilissimis moribus, mediocri utriusque earum linguarum, quæ in præ-

tio sunt  
reminen  
labore  
quam  
Remit  
runt.  
valde a  
de eo tibi  
incredib  
melioven  
bros, de  
sibi mem  
da (pera  
erit, stat  
dum tu  
mine dili  
graci se  
labore  
Mi Ciofa  
le, 14. K  
quid lie

M. A.

**T**u  
unq  
bere deb  
quidquan  
natura ti  
poteſt, gr  
intercept  
primū

tio sunt intelligentia; qui, cujus domi vivant, reperire  
 neminem possunt. Non desatiscar tamen experiri, eniti,  
 laborare, <sup>πύλον</sup> <sup>ἀλφει</sup> ut Græci dicunt <sup>χρῆμα</sup> donec ali-  
 quam rationem reperero, qua nobis una vivere liceat.  
 Remitto ad te orationes, quæ mihi non magno usui fue-  
 runt. Liber est neq. antiquus, neq. descriptus ex ullo  
 valde antiquo, & negligentissime scriptus. Ago tamen  
 de eo tibi gratias sanè maximas, Priscianum, qui mihi  
 incredibiliter gratus fuit, spero, aut potius video multo  
 meliorem fore. Si frater Vincentii Stampæ eos ad me li-  
 bros, de quibus scribis, mittere voluerit, obstringet me  
 sibi memoria beneficii sempiterna. De Gellio, amabo te,  
 da operam, ut noster sit. Sumptuum quidquid factum  
 erit, statim tibi diligenter & cum fide curabitur. Sar-  
 dum tuum, aut potius meum quoque salutabis meo no-  
 mine diligenter. Velim, dum islic es, si qua ratione potes,  
 græci sermonis saltem prima elementa perdiscas. Ex  
 labore non magno magnos fructus, si feceris, capies.  
 Mi Ciofane optime & suavissime, etiam atq. etiam va-  
 le, 14. Kal. April. M. D. L X I X. Ex urbe, SARDUS ec-  
 quid literarum à me acceperit scire cupio.

S. D. M. ANTONIUS MURETUS M. AN-  
 TONIO CIOFANO S.P.D

XC.

**T**u verò neq. mihi illiberalis visus es, neque videri  
 unquam potes: neque tantum apud me pendus ha-  
 bere debuit abjectissimorum hominum cupiditas, ut  
 quidquam de te suspicatus sim alienum a moribus &  
 natura tua. Minus quidem tuum mihi super quam tibi  
 potest, gratum atq. acceptum fuit: parte autem illius  
 interceptam fuisse, antequam ad me pervenisset, ex tuis  
 primum literis intellexi. Factum quod tibi accidit est for-

Cc. 3 didic



dide & illiberaliter, qui si quid à me eo nomine amplius pecunia postulassent, dedissem non invitus. plus etiam, quam quantierat, quo ipsi me fraudarunt. Sed in ea re est, quod tibi gratias agam, ut sanè ex animo facio, valdeq; cupio occasionem mihi aliquam objici declarande voluntatis erga te meae. Ipsos propterea in iudicium vocari nolim: objurgari modestè possunt: ut discant posthac, si possunt esse fideiiores. Ad Herculem fratrem tuum quod attinet, ego in eo amando vix tibi cedo. Itaque curabo & adjuvabo quacumq; re potero, ipsius commodas; neq; committam: ut ullum à me munus hominis vere amici, aut ipse aut tu ullo aut loco aut tempore desiderare possitis. Interea peto à te, ut amare me pergas. & tibi planè persuadeas te à me fraterne amari. 10. Kalend. Maii. ROMÆ, M. D. LXX.

E I D E M.

XCI.

**E**T ad literas tuas, & ad versus suavissimi adolescentis Julii Roscii citius respondissem, si habuissem, per quem arbitrarer literas meas ad vos perlatum iri. Cepi tandem hoc consilium, ut eas mitterem ad amicum quendam, qui mea causa eas perferret in seminarium ad Roscium: à quo spero has quoque tibi redditum iri. Eadem causa est, cur nihil rescribam ad literas Germani illius, quas tu à Manutio tibi datas ad me misisti. Scribit enim ad me Rostichio, cuius ego oppidi nomen nunquam antea audiveram, neq; ubi terrarum sit scio. Et alioqui, ut verum tibi fatear, non admodum libenter scribo ad homines ignotos; præsertim ortos in iis regionibus, ubi vulgò à recta & vera religione homines desceperunt: vereor enim ne imprudens ad aliquem non sapientem litteras dem: cum quibus ego nihil mihi esse

AUT

aut familiaritatis aut commercii volo. Nec causa quidem ulla est, cur hoc quidem tempore, praesertim occupatus, respondeam ad literas fratris tui, quibus mihi gratias agit, quod se Episcopo Sulmonensi commendandum curaverim. Ego semper, quae ad te, quaeque ad illum pertinebunt, studiosissimè procurabo: neque in tanta nostra coniunctione ullus unquam gratiarum actioni futurus est locus. Manutium, si adhuc iste est, meis verbis salutes velim: ei quoque adfirmes, in valetudinem ipsius mihi summo dolori esse: qui, si forte animum induceret, huc ad nos secedere, & nobiscum transigere hos aestivos calores, fortasse perciperet eandem utilitatem & salubritatem caeli Tiburtini, quam multi alii capiunt: à me certè expectare posset ea omnia officia, quae vetustissima inter nos amicitiae & summis ipsius erga me beneficiis debentur. Salutabis etiam meo nomine optimum & eruditissimum hominem Fulvium Cardulum: ei quoque adductus mea commendatione rationibus tuis consulere conetur, ex me quoque gratias ages. Plura scriberem, sed avocor. Vale, II. Kalend. Sextil. M. D. LXX.

## E I D E M.

## XCII.

Gratulare mihi, Caesar valet: cuius in valetudo tantum mihi maerorem attulerat, quantum ego ipse nunquam credidissem. Mihi crede, non putabam eum tantoperè à me amari. Fuit ille quidem ita propinquus, ut Poëta loquuntur, adæ pòleus, ut jam jamque efflaturus animum videretur. Aliter Deo visum est, qui maluit eo conservato, quam sublato, sibi gratias agi. Potero nunc, antea enim non poteram, ad fratrem tuum scribere, ei quoque ut decet, gratias agere, & de vasis quatuor, quae ad me misisti (sanè elegantibus & operis eximiis, & de literis

*amantissime scriptis. Interea tu cum ad eum scribes, significabis ei, munus mihi fuisse gratissimum, purgabisque me, quod ad ipsum non statim scripserim. Nihil tunc aliud quam de Cesare cogitabam. Nunc quoque expectandum est, dum hoc recens gaudium conquieverit. Ita sumus homines: et dolore et gaudio aequè impendimur. Vale, TIBURE, 5. Idus Septembr. M.D.LXX.*

M. ANTONIUS MURETUS  
JULIO ROSCIO S.

## XCIII.

**E**X Flegiis, quas à te nuper accepi, dici non potest, quantum ceperim voluptatis: non tantum quia me laudabant, et si *ἡδίστον ἀρετῶν ὁ ἐμῶν*, sed quia id elegantissime venustissimeque faciebant. Omnino multa mihi Hercules noster de ingenio tuo, deque praestantia in pangendis versibus dixerat: Sed tu eam opinionem, quam ego ex ipsius sermonibus de te conceperam, longè multumque superasti. Verè hoc tibi adfirmo: nulum à multis jam annis vidi aequalem tuum, quem tecum in hoc genere conferendum putem: neque dubito, si perrexeris, quin possis aliquando inter optimos hujus seculi Poëtas censerì, insignemque tuo capiti petere inde coronam. Unde prius paucis velarint tempora Musae. Sin te, quod fore auguror, gravius aliquod studium, progrediente etate, ab amœnitate Poëmatum abduxerit; tamen te, mi Rosci optime et suavissime, hortor, ne Musas nunquam planè deseras, nè ve unquam ita te addicas cuiquam illarum severioris, ut ita dicam, supercilii artium ut non tibi identidem ex Musarum cantribus, si nihil aliud, petendam certè graviolem cogitationum allevationem putes. Neque te hoc facturum esse

esse diffid  
exspecta  
te etiam  
gratissim  
eorum si  
omnibus  
consuetu  
dem, ad q  
inutiles f  
planè in f  
Sextil. M  
ut Ciofan

In hac e  
studior  
quod nesci  
Quarum  
ad ullam  
imbutus  
tem inter  
cuiusqua  
tus patia  
ut verum  
Xenophon  
Poëtis G  
Volo equi  
evenire  
strumem  
possis, M  
hac à me

esse diffido. *Μᾶλλον δ' ὅπως ἴδω ὁμῶς πᾶδας, ἀρχαί β' ἐς πολ-*  
*υς ἐκ ἀπείρου φίλος.* A me verò ut posthac omnia officia  
 expectes, quæ à homine amicissimo expectari possunt,  
 te etiam atq; etiam oro. Cùm istuc rediero, erit mihi  
 gratissimum, si interdum ad me, quod modo permissis  
 eorum fiat, apud quos educaris, ventites: meq; ac rebus  
 omnibus meis æquè liberè utaris ac tuis. Spero autem  
 consuetudinem sermonesq; nostros ad istam ipsam lau-  
 dem, ad quam aspiras, consequendam tibi non prorsus  
 inutiles fore. Vale mi Rosci, tibiq; persuade, te à me  
 planè in filii & quidem ὁψιῶν loco amari 11. Kalend.  
 Sextil. M.D.LXX. Literas quas cum his accipies, peto  
 ut Ciofano, cùm primùm poteris, reddendas cures.

E I D E M.

XCIV.

**I**N hac commutatione consilii de instituenda ratione  
 studiorum tui, nihil me magis sollicitum habet, quàm  
 quod nescio, quos progressus in Græcis literis feceris.  
 Quarum sine mediocri saltem cognitione cave, putes  
 ad ullam doctrinæ præstantiam perveniri. Eis si ita  
 imbutus es, ut possis Aristotelem suapte lingua loquen-  
 tem intelligere, ejusq; etiam Interpretes Græcos, sine  
 cujusquam interpretatione latina consulere, non invi-  
 tus patiar te ad studia Philosophiæ gradum facere: etsi,  
 ut verum fatear, Demostheni, Thucydidi, Herodoto,  
 Xenophonti, & hujus generis Scriptorib; prætereaq;  
 Poetis Græcis annum adhuc unum dari maluisssem.  
 Volo equidem, quicquid ages, prosperè tibi ac feliciter  
 evenire: sed tamen non committam, ut si absq; illo in-  
 strument ote ad Philosophiâ contuleris, dicere unquam  
 possis, Muretum tibi ejus consilii auctorem fuisse. Neq;  
 hæc à me ita disputantur, quasi tibi in iis literis, quæ  
 Cc 8 huma-



humaniores dicuntur, consensendum arbiurer. Longè semper ab ea sententia meus absuit animus : sed tu & ea etate es, ut properare non debeas : & eo ingenio, ut si firma ac solida doctrinæ fundamenta jeceris, ad summa omnia facile perventurus esse videaris. Nam quod ais, sine eloquentia multos ad summam amplitudinem pervenisse, sine sapientia neminem : verius dixisses & sine sapientia, & sine eloquentia, & sine ullo vero bono multos ea, quæ vulgò habentur amplissima, & olim consecutos esse, & quotidie consequi. De quibus constitueram hoc loco pluribus disserere : sed avacor. Tres enim hic habemus Cardinales, Augustanum, Var-miensem, Alciatum : qui mihi omne propè tempus eripiunt. Mi Rosci, ignosce occupationibus meis, & vale. TIBURE. 3. Non. Octobr. M. D. LXX.

M. ANTONIUS MURETUS HER-  
CULI CIOFANO SULMONENSE.

S. P. D.

XCV.

**A**ccepi volumen orationum : de quo amo te, ut de-beo, plurimum, eo simul atq; usus ero, remittam. Demere partem de solido die apud Horatium, sine ulla dubitatione est, meridiari, id est, ipso meridie horam unam aut alteram dormire : quod qui faciunt, diem quodammodo frangunt : ac dividunt ; neque eum unum ac solidum & inalterabilem esse patiuntur. Itaque is, qui demit partem de solido die, dicitur id facere, nunc viridi membra sub arbuto stratus, nunc ad aquæ lene caput sacræ. Et hoc ipsum Varro alicubi vocat, diem dividere. De verbo deducendi, cur eo vim ullam significare putes, non sanè video. Cleopatra quidem neque volens, neque invita in triumpho ducta est. At non est tamen dis-

bium

bium neminem volentem deus pœnas dat ei. Nemo enim volens vincitur, aut pœnas dat ei, adversus quem bellum gessit. Versus tui non infraves sunt: & erit mihi gratum, si te, cum licebit, in hoc quoque genere exerceas. Vale. ROMÆ. 4. Idus Mart. M.D.LXXI.

P. GILBERTUS MALLOCIUS  
M. ANTONIO MURETO  
V. C. S. D.

## XCVI

**D**upliciter sum delectatus tuis literis, & quod me ad amicitiam applicare, propiusque adjungere cupientem, tam humaniter tamque benevole exceperis, & quod Francisci Flebardi Episcopi nostri causam ita amplexus, ut in ea juvanda, & consilio tuo promovenda, non mediocrem naturæ tuæ bonitatem, & humanitatem expresseris. Qua quidem de re, non solum apud me, qui tibi multa debere cupio: sed apud illum quoque suosque omnes, summam, mirificamque gratiam inisti. Ille igitur te admonente & hortante, maxime sacris initiatus, in numerosque relatus est, ut quæ antea rebus absolute perficiendis difficultas opponebatur: nunc penitus sublata, ereptaque videatur. Adeo ut ex postrema literarum tuarum parte, in spem certam venerimus: totam negotii istius explicandi rationem perfacilem jam fore atque expeditam. Quod totum prudentissimis tuis consiliis, amantissimisque admonitionibus acceptum ferre volumus. Episcopum itaque nostrum rursus tibi commendare, necesse non habeo: commendo tamen: hoc enim ad officium meum adeo pertinere arbitror, ut nunquam nisi re perfecta & absoluta, de illa & laborare, & sollicitus esse desinere neque possim, neque debeam. Te verò vehementer oramus, obtestamurque, ut quemadmodum præclare initia  
posui-

posuisti, ita in eodem voluntate perseveres. Quod de te, & speramus, & sanè confidimus. De turbulento rerum nostrarum statu, nolo quicquam ad te scribere. Neque enim id ego præstare possum sine mærore, neque tu sine summo doloris sensu intelligere posses. Satiùs est igitur res nostras silentio involvere & obtegere: quæ aliud nihil sunt, quàm bella infanda, necesse, incendia, furta, rapinæ, ut uno versu complectar omnia.

Nolo enim tibi esse molestus in recensendis particulatim nostris miseriis. Tametsi non dubitem, te patriæ quoque calamitatibus etiam longè disitum, non mediocriter affici, & commoveri. Neque enim solus Ulysses amans est Patriæ. Ad rem nunc redeo: Ego certe, Murete, vir clarissime, nisi pro illo tuo tam propenso, ad me amandum complendumque studio, proque illa, quam de me habes, opinione, tibi perpetuò de vinctus, obstrictusque permaneam, ingratus planè sim, meque dissimilimus. Quod nulla neque dies, nec anni efficere poterunt consequentes. Extremum illud erit, ut Dracchini ad nos, re peracta, letum contentumque, quàm primùm dimittas. Vale GRATIANO POLI 12. Kalend. Octobr. M. D. LXXXIIII.

M. ANTONIUS MURETUS S. D.  
SINIBALDO ANTONINO SUO.

XCVII.

**I**N summis occupationibus meis, Sinibalde Antoniæ, quæ me respirare vix sinunt, legi tamen Dialogum tuum, & voluptatem longè maximam ex ejus lectione percepi. Delectarunt me argumenta & ingeniosè excogitata, & densa & vivo (ut ita dicam) ac spiranti orationis genere expressa. Itaque ut Pythagoram ajunt

è mor

è modulu  
judicasse  
de tui i  
mor aut  
ex parte  
tus ac ju  
forem fr  
sui, quã  
agnosco  
in me con  
tibi homi  
eag de me  
dem quan  
fradere p  
modestus  
Auctor en  
neque refon  
scenium p  
sunt; ubi  
cescent.

LXXII

M. A N

CI

**Q**uod  
le su  
vent, Fra  
se charitat  
diana cont  
benignissim  
re pradica

ē modulo pedis, quanta corporis mole fuisset Hercules, judicasse: sic & ego ex hoc brevi commentario facile de tui ingenii magnitudine, ac præstantia judicavi. Amor autem erga me tuus, quem planè singularem omnī ex parte declaras, noli querere, quantopere mihi gratus ac jucundus fuerit. Neq. ullum unquam mihi majorem fructum vigiliarum ac laborum meorum proposui, quàm ut à tui similibus amarem. Quare etsi non agnosco eas laudes, quas tu *ἀντὶ τοῦ ἡρώδου*, ut ajunt, in me congeris: summè tamen amosum amorem, qui tibi homini tam acuto ac perspicaci tenebras offuderit; eaq. de me sentire ac prædicare coegerit, qua, ne tu quidem quanquam disertus es, alii cuiquam facile persuaderè posses. Dialogum edas, censeo: nolo enim ita modestus videri, ut gloria tuæ mea modestia obstet. Auctor enim tibi sum, ut alta medicere, ac præcudas: neq. reformides obrectatorum voculas: quæ in proscenium prodeunti nonnihil fortassis molesta futurae sunt; ubi tibi semel ipse audientiam feceris, conticescent. Vale, ROMÆ. Idibus Decembr. M. D. LXXIIX.

M. ANTONIUS MURETUS FRANCISCO BENTIO, c. Societate  
JESU S. D.

## XCIIX.

Quod non difficile modo factu, sed propè incredibile suapte sponte videri potest, id mihi tecum usu venit, Francisce Benci. ut inter homines summa inter se charitate devinctus, intercedat tamen propè quotidiana contentio: dum & tu, & alienorum officiorum benignissimus aestimator, summa quædam mihi debere te prædicas; & ego contra tantum mihi à te tributum esse



esse profiteor, ut omnis mihi spes planè præcisa sit te-  
tum unquam paria faciendi. Nam si rationes putan-  
da, & ad calculum res vocanda sit: quid à te mihi ali-  
ud ferri potest, quàm quod multos abhinc annos efflo-  
rescentem ingeni tui vim admiratus, ducem me tibi ad  
eas artes præbuit, in quibus postea DE I ope, & indu-  
stria tua fretus, eos progressus fecisti, ut in te jam pri-  
dem & eximia dicendi vis, & minime vulgaris erudi-  
tio, uno omnium ore celebretur? Cujus qualiscunq; of-  
ficii erga te mei abundè mihi magnam gratiam perci-  
pere videor, cum, qui ad te audiendum conflaunt, ad  
Mureti auditorem atq; alumnum ire se prædicant, eaq;  
in te viva ac spirantia agnoscunt, quorum in me olim  
umbra fortassis aliqua ac simulachrum fuit. At ego ni-  
hil prorsus ingratum haberi me velim, quæ quantaq;  
tibi à me deberi agnoscam, necesse est. Tu me primus;  
tanto adolescentior, tanto seniore, humana conte-  
nere, & pleno gradu ad divina properare docuisti cū  
in ipso vernantis ætatis flore, posthabitis voluptati-  
bus, ambitione deposita; reiectis aliis omnibus curis,  
in istam te sanctissimam & orbi terrarum fructuosissi-  
mam hominum cultui divino mancipatorum sodalita-  
tem contulisti, cū in suscepto semel consilio tam con-  
stanter perstitisti: neq; cessisti illorum vocibus, qui cū  
in collegiis vestris educati essent, & illic didicissent,  
istuc nescio, quid quod jactant literarum, à quo ipsi  
ordine flagitiosè desciverant, in eum, ne nomen dares,  
absterrere te conabantur. In quem tu semel admissus,  
ita vitam instituisti, ut facilè declaraveris, non illum  
tecum quendam, ut ipsi mentiebantur, ac temerarium  
impetum, sed divini numinis instinctum atq; afflatum  
fuisse: & ut ad ea redeam, quæ ad me præcipue perti-  
nent, nunquam ex illo consilio, præceptis, cohortatio-  
nibus

nibus j  
pietate  
ut pat  
maxim  
lavu.  
sedulo  
sum flu  
Rhetor  
quam h  
obruis  
jam me  
primum  
reddi po  
tempor  
possum  
stolea  
clare, &  
In b  
erga te m  
fere, ut  
me accep  
Græcor  
velim co  
di neri la  
ipios me  
sedare ne  
ten: me b  
turum, e  
præstare  
do, sed ab  
curio, cu  
rum libri  
immedi  
LXXXV

nibus juvare me, & faces ac stimulos animo meo ad pietatem subdere destitisti. Merito itaque ita te amo, & ut patrem filius, & ut filium pater: his enim nos, quæ maxima sunt, charitatis vinculis bonitas divina copulavit. Quare quod & in cæteris rebus, quoad p. tero, sedulo faciam, libenter his paucis diebus obsecutus sum studio tuo, & qui pridem conatus essem secundum Rhetoricorum Aristotelis librum latine reddere, quam hoc tempore & multis, ut nosti, occupationibus obrutus, & molesto ac difficili pedum m. rbo. Et. rum jam meum impeditus in tuam tamen gratiam, e. i. m. primum addidi. Tercium, ut sæpe ex me audisti, latine reddi posse vix puto. Sed si quid unquam mihi vacui temporis dabitur, quod optare magis quam sperare possum, non ego quidem illum interpretabor: sed Aristotelea præcepta, quæ eo continentur meo more tractare, & latinis exemplis illustrare conabor.

In his autem, quos nunc ad te mitto, quosq. amoris erga te mei monumentum esse cupio, facile perspicio fore, ut multi multa videntur, partim longè autem à me accepta, quàm ab aliis, partim etiam à vulgata Græcorum librorum editione discrepantia. Qui hoc, velim cogitent, neq. causam mihi ullam fuisse suscipiendi novi laboris, si nulla in re dissensissem a cæteris: & ipsos inter se Græcos libros ita variare, ut a multis diffidere necesse sit, quicunq. unum sequi velit. Spero autem me brevi breves quasdam notas in hos libros editurum, ex quibus, quid in eis aut præstuerim, aut præstare voluerim, curq. locis aliquot, non ab aliis modo, sed ab ipsa quæq. e. i. d. i. o. r. u. m. Coryphæo Petro Vi. Eturio, cui debetur, quidquid fructus hæc arate ex horum librorum lectione percipitur, dissentire ausus sim, commodius intelligatur, Romæ; Idib. Februar. M. D. LXXXV.

M. AN-

M. ANTONIUS MURETUS  
JACOBO PONTANO è So-  
cietate Jesu S.D.

## XCIX.

**Q**uod ad te scribendi principium capiam, nescio ;  
ita me pudet tam diu in ære tuo fuisse, & huma-  
nis me scriptis à te literis nihil adhuc respondisse. Sed  
magna mihi spes est in facilitate & clementia tua, da-  
turum te non gravatè veniam occupationibus meis,  
quæ me ita undiq; districtum tenent, ut erga plerosq;  
amicos parùm officiosum videri cogant. Magnam eti-  
am metus partem mihi demit Franciscus Bentius, qui  
mihi omni adseveratione confirmat, ita te cupidum esse  
literarum mearum, ut quidquid à me mittetur, in solu-  
tum accepturus sit. Quod ego te, ut facias, Pontane  
optime, vehementer oro: idq; ea lege, ut me posthas,  
jam enim, ut spero, liberior ac solutior futurus sum,  
copiosius tibi satisfacturum esse pollicear. Interea,  
quoniam Δωρε, ut ille ait, τίς πείθει, mitto ad te, quò  
te facilius placem, τοῦδε τοῦ quoddam meum, & versus  
nescio quos illustratos notis cujusdam familiaris mei.  
" Hoc munusculum quaecumq; est, peto à te, ut boni con-  
sulas, meq; quanquam immerentem amare pergas.  
" Vale, ROMÆ. Idibus Julii, M. D. LXXXIV.

E I D E M.


C.

**C**ur & tam rarus, & tam brevis inscribendo  
sim, puto te ex Bencii nostri literis cognovisse :  
cui

cui cum promissum, heri me hac nocte aliquid ad te  
 scripturum; ita postea sum totam propè noctem acer- Dolor.  
 bissimo sinistri pedis dolore vexatus, ut neq. de legen-  
 do, neq. de scribendo cogitare potuerim. Nunc albe-  
 scente cælo, cum paulum se remiserit dolor, cuperem  
 quidem scribere; sed quod scribam hoc quidem tempore  
 nihil habeo, nisi te à me, mirabiliter amari, quod tibi  
 etiam taceute me, dubium non esse arbitror. Utinam  
 quidem esset aliquid, in quo id tibi re ac factis testari  
 possem: sed quando aliter non licet, curabo, ubi quid  
 scriptorum meorum edetur, ut ad te quamprimum per-  
feratur. Et si hoc ipsum non video, cur aut tibi, aut  
 cuiquam valde gratum esse debeat: quid enim tale in  
 scriptis meis inest, ut non satius sit, vel nihil agere,  
 quam eis legendis operam perdere? Obsequamur igitur  
 studio vestro: ne dum arrogantia crimen effugere  
 conor, hoc ipso in id incidam, si iudicium meum iudicio  
 vestro antepondere voluero. Quid iam? quid scribam  
 aliud etiam ut & tu, & quos istuc habere diceris tui er-  
 ga me amoris socios, hunc miserum senem precibus ve-  
 stris Deo commendatis, atq. ab eo petatis, ut qui tot an-  
 nis in vitiorum sordibus vixi, beneficio ipsius, hac sal-  
 tem extrema aetate aliquid efficere & edolare possim,  
 quod & ad gloriam ipsius, & posterorum utilitatem  
 pertineat. Vale, Pontane mi, vale & me ama

R O M.Æ, 16. Kal. M. D.

LXXXIV.





M. ANTONII  
MURETI PRESBYTERI,  
J. C. ET CIVIS ROMANI, EPI-  
stolarum & Præfationum Liber Secun-  
dus, qui recens nunc ad-  
jungitur.

M. ANTONIUS MURETUS  
S. D. JUSTO LIPSIO  
S U O.

EPISTOLÆ PRIMÆ.

**N**ihil est aut te amabilius, aut literis tuis  
dulcius, ad quas ego nudius certius acceptas  
statim respondiſſim, si aut fuisset plus otii,  
aut statim responderi tua interfuisset. Cum & essens  
paullò, quàm soleo, occupatior, & in unius diei mora  
nihil esse incommodi viderem, indulſi naturæ meæ, qui  
perſpectam haberem facilitatem tuæ. Desiderio tibi  
esse mutuam consuetudinem nostram, si vis me aperire  
ac simpliciter loqui, ut mea consuetudo fert, & ut no-  
stra summa conjunctio postulat, gaudeo: quodq; ipsi mi-  
hi admirabile videtur, ex molestia ipsa tua volupta-  
tem capio. Nam neg. tu, nisi me valde amares, tam  
iniquo animo ferres absentiam meam, & mihi nihil ju-  
cundius est, quàm à te valde amari. I nunc, & dicito

verum

verum esse illud Euripideum ἐς κοινὸν ἀλγεῖν : cūm duorum qui certē inter se amicitissimi sunt, videas, uni alterius agritudinem esse jucundam, cave tamen, putes, minus à me sermones tuos requiri, quàm à te meos. Hic enim etsi adfluimus omnibus delitiis, planeque Phœacum vitam vivimus, ubi

Εὐφροσύνη μὲν ἔχει καὶ δῆμον ἀπάντων  
 Δαιτυμόνης δ' ἀνὰ δόματα' ἀκυσάωνται αἰοιδῶ,  
 ἠδ' ἄνθρωποι ἐγγεῖρας πικρὰ καὶ πλῆθ' ἐστὶ τρυφῆς

Σὺ δὲ καὶ κατὰ τὸν, nemo tamen est, qui iisdem, quibus nos, studiis delectetur: ut jam verear, cūm istuc rediero, tamān à Musis & à literis omnibus peregrinatus, ne quis vestrum, quibus adsidue in libris versari licet, mihi illud occinat. ἐκ βαρβαρώων καὶ ἐν ἐν βαρβαρίῃς. At tu mi Lipsi, si me audis hominem, si non valde prudentem, certē quidem insigniter amantem tui, obdura, & noli tam citò de Roma relinquenda cogitare. Mibi crede, iste tibi quondam lætitiā feret labos. Conventum esse à te Manutium meum gaudeo, & talem reperi- tum, qualem ego tibi eum sæpè descripseram. Hoc tibi liquidò confirmare possum, eum virum bonum esse, φιλόφρονος & studiosissimum benefaciendi quàm plurimis. Quare auctor tibi sum, ut te, quantum potes, insinues in illius consuetudinem. Cēgitabam de eodem oleo & opera ad Plautum nostrum scribere, sed aliò vocor. Interea salutabis eum nomine, & ut, capisti, reddes quotidie tua consuetudine doctiorem. Cras ad eum scribam. Bene vale mi suavissime Lipsi. TIBURE,

12. Kalend. Septembr. M.D.

L X IX.

Dd 1

M. AN

M. ANTONIUS MURETUS S.D.  
 JUSTO LIPSIÒ SUO.

## II.

**N**Eque enim puto aut malevolorum rumusculos, aut tennes quasdam & obscuras suspiciones tantum potuisse; ut meus esse desieris: cum ego planè sim tuus. Quod inter amantes solet, Zelotypia mea quædam iacesserat, quod alios quosdam, de quibus inter nos ridere interdum & joculari solebamus, & qui certè te, cum hîc esses, non ex æquo mecum amabant: si verum audire vis, ne nunc quidem amant, qui ex eis superstites sunt: eos igitur subiniquo animo ferebam à te & sepius & honorificentius quàm me, præ quo illos contemnere solebas, nominari, sed missa hæc faciamus. Electorum tuorum, & quæ mirificè mihi placuit. Cetera expecto, & cum Saturnalia, tum multò etiam magis de vita ac scriptis Senecæ: quæ ut accepero, in eodem te genere, ut potero, remunerabor. Illis quæ ais in undecimo meo aliorum ab iniquis capi posse, medere, ut vis. Sin fòrtasse integrum non est, emitte sanè istam curam. Ego ante tres aut summum quatuor menses efficiam, ne quis aut de voluntate mea erga te, aut de iudicio dubitare possit. Ni fecero, tum ut sanè de me, ut de homine parum bonæ fidei, conqueritor. Amemus inter nos, mi Lipsi, eò constantius, ut urantur ac ringantur isti, qui amicos esse nos nollent. Quæso de tuarum omnium rerum statu, fac me, cum primùm poteris, certiore. Vale mi Lipsi: cuius ego nunc suavisimum os intueri mihi videor. 6. Idus Februar. ROMÆ. Literas tuas Kalendis ipsis Februarii accepi: ne me tardiozem fuisse in rescribendo putes, neq; antea fuit tabellariorum copia.

M. AN.

S. D. M. ANTONIO MURETO S. D.  
JUSTUS LIPSIUS.

## III.

**C**Aussa mihi scribendi nata ex tuis ad Plantinum  
litteris : quas cum gaudio vidi, cum motu animi  
legi. Vel in manu tua conspectâ letabar : quanto ma-  
gis in hoc animo, & tam insigni testimonio amoris ?  
quem si à quoquam mortalium, à te certè volo. Ita  
adolescens judicavi, ita nunc, consensum quendam esse  
conspirantis iudicii nostri & naturæ, qui ad conjunctio-  
nem, quas te, valeat ; non ad emulationem, aut quod  
pudet me dicere, similitatem. Et fuere tamen improbi  
homines, qui id sperarent : à quibus alia quædam ad  
me delata olim, non nego : sed vana, falsa, ut nunc vi-  
deo, & quibus Caput, homines non profesti solùm,  
sed utrîq; nostrum infesti. Ea ; per communes Deos,  
deasq; obliteremus mi Amice : & beneficiis inter nos  
certemus, non querelis. Electorum librum jam nunc  
vulgavi : pare Saturnalium sermonum, & de vita ac  
scriptis Annæi Senecæ, quem nec invitus ad te miserim,  
quasi vadem amicitia coeuntis & sanescentis. Et si  
quid in eâ ægrum : nec aliud peccatum utrîq;, quàm  
cessatione, & amicitia, ut sic dicam, in usu. Quod  
ipsum emendemus, viximus amicissimè unâ, vivamus  
porrò, & moriamur. En ego ille, cujus ingenium &  
os coram probasti : nec amorem absentis requires pro-  
fectò aut fidem. Te ut eundem sperem, faciunt paucu-  
la, sed impressa & signata epistola tue verba : quæ  
ruminor identidem & ex amino, ut solent amantes.  
Vale, LUGDUNI in Batavis, ad magnum & sine  
terminis mare. 3. Kalend. Decemb. M. D. LXXI.



M. ANTONIUS MURETUS

HIERON. MERCURIALI

S. P. D.

I V.

**C**um tua littera ad urbem allata sunt, Tibur iam  
 mnes, ut nos quotannis facere solere scis, seces-  
 seramus, rō illis accepi biduo, aut triduo serius: Tibu-  
 re autem, neq. Hippocratem habebam, neq. Gellium, ex-  
 pectandum denuo fuit, dum Roma arcesserentur. Al-  
 latis; ecce tibi aliud incommodum, corripit me febricu-  
 la, non illa quidem, ut eventus postea docuit, periculo-  
 sa: sed quæ tamen animum nonnullo metu suspensum  
 ab omni scribendi cogitatione avocaret. Hæc ideo, ne  
 mireris me ad tuas tardius respondere. Locus est ex  
 libello *ἡ τοῦ ἡγεῖν, ἡ τοῦ ἀντιπαραστήσαντος, ἡ τοῦ ἀντιπαραστήσαντος, ἡ τοῦ ἀντιπαραστήσαντος*.  
 Huc ego addebam illa ex Gellio: aut potius pro illis,  
*ἡ τοῦ ἀντιπαραστήσαντος, ἡ τοῦ ἀντιπαραστήσαντος, ἡ τοῦ ἀντιπαραστήσαντος*,  
*ἡ τοῦ ἀντιπαραστήσαντος, ἡ τοῦ ἀντιπαραστήσαντος, ἡ τοῦ ἀντιπαραστήσαντος*.  
 Quod si tibi quoq. ita videtur, non dubito quin ve-  
 rum sit; sin tu secus iudicas, nunquam mihi dubium e-  
 rit, quin tua sententia verior sit. Semper enim non in  
 his modò rebus, quarum tua propria possessio est, sed in  
 omni literarum genere iudicium tuum libentissimè an-  
 seponam meo. Vale, meq. ama, & certò tibi persuade,  
 de à me mirificè, & amari, & coli. TIBURE. Kalend.  
 Sept. M. D. LXX.

M. ANTONIUS MURETUS

HUB. GIPHANTO S. D.

V.

**L**ittera tua, suprà quàm dici potest, mihi grata fue-  
 runt: cum enim iam pridem te valde amarem,  
 mirificè cupiebam animum illum meum tibi notum esse,  
 non

non dubitans, fore, ut vicissim abs te amarer. Sed ad eas idcirco serius opinione tua respondeo: primam quia eas quoque serò admodum accepi, hoc est, Kalendis Januariis ipsis: in quo mihi visum est etiam inesse aliquod letum ac prosperum omen, ut spem vel ex eo aliquam conceperim, totum hunc annum *οὐδὲ γὰρ δ' εἰς ὅτε*, mihi faustum ac felicem fore. Deinde tentare volebam, numquid, antequam scriberem de Gellio, quale tu cupis efficere ac præstare possim, sed nihil adhuc reperi-  
tum est, quod quidem sit magni pretii. Spes adhuc una reliqua est, in bibliotheca Cardinalium Farnesii & sforzae, quas nondum excussi: id quod, noli dubitare, quoniam diligenter facturus sim, cum primum per occupa-  
tiones meas licuerit: quæ sanè & multæ sunt; & eo molestiores, quòd alienæ sunt ab omni genere litera-  
rum. Sed multa ferenda sunt iis omnibus, qui cogun-  
tur aliena, ut ille ait, vivere quadra. Tu verò, mi Ci-  
phani, qui & ingenio excellis, & doctrina abundas, &  
ea es ætate, quæ sit labori ferendo, perge, ut facis, aliquid assidue elaborare, quod & tibi gloriæ sit, & no-  
bis ac posteris usui. Nam de Lambino quidem nihil vi-  
deo causæ, cur ejus obtestatio deterrere te aut abdu-  
cere à studio debeat. Ille in te fuit, qui in alios solet. Et,  
ita mihi omnia quæ cupio eveniant, ut ego valde mira-  
bar, si tibi eum impune laudare licuisset. Ita enim ho-  
mo est: eis solis primum invidet, quibus plurimum debet.  
Quomodo me acceperit, nesci: quantum autem mihi de-  
beat, & ipse & alii plurimi norunt. Tu verò pro uno  
frigido obtestatore, habiturus es innumerabiles, qui  
te ac labores tuos laudibus in cælum ferent. Sed hæc a-  
lias. Peto à te ut me ames: neque de mea erga te pro-  
pensissima voluntate dubites. Plura scriberem: sed ur-  
get hic amicus meus, vir bonus, & liberus, quo numine

cum à te quoque humaniter excipi volo. Is cùm statim discessurus esset, vix ad hæc ipsa scribenda, satis mihi temporis dedit. Quare ignoscas etiam si quid forte minus accuratè scriptum erit. Quæ te, scribito aliquid ad Berzericæum nostrum, & significato ei, multum accessisse ad veterem meam erga eam benevolentiam, quod conciliator fuerit amicitiæ nostræ. Item illud, me paucis diebus ad ejus literas, quas una cum tuis accepi, copiosissimè responsurum; saluta etiam mihi diligenter clarissimum virum Paulum Foxium, Oratorem regium: qui quando tanti me esse duxit, ut me ad scribendum, literis suis excitandum putaverit, mirari non debebit, si quando ego honorifica ipsius appellationis scriptum aliquod meum exornare non verebor. M: optime & eruditissime Giphani, etiam atque etiam vale. ROMÆ, Prid. Idus januar. M. D. LXIX.

E I D E M.

VI.

**P**udet me tam sero ad literas tuas rescribere: sed velim, qua humanitate es, ignoscas occupationibus meis, non magnis illis quidem, sed multis tamen & molestis, quæ me interdum cogant magno cum meo dolore minus erga amicos officiosum esse, quàm vellem. Impetravi tandem librum à Fulvio, qui ut à πλάς eipais minimè respondit expectationi meæ. Nam neque totus est ille nocturni Atticarum scriptor, neque quod est, valde diligenter scriptum est. Contuli quicquid erat accuratissimè ipsemet cum meo Gryphiano anni M. D. XLVI. Quod aliter quàm vulgò reperi, id omne tibi hic cum fidere presentabo. Primum igitur moneo, librum Fulvii quædam esse ex Gellio sive Agellio & ex Valerio Maximo, ita vi alternis singulis Agelli  
capi.

capitulis singula Valerii subiuncta sint. Idq̃, nullo certo ordine. Græcam nusquam comparent: nisi paucis admodum locis: idq̃, ubi una tantum aut altera vox Græcè scripta erat. Jam tu facile potes conspiciere librum non valde magni pretii esse. Antiquius tamen videtur. Ac ne te diutius suspensum animi teneam: quid in eo à vulgaris editionibus discrepet, accipe. Scriptoris nomen ita in eo libro ferè notatur, AGEL. semel tantum omnibus literis AGELLIUS, sed scis in Pandectis PANTONIUM esse pro P. Antonio, CAFRANIAM pro C. Afrania, ut quidem nonnulli putant. Sic MAURELIUM aut MAURILIUM dixerunt, qui erat M. Aurelius. Sed hoc tu videris, Jam enim clamat Lambinus indoctè atq̃, inscienter facere, qui hunc scriptorem Agellium vocent: itaq̃, verendum est, ne det aliquam pugnam denuò. Ego quidem Priscianum veterem habeo, in quo apertè & constanter vocatur Agellius. Habeo & alia quadam argumenta non infirma, quibus adducor, ut existimem rectius Agellium vocari, quam A. Cellium, à qua τὰ αἰὲς ἰστορικοὶ, cap. 17. libri primi, irarumq̃, & molestiarum, lib. 7. rerumq̃, & molestiarum, eodem Satyra, Satura, ita etiam alibi sæpe, lepido quidem ser. lepide quidem, cap. 29. desiperet, risit, derisit, apposuit, apponit, deussit, deussit, reliquos sex an eodem, &c. illud, an, abest à libro vetere, cap. 20. Græca omnia latinis literis notata sunt, præter illo in extremo ἡνὶ & ἀπὸ τῆς. in eodem metæ triangula, & in fine inlætabile, qualia p̃. s̃. hac non notabo, ut neque illa adferre, adponere, non ut vulgò, asferre, apponere, & similia, quæ vix unquam aliter scripta in libris veteribus reperias, c. 23. scriptaq̃, est à M. Catone, venustate atq̃, luce, cum hac dictavi. Tum cum in senatu, percunctata est filium. Ita semper hoc verbum scribit: non ut vulgo quidam percontari. Tum puer

Dd 5. . . . . matre



matre urgente, utrum videretur utilius. Quid sibi postulatio isthæc vellet, ne introeant præter ille unus Papius, (hoc verum puto) in aetate prætextæ prudentiam, cap. 24. postquam mortem adeptus Plautus, (hoc quoque fortassis rectum sit) cap. 25. Inductis munussum aliquo. Ego mensum. Cessationem istam pugnae pacificam, is pacis causa, non pugnetur, nihilque incomodetur. cap. 26. post cotidianas lectiones. Ita fere semper scribit, non quotidianas etsi hoc quoque modo interdum in ipsius commentariis, neque jam querimoniam aut genitus hejulatibus. Non ita esse PLUTARCHUM, ut philosophum deceret, tu hoc age, ἀρεστησίαν & ἀνελγησίαν.

### Libro secundo.

Cap. 1. ad fortuitas patientiæ vices firmandi, id quoque, &c. Talitudine. Ita semper, ut benivolus & malivolus. Quæ in bello Polceponesiaci principis ipsam Ath. civ. internecivo gerere, c. 6. Nonnulli ex Grammaticis, Atimidos nautas. Omnia jam vulgata, hæc tres voces absunt à libro vetere. Inlaudati, & sic semper, non laude solum indignus, sed detestatione. Ego suspicor legendum, detestatione, squalentem, semper, non, ut vulgo, squalentem, quam jacere, unde id verbum, &c. aut vento aut pulvere laborare videmus, duæ postremæ voces absunt à libro vetere. Hannibal sic semper. M. Tullius IV. in Verrem, non ut ab hoste. Nemo quisquam tam efficitis est moribus, &c. efficitis. Inlaudatus quoque igitur finis est, &c. Sic in actionibus civilibus aut laudari dicitur, qui est nominatus. Rectè autem scripsisti legendum ibi esse, auctor. Illaudabilis, & innominabilis, duæ postremæ voces absunt, Diana Etesia. Sic & Favorinū non Phavorinū, & alia quædam eodem modo, auro & præter præteritū, c. 7. Omnia quæ pater imp. paren-

dum.

dum. Super ea prius quæ dicta sunt, ut accessum veni-  
re. Catilino aliquo aut Tubulo. Non ergo est integra  
propositio dicendum. Ego dicentium. c. 21. procedentis  
notis spatio. Sed ego, inquit, cum Lelio, lego autem L.  
Elío, triones rustico cetero vocabulo, elegantius quæ esse  
visum, cap. 22. Atque etiam appetebamus, regiones quæ esse  
cæli quatuor. Septemtriones. γαργυρ & γαργυgem semper  
per litteram γ. Sed qui ab æstiva & solstitiali meta ve-  
nit. Africanus, qui Græcè λιβυ, unum meridionalem ven-  
tum. Sunt qui pro octo 12. faciunt, tertios quatuor in  
media, &c. Cur medie septentrione eadem, &c. in suis  
quisque regionibus, quem sævissimum putant. Apuli eo-  
dem quo ipsi sunt nomine, λικον φε αυτον ως ο κρητικος νεφθον.  
Ego ἑλεον ἐφ' αὐτῇ ως ο κρητικος νεφθον. Vocem κακὰ στυγνὰ  
delendam puto, neque sanè est in illo vetere, cap. 26. ali-  
ter ostru, aliter crocū, nihil à vocabulo rufi differunt,  
in iis tamen coliribus q. m. d. dominandis. Nam phœni-  
ceus q. i. c. φοινικα dixisti, & rutilus, & phœnicæ, συνώ-  
νυς. Lassiram his ponere laboriosum putarent, fecisse  
Cornelium. Lassitudinem quæ minuat. Rudibus autem  
est rufus atrior, & nigrore multo inustus. Luteus con-  
tra rufus color est dilutior. Unde ei quog, &c. Nostris  
autem veteribus Cæsia, quod in versus H. est, id facis,  
c. 29. neque imperiosè, ired. cibum quæsitum, idcirco die  
crastino, misit qui amicos roget. Mater jubet eos animo  
otioso esse. Sol feruit, & sit nihil, & dies amici nulli erāt.  
Ego legendum puto. Sol feruit, & sit nihil, & dies, amici  
nulli erant. Vos modo, inquit, advertite. In ipso nō tā ver-  
etur, cuja est res non aliunde petenda, m. γ. αν. σο. γ. α.  
domino, &c. levi plerumque & inaccessibili sperabatur  
me quæ reliqua sunt perscribere, sed inaccessibile. Tu  
tamen, sine ulla dubitatione, quæ quæ sunt, perscribere,  
Ac si quid aliud, quod me tua scripsit, perscribere,  
peto.

peto à te, mi Giphani, ut tibi planè persuadeas, te mihi ex animo carissimum esse: meq; omnia quæ ad te pertinebunt, semper studiosè diligenter procuraturum. De locis quos emendasti in epistolis Ciceronis, auctor tibi sum, ut eos ad Manutium mittas. Et tibi ad eam rem operam meam dico. Spero eum, ut est bonus, non dissimulaturum esse, quid à quo acceperit. Vale, ROMÆ 18. Kal. Jan. M.D.LXIX. Clarissimæ oratori, quæso ut pluri nam salutem, meo nomine impertias.

## E I D E M,

## VII.

**R**isi, conferens Lambiniana cum tuis, & præter ea quorum tu indicem ad me miseras, alia etiam complura repperi. Tu quæ ab illo in puteum illum mersa sunt, cum tibi commodum erit, in lucem extrahas, tibiq; vindices, censeo. Quod me laudat, vellem tam meritò id faceret, quàm olim immeritò notavit. Equidem possum, mi Giphani, ostendere tibi, si hic sis, literas ipsius manu scriptas, quibus mihi gratias agit de locis quibusdam sibi explicatis, quos ipse postea questus est à me sibi subreptos esse. Et eas literas diligenter adservo, non ut eadem, neq; enim tantū esse duco, sed ut ostendam interdum amicis, si quando de me & Lambino sermo incidit. A me quidem sibi metuere non debet. Nunquam natura contentiosus fui: & nunc quotidie magis lenit albescens animus capillus. Tua potius causa verendum est, ne à quopiam audiat ὁ μέγας ἡγάλας δῆος νέος Λέγεσσι μιχταί. Sed hæc omittamus. De Tubulo, ita planè in Fulvii libro omnibus literis scriptum est, cap. 13. l. 1. neque quod divulgatum est placet, neque conjectura tua, quod æquum est: quod si sit, mihi explet animum, præcipue

cum

cum statim sequatur. Tum magister δεξιτέρων. Cogitan-  
 dum igitur si quid melius. In libro Fulvii scito, non tantum  
 primum caput libri primi, sed omnia omnino, in quibus  
 nihil notatum à me videbis, desiderari. Libri moles est  
 perexigua: & in eo ipso admista, ut dixi, Valerii maximi  
 capita propè pari numero. Orchio ibi scriptam est, non  
 Orcivo. Lib. 2. cap. 10. in eo libro non est. De scriptoris  
 nomine expecto quæ polliceris. De prænominе Nepotis  
 nihil habeo, nisi quod semper suspicatus sum ex C. COR-  
 NELIO Nepote, librarius, qui eandem literam sæpe hoc  
 ita commissum scio. Quæ reliqua sunt in Gellium, super-  
 est, ut exsolvam. Illud mihi molestum est, quod eorum  
 librorum, quos tu maxime requiris, vix πηλοσθητέων  
 quoddam est in Fulvii libro. Cap. 5. lib. 3. Arcesilaum. Sed  
 hoc prætereundum erat ad te scribenti, & talia postea  
 omittentur. Incorruptus tamen & à stupro integer.  
 Nam quum vocem infractam prioribus an posteriori-  
 bus. Cap. 6. in VII, Problematorum. Cap. 9. memoria atq;  
 admiratione, sic sæpe scriptum reperias. Colore puni-  
 ceo, florea & cœmanti juba. Argos evertisse, cupidineq;  
 habendi. Eam Cassium pestea s. enī est, vitiis partibus  
 f. q. e. s. misera morte oppetisse. Cap. 15. Polycritan. Is  
 Diagoras tris filios, eos omnes vidit. Cum populus gra-  
 tulabundus, ibidem in stadio in osculis atq; in manibus,  
 non diu post eam pugnam exanimata est. Post hunc lo-  
 cum usque ad librum nonum, nihil est in illo libro vete-  
 re. In libros sequentes quædam sunt pauca quidem, sed  
 in iis tamen quædam non contemnenda. Ea, si voles ad  
 te mittentur, simulq; si quid erit aliud, quo hoc tuum in-  
 stitutum à me adjuvari posse arbiureris. Vale,

ROMÆ, Prid. Calend. januar.

M. D. L X I X.

M. A N-



M. ANTONII MURETI IN LIBROS  
VARIARUM LECTIONUM  
Præfatio.

AD HIPPOLYTUM ESTENSEM,  
Cardinalem ac Principem Illustrissimum,  
singularem omnium honestarum ar-  
tium Patronum.

II. X.

**M**agnoperè peccare mihi viderer, Hippolyte, Car-  
dinalis illustrissime, si otium illud, quod & pluri-  
mum & honestissimum tua mihi benignitate concedi-  
tur, alia ulla re, quàm literarum, & earum artium,  
quibus te insigniter oblectari video, assidua tractatione  
consumerem. Nam cum ea te præcipuè causa commo-  
verit, ut aditum mihi ad familiaritatem tuam ultrò  
parefaciendum putâris, quòd ad te de mea erga illas  
incredibili voluntate, meis fortasse scriptis, & amicis  
de me summorum hominum concitata sermonibus fa-  
ma pervenerat: quis me ferendum putet, nisi quam de  
me opinionem incognito adhuc & absente conceperas,  
eam præsens ipse omni studio omniq; corporis & animi  
contentione confirmem? Ita igitur facio, quarum artium  
singularis pulchritudo mentem meam, usq; à puero, ad-  
mirabili quodam sui desiderio incenderat, eas nunc de-  
votum beneficio tuo aliis omnibus curis solutus, magno  
& alacri animo persequor: neq; sanè committo, ut qui  
me tibi tanquam hominem & non ineruditum, & eru-  
ditionis ac doctrinæ sitientissimum commendârunt, cum  
in illo priore indulsissent amorì erga me suo, in hoc etiã  
altero eidem obsecuti, ac non potius id quod exploratum  
haberent, verè apud te testati esse videantur, quod cum  
facio,

ROS

M,

m,

Car-

pluri-

cedi-

tium,

atione

mmo-

ulterò

in illas

micis

us fa-

am de

eras,

animi

rtium

o, ad-

c de-

agno

ut qui

erum

cum

e etiā

atum

cum

facio

facio, primum, quo nihil dulcius est, nihil optabilius,  
 naturæ meæ propensionem sequor. Verè enim hoc tibi  
 affirmare possum, si quis mihi Deus omnes opes, omnia  
 commoda, omnem potentiam proponat, ea lege ac con-  
 ditione, ut semel deponam hæc studia, & has quales-  
 cunque literas, altrices adolescentiæ meæ, fidissimas  
 meorum omnium temporum comites deferam: nunquam  
 id faciam, neque quicquam tanti esse ducam, quod mereri  
 velim, ut à suavissimo earum amplexu & contubernio  
 abducar, quare, ut dixi, cum in eas toto pectore incum-  
 bo, naturæ meæ pareo: idque facio, quod si facere retarer,  
 vitam mihi esse vitam non putarem, deinde, quo mihi  
 nihil prius ac potius neque est, neque esse debet, voluntati  
 tuæ morem gero, sepe enim mihi, quæ tua est humani-  
 tas, affirmasti, nullum tibi à me genus obsequii præstari  
 posse jucundius, quàm, si omne tempus arbitrato meo  
 ponerem in literis, & aliquid assidue, quantum in me es-  
 set, excuderem, quod mihi ornamento, & aliis usui, &  
 tibi oblectationi esse posset, neque verò me, ut id faciam, o-  
 ratione tantum cohortaris, verùm etiam exemplo. Quid  
 enim facere nos oportet, quicunque tuis opibus non aliam  
 ob causam foremur, sustentamur, ornatur, quam ut  
 in his studiis omni cogitatione defixa, dies noctesque exer-  
 ceamur: cum te, te inquam ipsum, quem moderatrix hu-  
 manarum rerum providentia in altissimo dignitatis  
 gradu collocatum, perpetua gravissimorum munerum  
 procuratione districtum teneri voluit, inter tot, tam  
 graves, tam multiplices curas, tantopere ad tranquilli-  
 tatem & salutem publicam periclitens, quæ tibi ta-  
 men aliquid temporis hauriri non potest, tribuere  
 videamus? Nimirum & unaquæque res, & natura  
 suæ, ut ait Poëta quidam, sua sequitur: & quæ us-  
 cum diu ac familiariter vixit, eorum mores & instituta  
 vivit.

vivendi facile ac libenter imitatur. Te verò cum omnis  
 honestatis ac dignitatis amantissimum, omnium, quæ ad  
 comparandam veram ac solidam gloriam pertinent,  
 appetentissimum natura genuisset: consecuta deinde  
 FRANCISCI VALESII, Galliarum regis optimi, ac maxi-  
 mi, intimo illa, qua tot annos usus es, consuetudo magis  
 etiam incitavit ad easdem illas vias, in quas ipsa te  
 natura deduxerat, animosius & constantius perse-  
 quendas. Ille homines eruditos ad se ex omnibus orbis  
 terrarum partibus, amplissima eorum industria præ-  
 mia statuens, convocabat, idem illud exemplum jam du-  
 dum Italia te maxima cum tua laude renovantem in-  
 tuetur. Ad regalem illius mensam non ullum acroama  
 aut libentius, aut sæpius, quàm vox alicujus eruditi ho-  
 minis, audiebatur, epulæ quoque tuæ quotidie nulla re  
 magis, quam gravissimis, & honestis virorum doctrina  
 præstantium sermonibus, conduntur. Ille igitur ad  
 ceteras suas laudes eam addidit, quæ nulla, meo qui-  
 dem iudicio, major est, nulla præclarior, ut communi o-  
 mnium populorum consensu, Literarum pater nomi-  
 naretur, idem illud cognomen tibi apud posteros tribu-  
 tum iri, cuius per facile est, qui tuam erga homines li-  
 beralium artium scientia excultos munificam, planeq;  
 regiam voluntatem cognoverit, augurari. Nos interea,  
 qui per te hoc otio fruimur, omnium industriam eò con-  
 ferre oportet, ut quacunque ratione possumus, veroicas  
 ac prope divinas viututes tuas omni genere monimen-  
 torum ad immortalem posteritatis memoriam conse-  
 cremus, non quòd rerum à te gestarum gloria nostro te-  
 stimonio indigeat; sed quòd alia nobis via nulla relin-  
 quitur, quæ ingrati animi notam effugere valeamus.  
 Igitur alii quidem, quibus major doctrinæ copia est,  
 alia tibi graviora, & majoris operæ inscribent. Ego au-  
 tem.

tem, qui nondum eam facultatem consecutus sum, ut à me quicquam egregium expectari debeat, scribam tamen qualiacumque potero, & hijsce parvis ac tenuibus munusculis testabor hominibus magnitudinem observantiae erga te meae. Illud quidem certe omni ope conabor efficere, ut scripta mea, si nullam aliam ob causam in pretio sint, utilitate tamen tueantur ipsa se, & hoc saltem nomine à studiosis hominibus non negligantur, quod & alias feci, & in his maxime, quos nuper apud te scripsi, Variarum lectionum libris. Primum enim cum in praestantissimis utriusque linguae scriptoribus multa, vel temporum vel hominum culpa, corrupte & depravate legantur: eaque res vel non animadversa errorera, vel animadversa molestiam, & difficultatem legentibus obicere soleat: ejus incommodi ut pars aliqua per me tolleretur, operam dedi, deinde, cum & illud constet, veteres latinos summo studio esse in Graecorum imitatione versatos, & eorum locorum quos illi ab his acceptos in usum suum transtulerunt diligens, & accurata notatio magnam his temporibus utilitatem habere credatur: hujus quoque generis inspergenda nonnulla esse duxi, narratiunculas etiam aliquod admiscui quarundam historiarum, quae neque contritae ac communes essent; neque fore injucundae cogitu viderentur. Ubi autem ita res tulit, ut ab illis, qui vel aetate nostra; vel etiam superioribus temporibus in hoc ipso curriculo industriam suam exercuerant, dissentirem: feci id, ut & natura & consuetudo mea fieri, liberè: sed ea tamen moderatione servata, ut imminutam esse à me dignitatem suam, nemo conqueri possit, nisi qui tantum sibi tribuat, ut errare se posse non putet, quod neque cuiquam unquam contigit, & majus est, quam us convenire in humanam fragilitatem queat, sed vos quid feci:



fecerimus, ipsa res indicabit, testatum quidem omnibus esse volumus, nihil aliud nobis propositum fuisse, quam ut sine cuiusquam offensione, auxilii aliquid attulisse huic studiorum generi diceremur.

A te autem, Hippolyte, Principum decus, etiam atque etiam petimus, ut qua nos humanitate in familiarium tuorum numerum recipere dignatus es, eadem hos labores nostros, qui nulla re magis, quam tui nominis auctoritate nixi, in publicum prodeunt, tibi accipendos putes: neque tam, quid amplitudini tue conveniat, quam, quid præstari à nobis possit, expendas, nam & hæc ipsa, novis indies accessionibus crescent, & alia suo tempore, quæ tibi gratiora fore confidimus, proferentur.

PREFATIO IN VERSIONEM  
LATINAM LIBRI QUINTI  
Ethicorum Aristotelis.

IX.

Cum hunc Aristotelis librum vobis explicaturus essem, multis de causis mihi faciundum putavi, ut eum prius latine à me conversum ederem. Primum quoniā etsi in cæteris libris explicandis conatus eram efficere, ut ne ii quidem, qui Græcarum literarum rudēs sunt, aditum sibi ad me audiendum peregrinitate sermonis oclusum esse quererentur: Non obscuris tamē multorum sermonibus aures meæ quotidie verberabantur, conquerentium, crebro illo vocum Græcarum interjectu retardari intelligentiam suam: Planiora sibi multò & expeditiora omnia fore, si latine dicerentur. Horum igitur studio aliquid tribuendum esse duxi. Deinde submolestum ipsi mihi nonnunquā erat, verum

ut fatear, tantum quotidie opera ac tempus in reddendis singulis vocibus ponere: ut mihi quoque satius videretur, semel illo labore defungi. Nam cum singula disputationes nostra in unius hora curriculum concludantur, ex eorum ipso aliquid saepe multis occasionibus delibetur, ac detrahatur, adhibenda parcimonia est, videndumque omni studio, ut id saltem, quod datur, quam possumus, optime & utilissime collocetur. Jam est tamen brevi tempore non multum potest tractandis rebus relinquere, si aliqui ex eo singula verba decerpant.

Praecipue autem hic liber propter mirificam quandam rerum ac sententiarum subtilitatem postulare quodammodo videbatur, ut, quod liberiores animi nostri totos, sed ad eos penitus cognoscendas darent, illa altera pars laboris & vobis & mihi demeretur. Fuisse & alia huius mei consilii causa, quas nihil necesse habeo pluribus persequi. Dedi autem operam, quantum quidem in me fuit, ut Aristotelis non sententias modo exprimerem, sed genus ipsum dicendi, quoad liceret imitarer. Nam cum suo quisque modo, & loquatur, & scribat, aliosque angusta, pressa, concisa, alios ampla, copiosa, redundans deleat oratio: Non satis probo consilium eorum, qui, cum Aristoteles siccitatem quandam tenuitatemque dicendi, contra Cicero copiam & ubertatem adamaverit, neque quidquam tam dissimile sit, quam eorum inter se dicendi genus, Aristotelem tamen interpretantes, quia se, quam possunt, Ciceronis simillimos esse cupiunt, quae ab illo & breviter, & subobscurè dicta sunt; ea huius more dilatant, atque deducunt. sed suum cuique, ut dicitur. Ego, an, quod volui, affectus sim, nescio, aut potius id non affectum esse me, scio: Certè quidem quod in hoc genere optimum est, id me secutum esse, ac propositum habuisse confido.

Neq. damno industriam eorum, qui aut ante me, aut post me ( siquidem ) jam duodecim anni sunt, cum huius libri interpretatio mea primum edita est ) in his rebus latine tractandis elaborarunt. Quorum etiam quidam auxilio ad eam rem meo usos esse se, non diffidentur. Neq. tantum, ut ille dixit, posterior dies prioris discipulus est, sed etiam magister. Multa aliter olim accipiebam, aliter hodie accipio? Græcos etiam libros multo pluribus locis depravatos esse video, quam tunc arbitrabar. Itaq. necesse est, multa longe secus in eorum interpretationibus, quam in mea, legi. De quibus non intelligentes modò, sed etiam eos, qui sibi tales videntur, quorum omnis ætas magnam copiam extulit, iudicaturos esse prospicio. Horum ego neq. alteros rejicio, neq. alteros extimesco, est ejusdem ingenii, et eruditorum admonitiones amare, et indoctorum maledicta contemnere. Ubi, et cur à cæteris dissenferim, vos quidem et quotidie ex me ipso, cæteri autem ex commentario, quem, cum primum licebit, editurus sumus, intelligant, ROMÆ. Kalend. Mart. Anno M. D. LXV.

M. ANTONIUS MURETUS BERNARDINE  
ARDINO LAUREDANO ANDREÆ F. Patricio Veneto  
S. P. D.

X.

**P**restantium Poëtarum, Bernardine Lauredane adolescens clarissime, neq. magna unquam copia, et semper magna laus fuit. Copia ne fuerit, id in causa est, quod in cæteris facultatibus, nemo est, duntaxat eorum, qui hebeti penitus ingenio non sunt, qui non adhibito labore, si minus excellere, at certe ad mediocri-

tatem

tatem aliquam pervenire, se posse confidat: in hac nisi  
 iis, quos ipsa quodammodo natura ad eam finxerit la-  
 bore diligentia, vigiliis effici nihil potest. Ea ipsa res  
 in hominum animis admirationem peperit Poëtarum,  
 obstupefactis videlicet hominibus, cum viderent alios  
 sponte quadam, & propensione natura, sine ullo labore  
 ea fundere, quæ cum omnibus eloquentiæ luminibus  
 interlita, tum sparsa multifariam eruditionis variæ no-  
 tis, non tantum dulci sono tenerent aures, sed etiam  
 omni genere affectuum, intimos audientium sensus, co-  
 gitationesq; tentarent; alios contra ingenuarum arti-  
 um scientia perpolitos; nulla tamen diligentia, aut diu-  
 turnitate studii consequi posse, ut aliquo inter Poëtas  
 numero ac loco haberentur. Ut autem omni elegantis  
 doctrine tractatione ita hujus quoq; virtutis præstan-  
 tia, longè supra ceteros Græcorum hominum ingenia  
 floruerunt. Romani & serius attigerunt Poëticam, &  
 coluerunt negligentius, & minime longo tempore in  
 rectè scribendorum Poëmatum via perstiterunt, siqui-  
 dem cum à rudibus apud eos Poëtica profecta principi-  
 is tandem per multos gradus ad Virgilium pervenis-  
 set: quo ego homine nihil statuo fieri potuisse divinius;  
 ita postea capere ingenia in deterius labi, ut mirum sit,  
 quanta, quam brevi tempore sit consecuta mutatio.  
 Hispani Poëta præcipue & Romani sermonis elegan-  
 tiam contaminarunt, & cum inflatum quoddam & tu-  
 midum, & gentis suæ moribus congruens, invexissent  
 orationis genus, averterunt exemplo suo cæteros à re-  
 ctâ illa, & simplici, in qua præcipua Poëtarum sita  
 laus est, & in quam superiores omni studio incubue-  
 rant, imitatione naturæ, itaq; ferè post Augusti tempo-  
 ra, ut quisq; versum maxime inflaverat, sententiam  
 maxime contorserat, eo deniq; modo locutus fuerat.



quo nemo seriò solet loqui, ita in pretio haberi cepit. Quin etiam fucatus ille splendor, & adulterina eloquentia species ita nonnullorum, qui vera eloquentia gustum non habebat, occaecavit animos, ut his quoque temporibus extiterint Hispani duo, homines ceteroqui & in primis eruditi, & scriptis editis nobiles: quorum alter Lucanum Virgilio, alter Martialem Catullo anteponebat veritus non est, quorum ab utroque ita dissentio, ut, si quis Deus potestatem mihi optionemque faciat, non dicam Virgilii, cui videor iniuriam facere, si eum ullo modo cum ceteris comparem, sed Ennii alicujus, aut Furii, quam Lucani, multò similem in scribendo esse me malim; inter Martialis autem & Catulli scripta, tantum interesse arbitrer, quantum inter dicta scurræ alicujus de trivio, & inter liberales ingenui homines jocos, multo urbanitatis aspersos sale, neque verò negaverim, multa in Martiale quoque non inscienter dicta reperiri: sed profectò deteriorum longè numerus major est. Latine quidem orationis nativa illa, minimeque quasi pigmentis infusata germanitas in Martiale nulla est, in Catullo præcipua. His de causis cum ab illo altero, nescio quo modo, semper abhorruissem, Catullum contra nunquam non mirabiliter amavi: itaque legēbam eum adolescentulus studiose, magnamque operam ad lepores illius intelligendos conferebam, nihil tamen minus cogitans, quam fore unquam, ut in eum commentarios scriberem: Sed, cum haud ita pridem venissem in Italiam, & ut eam regionem assucerem, qua qui æquo animo carent, mihi quidem antiquitatis memoriâ facis colere non videntur, & meherculâ, verum ut dicam, cum alios eruditos homines, tum Paulum in primis Manutium, cognoscerem, quod in ejus scriptis mihi videbar quicquid veris, expressas quasdam excellen-

via doctrina eximieq; probitatis notas, mihiq; divina  
quadam virgula contigisset, ut non pedem pene prius in  
hac civitate ponerem, quam in amicitiam ipsius fami-  
liaritatemq; intimam admitterer: ipseq; aliquot diebus  
post, de meis sermonibus collegisset, quantoperè me e-  
jus Poëta scripta caperent; Quin tu, inquit M. Antoni,  
que in hoc genere notasti, ea in publicum profers, fru-  
ctumq; laboris tui cum ceteris antiqua illa natura atq;  
humanitatis lege communicas? ibi tàm ego cùm & lon-  
gè aliarum virum opus illud esse dixissem, & prozuli-  
sem alia multa, qua mihi ad eam cogitationem suscipi-  
endam sane quam incommoda essent; eaq; ipse amicè ad-  
modum refutare pergeret; (nòsti autem divinam homi-  
nis illius in dicendo sùavitatem) non prius desistit,  
quàm me impulit, deniq; sibi ut reciperem; me id pri-  
mo quoq; tempore esse facturum. Neq; verò diu fidem  
meam liberare distuli, ut qui inter varias occupatio-  
nes, homo aliqui laboris non nimium tolerans, hoc ta-  
men, quicquid est, trium mensium, aliquanto etiam  
minore, spatio absolverim. Nunc hasce vigilias meas  
Bernardine Lauredane, multe sunt cause, quamobrem  
sibi dicatas velim. Natus es ex ampla cumprimis & no-  
bili familia, & ex qua ea Veneta civitatis lumina ex-  
sisterant, quorum claritatem nulla unquam inobscura-  
bit oblivio. Præterea est hoc generi vestro propè fata-  
liter datum, ut ametis literas, hominesq; earum sciens,  
via ex cultos benignitate vestra comprehendatis. Non  
longè abierimus; pater ipse tuus, vir, ut omnes nôrunt,  
omni egregiæ virtutis laude cumulatissimus, ita lste-  
rarum amore incensus est, ut ea, qua ubiq; plurimum  
valet, auctoritate & gratia permagnam optimorum li-  
brorum, signorû, nomismatumq; veterum, ceterorumq;  
antiquitatis monimentorû copiam ex universa Europe

diligentissimè collegeri, itaq; ut augusta quædam Musarum ædes, ita domus vestra Venetiis ab eruditū hominibus frequentatur. Hac cum magna sint, ut certè sunt, tamen ex te ipso possunt innumerabilia magis propria tua laudis argumenta desumi: ingenium excellens, ære ac indefessum literarum studium, optimarum artium cognitio tanta, quantam cum paucis aliis in istam ætatis viriditatem cadere posse docuisti: tum, quod præcipuum est, ita compositi mores, ut juvenis tua multorum senectuti exemplo esse possit. Vel his superioribus mensibus, cum ad M. Antonii Trivisani principis optimi, propinqui tui, luctuosam bonis omnibus mortem funebri laudatione honestandam unus ex omni Veneta nobilitatis flore delectus es; quanta, Deus immortalis, orationis & gravitate, & copia, quanta omnium, qui aderant, non approbatione tantum, verum etiam admiratione dixisti? ut iam tum sperare non dubie senatus populusq; Venetus ceperit, quæ eam diserte in aliis laudares, ea te aliquando re, atq; operibus præstiturum. Igitur cum eam orationem in publicum emisisses, nemo repertus est, qui non in cælum tolleret; aut, si qui postea fuerunt, qui eam clanculum extenuarunt verbis, eos satis constat, vel crassitudine ingenii, ne illius pulchritudinē pervideant, vel, ne pro dignitate commendent, veteri morbo perpetua in omnes bonos invidia impediri. Accessere his prope quotidiani mecum Pauli Manutii de tua laude sermones, in cuius tu viri ore plane habitas, ita enim frequenter, ita cupide de te loquitur, ut mihi nunquam omnino, quam cum de te dicere ingressus est, facundior esse videatur. Attigi breviter ea, quæ me, ut hunc librum tuo nomini potissimum inscriberem, impulerunt. Nunc à te adolescens ornatissime, etiam atq; etiam peto: primam, ut munusculum

hoc

hoc non ex sua magnitudine, sed ex meo tibi gratificandi animo ponderes: deinde, ut si quando eorum rationem imbis, quos eximia tua virtutis admiratio adjunxit tibi, me quog. si videtur, eorum adscribendum numero existimes. VENETIIS, Idibus Octobr. M.D.LIV.

M. ANTONIUS MURETUS TOR-

QUATO BEMBO PETRI F.

S. P. D.

XI.

**M**agna felicitate mihi carere videor, TORQUATE BEMBE, quod non ita maturè in Italiam venerim, ut patrem tuum, virum immortalitate dignissimum, videre atq. alloqui possem, nam & incredibilem quandam voluptatem hausissem ex illius herois adpectu, qui aut solus, aut præcipuè effecerat, ut ne hæc ætas superioribus seculis invideret: & effecissem, nisi valde fallor, ut ipse me, pro humanitate illa, qua complectebatur omnes, in quibus esset aliqua non alieni à Musis ingenii significatio, non usquequaq. sibi despicendum putaret. Nunc, quando id, quod caperem, consequi nullo modo possum, certè quidem, id quod proximum est, sedulò facio: colo, quacumq. ratione licet, memoriam illius: & cum in omni sermone, tum in scriptis meis, libentissimè facio, ut eum laudem, qui mihi neq. a me, neq. à quonquam satis laudari posse unquam videtur, neque verò ita sum amens, ut ad gloriam ipsius quicquam meo testimonio posse adjici censeam. Sed ita planè judico: ut Deus, qui nullius præconio indiget, laudari se tamen ab hominibus vult: sis beatas illas mentes, in cælum receptas, & cum Deo conjunctas, gaudere, cum se à nobis coli ac celebrari vident, ergò perindè ac si hujus rei sensus ad Petrum ipsum Bembum perventurus sit, ita

E e s,

de



de ipsius admirabili doctrina, singulari eloquentia, cæ-  
 terisq; virtutibus, quoties occasio est, prædico, quod si-  
 ve ita est, gaudeo: si ve ipse me fallo, tamen hunc erro-  
 rem, qui me tantoperè delectat, mihi eripi nolim. Equi-  
 dem non solum, quæ ille nobis monumenta ingenii sui  
 plurima ac pulcherrima reliquit, accuratè per voluta-  
 re, verum etiam imagines corporis ipsius studiosè con-  
 templari soleo: magnamq; ex eis oblectationem capio:  
 quod illa mihi ipsum ante oculos constituere videantur.  
 Jam si aut depictam in tabula aut marmore expressam,  
 aut in ære, argentoq; insculptam Petri Bembi imaginem  
 propè divino cultu afficere solitus sum: quid me tibi fa-  
 cere par est, Torquate Bembe, quem nobis divinus ille  
 vir vivam & spirantem tam corporis, tam multò ma-  
 gis ingenii ac virtutum suarum imaginem reliquit? Itaq;  
 ut intelligas, te à me tanti fieri, quanti æquum est, &  
 valis viri filium, & talem filium, qui paternæ gloriæ  
 præclare omni ex parte respondeat: mitto ad te muneri  
 Tibullum, hoc est, eum Poëtam, quem pater tuus felicis-  
 simè expressit, emendatum à me, & brevibus scholiis  
 illustratum, qui tibi testimonium aliquod sit incredibi-  
 lis observantia erga te mea. Parvum munus, fateor,  
 sed & à magno animo proficitur, & majora alia sub-  
 sequentur, si hoc tibi non ingratum fuisse cognovero.  
 Vale, Non. Maii. M. D. LVIII. PATAVIO.

M. ANTONIUS MURETUS FRAN-  
 CISCO GONZAGÆ FERDINAN-  
 DI E. S. D.

## XII.

**N**on iniuria dubitatum est à veteribus, FRAN-  
 CISCE GONZAGA, adolescens præstantissime.  
 Tibul-

Tibullone an Propertio deferendus esset inter Latinos Poetas elegia scribenda principatus, nam ut insunt in utroque permulta, quae eos vulgarium numero exemptos, in edito atque eminenti statuunt loco: sic propria quaedam extant & elucet in utroque virtutes, quibus uterque alterius palmam ambiguum facere videatur, summo in Tibullo elocutionis elegantia, & proprietas: summa in Propertio eruditionis Poetica copia & varietas: in illa Romana prope omnia, in hoc plerumque transmarina, illum, nativa quaedam, & incorrupta Romani sermonis integritas, in media urbe natum & alium esse, perspicue ostendit: hunc praeter cetera forma & character ipse dicendi in Graecorum Poetarum scriptis assidue versatum esse demonstrat, cumque a sapientissimis viris traditum sit, duo esse praecipua Poeticae dictionis ornamenta, ut quidem illo Tibullus, hoc Propertius excellere videtur, mollior ille & delicatior: nervosior hic & accuratior, illo magis oblectare: hunc magis, ut opor, admirare, illum iudices simplicius scripsisse, quae cogitaret: hunc diligentius cogitasse, quid scriberet, in illo plus natura, in hoc plus cura atque industria fuisse perspicias. Quae cum ita se habeant, perdifficile est discernere ac constituere, uter alteri praestet, nam si praecipua laus Poetarum in imitatione consistit: mihi quidem videtur Tibullus varios illos fluctuantis animi motus, quibus amantes agitari solent, melius imitatus esse, sin, ut quicquid ad optimum proxime accedit, ita ipsum quoque optimum iudicandum est: crediderim sane veterum illorum Graecorum, ac praecipue Callimachi, Propertium haud paulo similiorem fuisse: quae etiam fiducia ipse se Romanum Callimachum vocare ausus est.

Sed haec ut sunt, neque nostrum est, neque cuiusquam hominis pudentis, & considerati, quae de re veteres illi,

quorum fuit & doctrina major, & iudicium acrius,  
 non liquere pronuntiârunt, de ea certi quicquam con-  
 fluere, & litem secundum alterutrum dare: satius  
 fuerit, utrumque studiosè ac diligenter evolvere, utri-  
 usque virtutes accuratè perpendere: utrumq; sibi ad  
 imitandum proponere, si quando fortè nos ad tentan-  
 dum idem poëmaticis genus aut voluntas adducet, aut  
 natura impetus ferat, quæ ego omnia, FRANCISCE  
 GONZAGA, quantum quidem in me fuit, summo studio  
 adolescens facitavi, non enim facile concesserim multis,  
 qui hos Poëtas aut sæpius, aut accuratius legerint, aut  
 verò plus operæ posuerint in eorum virtutibus imitan-  
 do exprimendis. Ex quo autem in me juvenilis illa, qua  
 studia Poëtica foventur, alacritas deferbuit, animumq;  
 sibi meum gravissimum, & hac ætate digniorum artium  
 tractatio vendicavit; temperare mihi tamen non pos-  
 sum, quin sæpè eos in manibus habeam; horisq; subseci-  
 vis graviorum studiorum asperitatem hoc quasi condi-  
 mento amœnitatis mitigem ac molliam, quin etiam ut  
 non occupationes tantùm meæ, verùm remissiones quoq;  
 animi asserant aliquid utilitatis hominibus: consero  
 studium non mediocre ad libros eorum perpurgandos,  
 & ad locos: si quos mihi fortè intelligere videor, qui  
 non ita sint omnibus pervii, explicandos, tale igitur  
 quiddam his diebus in Propertio præstiti: & cum ad-  
 mirabili desiderio tenerer insinuandi me aliqua in ami-  
 citiam tuam, iter mihi ad eam præmunire hoc munuscu-  
 lo volui. Ut autem à te cognosci cuperem, ne vivam, si  
 me aut divitiæ, quibus abundas, aut gaveris tui clari-  
 tas, aut quicquam denique præter maximas tuas, &  
 jam nunc omnium sermone celebratissimas virtutes in-  
 citavit: nam opulentorum, qui honesta studia spernant,  
 non modò ambire ac persequi, sed aspernari etiam, ac  
 refu-

refuge  
 huius  
 litas  
 ciunt,  
 efficer  
 disse, q  
 te qui  
 DINAI  
 natissim  
 impens  
 tiu in e  
 minim  
 victori  
 clarior  
 rum m  
 Anton  
 & ad e  
 ria hom  
 persequ  
 quod m

Id tam  
 bus te q  
 tavini  
 Proper  
 graver  
 Hippoly  
 & virt  
 qui tibi  
 tellet

refugere amicitias soleo, non semel expertus, nihil esse  
hujusmodi hominibus, *φοιτικῶν* : generis autem nobi-  
litas in iis demum habet aliquid gloriandum, qui fa-  
ciunt, id quod tu, hoc est, in iis, qui omni ope moliuntur  
efficere, ut ne minus ipsi splendoris posteris suis tradi-  
disse, quàm à majoribus accepisse videantur, itaq. colunt  
te quidem homines, & observant, ut magni illius FER-  
DINANDI GONZAGÆ, sapientissimi, fortissimi, fortu-  
natissimi Imperatoris, filium : sed multò te, mihi crede,  
impeius colunt, quod eam te viam ingressum, aut po-  
tius in ea jam longè progressum, vident, in qua si, ut spes  
minimè dubia est, perstiteris, non ille apud posteros tot  
victoris, tot optimis spoliis, tot trophæis, quàm te filio,  
clarior sit futurus, sed illius quidem res gestæ cùm alio-  
rum monumentis celebrabuntur, tùm præcipuè scriptis  
Antonii Possesvini, familiaris tui, eruditissimi hominis,  
& ad conscribendam historiam facti, tradentur memo-  
ria hominum sempiternæ : tuas autem hoc loco pluribus  
persequi nolo : tùm, ne modum Epistolæ excedam, cùm  
quod mihi veniunt in mentem Euripidis versus :

*Αἰνέδοις ὅς σε πατήρ, τέκνον νῦν.*

*Miseres res cunctas, iam aivōs ἄγαν,*

Id tantum te orabo, ut, cùm à Philosophie studiis, in qui-  
bus te quotidie Bernardinus Tomitanus, singulare Pa-  
tavini Gymnasii decus, exercet, relaxare animum voles,  
Propertianæ lectioni temporis aliquid tribuere ne  
graveris, in qua si comitem tibi, ut facturum auguror,  
Hippolytum Capilupum, Episcopum Fanensem increduli  
& virtute, & doctrina hominem, assumpseris, habebis,  
qui tibi possit ea, quæ à me vel omissa, vel non satis in-  
tellecta sunt, unus optimè omnium interpretari.

Vale, PATAVII, Kalend. sextil.

M. D. LVIII.

M. AN-



M. ANTONIUS MURETUS LEONAR-  
DO MOCENIO, ANTONII PROCU-  
ratoris F. Patricio Veneto.

S. P. D.

XIII.

**Q**Uod, me sæpè in quotidiano sermone, Leonardus Mocenice, deplorantem audire potuisti; magna inest in veterum scriptis & depravatio, & difficultas, quarum utramque qui pro sua virili parte tollere moliantur, operamq; ad eam rem studiosis hominibus profitentur suam; ii mihi & labores suos collocare fructuosius, & ad extruendam sibi nominis immortalitatem firmidra, & solidiora fundamenta jacere videntur, quam qui hunc emendandi ac declarandi laborem tanquam & pleniorum molestiarum, & abiectionem quodammodo, atq; humiliorem refugientes, scribendis latina, græcæve lingua orationibus, aut poematis, ejusdemq; generis aliis, sua nomina posteritati commendare malunt. Primum enim cum è veterum monumentis, tanquam ex opimis, & pinguibus pascuis, quæ ad saturandos humanitate animos pertinent, omnia colligantur. profectò qui & evellere noxias herbas, quæ in eis cultorum negligentia pullularant, & excisis, si qua iter impediunt, sentibus, aditum ad ea faciliorem efficere nituntur, negari non potest, quin præclarè omnino de humano genere mereantur, siquidem ut qui aut parum puris, aut ad conficiendam difficilibus utuntur cibus, integritatem valetudinis firmitatemq; virium adipisci vix queant: ita qui aut parum emendatos libros, aut parum ad intelligendum faciles versare coguntur; nã illi valde bono ingenio sint oportet, si aut ullum sermonis leporem, aut ullum exquisitioris doctrinæ elegantiam consequuntur. Quam multa barbara vocabula, quàm

multa

multa  
ruption  
moris  
ignorant  
genus  
roris es  
feci, p  
terdum  
tegras  
Dunde  
Virgilio  
nostris  
qui si al  
propè re  
ti sunt,  
& effici  
vius ipse  
dum ve  
quandiu  
placens  
plu ex  
aut ver  
tamen  
gloriam  
at contr  
pertinen  
elegant  
hominu  
possum  
vixere a  
propter  
loquendi  
nemo leg

multa vitiosa genera loquendi, propter librorum corruptionem, usurparunt ii, qui se nostra patrumque memoria Ciceronianos dici volebant: quantularum rerum ignoratio quantas tenebras sepe in omne disciplinarum genus invexit? magna enim Mecenice fecunditas erroris est: & ut morbi quidam à pusillis principiis perfecti, paulatim per corpus omne serpunt: ita parva interdum macula erroris, paulatim progressa longius, integra optimorum scriptorum monumenta contaminat. Deinde non est sanè expectandum, ut omisso Cicerone, Virgilio, ceterisque veteribus, legantur ii, qui temporibus nostris aliquid eadem lingua, in eodè genere scripserant, qui si aliquid afferunt non haustum à veterum fontibus, prope reprehenduntur; sin improbo labore hoc consecuti sunt, ut in scriptis suis nihil non è priscis illis imitatum, & effictum appareat; nemo tamen est, qui non illos potius ipsos, priscos evolvere, sibiq; proponere ad imitandum velit, itaq; ejusmodi scripta, tanquam vina levia, quamdiu mustea sunt, ipso novitatis sapore paulisper placent; iterum aut sæpius gustata fastidiuntur, in promptu exempla sunt, Bembii, Navogerii, Molsæ, Lampridiæ, aut versus, aut orationes, quotusquisq; hodie legit; & tamen aut illi nostra ætate proxime ad antiquorum gloriam acceperunt, aut nemo unquam accessurus est, at contra si quæ iidem ad illustrandos veterum libros pertinentia literis prodiderunt, qualia nonnulla Bembus elegantissime scripsit, ea plus, plusq; in dies studioforum hominum manibus conteruntur, sed quid de his loquor? possum nominare nonnullos, qui abhinc sexaginta fere vixere annos, quorum poemata, orationes, epistolas, cum propter perversum, & inepta affectatione corruptum loquendi genus, quod ætas illa extulerat, sine risu hodie nemo legat, eorundem tamen scripta quedam, quibus

*lux aliqua vetustis scriptoribus affertur, omnibus vi-  
gent, denique, quem sola sermonis elegantia suauitasque  
commendat, is etatem ferre liber non potest: at ex quo  
fructus aliquid utilitatisque percipitur,*

*Hic meret æra liber Sosis, hic et mare transit,*

*Et longum noto scriptori prorogat ævum.*

*Ego autem Mocenice, quæ cupiditas in optimo quoque  
maximè viget, navandi studium suum utilitati publicæ,  
et nominis sui ad posteros propagandi, ab ea unquam  
me abstruiffe confiteor, quam ad rem cum illud mihi,  
de quo ante dixi, quasi compendiarium esse iter vide-  
rem, progressus sum in eo, quoad petui, et progredi por-  
rò si vita suppeditaverit, cogito, ergo alia aliàs: nuper  
autem quatuor Ciceronis in Catilinam orationes tum  
vindicaui à multis mendis, quæ in eis librariorum vi-  
tio infederant; tum, addita brevi declaratione, faciliores  
ad intelligendum effeci, hunc parvum laboris mei fru-  
ctum venire in hominum manus ornatum commenda-  
tione tui nominis volui, primum, quòd ipsi libro, parum  
ex me auctoritatis habituro, multum ex te accessurum  
dignitatis ac gratiæ intelligebam: in quo, quæcumque aut  
ad amplitudinem nominis, aut ad devinciendas amici-  
tiæ hominū voluntates valent, summa esse omnia anim-  
adverto. nam siue generis claritatem requirimus; cui  
tandem; qui Veneti imperii nomen audiverit, Mocenicæ  
gentis splendor ignotus est? quæ quidem gens, ut ne  
annalium memoriam replicem, neque eos commemo-  
rem, quos domi forisque spectata virtus, concordibus  
suffragiis, ad hujus Reipublicæ fastigium evexit; illud  
integritatis, illud justitiæ, illud incorruptæ severitatis  
exemplar, Alostium Mocenicum, equidem, tuum Leonar-  
de avunculo protulit: quo viro nemo unquam in hac civi-  
tate, qui, cum pauciora peteret, plura consequeretur*

*bono-*

honoris insignia, inventus est: ipsa pro eo prensabas  
vittas, ipsa ei viam ad omnes honoris gradus, non ap-  
pellandis, non rogandis, non officiose salutandis civibus;  
sed gloriosis, admirandis, immortalitate dignis edendis  
operibus munebat, neq. verò passa resp. est, tantum lu-  
men exteris principibus incognitum latere: sed quan-  
quam fidelissimis illius, sapientissimisq. consiliis nixa,  
non libenter ab amplexu eum suo dimitteret: mandandis  
tamen ei plurimis, honorificentissimisq. legationibus; fa-  
cultatem dedit famæ suæ per omnes terrarū oras disse-  
minandæ, qui cum omnes in eam opinionem adduxisset,  
ut quicquid ipsi, non dicam denegatum, sed non ultro  
delatum fuisset, idem virtuti denegatum videretur; fi-  
lio suo, patri tu. Leonarde, iisdem virtutibus prædito  
facile atq. expeditum iter ad procuratoriam, id est, ad  
eam, qua nulla summa propior est, dignitatem reliquit,  
sive igitur generis claritatem requirimus, ea tibi lon-  
gè maxima divinitus contigit: sive te ipsum, nulla ratio-  
ne generis habita, intuemur, ea videmus in te, quæ vel  
abest, obscuramq. familiam erigere atque illustrare  
possent. Non enim te aut gentis tuæ nobilitas tumidum,  
aut opum affluentia insolentem facit: sed illam quidem  
inutamentum, hanc verò instrumentum exercendæ  
virtutis esse ducens, ita te geris, ut dignitate par sum-  
mis, humanitate & affabilitate nihilo superior infimis  
esse videaris, quo fit, ut tota urbe nemo sit, qui non o-  
mnia tibi successa cupiat, qui te non amet, non in sinu, nō  
in oculis ferat: qui non & optet, & augeretur fore, ut  
te eodem planè, quo avus olim, itinere gradientem, iisdē  
resp. quibus illum prosecuta est, honoribus prosequatur.  
Primum igitur è tue, ut dixi, nomine auctoritatem libro  
meo querere aliquam volui, deinde, cum plurimis, ma-  
nifestissimisq. indiciis, me tibi non vulgariter carum esse  
Ff cogo



cognoscerem; volui eg, quæ vicissim, qualemcumque poteram, animi erga te mei significationem dare. Vale, Vennetius, A.D. 6. Idus Octob. M.D.LVI.

M. ANT. MURETI AD LEONARDUM  
MOCENICUM, P.V. PRIMÆ ORATIONIS  
CATILINARIÆ explicatio.

XIV.

Sæpe jam M. Tullius, antequam hanc orationem haberet, verba in senatu de Catilinæ conjuratione fecerat: ut vel ex eo perspicuum est, quod duodeviginti diebus ante, consulibus Resp. Senatusconsulto permissa erat, quod ego ipsum admonere supervacaneum putasset; (est enim sanè quàm apertum) nisi animadvertisset, multos magnosque viros, non è recentioribus modis, sed etiam ex antiquis; quod, quid quæ tempore actum fuisset, non satis attentè considerassent, in errores quosdam minimè, ut arbitror, negligendos, in harum rerum explicatione incidisse. Mihi quidem ita videtur: Ciceroni imprimis ipsi maximam esse hisce in rebus habendam fidem: ut, sicubi ab eo ceteri dissenserint: homines eos fuisse, idcircoque labi potuisse, arbitremur: secundo Ciceronem autem Salustio, qui in eisdem temporibus fuit: tertio Asconio, qui ab eorum ætate non ita multum absuit: Græcos autem, Plutarchum, Appionem, Dionem magno usque adhibito iudicio legendos. Nam ut hinc ordinamus, cum conjurati, Catilinæ denunciatione, in M. Porcii Leccæ domum convenissent, reperti quæ essent duo, qui se Ciceronem in lectulo suo interfekturos pollicerentur; tum demum ait Sallustius, rem ad senatum à Cicerone relattam; senatumque decrevisse, ut darent operam consulene quid resp. detrimenti caperet: at id manifestò falsum est, siquidem, quæ vox consecuta est posterum diem non

narum

varum Novemb. ea nocte coitionem illam in M. Porcii  
 domum factam esse, constat ex oratione pro Sylla, jam  
 autem sedecim, minimum dies erant, cum illa senatus au-  
 thoritas intercesserat; ut ex hac ipsa oratione liquidè  
 cognosci potest. Illud quoque non minus falsum est, quod  
 idem Sallustius prodidit, cum aut hanc orationem Cice-  
 ro, aut aliam quampiam habuisset, certè quidem aliquot  
 diebus post commissam consulibus remp. Catilinam ira-  
 tam vocem denique erupisse, ut diceret, si quod incendiū  
 infortunias suas excitatum esset, id se non aqua, sed rui-  
 na restincturum, id enim jam pridem, id est, aliquot die-  
 bus ante comitia consularia, Catoni iudicium minitanti  
 ac denuncianti Catilina responderat, quod ipse Cicero in  
 oratione pro Murena testatum reliquit. Quod si Sallu-  
 stium ipsum, & accuratum cum primis hominem, & il-  
 lorum temporum æqualem, tantum alicubi lapsum vide-  
 mus: exacuenda profectò nobis ingenii acies est: neque  
 ut quicquid à quorū veterum proditum fuerit, ita pro-  
 tinus recipiendum est: sed conferenda alia cum aliis, &  
 ad Ciceronis præcipuè auctoritatem, tanquam ad Ly-  
 dium lapidem singula diligenter examinanda. Nunc ad  
 rem: Dicta est hac oratio à Cicerone consule, senatum  
 habente in templo Jovis Statoris, VI. Id. Novemb. ut in-  
 frà probabitur, qua quidem oratione ostendit, patefa-  
 scia jam esse omnibus scelerata Catilinæ adversus remp.  
 consilia: ipsiq; suadet, vel potius imperat, ut ex urbe ex-  
 eat, quo & civitatem liberet metu, & ipse se liberius  
 hostem P. R. profiteri queat. Genus igitur causæ iudiciale  
 non est, ut falsò Cælius Curio putat, non enim in senatu  
 iudicia exercebantur, sed ne deliberativum quidem est,  
 quid ita? quia enim non deliberat Cicero, neq; sententians  
 dicit, neq; aut suadet quicquam senatui, aut dissuadet:  
 sed Catilinam increpat, oburgat, exagitat: jubet deniq;

ut cum Reip. salute, sua verò peste ac pernicie ex urbe proficiscatur. Quid igitur? fatendum profectò est, non omnes Ciceronis orationes, nedum omnia quæ ab oratore tractantur, ad tria illa pervulgatâ causarum genera posse revocari. Ipse autè orationis *xenome* plenus est *deorum*, *negitum*, *et* *phodagum*, *et* *us* *al* *on* *et* *et* *et*, itaq; quacunq; de illo genere à veteribus prodita sunt, ea huiusmodi mirabiliter observata reperiemus.

M. ANTONII MURETI AD LEONARDUM MOCENICUM, P. V. SECUNDÆ Orationis in Catilinam explicatio.

XV.

Cum multa sunt alia, quæ in veteribus dicendi magistris admirari, & liberè, ut loquar, non satis probare soleo, Leonarde Mocenice: tum illud inprimis, quod iidem homines & multò longius, àquàm par erat, fines oratoriæ facultatis protulerunt, & eandem postea multò breviorè, multoq; angustiorè, quàm ipsius natura fert, ambitu, quasiq; gyro concludere, ac constringere voluerunt, nam cum ita latè patere oratoris officium tradidissent, ut ex omni artium numero nullam relinquere, qua non instructum esse eum, atq; ornatum oportere dicerent; neq; præclarum illud nomen eloquentis cuiquam tribuendum putarent, nisi qui idem & grammaticus esset, & dialecticus, & earum rerum quæ in naturæ obscuritate positæ sunt, intelligens, & gubernandæ Reip. & gerendi belli peritus: eundemq; esse vellet & musicum, & geometram, & arithmeticum, & astrologum, & medicum, & architectum: nulla ut res esset cælo, terra, mari, de qua non ille copiosissimè disputare, atq; ornatissimè posset: iidem postea, tanquam il-

lius tanta liberalitatis suæ penitentes, quasi angustissimo quodam ergastulo, ita tribus causarum generibus totam illius tam latè patentem, diffusamq; vim coercuerunt, in quibus illud primum est, quod admirer: si quis Euclidis, Ptolomæive scripta nunquam legisset, cui tandem impedimento id ei ad dicendum putârint fore: aut qui minus eloquentem futurum, si qui nunquam neque cantare, neque saltare didicisset. nam si quod aliquando accidit, ut C. Sulpitius, de lunæ defectione differens, exercitum L. Pauli confirmaret, idcirco astrorum rationē oratori esse necessariam dicimus: & quia de faciendis portubus, architectorum; quia de livoribus, & tumoribus in corpore interdum aliquid dicit, medicum esse eum volumus: eadem ratione dicamus sanè, debere eum bonum coquum esse; bonumq; sutorem: quod in tanta rerum varietate accidere aliquando possit, ut de cibis ei sis aliquid calceamentisq; dicendum. Magnum verò oratori negotium imponimus: si ut ei aliquid in sermone de hujus aut illius artis instrumentis, operibusve, aut de ipsa etiâ efficiendi ratione occurreret: ita eum mittemus ad magistros, & nisi quam artem didicerit, nunquam de ea verbum unum facere patiemur, ac profectò si ista omnia in oratore sunt, mirum est, cur non ad canendum tibiis, ad obliganda vulnera, ad ædificanda navalia, diserti homines adhibeantur, & cur non oratoribus respub. tanquam Delphicis gladiis ad omnia, quæ sunt in civitate necessaria, utatur. Est autem operæ pretium cognoscere, quo potissimum argumento istud gloriosum dogma confirmet. De omnibus inquit, rebus dicere, oratoris officium est, non potest autem quisquam ea dicendo tractare, quæ cognita perspectaq; non habeat, omnium igitur artium scientiam animo comprehenderit, oportet is, qui oratoris munus sustinere mediteatur. O plumbeū,



ut dicitur, pugionem! quis enim hoc tibi concesserit, nisi quem ista magnorum nominum infatu veri auctoritas, omnibus de rebus oratoris esse officium dicere? Sophistarū hoc fuit, ponere iubere quod quisque vellet: quod nemo unquam, qui orator haberetur, facitavit. Quando autem potest accidere, ut orator dicere debeat, quadrari possit circulus, neque possit, aut ecquid ullam habeat quadrati latus cum diametro proportionem? At haec ipsa si tractanda susceperit, multo tractabit ornatiū, quā ipsi artifices solent. Sanē verō, mortuos, credo, excitabit, & multis rebus sermonem dabit, & similiter cadentibus ac similiter desinentibus sanorum numerosamque efficiet orationem: facileque, si id facere voluerit, effugiet, & resus hominum, & insania famam. Conspuatur in hercule, ut opinor, & saxu lutoque peteretur, si quis in corona tractandis ejusmodi rebus ornatum ullum adhibere oratorium vellet. De justis, injustis, utilibus, inutilibus, honestis, turpibus, dicere oratoris officium est: non de quadratis, & circulis, de conis, & pyramidibus disputare. Itaque praeclare Aristoteles, ut solet, Rhetoricen in iis modis versari ait, *ἡ δὲ ῥητορική ἐστι τῶν περὶ τὰ κοινὰ*: iis videlicet in rebus, quae sunt in communi quadam intelligentia posita: & de quibus, nemo est, qui non a natura duce, utcumque, iudicare se posse confidat, hoc enim planē mihi quidem innuere videtur, cum ait, *ἡ δὲ ῥητορική ἐστι τῶν περὶ τὰ κοινὰ*. Deinde, si maximē oratori accidere interdum posse fateamur, uti iis de rebus verborū aliquid faciat, quae ad alias facultates, aut scientias pertinent: non tamen ex eo efficietur, ut ad oratoris nomen tuendum necessarii sit omnium artium cognitio. Ac mihi cogitanti, quae tandem istius erroris origo esse potuerit, ut aliarum multarum insensibilissimarum opinionum: ita, huius quoque viden-

entur Stoi-  
alem nulli  
sua esset;  
quens, solu-  
eas fecisse  
ppe isti pra-  
m effinxere.  
e quidem mo-  
quod alium a-  
runt, quod id  
de probari  
ogredi, & C  
idem, diis ju-  
rteat, qui b  
cetera, illa  
ribus de re  
meatur tr  
berativo C  
hoc loco a  
si, omnia q  
subiecta eff  
ntius locu  
ntroversia  
ntia ppetu  
ro effi; lon-  
enere cau-  
is olim eos;  
mos erat  
caussa, neq  
quam coir  
doctrina v  
Tu verò q  
squaro ex

videntur Stoici principes, quasiq; procreati res fuisse, qualem n. illi suum sapientē esse dixerant, qui solus formosus esset, solus liber, solus rex, solus dilecticus, si lus eloquens, solus deniq; omnia, ut etiam, quamvis nunquā soleas fecisset, tutor tamen esset in primis bonus: talem prope isti præclarum illum suum ē Platonis rep. oratorem effinxere, quam vanitatem secutus Vitruvius multo ille quidem modestius, sed tamen aut talem, aut certē nō multo alium architectū informavit, atq; illi oratōrē fecerant, quod idem nō tantū in poëta, aut in imperatore facile probari queat: verū etiam si ad istud exemplum progredi, & omnes artes paulatim cōmiscere libeat, eō tandem, diis juvantibus, veniemus, ut bonum musicū esse oporteat, qui bonus cerdo evadere cogitet. Sed ut mittamus cetera, illud certē cōvenire nullo modo potest, ut & omnibus de rebus dicere sit oratorū, & totū illius officiū contineatur tribus causarum generibus, demonstrativo, deliberativo & iudiciali: neq; verō mihi quisquā Aristotelis hoc loco auctoritatē objiciat: nam ille primū non, ut isti, omnia quæ in rerū natura sint, oratori ad dicendū subjecta esse voluit: deinde multo verius, multoq; sapientius locutus est: non enim tria genera causarū aut controversiarum, sed tria eīdē mō p̄teritis aut tria p̄teritis dicit, quod si quis putat idem cum illo altero esse, longē errat, ego a. si quis quærat ex me, quo in genere causæ, aut cōtroversia sit ea oratio, qua quotannis olim eos, qui pro patria occubuerāt, Athenis laudari mos erat, planē respondebo. in nullo: nulla enim ibi neq; causā, neq; controversia est: neq; quā de quo quisquam cōtroversetur, & tamen ē Platonis Aristotelisq; doctrina verē dici potest, esse p̄teritis imitandis p̄teritis dicit. Tu verō qui oratorem Hippium quendā πικροδαιμονίαν facis, quæro ex te, cum de corporum celestium motibus,

de fulguribus, de terræmotibus disputabit: (quando hæc quoque ad munus illius pertinere vis) in quo istæ trium generum eum versari dices? neque enim tum laudabit, neque vituperabit: neque suadebit, neque dissuadebit; neque accusabit, neque defendet, ac ne longius exempla repetamus: (tempus est enim, ut his omnis, ad ea veniamus, quæ instituto nostro adjunctiora sunt) hæc in Catilinæ orationes, præter postremam, quæ sanè deliberativa dicatur, sub nullum ex illis tribus generibus includi queunt, non sub iudiciale: neque enim habentur in iudicio: non sub demonstrativum nam in demonstrativo sola audientium voluptas queritur: totumque illud genus ad pompam, & ad ostentationem comparatur: non sub deliberativum: in priore enim ut vidimus, nulla deliberatio est: quin id tantum agebat Cicero, ut exiret Catilina, quo ipse postea cum senatu deliberare de re publica posset. neque enim præsentem eo deliberare, aut decernere utile fuisset, hæc autem, quam nunc explicare aggredimur, neminemque tertia, nihil aliud agit, quam ut exponat populo ea, quæ gesta sunt, eumque confimet, ac bene sperare iubeat, ne queramus igitur, hæc orationes quo in causæ genere sint, aut in quo statu; sed ista relinquamus eis, qui eò progressi sunt stultitiae, ut, editis libris, non tantum in epistolis Ciceronis, verum etiam in Comædiis Terentii & genus causæ, & statum requirant. Nunc Ciceronem ipsum audiamus.

M. ANT. MURETI AD LEONARDUM  
MOCENICUM, P. V. TERTIÆ IN CATILINAM ORATIONIS EXPLICATIO.

XVI.

**A**dmirabilis quædam, ac propè divina vis est. Leonardo Mocenice, hominis eloquentis; meritoque  
(sapien-

sapientissimus poeta scripsit Euripides, nihil esse quod ferro, quin idem oratione confici possit. Quod si unquam ullum tempus fuit, cum id manifesto perspicere posset; tum profecto apertissime declaratum est, cum sceleratas Catilina in patriam machinationes, nefariaque consilia fretus eloquentia viribus Cicero dissipavit, ac mihi quidem se penumero in summos homines, quos Roma olim respublica plurimos protulit, intuenti, altorumque facta cum aliis, quam possum, accuratissime conferenti prorsus ita videtur, plus uni Ciceroni urbem Romanam, quam omnibus, quotquot bellica virtute fines protulerunt imperii, debuisse, nam ut in corporibus nostris externum calorem, externumque frigus propulsare ac defendere facile est: ubi autem inius contractum frigus, aut venis ac visceribus conclusus calor labefactat eas partes, quibus vita precipue continetur, emedium ei malo adhiberi, nisi ab homine petito, atque exercitatio non potest: sic in ratione gerenda reipublica debellare hostes externos, & quod illi mali civibus tuis moliebantur, id in ipsorum capita convertere, si minus facile est, cuiusmodi tamen est, ut humanis viribus effici posse videatur: at ubi ipsa inter se dissident reipublicae partes, & quidem ita dissident; ut quibus in tota civitate plurimum animi, atque audacia est, ii conjuncti ac consociati inter se obstinatissimo animo, pestem ceteris, atque exitium machinentur: Deum profecto Moccenice, Deum quendam, non hominem, esse oportet, qui in tanto, tamque ancipiti discrimine statum civitatis integrum, atque incolumem praestet, ea vero laus cui potius, quam Ciceroni, tribuenda sit, neminem video, unus enim latentem adhuc atque occultam conjunctionem singulari providentia, vigilantiaque deprehendit, ac protulit; manantem, serpentemque paulatim longius, com-

Ff 5

prestit



prestit: fractos ac debilitatos metu propter inusitatum  
 periculi magnitudinem civium animos confirmavit, in-  
 dormientem tantis rebus excitavit senatum: eadem  
 voce & securitatem bonis, & terrorem improbis at-  
 tulit: Collegam suum labe conjurationis infectum, spon-  
 se deposita, oblataq; illi provincia, ad bonas partes ad-  
 duxit, & ut quæ sanari poterant, summo adhibito stu-  
 dio sanare conatus est, ita quæ insanabilia videbantur,  
 ea, omni periculo, atq; omni invidia pro nihilo habita,  
 animosè ac fortiter amputavit, itaq; earum rerum er-  
 go, primus meritisimo eum honorem consecutus est, ut  
 pater patriæ diceretur. Ac si quis est, qui horum præ-  
 stantissimorum operum laudem ab eloquentia remo-  
 vens, ad alias quasdam virtutes referre malit: ut ei  
 nos illud dabinus, nunquam hominem quamlibet in di-  
 cendo copiosum atq; ornatum, hæc tam præclara effe-  
 cturum fuisse sine aliis plurimis, maximisq; virtuti-  
 bus: ita ipse, nisi valde iniquus sit, nobis hoc concedat,  
 necesse est, nunquam hæc tam feliciter à quoquam di-  
 rigi gubernariq; potuisse, cui, ceteris instructo animi  
 bonis graviter ornateq; dicendi facultas defuisset.  
 Hanc ego ad facultatem, Mocenice, vias commonstrare  
 conor iis, quibus in hac urbe cordi sunt honestarum ar-  
 tium studia. Nam etsi non sum ita nescius mei, ut elo-  
 quentem esse me putem: tamen, quod à prima ætate  
 dedi me studiosè ad exercitationem dicendi, & magna  
 cum cura pervolutavi eorum scripta, qui aut disertè  
 fuisse ferebantur, aut ea præcepta libris suis complexi  
 ess, quibus orationis copia pararetur: videor posse,  
 quò ipse non pervenerim, nihilominus, eò qua perve-  
 niendum sit, aliquo modo indicare. Certè quidem se-  
 dulo præst, quod possum, & quod mihi senatus aucto-  
 ritate munus injunctum est, ei ut ne desim, viribus opi-  
 busq;

*busque omnibus elaboro. Quoniam autem multi sæpe ita mecum egerunt primarii homines, ut dicerent, se cupidos quidem esse cognoscendi ea, quæ à me dicerentur: sed ne ad me tam sæpe, quàm vellent, ventitarent, negotiis impediri, si subsecrivi temporis aliquid sumerem ad ea ipsa, quæ quotidie traderem, mandanda literis, gratum id multis atque opiatum fore: morem illis hac quoque in parte gerere volui: & ad meos pristinos labores hoc quoque scribendi onus adjeci. Quid utinam tam utile sit aliis, quàm à me, solo obsequendi amicis desiderio, sine ulla ambitione susceptum est, quanquam enim non eam me sapientiam consecutum præ me fero, ut gloriam spernam: tamen ea nostris temporibus copia est vel eruditorum hominum, qui meis luminibus obstruant: vel malevolorum, qui omnem iudicii laudem in vituperandis aliis persuasam putent: ut judicaturus sim, mecum præclare actum, si ita caream gloria fructu, ut ne obrectatorum quidem aculeos sentiam. Nunc, quando de quatuor Ciceronis in Catilinam orationibus duas interpretati sumus, pari duas reliquas studio persequemur.*

M. ANTONII MURETI AD  
LEONARDUM MOCENICUM. P. V.  
Quartæ Orationis in Catilinam  
explicatio.

XVII.

*SI premiis tantum, Mocenice, & iis premiis, in quibus præcipuam felicitatis partem vulgaris opinio constituit, ad bene merendum de humano genere præstanti homines ingenio adducerentur: multos, ut opinor, & certe, ab instituto virtutis itinere animadversæ*  
*super*

superiorum atatum exempla revocarent, nam si replicare memoriam temporum, & antiquitatis monumenta excutere velimus; deprehendemus, unaquaq; in republica eos ferè, quorum plurima in eam extabant, maximeq; beneficia, omni scelere laceratos, omni crudelitate raptatos, omni acerbitatis genere divexatos fuisse, quod quamvis ita exploratum est, & tibi & iis omnibus, qui operæ aliquid in antiquitatis cognitione posuerunt, vix ut confirmationis indigeat: tamen, ut, si qua esse potest, dubitatio eximatur, aliquot, quæ mihi nunc in mentem veniant, illustria ejus rei exempla subiciam. Prima autem in hac cogitatione occurrunt illa omnium laudandarum artium, ipsiusq; adeo humanitatis parentes Athenæ: quam optimis studiis deditam, refertam assidue, atq; ut ita dixerim, sætam eruditissimis hominibus civitatem, cui unquam insigniter adjuvare, impune licuit? non illa Miltiadem, Cimonem, THEMISTOCLEM, ARISTIDEM, Æschinem, Demosthenem, quorum omnium summis erat usa beneficiis, in exilium pepulit? non illud probitatis, modestiæ, integritatis, sapientiæ specimen Socratem veneno necavit? & constituto adversus impios, ac pravè de rebus divinis sentientes supplicio eum potissime affecit: qui unus ex omnibus ad veram Dei cognitionem proximè accesserat? sed Romana Respubl. quanto ceteras omnes magnitudine virium, atq; imperii amplitudine superavit; tantò majorem nobis, atq; ampliorem hujus generis exemplorum copiam subministrat, cujus in historiam quisquis ingreditur, is in ipso quasi vestibulo ipsum illum urbis parentem Romulum Senatorum manibus crudelissimè discerptum, ac dilaniatum videt. Quòd si tam horrendi facinoris immani atrocitate spectata, entrò tamen ire perrexerit, non longe progressus,

obvium habebit Collatinum, ob inanem popularis suspitionis auram, in exilium proficiscentem ea ex urbe, quam ipse magna ex parte dominatu regio liberarat. Atq; ut Coriolanum taciùs præteream, Marcum certè Camillum, haud facîle dixerim, militariæ virtute, an fide, justitiæq; majorem, & mirabitur & miserabitur eadem calamitate perculsum. Scipionem verò illum, de quo verè scripserat Ennius, nullam ei statuam, nullam columnam à populo Romano erigi posse, quæ magnitudini rerum ab ipso gestarum responderet: quis est, qui eum intellexerit eò post tot tamq; insignes victorias redactum; ut exilium sibi suapte sponte consciverit, non debilitetur, ac concidat animo; planeq; judicet nullam iis attingendam esse Reipubl. partem, qui commodo ac tranquillitati suæ consultum velint. Quid jam illos turbines, illas procellas, illas tempestates civilium dissensionum commemorem? quibus non unus aut alter præclarus & salutaris reip. civis perculsus est: sed ipsi acervi, ipsa millia immortalitate dignorum hominum nefariis consceleratissimorum latronum manibus trucidata jacuerunt. O acerbum illud, o vel Romani nominis hostibus miserabile spectaculum, cum passim pervias immanium gladiatorum in principes civitatis debacchabatur furor: cum, qui aliquando Reip. præsidia fuerant, eis nullum in civitate præsidium reperiebatur: cum, quorum eloquentia ipsis gloriæ, aliis admirationi, Reip. saluti fuerat, eorum ex illis ipsis Rostris, è quibus tam sæpè concionati erant, incisis cervicibus, capita sanguinolenta pendeant. Sed ut hæc mittamus, quibus satis dolenter deplorandis, alicujus eorum, qui tunc occubuerunt; opus esset ingenio: Ciceronis casus, totiusq; vita jactatio quem non, qui in juvanda patria commodum suum, aut aliquod ejusmodi præmiū sequatur à reip.



à reip. tractatione deterreat? cuius enim unquam ho-  
minis vel plura vel maiora merita populus Rom. ha-  
buit? at ille tamen, cui senatus rogato supplicationem  
decreverat: quem Q. Catulus, princeps senatus, quem  
M. Cato, quem multi alii parentem patriæ meruitissimo  
vocaverant, Cui L. Gellius coronam civicam à Republ.  
deberi dixerat, quid non postea calamitatum, indigni-  
tatum, acerbissimum in ea, quæ ipsius consiliis stabat,  
civitate perpeffus est? ipse in exilium ab homine deter-  
rimo pulsus, direpta bona, vexata uxor, vexati liberi,  
domus incensa: quicquid denique meruerat CLODIUS,  
CICERO pertulit: & eas ob ipsas res pertulit, qui-  
bus nulla satis ampla præmia poterant inveniri. Quo-  
circa si sola, ut initio dixi; præmiorum expectatione  
prædari viri ad virtutem, & ad juvandum genus ho-  
minum adducerentur: multi sine dubio, cognitis alio-  
rum casibus, à proposito abducerentur. Sed est pro-  
fecto, Mecenice, est maior quædam vis, quæ tibi, ac  
tui similibus persvadeat, virtutem non modò detractis  
omnibus præmiis, verùm etiam propositis omnibus  
supplicis, expetendam: pulchrum esse adjuvare cives  
suos, & omnes curas, omnes cogitationes, omnes vigi-  
lias in Reipubl. salute desigere; nullum eius causa pe-  
riculum, nullam invidiam, nullam dimicationem desu-  
gere: cives beneficiis affecti, si quid præmiorum retule-  
rint, non repudiandum, sin parùm grati, parumq; me-  
mores fuerint, quid denique nos Reipubl. non quid ali no-  
bis debeant, cogitandum. Sæpè enim ex te audi vi, cum  
diceres, gratulari te tibi, & magnam gratiam debere  
omnium rerum moderatori Deo, quod ea in Republ. na-  
tus esses, in qua verendum non esset, non modò ne quis-  
quam ob virtutem in invidiam vocaretur, sed ne vel  
minimis in Remp. beneficiis sua præmia denegarentur:  
sed

sed tamen si vixisset illis temporibus, & optionem tibi Deus tulisset, Ciceronis fortunam ab urbe conservata exulantis, fortuna Caesaris, in eadem oppressa dominantis antepositurum fuisse. Ac planè ita est, ut dicam, gratuita ita prorsus, non mercenaria est virtus: neq; præmiorum mercedibus ad rectè agendum excelsi homines ingenio, sed ipsa dignitate atq; honestate ducuntur: aut si quando de aliquo præmio cogitant: de gloria deq; immortalitate nominis cogitant: cuius splendore capti & incensi, omnia quæ aspera, molesta, difficilia perpessu, impatibilia creduntur, vel non sentiunt, vel despiciunt ducunt. Neq; verò M. Tullius, cum de conjuratis supplicium sumeret, non jam tum cogitatione præcipiebat eas tempestates, quibus postea vexatus est: Sed animus & à natura præclare conformatus, & sapientiæ præceptis adversus omnes vel fortuna, vel hominum injurias confirmatus, multò plurius ducebat eam pulchritudinem, eamq; gloriam, quæ in conservanda patria esset, quam omnes acerbius, quas ipsi postea perditorum hominum inflammata odia rabies objicere posse videretur. Hanc ipsius rationem ac sententiâ fuisse, cum alia multa, tum hæc, quam explicare ingredimur, oratio manifestò declarat.

M. ANTONIUS MURETUS S. P. D.  
ADRIANO TURNEBO

XIIX.

Cum ex Italia, octavo post anno, in Galliam mihi esse redeundum viderem, judicavi fore, ut mihi vitio verteretur, si ex regione copiosissima & bonis omnibus abundantissima, in quo tot annos versatus essem, redirem ad meos, inanis aliqua res exquisita & visenda, qua

qua possem *ἀντιδοχῆσαι* eos, qui tam longo intervallo, saluum venisse, ut sis, gratularentur. Quanquam igitur toto peregrinationis meae tempore studiosissime feceram, ut veteres Bibliothecas, quae illic plurimae, ac pulcherrimae sunt, excuterem, bellissimum quoddam, quod suo tempore ad usum hominum deponerem, conditurus: tamen ultimis illis diebus, quibus Roma fui, majori etiam studio ad eam rem incubui; insita & usitata hominibus consuetudine, ardentiori affectu tractandi atque amplectendi ea, quibus se paulo post carituros vident. Saepe autem audiveram commendari ab hominibus eruditum volumen quoddam per antiquum Philippicarum M. Tullii, quod asservaretur in Bibliotheca Vaticana, non in maiore quidem illa & augustiore, quae Pontificum beneficio, quotidie fere statim horis patere ad communem studiosorum omnium utilitatem consuevit: sed in abdita quadam, & non ita omnibus pervia, quae à sacerdotibus D. Petri superioribus annis concinnata, postea, sive negligentia hominum, sive fraude, exhausta prope iam exinanita esset, sed anxium me ac sollicitum habebat, quod cum antea multa per me, multa per amicos expertus essem, ut eum librum inspicere, eoque triduum aut quatrimum arbitratus meo uti possem: nunquam successerat: semperque casus aliquis, cum jam jamque id, quod optabam, consecuturus viderer, conatus omnes meos eluserat: statui tamen, antequam ab incepto desisterem, semel etiam experienda omnia esse, & quasi munitam aliquam arcem diu frustra obsedissem, prius quam re infecta discederem, omnibus simul machinis, omnibus operibus ad murum admatris tentandam irruptionem, quid quavis puncto temporis obtingit, quod totum prope biennium ne quicquam optaveram, non modò enim mihi

exi-

eximium illum librum inspicere licuit, quod ego ipsum  
posuissem in magni benefici loco; sed etiam permissum  
est, ut eum meum auferrem, domig. haberem, data  
prius fide, eum, quod longissimum esset, ante septimum  
diem redditum ac restitutum iri. Tum verò, tanquam  
longo tempore collectum suum explere cupiens, ita eum  
avide pervolutare, & cum iis, qui ab eruditissimo ac  
diligentissimo viro Hieronymo Ferrario emendati e-  
rant, conferre cœpi, ut me, quanquam graviter egro-  
tare cœperam, non valetudinis ratio, non cibi potioni-  
ve necessitas, non ille ipse omnium demitter (ut eum  
Poetæ Græci vocant) à tam dulci occupatione posset  
somnia abducere; præturæ autem mihi constitit operæ  
meæ fructus. Non enim facile crediderit quisquam,  
quam multa in his orationibus mutila, quam multa  
timere addita, quam multa corrupta ac depravata  
legerentur in omnibus aliis libris, quæ huius ope ex-  
pleta, resecta, sanata & integritati suæ restituta sunt.  
Librum autem ipsum, credo equidem, ante hos septin-  
gentos annos exaratum esse, quod & ipsa literarum  
conformatio ostendit plerisq. locis gemina, quæ in Pan-  
dectis Florentinis, & in Terentio Petri Bembi visitur:  
& scribendi ratio, quam ieronymus vocant, eadem pla-  
nè in iis, quos modò nominavi, libris, & præterea in  
antiquissimo illo Epistolarum Ciceronis, cujus exem-  
plum abhinc triennium divulgavit P. Victorius, quam  
quidem cum ex aliqua parte exprimendam curaverim,  
non tamen sum ausus perpetuò id facere, ne nimia illa  
novitas (siquidem nova dicimus etiam ea, quæ, cum  
vetera sint, diu ab oculis & ab usu hominū abfuerunt)  
lectoribus & moram obiceret, & molestiam pareret.  
Ut taceam, quod quædam in eis libris inesse iudico erro-  
re potius, & vizio illorum temporum, quam ratione, &



auctoritate superiorum recepta, *cujus generis sunt emptus, sumptus, & similia per literam p. in quo immoderata fuit aetas illa, cum sollempnia, & sompnia, & temptare, plerique omnes tunc scriberent.*

Sed & illud ex eodem fonte fluxisse puto, quod literas multas inter se commutabant: cum apsum, & optineo, contraq; scribtura, & obzare, sæpe in eorum libris legatur, in eundem numerum ineluserim; avieris pro abieris: & Bolumina pro Volumina, ejusdemq; generis innumera. Nam illud, quale esse dicam, nescio, quod lathrones & lathrocinia prope semper scribebat is, *cujus manu ille Philippicarum liber scriptus est.* Ne illa quidem exprimenda duxi, adficere, adponere, conligere, conlega, inlustris, & talia, aut acum, reli-cuum, locuntur, cottidie; quæ tamen non ejusdem generis, *cujus illa, esse duco: aut illa, immemorian; pro, in memoriam, summa; pro summa est, & similia; etsi hæc quidem non plane aspernanda censeo.* At hæc leviora sunt: illud majoris momenti: quod locos amplius trecentos in omnibus aliis libris depravatos, à nobis emendatos videbit, quisquis hanc editionem cum aliis conferre voluerit. Tibi autem Adriane Turnebe, vir optime & doctissime, hunc laborem meum inscribere quasiq; consecrare placuit, tunc, ut extaret monumentum aliquod veteris amicitie nostræ, tunc, ut liber ipse hoc nomine studiosis omnibus gravior ac commendatior foret. Et sane si ve quærendus erat amicus de me bene meritis, cui hoc munusculum daretur, neminem ordinis nostri videbam, cui plus deberet: si ve diligendus iudex, qui de his rebus existimare unus omnium optime posset, nullum reperire poteram, cui justius id deferretur, quam tibi. Non enim aut obscurum, aut ambiguum est, inter omnes, qui hodie literas tra-

traflan  
trover  
ge. L

M. A

E  
e s  
temer  
bus ju  
extuiss  
diorat  
magistr  
& libe  
genere  
mensi op  
vere: a  
diffensio  
cure: ei  
negotio  
scriptis  
que in p  
resectio  
disforu  
rent. A  
nus agr  
tiores in  
aliquod  
jus Civ  
rantes,  
buerunt

tractant, ad quem ex hominibus nostris prima sine controversia deferantur. Vale, meq, ut facis, amare perge. LUTETIÆ. Idibus Marti, Anno M. D. LXII.

M. ANTONIUS MURETUS S. D.  
PAULO SACRATO SUO.

## XI X.

**E**X omnibus veterum scriptorum monumentis, Paulie Sacrate, nulla pejus ab hominibus imperitiis, ac temerariis flagitiosiusq, tractata sunt, quam ea, quibus Jus Civile populi Romani continebatur. Nam cum extitisset antiquus magna quædam vis hominum eruditiorum, qui leges, Senatusconsulta, plebisita, edicta magistratuum & urbana & provincialia tum copiosis & uberibus, tum mundissimo ac nitidissimo orationis genere scriptis commentariis illustrassent: jamq, immensi operis videretur eorum omnium scripta pervolvere: arduum etiam & difficile in crebris, ut fit, eorum diffusionibus, quid optimum ac verissimum esset, judicare: ei malo mederi cupiens Imperator Justinianus, negotium Triboniano & aliquot aliis dedit, ut ex eorū scriptis ea tantum exciperent, quæ utilia essent, quæque in judiciis obtinerent: quæ cum in unum corpus, resectis cæteris, ordine digessissent, sola deterrentur studioforum manibus, eisq, laborem minuerent, ac levarent. At illi, hac potestate accepta, non ut ille Horatius agricola, qui inutiles ramos falce amputans feliciores inserit, sed ut milites accepto signo ad oppidum aliquod diripiendum ac depredandum, per medium Jus Civile grassantes, & ut quidq, obviu erat, lacorantes, mutilantes, trucidantes, brevi tempore exhibuerunt nobis veteres jurisconsultos, instar Deiphobis.

laceros crudeliter ora. Ora manusq; ambas: quamq;  
disciplinam per purgandam ac per polendam suscep-  
rant, eam ita deformarunt, ut vix ulla amplius ejus  
imago superesset. Quam enim hanc infelicitatem esse  
dicemus, quod, cum hoc Jus ex legibus, Senatuscon-  
sultis, Plebiscitis, edictis magistratum, Constitutioni-  
bus principum, responsis prudentum constare dica-  
tur, hodie in libris juris nulla lex exstet, nullum Se-  
natusconsultum, integrum saltem & idcirco, nul-  
lum plebiscitum: edicti perpetui pauca quaedam, ut ex  
naufragio, tabulae, ipsae Principum Constitutiones mul-  
tis locis decurtatae, & in genera & species, prudentum autem  
scripta ita distracta, dilacerata, devulsa, ut in eis ve-  
tus illa Hippolyti fabula renovata videatur. Itaq; ho-  
die non aliter Jus Civile discere cogimur, quam si,  
sublati & extincti omnibus Aristotelis, & Aristote-  
leorum interpretum scriptis, fragmenta tantum qua-  
dam reperirentur, & variis Alexandri, Themistii, Sim-  
plicii, Philopini & aliorum decerpta commentariis, ex  
quibus ut cumq; in communes locos digestis Aristotele  
Philosophiam discere juberemur. Accessit aliud multo  
etiam perniciosius & exitiosius malum. Nam, cum su-  
perioribus seculis, Dei permissu, densissima quadam  
caligine animis hominum offusa, omnes propemodum  
bonae artes oppressae ac sepultae jacerent, extiterunt in  
illis tenebris homines audaces ac praesidentes, qui nulla  
Latini sermonis intelligentia, nulla veteris Reipublicae  
Romanae cognitione, cum Dialecticam sine qua nihil re-  
ctè atq; ordine tractari potest, aut non attigissent, aut  
ita attigissent, ut non attigisse praestaret: Politicem au-  
tem, unde omnia juris principia ducuntur, ne per so-  
mnium quidem aspexissent: arrepta, ut inter cecos, juris  
interpretandi proventus, verbosissimis & insulsissimis

commentariis illas qualescunq; veterum prudentum reliquias onerarent, & ita imposuerunt humano generi, ut hoc quoq; politissimo & eruditissimo seculo iudicia tamen plerisq; omnibus in locis ad eorum somnia dirigantur, & ex eorum inducta doctrina exerceantur.

In quo magnifica illa Justiniani promissa ceciderunt? ut quos ille, ad exemplum Diomedis Homericæ, aurum pro ære accepturos esse dicebat, ii pro illo obryzo veterum auro scoriæ, & si quid ipsa face magis feculentum est, acceperint: quosq; in illis floridissimis pratis Africani, Papiniani, Ulpiani & talium pasci oportebat, ii nunc in Bartoli, Baldi, & aliorum etiam sequioris notæ sordibus ac sterquiliniis volutentur. Quosq; quidam inelegantes quidem & incultos, sed magno tamen ingenio & acri iudicio præditos vixisse ajunt: de istis videbimus: nam ne ego quidem eis ingenium adimos nimis potius ingeniosos fuisse fateor: illud quidem certè negari non potest, cujus quis civitatis neq; linguam teneat, neq; formam, leges, mores, instituta cognoverit, ejus Jus Civile non posse ab eo, quamlibet ingeniosus sit, commodè intelligenterq; tractari. Satis igitur magna gratia iis haberi non potest, qui hanc caliginem discutere, & istius impostoribus personam, sub qua tamdiu hominibus illuserunt, detrabere conantur, ac perficere, ut quemadmodum cateræ omnes disciplinæ à teterimo Barbarorum dominatu liberatæ, nitorem ac splendorem suum his temporibus receperunt, ita disciplina juri tandè aliquando in pristinam restituatur dignitatē. Tales & nonnullos Italia protulit, & longè plurimos Gallia. Quorum ego vestigia per virium mearum modulo persequens, totum illud quadrienniū, quo libros Digestorum in hac urbe interpretatus sum, dedi equidem operam, ut quotidie plurima istorum



qui tanti in vulgus fierent, ac scdissima errata detegerem: & ingeniosorum adolescentum animos ad meliora converterem: effecissemq; omnino aliquid, nisi hominum nudari subsellia sua & cornicum oculos configi dolentium conquestiones obstitissent. Cogito autem, si & vita supererit, & otii aliquid contigerit, ea quae tunc e superiore loco dixi, colligere, & quoniam multos id cupere video in publicum emittere. Ideo, nunc exiguum quandam ad te eorum particulam mitto: quam tu, si tanti videbitur, istic edendam curabis, & tuo multis mihi nominibus charissimo nomini dicatam in vulgus exire pateris. Cupio enim, Sacrete vir optime & humanissime, & magno illo Iacobo Sadoletto avunculo tuo dignissimo, pro plurimis, ac gravissimis officiis ei grata me tuis aliquid tibi vicissim rependere, ac perficere, ut amicitiae, quae mihi tecum viginti jam annos & ed amplius, sine ulla offensione intercessit, & ut spero, ad extremum usq; spiritum duratura est: monumentum aliquod apud posteritatem exstet. Tu, ut soles, munusculum hoc non ex tua, sed ex animi mei magnitudine metieris. Vale, ROMÆ, Idibus Septembr. M. D. LXXX.

PAULUS SACRATUS CANONICUS FERRARIENSIS M. ANTONIO Mureto J. C. ac civi Romano præstantissimo viro  
S. P. D.

XX.

Primum quidem maxime, ut debeo, atq; immortalis æternæ ac præcipuè Dei gratias ago, habeoque, Sacrete præstantissime, cuius divini beneficio ad hoc

hoc usq; tempus perveni, quo mihi amplissimo illo atq;  
pulcherrimo munere jam pridem pro tua singulari in  
me humanitate mihi debito frui tandem liceat, tibiq; fa-  
cultas sit exolvendi promissum tuum, & fidem deui-  
tuam præstandi ac liberandi; Nam duodeviginti an-  
nos me summa in expectatione fuisse hujusce tuæ exi-  
miæ in me liberalitatis, ex tuis ac meis literis, quas nu-  
per edidi, liquidò perspicere potest. Gaudeo deinde ma-  
jorem in modum, nec ullis verbis explicare queo, quàm  
grata mihi atq; exoptata fuerit hujus tuæ constantissi-  
mæ in me voluntatis declaratio; Nam præcipui tui er-  
ga me amoris, quod illustrius indicium mihi ostendere  
potuisti, quàm cum voluisti nomen meum illustrari abs-  
te divinis scriptis ac celebrari tuis? Equidem egregi-  
um ac præclarum hoc factum tuum omnem mihi dicen-  
di facultatem adeò eripuit, ut si parem etiam tuæ elo-  
quentiæ natura mihi dedisset, ne ad minima quidem  
hujus tanti erga me beneficii tui partem oratione asse-  
quendam aspirare unquam possim. Accedit etiam, quod  
nihil mihi ad felicitatem deesse puto, postquam me tali  
ac tanto monumento decorasti: Tunc enim prævissimus  
liber questionum plenus, refertusq; gravissimis senten-  
tiis, in quo mirum in modum excellentissimè ingenii tui  
atq; admirabilis eloquentiæ vis elucet, in manibus do-  
ctissimorum virorum cum versabatur, sicut ego jam to-  
tum bis percurri, quòd meæ legendi eum inexhausta  
erat aviditas, nec satiari poterat, ubi te illi miris in-  
colum laudibus extulerint, nonne beatus me prædi-  
cabunt, qui tanto amoris vinculo tecum astrictus  
fuerim, ut me immortalitati & hominum memoria  
sempiternè tradere volueris? Sed quod in epistola ad  
me tua de Triboniano illo ejusq; sociis quereris & justè,  
quibus Justinianus cum mandasset, ut ex veteribus illis

Jurisconsultis exciperent ea, quæ ad iudicia accom-  
modata essent, quæq; maxime utilia ac necessaria vide-  
rentur; illi tamen immo si cum falcibus amputarant,  
dilacerarunt, mutilaruntq; in eadem profectò senten-  
tia, Murete excellentissime, jamdiu sum, ac dum eram  
Patavii, me cum sociis illic meis de hoc tùm sermonem  
habuisse sæpè memini, quibus etiam dicere solebam, si  
Cicero unus nobis superstes non fuisset, linguam Lati-  
nam ab illis viris gravissimis non esse petituros. Ac  
nimirum invidi illis tantis viris, quos imitari non va-  
lebat, ac Bartolo ceterisq; successoribus leguleis ser-  
monem rudem, vulgarem, plebejumq; nobis obtruden-  
di ansam dedit. Itaq; qui tantos librorum acervos ca-  
piat, vix jam videtur esse locus.

In illis autem ~~ad~~ <sup>ad</sup> modis, ut Iustinianum alterum  
desideremus. Verùm cum satis jam veterum monu-  
mentorum interitum deploraverimus, si te posteri imi-  
tari voluerint, ut magnam in spem venio fore multos,  
qui exemplum tuum sequantur, non vereor, ne non in  
pristinum statum leges brevi restituantur, ac suæ digni-  
tatis splendorem obtineant: Primi quidem tui hujusce-  
discipline fructus uberrimi lectissimiq;, quos pro tuo  
summo in me studio dicare mihi voluisti, omnibus viam  
monstrabunt, quam qui persequentur, non solum indi-  
cabunt se adamare hanc excellentem Juris Civilis sci-  
entiam, sed & illius facile compotes fient. Ego quoq;  
amicos meos omnes, qui legibus ipsis studium suum da-  
bant, hortari non desinam, ut eandem semitam teneant,  
quibus etiam spondebo fore, ut eos instituti hujus nun-  
quam pœniteat. Quod reliquum est, cum à te tam divi-  
no munere affectus fuerim, Murete humanissime, ut  
nihil unquã tale cogitasse, atq; ut te simillimo remunera-  
ri possim, præcisa mihi spes omnis sit, nihil enim suppetis  
præ-

præter voluntatem, quod me vertam, quid melius, ut cæteri saltem me tibi animo gratissimum, ac tanti tamque eximii & regalis doni memorem esse intelligant? Nempe tibi me pro tot ac tantis tuis in me meritis jamdiu obstrictum prorsus addicam, quem tibi fidelissimum in tua potestate habebis, ac quoad vixero, colere diligentissimè nomen tuum non desistam; Et quotannis tamen nonnulla tibi signa dabo nam dōnū, ex quibus intelligas, tuæ nimie in me benignitatis nullam capere me posse oblivionem. Vale, Mi rre, ætatis nostræ decus, ac te Deus Opt. Max. diutissimè seruet incolumem, omnesq; cogitationes & actiones tuas perpetuò fortunet. FERRARIÆ 7, Kalend. Novembr. M. D. LXXX.

M. ANTONIO MURETO PAVLVS  
MANUTIUS S. D.

## XXI.

**M**ibi verò, ita vivam, etiam atq; etiam probatur, cum in quovis genere magnus omnino sis, in hoc maxime videris excellere. Planè (ut omniam reliqua) ingenii tui quasi quandam ditionē sum admiratus, ita concinne, ita aptè facili quodam sententiarum nexu, rem ducis, donec ad ipsum pervenias: in quo te, ubi scis herere multos, citra omnem adulandi suspensionem summa explicas cum dignitate. Gratulor tibi de ista facultate, & eò magis, quod si locis impertitur gloria, novum decus accedat ad Italiam nostram: in qua sedem, auctore atque auspice me uno ita locasti, ut cogitare nihil prorsus de migratione videaris, nec verò secus debes. Valde enim ad literarum elegantiam, planeq; ad omnem humanitatem tibi profuit hoc cælum, è quo jam per quadriennium spiritum hauris. Itaq; nosceris per-



perpetuo, mi Murete, si gratus esse vis: quod profectò  
vis: soles enim hanc virtutem præter ceteros efferre.  
Tibulli principium mitte, ut cum Epistola coniungatur.  
Scholia, non dubito, te operam daturum, ut tua videan-  
tur, id est, lita luminibus ingenii, & quantum res pati-  
tur, erudita. Vale. VENETIIS.

## E I D E M R O M A M.

## XXII.

**G**Audeo, mi Murete, quod profectò etiam me tacen-  
te existimas, te navare operam regib. ingeniumq;  
eum, quod ego semper unice dilexi, extulique laudibus à  
tanto Pontifice, & ab universo Cardinalium collegio  
vehementer probari. Nam si qui aliter sentiunt: quan-  
quam quis est, qui aliter sentire possit? Veruntamen si  
qui fortasse reperientur, quos livor impediatur, quò minus  
rectè ac sincerè iudicare possint; de iis laborandum non  
erit: cum te præsertim ille noster, quem sequuntur mul-  
ti, sed ille præter ceteros, qui nobis quasi unicus & de-  
bet esse, non mediocriter ornet, atq; diligat. Hæc altera  
tua oratio priorem illam vel æquat, vel vincit, senten-  
tiarum, verborum, ordinis præstantia, quo in officio, ac  
munere cupio te pergere. Simul enim perges in expedi-  
ta, maximeq; directâ gloriæ via, per quam processisti iam  
longissimè, nemine præcurrente, me favente plurimum.  
De tua in me benevolentia, cum recordor meam, dubi-  
tare non possum, meum in te animum expertus jam es,  
eundem si esse nunc, & perpetuò futurum arbitraris,  
non fallam opinionem tuam. nam & mea non solum con-  
suetudo, sed etiam natura ita postulat: & tu perficis eas  
laudes, quarum principia me olim, expectantem id,  
quod præstare te nunc video, in tui amorè impulerunt.  
Habeo summas gratias, quas agi à te cupio, Archie-  
piscopo

piscopo Beccatellio : eumq; meo nomine, ut quam licebit  
 officiasse, quamq; plurimum salutes, valde rogo : & ut  
 scribit ad amicos, floret honoribus in patria, carus Im-  
 peratori, jucundus omnibus, nōsti humanitatem & in-  
 genium : doctrinam auxit à discessu tuo, quantum vix  
 credas : itaq; summa omnia de illo adolescente sperare  
 nobis liceat. Duareni obitu, de quo heri primum à Ger-  
 mano homine, qui ex Gallia recens venerat, accepisti, da-  
 mini plurimum in jure Civili factum est, equidem dolui  
 vel tua causa, quod eum à te amari senseram, quanquā  
 hæc, si ferret humanitas prorsus dolenda non essent.  
 quid enim proficimus? angi quidem gravius : neq; com-  
 munis eruditionis necessitas concedit : & vita commu-  
 tatio, brevissima cum æterna, miserrima cum beatissi-  
 ma, valde vetant. Ego nunc, quod acceptum divinæ be-  
 nignitati refero, quodq; tibi puto fore jucundissimum,  
 valetudine utor satis commoda, oculis quidem optimis,  
 quod aliquot annis non contigit. Itaq; cum otium non  
 ferrem (scis enim me quiescere non posse) commentarius  
 in reliquas Ciceronis epistolas cœpi texere : & ut initia  
 sunt, prorsus industria non dixerat, absoluti, ut mihi qui-  
 dem videtur, majorem partē, id est, tres primos libros,  
 & extra ordinem octavum, in quibus, ut dixi iam, nisi  
 me communis Phœvina decipit, non videtur opera malè  
 collocata. Habebis in clausula de Petro Fabro, tuo di-  
 cam, an meo? ita me triduo cepit, sibiq; devinxit ingenio,  
 humanitate, prudentia. Plautē vixi, quamdiu mecum  
 fuit : nec mediocri sum amore discedentem prosecutus :  
 nā tu, si nihil praterea mea causa velles, qui & vis, &  
 egisti jam plurimum, tamen hoc uno munere, quod au-  
 ctus per te sum tam ornati adolescentis amicitia, meis  
 omnibus in te studis, quæ tu merita vocas, optimam  
 gratiam retulisti, Vale, VENETIIS.

HUB.

HUB. GIPHANIUS M. ANTONIO  
MURETO VIRO ERUDITISSIMO

S. D.

XXIII.

**V**ellem, Murete, V. C. ea esse tempora, ut literis nostris liber esset commeatu: haberem fortasse, de quibus te vel consulerem interdum, ut quendam velut amicum, vel ut amicus commonescerem. Nunc quæ sint rides, itaq; consilium cepi, quantum potest, temperare scriptiombus & literis, maxime ad longinquos. Quod tamen institutum ut jam migrarem, fecit Jacobus Zelenius, familiaris meus, cui hæc ad te dedi. Is enim in Italiam hinc profecturus, cum magnopere me rogaret, ut sibi ad te, quem jam diu colui, quasi viam & aditum munirem: amico optimo exiguum hoc literarum officium negare nec potui, nec debui. Eum igitur toto pectore tibi commendatum esse cupio, adolescentem, mihi crede, suavissimis moribus, & eleganter doctrina expolitum, omniumq; doctorum hominum observantissimum, genus enim domi nobile, multisq; ad laudem insignibus viris clarissimum omitto.

Exspectas, autem fortasse & de Agellio nostro aliquid: Sed, & eum, & alia nostra remorantur, cum occupationes nostræ cotidianæ, tum librariorum hoc in loco inopia. Juris quoq; Civilis in quo & explanando & respondendo toti versamur, quasi rigor, & Musæ, ut Poëta vetus eas vocat, severiores, sive, ut Fortunatianus loquitur, duriora juris scripta, vix patiuntur, ut in humanitatis illa velut vireta sæpe expatier. Ne tamen me putes aut vale humanitati & expolitis illis Criticorum studiis planè jam dixisse, aut eorum sectam Juris Consultorum sequi, quorum utinam barbara modo esse

oræ

oratio (ferri enim ea quæ quomodo posset: quanquam  
 & vestis honesta matronam nobilem ornes ac deceat)  
 & non Juris ipsius, ac rerum, totiusq; ferè scientiæ Ci-  
 vilis nostræ magna ignorantia, atq; perturbatio: de qua  
 & tute jam pridem eleganter in Oratione quadam dis-  
 servisti: Quare ne his me vitis ad finem existimes, par-  
 erga nunc accipe, ex iis quædam, quæ in ipsas lectiones  
 tuas, quasi præteriens aliquando notavi: Non ita cer-  
 tandi cupidus, quam propter amorem, quo te imitari  
 aveo, ut Carus ait. Vidisti acutè lib. 6. cap. 16. locum  
 illum Ciceronis 2. de Divinat. Totas noctes somnia-  
 mus, neque ulla ferè est, qua non dormiamus:  
 & miramur, aliquando id, quod somniamus  
 evadere? esse mendosum: Qui tamen ita fortasse scri-  
 bendus est: Neque tamen ulla ferè est, qua non:  
 Et miramur, &c. ut n, qua non, præcisè sit posi-  
 tum: pro eo, quod, qua non somniemus. Non verò, ita,  
 ut tu putas; totas noctes dormimus, neque ulla  
 ferè est, qua non somniemus, &c. id enim à ve-  
 tere scriptura longius aberrat, & nōsti, ob orationes  
 concisas, quàm sæpe in veterum scriptis peccatum sit,  
 agitur de somniis, & non de somno: quamvis & illa in  
 somnis. Illum autem locum pro Archia. Quod si non  
 hic tantus fructus ostenderetur: & si ex his stu-  
 diis delectatio sola peteretur: tamen, ut opinor  
 hanc animadversionem humanissimè ac libera-  
 lissimè judicaretis. Alii aliter, tu lib. 12. lect. cap. 15.  
 ita emendas: hanc animi adversionem. Vide, quæso,  
 ne ita rectius. hanc humanissimè, hanc, nempe dele-  
 ctationem & voluptatem. Sæpe enim his articulis,  
 hanc illam, & similibus non adjungitur nomen aliquod,  
 sed prius adlatum tacitè repetendum intelligitur, ut  
 apud Senecam epist. 95. At illam habentem præ-  
 cepta



cepta plurimum ait proficere: ubi delendum illud habentem præcepta. Nam ibi non de parænetica, si-  
 ve, ut Seneca, præceptiva, ut Cicero in lib. de Offic. loco  
 vulgo non intellecto, quæ in præceptis posita est, parte  
 Philosophiæ, sed de theoretica agitur. Sic & pro LIGA-  
 R. O: Vultat vox illa tua, quæ dicit, & c. id quæ dicit, per-  
 spiciunt spiritum. Eiusdem libri tui c. 1. in his verbis Sene-  
 cæ ubi de benef. Nemo beneficia in KALENDARIO  
 scribit: nec avarus exactor ad horam & diem  
 Creditorem appellat: mendum esse rectè admonui-  
 sti, utq. pro Creditorem, f. t. asse legend. Debitorem, quo-  
 m. do & jam pridem BRISONIUS lib. 1. de verb. sign. il-  
 lum ipsum locum adducit, hæc enim cognata siue potius  
 inter se relata vocabula, magis & minus, emptor &  
 venditor, conductor & locator, debitor & creditor, mi-  
 grasse interdum alterum in alterius locum videntur,  
 quod & Jacobus Cujacius observabit lib. 1. cap. 10. &  
 lib. 9. c. 7. Cui tamen d. l. si in emptione. D. de contrah.  
 empt. & l. 18. solutione. D. ad exhib. cur non adsentiar,  
 itaq. in legibus nihil mutandum putem, alio in loco ex-  
 plicabo. Huc autem in loco Senecæ, etsi Debitorem non  
 improbo, omitti tamen utrumque potest, & Creditorem  
 & Debitorem, sed intelligi debitorem; ut verbum, ap-  
 pellat, præcisè & absolute ibi sit positum. Quod autem  
 ad eum locum Cic. attinet lib. 2. de finib. bon. de quo &  
 tu lib. 6. cap. 20. & Turneb. aliq. laborant. Resplen-  
 deat his vestis, argentum, odrilitium, locus ipse,  
 ædificium, &c. eum ita emendandum puto: vestis,  
 argentum, locus ipse: reliquis inductis: Aut certè  
 ita: Vestis, argentum, aurum, locus ipse, ut odrili-  
 tium sit depravatam ex ore siue auro. Paulò ante  
 apud Ciceronem hæc, quibus vinum defusum è  
 pleno sit Hirsiphon, ut ait Lucilius, cui nihil jus &  
 fas-

sacculos abstulerit, portenta potius quam verba, quæ  
tamen ita exarata sunt in libris manuscriptis, aliter  
Paulo Manutio, aliter Josepho Scaligero in appendice  
ad conject. in Varr. mihi ita, è pleno sit hinophoro, ut  
ait Lucilius, cui nihil sacculus abstulerit, fortasse in-  
quam ita (nam & ipse dubito) rescribenda videntur.  
Inophorum certè, vel ne mentiar inoform in vet. libr.  
reperio, nunquam ænophorum, & rectè. Romani enim  
veteres Græcum non modò & Latinum, quod vulgare  
ut Demoe, Edeatroe, (sic enim legendum puto apud  
Fest.) Adelphoe Terentii, de quo & tu in Terent. Cla-  
rumenoe apud Plaut. & Canephoro apud Cicer. Per-  
rin. de quibus nos ad Lucret. Sed etiam interdum  
aut in o nudum, ut in Poëta, Poëma, dioecesis, & diocetes  
apud Cicer. pro Rabirio Posth. ubi antea mendosè. Dio-  
genes, & Parochia, *μαγιστα*, vocab. Eccles. (falluntur  
enim, & omnium scriptorum, etiam Justiniani & Theo-  
dos. Codicum exemplaribus antiquissimis repugnant,  
qui nuper scribere cœperunt dioecesis & diocetes, paræ-  
cia & paræcus, quos miror eadem ratione non scribere  
pæta, pæma, pæsis) interdum in I merum vertebant,  
ut videre est in Iconomus, quod contra usum veterum  
quidam hodie mutarunt in Oeconomus, ut Alciat. admo-  
nuit lib. 9. Parergon c. 3. in bodidocus apud Fest. id est,  
grassator qui græcè *ἰδοξ*. Inomus apud Oresium  
in l. vet. qui a Græcis *Ὀνύα* : & in Cimicium : sic  
enim Latine è veteribus Christianis scriptum id fuisse,  
quod Græcè *Ὀνύα*, vetera monumenta confir-  
mant. Unde & Acimienſe monasterium in l. inter  
claras C. de S. S. Ecclesia ducitur, quod a Græcis *Ὀνύα*  
Solent scilicet Romani Græca vocabula pau-  
lulum variando sua sæpe facere, nec iisdem ea aut li-  
teris aut syllabis semper admetiri, ut Ulixes *Ὀδυσσεύς*.

Exap.

Exanclare, & anclare apud Fest. ex Græco *ἐξανκλῆν* & *ἀνκλῆν*: non ut vulgò jam scribunt exanclare, quod Exanclandi verbum & tu contra Lambinam rectè vindicasti, lib. 13. cap. 17. alia aequè ejusdem modi: de quibus alibi. Quod qui non observant, latinam linguam mirè perturbant: idemq; & Elogium, de quo & tu in Lect. optimum licet vocabulum, & bonæ quasi moneta, ad civitate Romana, tanquam lege Papia, planè exterminant; aut variè nunc in eclogium, nunc in ellogium, nunc in eulogium mutant; & epistolam scribunt Græcorum more, in vitis omnium scriptorum libris, antiquissimis etiam marmoreis monumentis, in quibus constanter Epistula, & Eclogium extat. Atque quæ quidem de meis in tuas Lectiones cerulis quibusdam ac notis, in quibus si quid erit tale, quod in acceptum referendum putes: videbis, in quem quid expendas: ne & his accidat, quod nuper Themistia nostræ apud Cicer. & Eunio, item nostro apud Agellum l. 12. c. 4 de quibus diligenter olim ad te scripseram contigit, eîdē loquor. Sed de his alio fortasse loco planius, & plura. Nunc, ut modò dixi, de me satis multa. A te autem lectionum quidem libros plures non ita pridem accepimus: omnis elegantie refferros: Sed quod inter nos, liceat, Soli enim sumus, postulantur jam à te, & philosophis quædam, & à Nobili politiss. philosopho, qui aliqua jam dedit, plura. Atq; adeò accepi non ita pridem ab idoneis hominibus, te jam paratas habere explicationes librorum aliquot Platonis & Aristotelis Politicorum: quæ graviores scriptiōnes huic quoq; & atati tuæ jam maturiori, & personæ, magis convenire videntur. Ajunt & Eunapii historiam, quæ in Vaticana bibliotheca adservatur, curare te describendam, quod idem & Redingerus noster D. Thomas P. C. magno sumptu jam pridem cœperat: sed

con-

conatum  
scholia  
quarum  
to teste  
bene, m  
que ope  
ipso  
scrip  
inluem  
rudis  
elabora  
tari.

LXXX

JULI

EPIST

mo

Etsi

man

conque

opus esse

video, na

velis att

jus rei n

meo stud

scriptor

optimu

conatum ejus mors interrupit. Tu, si & Politica illa  
scholia tua, & Eunapium, etiam Theodoriti epistolas,  
quarum insigne volumen in eadem Bibliotheca Herve-  
to teste, superest, aliisque veterum scripta divulges,  
bene, mihi crede, de Republica mereberis. Eorum nam-  
que opera cum Republica utilior, tum etiam ad laudem  
ipsorum. Muturnior mihi semper visa est, qui veterum  
scriptorum præclaras cunctas & commentarios aut  
in lucem ipsi proferunt, aut ab aliis divulgatos vel e-  
ruditis scholus explanant, vel ut emendatiores sint,  
elaborant. Emendatus enim liber est vice commen-  
tarii. Vale, vir doctissime & salve. Anno M. D.  
LXXXIII.

JULII POGIANI VIRI DISERTISS.

EPISTOLA, DE CICERONIS IMITANDI  
modo, ad nobilissimum adolescentem

NICOLAUM FITZHERBER-  
TUM, Anglum.

XXIV.

**E**T si sunt ejus generis tua litera, ut in politiori hu-  
manitate, in qua ex gravioribus Legum studiis  
conquiescis, consilio aut præceptione mea tibi minimè  
opus esse intelligam; tamen quia mei in te amoris esse  
video, non tam spectari, quid ego possim, quam quid tu  
velis attendere; rationem tibi & consuetudinem hu-  
jus rei mei exponam. Ego, quamdiu mihi arbitrato  
meo studere licuit, unum aliquot menses ex Latinis  
scriptaribus Ciceronem legi. Nam in omni ratione  
optimum quemque, & illum unum imitandum esse co-  
gnoram.

Hh



gnoriam. Quare cum illum ipsum Ciceronem Latina lingua & eloquentiae principem esse constaret, rejeci ceteros latinitatis auctores. Quo in studio primum dabam operam, ut statuta essent tempore & studendi & scribendi mea. Didiceram enim à summis viris, qui se id re expertos esse dicerent, plus adjumenti esse in certo, nec multò, quàm in vario & diuturno tempore; quod haberet eadem illa hora studiorum, non solum admonitio & recordationis vim, sed etiam quoddam momentum ordinis: qui cum in omni re multum, tum in dicendo plurimum potest. Sed hoc fortasse patet latius: illud ad id unum pertinet, quod institueram. Duo igitur in Cicerone legenda mihi proponebam, quid & quomodo diceret. In quo videbam interdum pauca multis explicari, interdum plura comprehendere breviter, & absolute, sapius eandem variari rem, ut cum idem diceretur, tamen commutatis verbis atque sententiis, aliud dici videretur. Mirabar verò partium & quasi membrorum pulcherrimam compositionem, quae sic aliis nexa & apta sunt, nihil ut lectori possit esse jucundius. Quid dicam de artificio vinciente orationis, deq; copia & quasi sylva elegantium vinculorum: quibus cum multi, vel quasi compedibus quibusdam, inscriptiones suas colligent, vel ita dissolvant ac dissipent, ut capti membris corporis, ac ne corporis quidem speciem habeant: sic Cicerones nescit, & verba, ut sola ejus oratio libere moveri, magnificeq; ingredi videatur. Cogitabam verò etiam de singulis verbis, de conjunctione verborum, de eorum numero atque forma. Qua in cogitatione mihi veniebat in mentem mirari, quam esset causa paucitatis eorum, qui divinas Ciceronianae orationis virtutes imitarentur. Hujus

ius autem erroris & inscitia multorum, duplicem  
 aliquando culpam animadverti. Sunt enim, qui à Ci-  
 cerone abhorrentes, se ad alios, nescio quos, scribendi  
 magistros contulerunt. Qui quod iudicium habeant,  
 cum appareat, facile negliguntur. Alii sunt, quorum  
 est levius peccatum: imò verò non illi quidem cupidi-  
 tate peccant, qui Ciceronis simillimi velint esse, si pos-  
 sint: sed consilio & imitandi modo falluntur. Nam hi  
 Tullii verba mordicis tenent, nec ullam ferè syllabam  
 audent ab eo discedere; & dum verentur, ne parum Ci-  
 ceroniani videantur, illius etiam sensa totidem verbis  
 transferunt in suas literas, scilicet illi (quod miserrimum  
 est) nunquam sunt in scribendo sui, sed in præceptis ac  
 putidè semper alieni. Quid igitur eos in errorem indu-  
 xit? Puerilis illa suspicio, quod sermonem Ciceronis in  
 id modò convenire sunt arbitrati, ad quod ille semel ac-  
 commodavit. In qua si ipse Tullius sententia fuisset, non  
 iam cum copiae atq; ubertatis magistrum, sed inopie &  
 jejunitatis auctorem haberemus. Quæ cum viderem,  
 putavi mihi elaborandum, si modò id assequi possem; m-  
 ut ab illa balbutientium turba sejungerem, conjunge-  
 remq; cum iis, qui planè & latine loquuntur. Quid qua-  
 ris? Audere cæpi. Nam ut quisq; mihi occurrebat Cice-  
 ronis locus, illam loquendi formulam ad alia transfe-  
 rebam, & ejusdem & alterius generis sensa, quasiq; ve-  
 nis ab illo sumptis vestimentis studebam vestire & or-  
 nare res innumerabiles. Exempli causa, quod hæc di-  
 ctans legebam fortè Publii Rutillii adolescentiam  
 ad opinionem & innocentiam, & juris scien-  
 tia, P. Scævola commendavit domus; Quis  
 prohibet eò traducere? Hannibalis Minus adoles-  
 centiam ad opinionem & eloquentiam & Philosophiam,

Flaminii nobilis consuetudo commendavit: vides genus, sed quoniam intelligebam, quadam esse sententiarum lumina, quibus scripta illustrarentur, sumebam illa vel ab ipso Cicerone, vel à quovis; sed ita, ut in eadem exercitatione alia quadam ratione uterer ab illa superiore. Ut enim illic tanquam ex eadem cera multas fingebam imagines; sic hic quasi eundem hominem alio habitu vestiebam. Quare fiebat, ut quæ ab aliis parta essent, à me inventa viderentur. Sunt autem hæc ornamenta & lumina sententiarum, ut, Ne quid nimis, Latè patet invidia, & huiusmodi sexcenta, quæ si ita efferas, Tenendus est omnium rerum modus, & nihil non occupat invidia, quis tua esse neget? Huc pertinet illud Ciceronis, imitandos esse bonos fares, qui earum rerum, quas cæperunt, signa commutant. Ut enim illi pallium, si cui furrantur, ne id is agnoscat, ex pallio sagum faciunt; sic qui aliorum sententias commutatis verbis enunciant, quæ communia sunt, propria facere videntur. Neque verò non etiam conabar interdum quodammodo cum ipso Cicerone certare acumine contrariorum, ut si ille, In letitia doleo, ego contra, In dolore lætor. Si idem dicat, ut tardius faceres, hoc est, ut ego interpreter, diligentius; item ipse, celerius, id est negligentius, in contrarium conversa sententia. Quod institutum mihi si meo arbitratu diutius tenere licuisset, in hac laude fortasse aliquis essem. Sed ab ea me consuetudine avocavit necessaria quadam barbaries, de qua nunc quidem nihil attinet plura scribere. Tibi certe, quid de tota hac ratione sentirem, significandum putavi: qui etsi scio, quanta occupatione destinearis, tamen non dubito, quin pro excellenti tuo ingenio,

proq

proque  
ratione  
fecerit  
brevis  
tatis.  
vacuus  
stiliu  
dixi, su  
exceder  
di sunt  
suppet  
elegans  
& vest  
mus; si  
deinde  
an ille  
berata  
cupiam  
loquend  
marum  
quam p  
nis ubi  
delicis  
Etsi hæ  
mum in  
tum, an  
sertim n  
necessar  
genere  
iudicio  
tibi, ut  
Ciceron

proque eo, quantum profecisti in hac latine scribendi ratione, cum istum graviozem studiorum cursum confeceris, si huc redieris, teque in hac laude exercueris, brevi etiam in principibus futurus sis hujus facultatis. Quanquam aliquid interea assequere. si cum vacuus quotidie fueris à legum studiis, animi causa, stulum reprehenderis, & in hac exercitatione, quam dixi, subsecivas operas posueris. Sed quod mihi penè excederat, multa ex Cicerone tibi memorie mandanda sunt, & paranda tanquam magna supellex, tibi ut suppetat in variandis & mutandis sensibus multus & elegans vestitus orationis. Et quoniam ut in victu & vestitu prius necessaria, quam voluptaria quærimus; sic in oratione propriorum primum verborum, deinde translatorum copia comparanda est: haud scio an ille ad Atticum epistole, in quibus nulla est elaborata continuitas, nullum exquisitæ voluptatis aucupium, plurimum proficiant ad latine & emendatè loquendum, quemadmodum nonnunquam etiam gemmarum vis, non tam arte disposita, aut distincta auro, quam pura atque nativa delectat; ita Latini sermonis ubertas sine fuce, aut peregrinis quodammodo deliciis orationis in illis maxime probatur epistolis. Etsi hæc admonitio accommodata est tuis, qui nunc primum in eam rationem ingrediantur; tibi, qui tantum; iam hac scribendi exercitatione profecisti, præsertim majoribus rebus occupato, fortasse minus est necessario. Quare cum grandiori etiam scribendæ genere delectari videaris, nos quoque sive ingenio, sive judicio tuo, certè tempori obsequemur. Cum igitur tibi, ut nunc est, facultas non sit pervolutandi multos Ciceronis libros, ex illis optimos leges, etsi nulli non



optimi. Sed tamen orationes leges, & edisces, quæ multum te delectabunt, & scriptionem tuam adjuvabunt. Ignoscere verò mihi, si hæc neque subtilius scripsi, ut res postulare videbatur, neque illustravi exemplis. Exam enim & ipse valde occupatus. Quare alias reponam, & accuratius aliquid ad te mittam, quod proximis feriis astivis in Trebiano tuo vacuus legere possis. Interim vale, & mihi conserva amorem tuum. ROMÆ, Prædie Kalend. Aprilis.



M. AN-

M. ANTONII  
MURETI PRESBYTERI,  
ET CIVIS ROMANI,

HYMNORUM SACRORUM  
LIBER.

SERENISSIMO PRINCIPI GULIEL-  
MO GONZAGÆ, DUCI MANTUÆ,  
Montisferrati, &c.



Agne Ducum, sætam populis cui sortibus ur-  
bem

Pulcher elorifero Mincius amne lavat :  
Sume datis à te scriptos mihi legibus hymnos,

Nè ve parum culti despice vatis opus :

Illi etiam quorum hic meriti celebrantur honores,

Lucida quos constans vexit ad astra fides,

Non indignantur parvo sibi thure litari :

Atq; animum magni muneris instar habent.

Forſitan his olim juvenis meliora dedissem,

Et mulcere aures dulcius apta tuas :

Sed veniens etiam ingenio est damnosa senectus :

Nec tantùm vires corporis imminuit.

Cùm mihi tangerent meliori sanguine vena,

Nec curarum animum pondera deprimerent :

Hb 4 Spontè

*Sponte sua numeris carmen mihi mollibus ibat :*

*Et subito versus fundere ludus erat.*

*Nunc & corpus hebet senio, & mens ipsa pigrescit.*

*Quodq; habuit ludus, nunc onus esse putat.*

*Dulce onus hoc tamen est, quod te mandante subitur.*

*Et leviora facit iussa iubentis amor.*

*Atq; utinam hac roseo legat & VINCENTIUS ore*

*Phæbi & Musarum maxima cura puer:*

*Qui florescenti paullatim attollitur ævo,*

*Ut sata se ad fluvii subjicit alnus aquas.*

*Felix, cui tenebris Helicon illustratur ab annis,*

*Et bibitur volucris fons pede factus equi.*

*Quem jam ipsa Uranie blandis complexa lacertis,*

*Stellatas superum vexit ad usq; domos :*

*Ostendūq; astrorum ignes, cæliq; meatus,*

*Queisq; suos peragant legibus illa choros.*

*Quis scit, an & cælo dum singula despicit, inter*

*Cætera majores viderit astra suos :*

*Et quos purpureo contextit Roma galero :*

*Et qui regali sceptrâ tulere manu ?*

*Fortunate puer, magnum patris incrementum,*


*Cui Lachesis uet plena aurea fila colo,*

*Vive diu, utq; dati poscit tibi nominis omen,*

*Tende atavos omni vincere laude tuos,*

*Neu grave sit, dum dona tibi graviora parantur,*

*Interea partem carminis esse mei.*



# HYMNI SACRI.

## IN ADVENTU.

**V**erbum, quo omnipotens condidit omnia,  
Summi prævalidum consilii Angelum,  
Vatum Plena Deo pectora dixerant  
Venturum, ut fieret caro.

Primi quo maculam dilueret patris,  
Serpentisq; vafri contereret caput:  
Præclusamq; homini morte recluderet  
In cælum propria viam.

Ergo turba patrum, carcere liberos  
Qui longo per eum se fore viderant,  
Cælum suspiciens, Iustitiam dabat  
Carmen lugubre vocibus.

O qui pollicitis applicitos tuis,  
Quamvis cuncta potes, fallere non potes,  
Longas tolle moras, & cito, quem tibi  
Certum est mittere, mittere.

Simplex ætherii nuntius unitas  
Quæ distincta eadem est veraq; Trinitas,  
Æternis vigeat semper honoribus,  
Et terra simul & polo.

IN DIE S. BARBARÆ.

**Q**ualis, nulla polum nubila cùm tegunt,  
Inter clara nitet sidera phosphorus:  
Talis martyrio conspicuas micat  
Inter Barbara virgines.

H b f

Cui



Cui solus teneris Christus ab unguibus  
 Ussit cor nitidum perpetua face,  
 Cui desiderium, cui fuit unicus  
 Spretis Christus amor praeis,  
 Quamvis imperio barbarus aspero  
 Terreret genitor, quem furor, & mala  
 Perduxit rabies, ut gladio caput  
 Nata demeteret sua,  
 Vinculis illa quidem libera corpori  
 Felix ad Superos protinus evolat.  
 Sed Christus sceleratum in Stygias patrem  
 Sedes fulmine dejicit.  
 Simplex, &c.

## AD LAUDES.

**S**ancta triumphum virginis  
 Lati canamus Barbara,  
 Palmaeque honorem duplicis.  
 Quam virgo martyr obtinet.  
 Non stirpis illam regiae  
 Splendor superbam reddidit,  
 Quin se à tenellis unguibus  
 Christo regendam traderet.  
 Insanus infremit pater,  
 Omnesque penas admoveat,  
 Tandemque sacrum stiliæ  
 Caput cruentus amputat.  
 At virgo casti corporis  
 Soluta vinculis emicat,  
 Volatque stipata Angelis  
 Ad expetitum conjugem.

Æter-

*Eterne cunctorum pater,  
Eterne fili par patri,  
Et par utriq; spiritus.  
Soli tibi sit gloria.*

## IN NATALI DOMINI.

**O** Nox vel medio splendidior die,  
Cuius per tenebras virginis integra  
Ex alvo nitida Sol novus emicat,  
Complens omnia lumine.

*Eterno imperio qui regit omnia,  
Humanumq; Deo conciliat genus,  
Is nunc sub tugurii vilis opercula  
Nascens, pauperiem docet.*

*Pastores ovium, dum gregibus suis  
Intenti vigiles excubias agunt,  
Primi hunc angelico carmine nunciunt  
Lætis auribus hauriunt.*

*Grata est haud dubie simplicitas Deo.  
Grata est vita, dolis qua procul omnibus  
Rectum sponte sua perpetuo colit,  
Et priscam retinet fidem.*

*Simplex, &c.*

## IN DIE S. STEPHANI.

**L** Evitæ juvenis fortia pectora  
Ornari solitis tempus honoribus,  
Primus martyrii qui sibi lauream  
Vita prodigus induit.

*Tundebat lapidum grandinæ in modum,  
Denso turba fremens imbre sacrum caput.  
Nunquam mota suo sed tamen est loco  
Mens sanctæ ebria spiritu.*

*Sed sese in mediis ictibus erigens,  
 Ad cælum penetrans, En ait, en eum.  
 Pro quo dulce mori est, jam vides patris  
 Ad dexteram posuitum Dei.  
 At tu Christe suscipe me tuus,  
 Atq; his, qui, tenebris turpibus obruti,  
 Quo sese impediunt crimine, non vident,  
 Quasote, veniam dato.  
 Simplex, &c.*

## IN DIE SANCTI IOHANNIS

EVANGELISTÆ.

*C*hristo pre reliquis charus Apostolis,  
 Quisq; sua B. mater pectus in ultimis  
 Discumbens epulis composuit caput  
 Fessæ luce candens est.  
 Felix, cui Dominus jam rigida in cruce  
 Pendens, jamq; neci proximus, & Patri  
 Sanctum tantò animum tradere cogitans,  
 Mater em crediderit suam.  
 Felix, qui se aquile more super polos  
 Tollens, & nitida in luce Deum videns,  
 Divino eloqui flumine filium  
 Æqualem docuit Patri.  
 Felix, qui senio jam gravis, & sacra  
 Multa canitie tempora canisus,  
 Ut si mentibus levis corripere sopor,  
 In Christi rediit sinum.  
 Simplex, &c.

## IN DIE SS. INNOCEN-

TII M.

*C*antemus tenerorum agmina Martyrum,  
 Quos regis rabies abstulit impii;

C. 7. 75

Simplex

*Cunas in hacuo sanguine praeluens,  
Christum perdere dum furit.*

*O nullis feritas cognita seculis,  
Materno pueros e gremio rapi,  
Perfossa ut rutilis iarda mucronibus  
Lac cum sanguine funderent.*

*Heu quis, cum soluto raptus ab ubere  
Districtumq; pavens ad gladium puer  
Blandas carnifici porrigeret manus,  
Siccis adspiceret genis?*

*Argent angelicos nunc pueri choros,  
Et Christum liquido gutture concinunt:  
Herodem meritis debita talibus  
Pœna in perpetuum premit,*

*Simplex, &c.*

# IN FESTO S. SYLVESTRI.

**P***Riscos Roma Duces desine laudibus  
Efferre immodicis, qui valida manu  
Fines imperii protulerunt tuis  
Quacumq; Ocedas patet.*

*His solus tibi plus contulit omnibus  
Sanctorum eximium Pontificum decus  
Sylvester, dominum qui prius urbium  
Christi supposuit iugo.*

*Multo te ille prius sanguine Martyrum  
Resperfam docuit parcere cadibus,  
Et quos mille modis secula peremerat,  
Illorum monitus sequi.*

*Romam idem precibus nunc quoq; celsitum  
Adscriptus numero, perpetuis juvet,  
Et tanti ossa suo quæ gremio veri  
servat condita Mantuam.*

*Simplex, &c.*

IN



IN DIE CIRCUMCI-  
SIONIS.

**C**ircumciso agitur lux Domino sacra,  
Quæ jam, si Dominum ritè licet sequi,  
Impura è tumidia omnia nos monet  
Circumcidere cordibus.

Umbra Evangelii lex fuerat vetus:  
Sed Sol exoriens ut tenebras fugat,  
Sic Sol justitiæ legitimis suum  
Finem ritibus attulit.

Nobis corporeo nil gladio est opus:  
Sermo quippe Dei vivus & efficax,  
Sese instar gladii mentibus inferens,  
Ad vivum omnia persecat.

Quæ semper vitii germina pullulant,  
E nostris utinam cordibus amputet,  
Anni principium sic simul ut novi  
Vite principium novæ.

Simplex, &c.

## IN DIE EPIPHANIÆ.

**Q**uæ vos causa Magi, dicite pertulit  
E vestris iter hūc capere finibus?  
Quem tanto studio quaritis, anxii?  
Quove hæc munera pertinent?

Nos stella insoliti luminis hūc trahit  
Et dux certa viam perpetuo præit,  
Judææ populis quæ cupientibus  
Regem significat datum.

Auri isthæc sed enim quid sibi pondera,  
Myrrhæ mirificus quid sibi vult odor?  
Aut quæ cum populus sacra Deo facit,  
Aris ibura solent dari?

Rex

Rex auro colitur, thura Deum docent,  
 Nostri myrrha homines post obitum linunt,  
 Huic ergo hac pariter, munera congruunt,  
 Qui & Rex est, & homo, & Deus.

Simplex, &c.

## A SEPTUAGESIMA AD CINERES.

**E**heu quàm scelerum non tolerabilis  
 Nos urget miseros sarcina, quæ Dei  
 Nostris principio mentibus inditam  
 Obscuravit imaginem.

Sì nos pro meritù accipiat Deus,  
 Causæ nil fuerit, quò minus agmine  
 In tristes tenebris perpetuis domos  
 Uno præcipientes agat.

Sed semper facilis flecti in eos fuit,  
 Quos culpa ex animo pœnituit sua,  
 Nunquam horum lacrumis & gemitu tulit  
 Se frustra veniam peti.

Hac spe, quam ipse dedit: poscimus ut gravi  
 Pressos exoneret pondere, nè se  
 In nostro rigidum crimine iudicem,  
 Sed mitem exhibeat patrem.

Simplex, &c.

## A DIE CINERUM.

**M**ultis tensa epulis viscera dum tument.  
 Mens oppressa nihil cogitat arduum,  
 Et more indomiti luxurians equi  
 Pugnat spiritu caro.

Sed subtracto eadem comprimitur cibo,  
 Et se spiritui morigeram exhibet:

Qui,

*Qui cum nulla gravant pondera sordium,  
In cœli celer evolat.*

*Primus corpore legifer à cibo  
Bis binos decies abstinuit dies:  
Quem Christus numerum nos itidem sequi  
Exemplo docuit suo.  
Sed frustra ventis os tenet à cibis,  
Qui factis animam turpibus inquinat,  
Jejuno assidua conveniunt preces,  
Cumq; his munificæ manus.  
Simplex, &c.*

IN DOMINICA PAS-  
SIONIS.

**Æ** *Quæva ingenio progenies Patri,  
Vitam morte suis redderet ut sua,  
Se Christus nivi velleris hostiam  
Ultro supplicio obtulit.*

*O erga immeros mirus amor Dei,  
Natum quæ pietas, tradidit unicum;  
Ut pro mortiferâ fraude nocentium  
Pœnas solveret innocens.*

*O non visum alias sacrificii genus,  
In quo æterna Deo sacra facit Deus;  
Et mortem moriens opprimit, & sibi  
Ipse est victima Pontifex.*

*O crux tincta sacri flumine sanguinis,  
Olim supplicium Mancipis grave,  
Nunc Regum capiti præcipuum decus,  
Te flexo colimus genu.*

*Simplex, &c.*

## IN DOMINICA IN RAMIS

## PALMARUM.

**R**egem pacificum, nenia dum jubit  
urbis celsa sua, turba manu ferens  
Palmarum gravidos obvia termites,  
Faustis vocibus excipit.

Hic letas spoliat frondibus arbores:

Hic ferta ante pedes florea proficit:  
Supplex ille manus porrigit, hic suis  
Terram vestibus obtegit.

Heu mentes hominum. Quis fore crederet

Quem tantis studiis exciperet frequens,  
P. Et paucos ut eum turba eadem dies  
Suffixum adspiceret cruci?

Nil in vultu homini perpetuum datur.

Rebus ne nimium fidite prosperis,  
Plerumq; hic lacrumis gaudia temperat  
Certo consilio Deus.

Simplex, &c.

## IN DIE PASCHÆ.

**P**onatur lacrumis iam modus, & novis  
Templorum resonent atria canticis.  
In vitam reduci nam Domino sacer  
Poscit lætitiæ dies.

Lux post Christi obitum tertia venerat,  
Cum spes sanctæ moræ impatiens amor  
Matronas parili nomine nobiles  
Visendum ad tumultum vocat.

Tum motum lapidem, tum lapidi vident  
Iunxum niveis vestibibus Angelum:  
Qui, quo sollicitis eximeret metum,  
Pauca & certa locutus est.

IN It Non.



*Non hoc amplius est, quem petitis loco,  
In vitam rediit Christus ab inferis.  
Ite, & discipulis hæc eadem date  
Summi nuncia gaudii.*

*Simplex, &c.*

IN DIE ANNUNCIATIONIS  
B. VIRGINIS.

**A**d te sidereis missus ab arcibus  
Cum venit Gabriel, virgo, renuncians,  
Te summo ante alias complacitam patri,  
Mox matrem Domini fore:

*Turbata tibi nunc purpureus genas  
Sparsit mente pudor, nescia quod viri,  
Casto, sponsa licet, pectore virginem  
Semper te fore voveras.*

*Verum idem subito nuncius addidit:  
Istos pone metus: nam tibi jam datum est,  
Ut virgo maneat, & tua compleat  
Sanctus viscera spiritus,*

*Tunc ore ex roseo vox tibi prodiit,  
Testis mirifica certa modestiæ:  
Ecce ancilla Deo subdita, nil moror.  
Fiat, quod Dominus jubet.*

*Simplex, &c.*

IN FESTIVITATIBUS  
S. CRUCIS.

**G**entes, nulla quibus notitia est Dei,  
Armis imperio, praele superbiant:  
Nobis, quæ melior spiritus obtigit,  
Sola est in Cruce gloria.

*Lignum*

Lignum prima homini perniciēs fuit,  
 Cū primus vetitam contigit arborem  
 Captus fœmiæ illecebris parens,  
 Quo se perdidit ac suos.  
 Sed pōst lignum homini certa salus fuit,  
 Cū scandens patulam Christus in arborem.  
 (Æternus fieri sic voluit parens)  
 Vitæ restituit suos.  
 Crux hostes hominum sola procul fugat.  
 Crux sola insidiis munit ab omnibus.  
 Adversa intrepidus despiciat, licet,  
 Cujus spes Cruce nititur.  
 Simplex, &c.

IN DIE ASCENSIO-  
 N I S.

**V**icta in perpetuum mortis & inferum  
 Insignis spoliis, luce nitens nova.  
 Primus & insolitum Christus iter secans  
 Arces in patrias redit.  
 Natus nā: iterum nos quoq; dum cupit,  
 Mundo mortuus est, nos cupiens mori,  
 Surgens & repetens æthera, nos quoq;  
 Ut pessimus idem, dedit.  
 Christo nunc igitur vivere nos decet,  
 Ut Christo pariter deat inæmori.  
 Surgentes eadem nos quoq; gloria  
 Puro lumine vestiet.  
 O per qui te, hominum conditor, ingredi  
 Caste adduxit amor viscera virginis,  
 Nos dignare, tuis artibus insitos,  
 Voti reddere compotes.

*Simplex ætherii numinis unitas,*

*Quæ distincta eadem est veraq; Trinitas,*

*Æternis vigeat semper honoribus,*

*Et terra simul & polo.*

*Amen.*

## IN DIE PENTECOSTES.

**L**ustra nostra tuâ pectora lampade,  
*Qui quondam, altisono spiritus à Patre,*  
*Lustrasti unanimes, missus, Apostolos,*  
*Linguis deditus igneis.*

*Confirma dubios, dirige devios,*  
*Consolare tui maneris indigos,*  
*Let aliq; animos frigore torpidos*  
*Sanctis ignibus excita.*

*Mens doctrinam avidè nostra bibat tuam,*  
*Perstetq; assiduè tota Deo calens,*  
*Et spem firmam in eo constituens sibi,*  
*Terram pro nihilo putet.*

*O rerum alme sator, certè homines sumus,*  
*Quanquam indigna, tuâ plasmata dextera.*  
*Ne fer, quos tua vis ex nihilo extulit,*  
*Æterno exitio obrui.*

*Simplex, &c.*

## IN DIE SS. TRINITATIS.

**O** Nullis hominum pervia sensibus;  
*Naturæ penitus sola capax inæ;*  
*Cujus condita sunt omnia numine,*  
*Æterna & menas & trias.*

Nato æquæve pater, natoq; par patri,  
 Et manans ab utroq; inclitæ spiritus,  
 Circumfusa tuo nabilia lumine  
 Nostro discute pectori.

Da, mens per speculum cernere te queat  
 Nostra, & posthabeas te petat omnibus;  
 E iustisq; tuis pendeat, & tibi  
 Soli dedita seruiat.

Tu clemens miseris da veniam pater.  
 Tu fili miseris sterne iter ad patrem.  
 Tu sanctum miseris Puerina vagantibus  
 Prefer. conspicuam facem.

Simplex, &c.

## IN FESTO CORPORIS CHRISTI.

**C**elestes epula, certa piis salus,  
 Quas apponit amor pura capit fides,  
 In quem ipse tibi perpetui loco  
 Cæna se pater exhibet.

Hic verbum Domini fallere nescii  
 Cæcis iudicium sensibus abrogat:  
 Quod non est, oculi cernere se putant,  
 Nec, præsens quod adest, vident.

Sub panis specie viva latet caro,  
 Sub vini specie sanguis: & utraq;  
 Seu tantum species sumitur altera,  
 Christus sumitur integer.

Felix qui Dominum sedulus hospitem  
 Abstersis animi sordibus excipit.  
 Qui contra facere id negligit, ah miser  
 Ipse est exitio sibi.

Simplex, &c.



IN NATIVITATE S. JOANNIS  
BAPTISTÆ.

**S**anctorum soboles sera parentium,  
Solis perpetui Prodrome Lucifer,  
Qui nascens hilaras omnia; dum tuum  
Natalem colimus, fave.

Nondum natus eras, cum dominum tamen  
Nondum castæ utero virginis editum  
Agnosti exiliens, & quatiens novo  
Matris viscera gaudio.

Mox & magnanimus te squa petis puer,  
Et victu populos horridus admones.  
Factis abstineant turpibus, & viam  
Adventante parent Deo,

O cui voce sua maximus arbiter  
Laudem supra homines egregiam dedis.  
E cælo adsiduis, quesumus, adjuva  
Cultores precibus tuos.

Simplex, &c.

IN DIE TRANSFIGU-  
RATIONIS.

**Q**uam crebrò dederat discipulis fidem,  
Confirmare modis dum studet omnibus,  
Tres secum comites montis in ardui  
Adsumpsit Dominus iugum.

Illic frons radiis cincta micantibus,  
Solaris nituit lampadis in modum:  
Tum, qua tectus erat, protinus est nivi,  
Festis reddita consolor.

Cum Christo gemini visi etiam senes,  
 Et iussa ad populum cui dederat Deus,  
 Et qui sidereis visus erat dqmos  
 Quadrigis petere igneis.

E nubis nitida quinetiam sinu  
 Hac dicta omnipotens intonuit patera  
 Hic est, quem eximie diligo filius  
 Huius iussa capessite.  
 Simplex, &c.

## IN DIE S. LAURENTII.

**L** Laurenti canimus nobile praelium.  
 Qui eum visceribus flammam aleret suis,  
 Et craterem roseo sanguine spargeret:  
 Subjectis ruber ignibus:

Constanter Domini perstuit in fide.  
 Ambustumq; latus carnifici exhibens,  
 En istam rabiem quo magis expleas,  
 Hoc jam coctum, ait, est; vora.

Tanto corporeis ignibus acrior  
 Christi ardebat amor pectore in intimo:  
 Sic mens tota Dei fervida spiritu  
 Sensum corporis hauserat,

Nunc nobis solito more rogandus est,  
 Iratum ut merito conciliet Deum:  
 Et quos mirifici roboris instruit  
 Exemplo, precibus juvet.

Simplex, &c.

## IN DIE ASSUMPTIONIS

B. M A R I A E.

**R**egnator Superum quo nitidam die  
 Matrem sidereis arcibus intulit,

*Et supra Angelicus conspicuam choros  
Stellanti statuit throno:*

*Quæ cælo fuerint iubila, quæ sonus,  
Quæ sanctis animis gaudia, non modo  
Humanis nequeat vocibus exprimi,  
Sed nec pectore concipi:*

*Uacat arca novæ conscia fœderis,  
Conclusus, Domini delitiae hortulus,  
Rostro intactus ager, sidere palchrior  
Et sponsa & genitrix Dei.*

*Felix quisquis eam suppliciter colit,  
Rebusq; in dubiis sedulus invocat,  
Nunquam hoc qui statuit præsidium sibi,  
Spe lusus doluit sua.*

*Simplex, &c.*

# IN FESTO SANCTI HADRIANI.

**C**hristi in militiam nomina ne darent,  
Multos impedit supplicii metus:  
Multos qui dederant, vis cruciatuum  
Illam deserere impulit.

*Non sit ille, hodie quem colimus, fuit,  
Qui nomen tumido duxit ab Hadria:  
Quia constantem animum Christicolum videns  
Horum se ad numerum appulit.*

*Prudenter reputans, non sine numine  
Tales cuncta viros aspera perpeti,  
Nec se illos temerè sponte sua ratus  
Pœnia obicere omnibus.*

*Ergo his se agglomerans, credidit? & simul  
Index ipse sui supplicium appetens,*

*Quæ*

*Qua mente imbiberat, mox eadem suo  
Sanxit dogmata sanguine.*

*Simplex, &c.*

### IN DIE S. MICHAELIS.

**C**elestis canimus militiae ducem :  
Qui perjura bonus dissipat agmina :  
Et dejecta locis non sibi debitis,  
Sedes trudit ad inferas.

*Horrendo imbiberat pectore septiceps  
Bis quinqueq; ferox bellua cornibus,  
Intacta sobolem virginis unicam  
Savis mandere dentibus.*

*Æterni imperio sed Michaël patris  
Conatus Satanae reddidit irritos :  
Et monstrum innumeris fraudibus obsitum  
Victor stravit humi patens.*

*Idem deposito pondere corporis  
Exories aures criminis extipit,  
In cælumq; alacres tollit, & in loco  
Luois perpetua locat.*

*Simplex, &c.*

### COMMUNE B. VIRGINIS.

**O** Solis nitido lumine pulchrior  
Virgo, constituit quam Deus unicam  
Expertem maculis omnibus, ut fores  
Nato digna parens suo.

*Te quondam Gedeon vellere in arido,  
Intactaq; novis imbribus area :  
Te cincto innocuis legifer ignibus  
Agnorat prius in rubo.*

*Rebus principium qui dedit omnibus,*



*A te, dum se hominum causa hominem facis,  
Sumpsit principium, quicquid alit omnia,  
Pastus lacte tuo est puer.*

*Per te quod mulier perdiderat verus,  
Humano generi redditur auctius.  
Tu clausas miseris heu non iam diu  
Cæli prima aperis fores.*

*Simplex, &c.*

# COMMUNE ANGELO- RUM.

**M**entes beatæ, lumine  
Quas ambit æterno, Pater,  
Sacrisq; lustrans Spiritu,  
In se intuentes perficit.

*O quæis supremus omnium  
Primis creator insidet,  
Quos luce cernit aures  
Amoris ac scientia.*

*O qui potens dextera  
Virtute cuncta vincis.  
Dei regentis omnia  
Forissimæ satellites.*

*O ter beati Principes,  
Archangelique, & Angeli,  
Nos ritè vobis supplices  
Hinc in superna tollite.*

*Æterne cunctorum, &c.*

# COMMUNE UNIUS CONFESSORIS PONTIFICIS.

**P**astor beate, qui tuæ  
Concredidit curæ gregem

*savis*

*Servic luporum faucibus  
Patere nunquam passus es.*

*Tu læta dux ad pascua,  
Fontes recludens limpidos,  
Oves videbas florido  
Semper nitentes vellere.*

*Quod si qua forsantabido  
Languere morbo ceperat,  
Salubria, ut mitis pater,  
Illi admovebas pharmaca.*

*Cujus laboris nunc tui  
Digna affecutus pramia,  
Favore, nam potes, tuos,  
Qui te precantur, adjuva.  
Æterne cunctorum Pater, &c.*

COMMUNE UNIUS VIR-  
GINIS.

**O** *Virgo pectus cui sacrum,  
Amoris expers improbi,  
Divini amoris lampade  
Sanctus perussit spiritus.*

*Non te voluptas dulcibus  
Fallax venenis molliit,  
Solas amantem persequi  
Cælestis agni nuptias.*

*Sic ille natus virgine  
Suo decore ceperat,  
Amore ut ardens illius,  
Mundana cuncta temneres.*

*Beata cui cælestibus  
Templis recepta nunc licet*

*Inigis*

*Inter canentes Angelos*

*Tuis potiri amoribus.*

*Eterne cunctorum, &c.*

IN FESTO D. AMBROSII.

**Q***ualis periclitantibus,  
Totusq; iactatis mari  
Traquillitatis nantia  
Se stella nautis obijcit:*

*Talem, procellis Arii  
Ecclesiam turbantibus,  
Qui lumen orbi redderet,  
Elegit Ambrosium Deus.*

*Nondum renatus flumine,  
Sed jam renatus flamine,  
Concordibus suffragiis  
Episcopus electus est.*

*Ut ex ministro Casaris  
Minister effectus Dei,  
Humana linquens ceteris,  
Divina jurapanderet.*

*Non alligatur tempore  
Divina certo gratia:  
Sed dum libet, quidquid libet,  
Puncto vel uno perficit.*

*Hunc ipse Caesar horruit,  
Contra nec ausus hiscere est,  
Cedes ob admissas sacre  
Exclusus ædis limine.*

*Magnam suis fiduciam  
Benignus inspirat Deus:  
Semperq; pastoris boni  
Multum potest auctoritas,*

*Salve,*

Salve, bonorum maxima  
Episcoporum gloria.  
Plebemq; devotam tibi  
Cælo receptus adjuva.

Æterne cunctorum Pater,  
Æterne fili par Patri,  
Et par utriq; Spiritus,  
Soli tibi sit gloria.



AD





# AD BEATISSIMAM VIRGINEM DEI MATREM, QUÆ

religiosissimè colitur in Æde  
Lauretana.



**V**NDE mihi insolitus præcordia concutit hor-  
ror,  
Et perfusa metu trepidat, velut ista Deo  
mens?

Fallor: an hoc facit ipse locus, stimulosq; parenti  
Subiicit, atq; animum præsentia numinis urget?

O cælo dilecta donans, pestesq; beati,  
Quos ego jam pridem tota mihi mente cupitos,  
Nunc primum, veteris voti reus, advena viso:  
Salvete, aspectiq; mihi feliciter este.

Vosne per ætherias Judæa à sinibus oras  
Aligerum, mandante Deo, vexere manipuli?  
Hic virgo genitura Deum, genitricis ab alvo  
Prodiit, & blandis mulsit vagitibus auras?  
Hic quoq; virginæ servata laude pudoris,  
Sancta salutifero tumuerant viscera fœtu?  
Ille opifex cunctorum, illa æterna unica proles  
Æqua Patri, ille homini primæva ab origine lapsa  
Spem cælo vitamq; ferens, hac lusit in aula  
Parrulus, & sanctæ blanda obtulit oscula matri?

Quanam igitur regum sedes, quæ templa per orbem,  
Huic se ausint conferre loco? ter & amplius omnes  
Ante alias felix Piceni litoris ora:

Cud

Cui Solymos spectare domi, cui munere divum  
Fas calcare domi est pedibus vestigia Christi.

En ego sum supplex procumbam, atq; oscula figam  
Parietibus sanctis, spargamq; hoc pulvere crines.

Adspice me superis e sedibus, adspice, virgo  
Prostratum, atq; imo gemitus ex corde cientem,  
Et pectus tudentem, & fletibus ora rigantem:  
Neu, quanquam cupis adopertum turpibus, arce  
Adspectu me diva tuo: si pectore toto  
Te veneror, si te, dubiis in rebus, ad unam  
Confugio, teq; auxilium sanctissima posco.

Pœnitet ex animo vitæ me Diva prioris  
Pœnitet, & meritas horret mens conscia pœnas.  
Quod nisi tu casto pendentem ex ubere natum  
Concilias, placasq; mihi, quo tendere cursum  
Quove malis fessam tentabo advertere puppim?

At tu, namq; soles, placida dignare querelas  
Aure meas, & ades lapsis mitissima rebus.  
Certè equidem tota pendenteis æde tabellas  
Adspicio, quæ te miseris præsto esse loquuntur.  
Hic, te animo spectans, torrentem viscera febrim  
Depulit, ille hyadas tristes, hædumq; cadentem  
Spectavit tutus, vertentibus æquora ventis,  
Et duce te patrias enavit salvus ad oras,  
Criminis ille reus falsi, sub iudice duro,  
Dum mortem exspectat tenebroso carceris clausus;  
Munere Diva tuo detecta fraude, revisit  
Uxorem & natos, exoptatumq; parentem.

O ego nunc morbis multo gravioribus æger,  
Naufragiumq; timens longè exitiosius illo,  
Et jam pridem animum peccati compede vinctus,  
Si possim morbis liber, vinctisq; solutus,

Fluct-

Fluctibus & venis laceram subducere puppim:  
 Quas tibi latus agam grates, dum vita manebit?  
 Te, cum luce nova sparget sol aureus orbem,  
 Te recinam, quoties abscondet opaca polum nox:  
 Et tua præcipuo venerabor numina cultu.

## IN D. BARBARAM.

**B**arbara, qui laudes speret se æquare concendo  
 Pesse iuas, idem pulsantes littora fluctus  
 Et Lybicas numero comprehendere tentet arenas.

Te pater insanus turri concluserat alta:  
 Sed veram Danaen verus te Juppiter illic  
 Desponsavit sibi Christus, & arcto fœdere junxit.  
 Illa & triplices fieri inspirante fenestras  
 Mandasset, & iureo sculpisti in marmore signum,  
 Quo reparata filius, & deficiente ministro  
 Ipsa tuos misisti undis lustralibus artus.  
 Quid memorem, ut ibi mens fugienti cesserit, aut  
 quæ

Cæperit induci vesanus præmi pastor  
 Quidam præcipuo pecudes in marmora versas.  
 Ipse summi pariter sensit lapidescere corpus.  
 Non in carnifices, non tu tormenta timebas,  
 Non gladius animosa, & Christo plena virago,  
 Qui te ad cœlestem meritis pro talibus aulam  
 Evexit, regniq; libens in parte locavit.

At tu Diva graves hominum miserata labores,  
 Patem illis, veniamq; ora & nocitura repelle.  
 Præcipuo antiquo progenatum ex sanguine regum  
 Gonzagam, felix quo se duce Mantua jactat,  
 Qui virides Mœti ad ripas tibi Diva sacravit  
 Templum augustum ingens, cura quod & ipsa tueretur  
 Per vigili, & flammam late spargentibus aris

Sæpe

Sape manu propria meritos imponit honores,  
 Hunc tu Diva tue protectum numine sancto  
 Conserva. populumq; simul, qui sacra, secutus  
 Principis exemplum, puro tua corde frequentat.

## P. FRANCISCO BENTIO.

**B**enti nihil me, si ut antea, juvat  
 Per vigili stud o nil profutura querere:  
 Nec quās per urbes cantus, exciso Illo,  
 Saxa Ithacæ repetens, Laërtis errarit puer:  
 Nec quot Ithacenses Circe pharmaciis potens,  
 Vultu hominum p'sito, grunnire porcos iusserit;  
 Cura magis mi est, lustra jam decem miser  
 Qualibus in vitis uersus ipse erraverim:  
 Cum me, Dei vix jam manente imagine,  
 Mortifera induerat sædam voluptas in suem;  
 Quis me sequetur fractus ubi pernovero,  
 Quot mala Grajugenis Achillis ira invexcrit:  
 Si nesciam vesanus, in qua me mala  
 Præcipitem ira Dei, nisi resipiscam actura sit?  
 Hei mi laboris, hei dærum ac noctium,  
 Quas memini in studiis me talibus consumere.  
 Malè metuentem, ne quis usquam equalium  
 Certius ac melius plures teneret fabulas.  
 Et tamen ab æquis non gravatè improvida  
 Judicibus veniam fortassis ætas in peret.  
 Sed nunc columbis concolor cùm sim caput,  
 Et mihi sarcinulas brevi legendas sentiam,  
 Nisi meliora mente tota cogitem:  
 Bis puerum merito, Francisce, me vocaveris,  
 Beatus ille, quem juvenia in limine  
 Abstrahit a vitis ipse & sibi adstringit Deus:  
 Nec tamen habendus ille in felicibus,

Kk

Ad



*Ad meliora, Deo vocante, qui venit senex.  
Verum est poëta nobilis verbum vetus :  
Si venè quid facias, serò licet, prodest tamen.  
Communi uterq; gratias agat patri,  
Sors tibi prima data est : mihi secunda contigit.*

MURÈTO FRANCISCUS  
BENTIVS.

**M**urete, me nunc, sicut antea, iuvat  
Quæ mihi, quæque aliis das, profutura car-  
mina

*Expressa sancti Spiritus molimine  
His avidis oculis & tale quæritantibus  
Et lætitare & lætitando ediscere,  
Labitur inde mihi furtim humor udas in genas.  
Palam arguens quæ pectus intrant gaudia,  
Pectoris exigui majora claustris gaudia,  
Conversa studia quando utriusq; refricas.  
(Grata utriusq; Deo & mortalibus conversio)  
Nam uterq; nigro noctis è silentio  
Cœpimus aspiciere Christi benigna lumina.  
Uterq; noctis tum relictis artibus,  
Depositis tenebris & arma lucis induis.  
De te sed ipse multa deploras modis  
Flebilibus : lachrymans : & ad gemendum me vo-  
cas.*

*Eheu dolor, quid ulius antiquum novas ?  
Jam memini, miser, heu, quod pœnitet, piget,  
pudet.*

*Cum vilis ancilla exparefscens voculas  
Immemor officii, Christum negavi sapius.  
Callo at carente, cum me amicos lumine  
Intuitus Deus est : prius mihi tunc mens redit.*

Ad me ipse tandem triste post tempus redii,  
 Exiliensq; foras laxavi habenas fleui,  
 Absterfit inde lachrymas Christus meas,  
 Speq; data venie. perduxit in gregem suum.  
 Eduxit idem, quod fateris, improba  
 Servicio dominae, & vindicavit te sibi.  
 Quid restat ergo? hortetur alter alteram.  
 Nunc si aliquis prior fortasse se offeret labor,  
 Feramus hinc, maturete, mente qua decet,  
 Atq; duces Dominum forti sequamur pectore,  
 Quod si una utrumq; ad vineam hora non vacat  
 Unus utriq; tamen promittitur denarius.

## PSAL. CXIV.

Dilexi quoniam, &c.

**S**ummus amor Domini medio mi in pectore fervet,  
 Namq; meas clemens audit ille preces.  
 Excepitq; meas facili bonus aure querelas.  
 Illum igitur, fuerit dum mihi vita, colam.  
 Letiferi hærebam vinculis quasi fune doloris:  
 Nec procul à dura lumine mortis eram.  
 Summe Deus, dixi, solo te vindice fretum  
 Eripiat tantis me tua dextra malis.  
 Ut bonus est, ut opem cito ritè vacantibus adfert:  
 Justus ut, & nitida simplicitatis amans?  
 Attritus propè eram, cum me consurgere jussit,  
 Depulit & capiti cantia pericla meo.  
 Quid trepidas anima? ad solitam te verte quietem,  
 Plurima supremi munera regis habes.  
 Ille à morte animam hanc, à tristi lumina fletu.  
 A lapsu infirmos eripuitq; pedes.  
 Vivam igitur post hac illo duce & auspice tutus,  
 Et mea semper erit cura placere Deo.

## PSAL. CXIV.

Quid gloriaris in malitia, &c.

**Q**uid gloriaris perfide, quid tumes?  
An ista verum nescia proloqui  
Te ceteros supra ferocem  
Lingua bonis inimica reddit?

Cura una & unum est id studium tibi,  
Noctes diesq; hanc, ut potes, asperas  
Novacula in morem: & latentes  
Insidias struis huic & illi.

Te leta damnis improbitas juvat,  
Egensq; semper pluris iniquitas.  
Tu fœda facta & fraudulenta  
Usq; novis cumulare gaudes.

Quaecunq; verbis, ô scelerum artifex,  
Posse in ruinam præcipites agi  
Confidis insontes amicos,  
Illa tibi didicisse mell. est.

Quapropter ultor, ne dubita, Deus  
Tandem à merenti supplicium exiget:  
Radicibusq; evulsam ab imis  
Sedibus ejiciet tuis te.

At hæc videntes, artibus intimis  
Justi intremiscent: & magis ac magis,  
Ne provocent in se quoq; iram  
Numinis, ammoniti cavebunt.

Turpis illis inter ea miser  
Focussq; fies. En sibi qui Deum  
Temnebat adiutorem: & in se  
Sat sibi præsidii putabat.

Quid nunc, quid illum per scelera & dolos  
Exstructæ in altum divitiae juvant?

in pul-

In pulverem omnia & favillam  
Et tennes abiere fumos.

Ego autem, in uno spem mihi qui Deo  
Omnem locavi: liber agam metu:  
Florens olivæ instar nitentis,  
Quam Domini studium tuetur.  
Semperq; regum maxime te canam:  
Nec me sonoris deficiet tuum,  
Plaudente iustorum corona,  
Carminibus celebrare nomen.

## PSAL. XLVI.

Omnes gentes plaudite, &c.

**O** Populi lato quoscunq; alit ubere tellus,  
Ingeminate alacres plausum, luctuq; fugato.  
Leta triumphali resonent facile, omnia cantu,  
Ille etenim regum ter maximus, ille tremendus,  
Quem sola terrarum, cæli quem templa verentur,  
Subjecit nobis populos, fastuq; represso,  
Ferre jugum admota pedibus cervice coëgit,  
Ipsemet elegit clemens patrimonia, nobis  
Qua daret, æterno Isacida succensus amore.  
Euge pater pater euge, tuum hæc sunt omnia munus,  
Ascendente Deo, litui sonuere, tuba q;  
Prodidit ipse novis sua gaudia vocibus æther.  
Psallite nunc pia corda Deo, nunc psallite Regi,  
Psallite, qui terras omnes ditione coercet:  
Et mulcete pias doctis contentibus aures,  
Imperium sine fine Deus toto obtinet orbe,  
Et sancto innixus solio regit omnia solus,  
Ductores populorum illius signa sequuntur.  
Namq; Abrahami alios longè Deus anteit omnes.  
Scuta sua extulit ipse altè super ardua terra.

Kk

PSAL



## PSAL. XIV.

Domine quis habitabit, &amp;c.

**Q**uamvis, ô Rex æternæ, tuam admittetur in aulam,  
 Cui dabitur montis culmen adire tui:  
 Perpetua ut tecum compositus pace fruatur,  
 Carpens nota unis gaudia cœlitibus?  
 Qui nulla ingreditur macula suffusus, amatq;  
 Ex animo rectum, iustitiamq; colit.  
 Cui neq; cor fraudes agitat, neq; subdola lingua est:  
 A quo se la sum dicere nemo potest.  
 Quem fugiunt iniusti, & quo præsentē liquescunt:  
 Quo visos, iustis mens animusq; redit.  
 Quem mutare fidem, nunquam iactura coëgit:  
 Fanore qui partas odit & horret opes.  
 Nullo unquam iudex potuit qui munere vinci.  
 Ut duro infantes læderet ore reos.  
 Qui facit hæc sis demum in cœli templa receptus,  
 Tecum unâ dempto fine beatus erit.

**M**ente Deum pura quisquis veneratur amatq;  
 Vis illi exterior nulla nocere potest,  
 Non si illum obsideant hostiles undiq; arma,  
 Quas sitis innocui sanguinis exagitet:  
 Non toto coëat, si quidquid in orbe ferarum est.  
 Et quot in Oceani gurgite monstra natant.  
 Ille, licet tristes agitent maria alta procellæ,  
 Undarum in medio vertice tutus erit.  
 Ille interq; feras atq; agmina fera latronum  
 Nostri etiam in medio tutus erit nemore.  
 Non quæcunque truces adhibent tormenta ty-  
 ranni,  
 Illius unquam animum terrificare queant.

Dix, rota, robur, equus, candentis lamina ferri,

Omnia pro Christi nomine ludus erunt.

Felices, quorum ille inis amor ossibus hæsit.

Quanta illes obita præmia morte manent?

¶ Si me quondam numero Deus aggreget illi:

Quæ tunc fors melior sorte futura mea est:

Ab CHRISTE ure meum tandem face pectus  
amica,

Equè pigro intrisum discute corde gelu:

Ut nec avarus opes secter, neq. vanus honores:

Sed flagrem solo totus amore tui.

**G**ustanda vita, non fruenda, homini datur.

Nam, cum fruendi tempus est, tùm deserit:

Felicius maritus, an cælebs agat,

Privata vita sitne regno dulcior,

An vita regia solium attingas Jovis;

Peregrè morari suavius sit, an domi:

Qui, quamq. multi, & quo parandi more sint,

Quo habendi, amici: nullus hæc curat puer:

Rarus adolescens: nec senex omnis videt:

Et hæc tamen vitam propè omnem continent.

Quæ si quis atri cura & usu pervigil

Longo notârit, jamq. secum statuerit

Quid fugere, quid contemnere, & quid persequi

Expediat homini, vix eam ingressò viam,

Quam maximè unam ex omnibus probaverit;

Obstat senectus invida, & cursum impedit:

Mox avida tristes Lachesis injicit manus.

Sic vivere meditantibus vita evolat.

**S**i exspectes, Pamphile, ipsa dum negotia

Te accersant ultrò, & dormientem exsuscitent:

*hemester erras, cauti discedunt aies:  
 Nec obliuioſos ſſicu admonent ſui,  
 Superba res eſt rei gerenda occaſio.  
 Semel contempta, nunquam poſſidea redit,  
 Vigiles oportet, & tua accures memor.  
 Nam, ſi ipſe rem curare negligas tuam,  
 Fugit illa, & facile, qui ſe curet, inuenit.  
 Tu rem quam cures poſtea haud facile inuenis.*

**M**emini magiſtrum puero mē olim hoc dicere,  
 Summum Jovem facere item, ut caupones ſolent:  
 Qui vina, ut vendant, turbant, miſcent, d. luunt:  
 Nec cuiquam vini ſimplicis donant cadum.  
 Itidem illum aiebat in vita mortalium  
 Nunquam fortunam ſimplicem cuiquam dare:  
 Sed temperare fata latis triſtia,

E Græco Callimach.

**N**amq; & ego nitido capiti, flauisq; capillis  
 Serta olim Aſſyrio ſparſa liquore dedi,  
 Et bona in ingratum congeſſi plurima ventrem,  
 Cuncta ſed in ventos illa abiere leues.  
 Seruârunt ſolæ commiſſa fideliter aures.  
 Corporis hac una eſt parte reperta fides.

# RAPHAELIS URBINATIS PICTO- RIS EXIMII TUMULUS.

Ipſe loquitur.



*Scic mea naturam manus eſt imitata, videri  
 Poſſet, ut ipſa meas eſſe imitata manus.  
 Sæpē meis tabulis ipſa eſt deluſa, ſuumq;  
 Crederent eſſe, mea quod fuit artis opus.*

Mira-

Miraris, dubitasq; audito nomine credes.

Sum Raphael, hei mi, quid loquor? immo fui.

Et tamen, his dictis, quid opus fuit addere nomen?

Alterutrum poterat cuilibet esse satis,

Nam mea & audito est nouissima a mine virtus:

Et prestare vicem nominis ipsa potest.

**Q**uidquid agam, Claudii, seu quò me vertere tentè,

Seu nihil, ut soleo, desidi: sus agam

Ante oculos tua mihi adest duè obse vatur imago:

Uniq; iristitiam gignit & una leuat.

Angor enim infelix, quod te, quo sospite solum

Esse vel mihi suspes, & moriente mori:

Nunc, ubi sis, quid agas, veterem tibi cura medentum

An nondum morbum pectore depulerit:

Nec scin, nec jam scire ulla ratione potis sum:

Quæ me res angore unica penè necat.

At rursus nihil est, quo me ipso tempore soler,

Quodq; oculos tristi tergeat imbre graves,

Te nisi cum vana sibi mens sub imagine fingit:

Seu vigilem, dulci sive somno premar.

Hoc mihi Ne penites, curas dissolvere promptum est:

Lutibus hæc una est apta medela meis.

Tecum ego nunc videor teneros percurrere versus.

Sive Catulle tuos, sive Tibulle tuos:

Nunc etiam rerum causas tentare latentes,

Discere & unde fluant omnia, quicquid fluant.

Nunc herba in viridi, læta porrectus ad umbram

Arboris, & riuam molle strepentis aquæ,

Aurasq; & dulces avium captare susurros,

Perq; vices tecum multa tacosa loqui.

Gratia dis, qui montem homini celeremq; dederunt,

Et quævis habilem fingere spectra sibi.



Illa & plumipedem superarit Perseæ cursu,  
 Et celebrem invulsi Bellerophonis equum.  
 Nec mihi, se cuius rerum natura creatrix  
 Expressam in tabulis cernit, ut in speculo:  
 Tàm bene te docto Tuianus pollice pingat,  
 Quàm mens te assidue pingere prompta mea est.  
 Atq; utinam tibi sit de nobis mutua cura,  
 Nec quin sit, dubito: sed tamen esse precor.  
 Non ego vulgari te, Claudii, amplector amore,  
 Hac face rara Deus tangere corda solet.  
 Me me ipse odissem, nisi tu me gratus amares:  
 Nec nisi me, quoniam sum tibi charus, amo.  
 Deniq; cum fuero nulli credenda locutus,  
 Pars tamen illa mei parvula amoris erit.  
 Di faciant, longos producere detur in annos.  
 A pueris captae sedus amicitiae.

**O** Lingua, lingua: ut magna eges custodia:  
 Quae & aliis sapere, & sapius Domino nocet.  
 Multum assecutus, qui bene didicit loqui:  
 Qui bene tacere, non minus assecutus est,

**N**ivibus hyems exuperat; & ver floribus,  
 Aestas aristis affluit, lacrumis amor.

**S**i mihi lacerti, quales olim, nunc forent:  
 Non lingua potius tibi opem ferrem, quàm manu.  
 Nunc tarda membra, & sanguis adstrictus gelu  
 Conferere in acie cum hostibus manum vetant:  
 Prodesse patriæ voce & consilio sinunt,  
 Corpus abit annis: consilio animus viget:  
 Viresq; senibus defluunt, verba affluunt.

## Afficta Traber.

**H**ere, si querelis, ejulatu, fletibus  
 Medicina fieret miseris mortalium,  
 Auro paranda luvruma contra forent:  
 Nunc hæc adminuenda malo non magis valent,  
 Quàm nania præfica ad excitandos mortuos.  
 Res turbidæ consilium, non fletum, expetunt.

**U**mbre tellus, sic riganda mens mero:  
 Ut illa fruges, hæc bona consilia offerat.

## AD P. FULVIUM CAR-

## D U L U M.

**S**æpe transactos mea mens per annos.  
 Sit retrò, & vitæ relegit prioris,  
 Qua potest, cursum, veteres revolvens  
 Ordine culpas.

Quid puer, quid dein juvenis, quid autem  
 Temporis jam vir malè collocarit:  
 Dulcibus dum me furiat venenis

Dira voluptas.

Quas mihi imprudens maculas inussi?  
 Quo modo, ah demens! animum inquinavi.  
 Quem salutaris nuidum lavacri

Fecerat unda?

Corporis nec pars vacat ulla probro:

Os, manus, aures, oculiq; turpe

Heu jugum infamis domina tot olim

Lustra tulerunt.

Paululum hoc saltem fugientes ævi,

Viribus cassæ reliquum senectæ,

Quantulum Christus superesse vult mî;

Vindictet ipse.

ipse

*Ipse me pridem Veneris perustum  
Improbæ flammis rapiat, novoz  
Flaminis sancti iecur & medullas*

*Ignem pererret.*

*Tu tui instilla mihi Christe amorem:  
Unicum mens te mea concupiscat.  
Te nihil præter sibi persequendum*

*Judicet unquam,*

*Nil opes, nil me capiant honores:  
Exulet luxus simul & libido:  
Vana delulse procul hinc jacebant*

*Gaudia mentis.*

*Quiq; florenti malesanus ævo  
Nil nisi obscænum, peger heu, canebar,  
Nunc tuum tantum repetam senili*

*Carmine nomen.*

*Tu quoq; hunc votis precibusq; Fulvi  
Adjuva ardorem: quotiesq; sumis  
Mysticum Christi trepidus nitentem*

*Corpus ad aram:*

*Mente tunc tecum memori volutans,  
Trade me Christo: mea vota nam si  
Negligat, certe tibi nil potenti*

*Tale negabit.*

*Hoc idem chari mihi præstet oro  
Cura Massæ: & mea dicta quondam  
Qui nimis forsitan cupida bibeat*

*Bentius aure.*

*Bentius, quem rectum iter evagantem,  
Et parùm cantæ calidum juventa,  
Contigit virga Deus, in suumq;*

*Duxit ovile.*

Nunc

Nunc ubi expletus meliore mentem  
 Pabulo, currit per iter salutis,  
 Hec procul sequem sua post relinquens  
 Terga magistrum.

## T I B U R.

Quicumq; Herculei spectatis Tiburis arces,  
 Qua pater Hippolytus, sacri pars magna sena-  
 tus,

Cura Deum, loca perpetuo prius aspera saxo  
 Mollit, & leni iussu mitescere clivo,  
 Omnia deprenet longè superantia famam.  
 Nec tam regifico constructa palatia sumptu,  
 Aureq; illusas ades, radiataq; tecta,  
 Quam semper virides mecum admirabitur hortos,  
 Et gelidos fontes, & aquam in sublimè volentem,  
 Sed in multiplices vertentem, ut Protea, formas.

Præcipuè tamen illi animum novitate movebit

Excisus, res mira, silex, rapeseq; cavata,  
 Et via facta manu longi per viscera montis :  
 Qua se Antopater insveto pervolveret alveo.  
 Qui longum per iter tenebroso tramite lapsus,  
 Exit, & arboribus gelidæ non invidet undæ.

Stant habiles propter Nymphæ, lymphasq; paratis,  
 Exceptas urnis in vasa capacia fundunt.  
 Parte alia ipse suis altricibus adstat. Iacchus,  
 Materniq; memor casus, flammæq; paternæ,  
 Gaudet aquis, illisq; libens sua munera miscet.

Dum stupeo, tam multa videns miracula rerum :  
 Ecce novos procul alituum concentus ad aures  
 Fertur, & insolita mentem dulcedine tangit.  
 Adspicio : & gressum propius fero, corpora cerno

Parva



Parva ex are avium, aratis nitentia ramis,  
 Dadala quis variam tribuit sollertia vocem.  
 Quamcumq; adspicias, delusus imagine, veram  
 Essi putes volucrem: nisi quod non evolat usquam:  
 Sed ramis affixa suis cantu æthera mulcet.  
 At vera mirantur aves: & cedere dum se  
 Turpe putant, liquidis latè omnia questibus implent.  
 Hic Luce egregius labor est, quem Sequana partu  
 Ediderat, Siculi renovantem inventa magistris.

Quid? quem non moveat cygnum mentibus adulter,  
 Illudens simili spirantem à marmore Ladam,  
 Delitiisq; suis, & aquarum murmur letius?  
 Multiq; præterea veterum simulachra Deorum,  
 Artis opus prisca, cunctos verùm arduus inter  
 Eminent Alcides: qui specians omnia circum  
 Hesperidum veteres hortos præ Tibure tamnit.

Sed quid ego hæc versu nequidquam includere tento?  
 Jam pridem exiguum præscripti carminis orbem  
 Excessi: & distis semper majora super sunt.

Idem.

**D**elitis veterum Tibur volventibus annis  
 Conciderat, priscum perdideratq; decus;  
 Et nusquam rivi, nusquam pomaria, nusquam  
 Ulla super tanti signa decoris erant.  
 Illa loca antiquis toties celebrata Poëtis  
 Horrebant turpi squalida fæta situ.  
 Mœrebant erepta sibi sua gaudia Nymphæ,  
 Languentes Anio mæstus agebat aquas.  
 Omnia tempus edax ita deformarat, ut hospes  
 Quereret in mediis Tibure, Tibur ubi est?

Non

Non tulit hanc speciem divini pectoris heros  
 Hippolytus, sacri gloria magna chori,  
 Ille loco senium absterfit, vultusq; priores  
 Reddidit, & solito jussu honore frui,  
 Illius imperio jussa revirescere silvæ  
 Cæperant sparsis luxuriare comæ.  
 Ille novos passim fontes emergere jussit.  
 Nec mora sit: fontes prosilvere novi.  
 Quos circumstatuit prius egesta ruinis  
 Plurima Phidiae signa polita manu.  
 Ipse Anio frontem pallenti cinctus olivæ  
 Affuit, & proprias consociavit opes.  
 Jure igitur fontesq; sacri, silvæq; virentes  
 Certatim Hippolyti nomen ad astra ferunt:  
 Et, quoties nulli increpuit levis aura susurro,  
 Hippolytum alternis vocibus ingeminans.

## AD PETRUM GERAR-

D I U M.

O Delicati blanda ruris otia,  
 Curis & ambitu procul:  
 O dulce murmur limpidorum fontium,  
 O grata nemorum opacitas,  
 O sibilantes arborum ingentum comæ,  
 O prata verè gemmæ,  
 O solitudo amica cogitantibus,  
 O horror, ô silentium,  
 Cui nunc canoro gutture obstreperunt aves:  
 Nunc canna pastoris vagi,  
 Seu manè oves in lata ducit pascua,  
 Seu vespere reducit dominum.  
 O mensa nec luxu affluens, nec sordida,  
 Dapibus parata rusticis,

Quas

Quas non heri languentem ne irriter gulam,  
 Doliis saporavit coquus:  
 sed filiis juvenibus & seni viro  
 revera coxit villica,  
 O bibliotheca nota paucis, 6 libri,  
 Quos rara contrectat manus.  
 O cella tantum lectuli unus capax,  
 O somno liber, & levis:  
 O ad beatam tuta vitam semita,  
 Ignota vulgi sensibus:  
 Ut vos requiro: ut mente vos tota expeto,  
 Alia perosus omnia.  
 Ut laetus ad vos tendit, & gazis libens  
 Vos anteponit Persicis  
 Quicquid puro pectus Olmeo lavit,  
 Frondemq; mordet Delphicam.  
 Quis tu, Gerardi, cui profanis invios  
 Adire fontes contigit,  
 Pauper eadem sequeris, an sibi mala  
 Opum, aut perustus gloria,  
 Amantatiruris & dulci otio  
 Vitam anteponis aulicam?  
 O per Lyrei cognitos paucis specus,  
 Quos sepe lustrasti puer,  
 Ne spiritus amicus consili, quod dat senex,  
 Quodq; sibi, sed serò capit.  
 Aliter te otio avocantibus  
 Occludito aures, & fuge:  
 Canora monstra ut auribus cera oblitis  
 Laertis effugit puer.  
 Beata vita non metallo aut Indici  
 Spoliis paratur aquoris.

Animo appetenti pauca, quod sat est, sat est:

Avido, atq; inexpleto, nihil.

Cum tibi sit; unde liber, & plane tuus

Vitam quietè transigas:

Quis, heu, furor te, quis, rogo, impellit furor,

Vincta ultrò ut induas tibi;

Et more pulchrum vivere alieno putes,

Nutius timentem divitis?

Age rumpe nexas, & jugum collo excute,

Vindexq; & assertor tui,

Aude esse felix, & procul cuncta amovens,

Quæ mentem humo adfixam tenent,

Per liquida puri spatia decurre ætheris,

Æternatantum cogitans.

Et ista sortis lubricæ ludibria

Miranda vulgò desere;

Utinam mihi olim, flore cum primo rudes

Juventa opacaret genas.

Amicus aliquis ista monstrasset senex,

Quæ nunc tibi ipse cantio:

Non ego perisse lustra tot in aula mihi

Vanis dolorem questibus,

### Dedicatio hortorum Tiburti- norum.

**N**ec labor Alciden fregit, nec blanda voluptas

Unquam animum casti mollii Hippolyti.

Ambarum hos hortos virtutum aciens amor,

Herculi & Hippolyto dedicat Hippolytus,

Idem.

**A**lrea sopito rapuit quæ mala Dracone

Alcides, eadem nunc tenet Hippolytus.

L l

Qui



*Qui memor accepti, quos hic consererat hortos,  
Auctori voluit muneris esse sacros.*

Bacchus fonti impositus.

**N**ondum natus eram, cùm me propè perdidit  
ignis.

*Ex illo fontes tempore Bacchus amo.*

Idem ex aduerso respiciens fontem  
Nympharum.

**Q**ui celitis Bacchum, comites simul addite Nym-  
phas:


*Nam sine ope illarum munera nostra nocent.*

In tabulam Tantali.

**S**i quando admittant sua te ad secreta potentes,  
Quisquis es, exemplo dicte tacere meo.

In tabulam Jasonis navigantis, & Herculis  
raptum Hylam querentis.

**V**iribus auferres, quod fraude parabis Jason:  
Eripit Alciden sed tibi raptus Hylas.



## PROLOGUS IN PHORMIO- NEM TERENTII.

Cùm eam aliquot nobiles adolescentuli Hip-  
polyti Cardinalis Ferrariensis iussu  
acturi essent.

**E**t si scio esse hic neminem, qui nesciat  
Quid apparatus noster hic velit sibi,  
Tamen mearum partium esse existimo,

Inter:

Interea dum se mei sodales comparant,  
Bona cum venia vestra, pauca dicere,  
Quæ scire vos, & vestra, & ipsorum interest.

Comædiam Terentiæ acturi sumus,  
Cui Phormion nomen ipsius indidit,  
Quod Parasitus in ea Phormio primas agit.

Nec hoc videri debet aut mirum, aut novum:  
Quando quidem in omni vita, nedum in fabulis,  
Parasiti, scurræ, sycophantæ, omne id genus,  
Bonis repulsis, ipsi jam primas agunt.

Quod si quis est, parùm decorum qui putet,  
Juvenes ingenuos personatos conspici, in  
Scenam prodire, & quasi facere histrionism:  
Is sibi responsum hoc habeat, nulla re magis  
Dijudicari omnia, quæ mortales agunt,  
Quàm sine, quem is, qui quid agit, proponit sibi.

Qui Scenarum artem vilius causa faciliant,  
Et, ut coquis ac laniis risam excitent,  
Distorquent ora, insulsa dicta detritant,  
Contundunt pugnis se invicem, atq; horum omnium  
A plebe viles exigunt mercedulas,  
Merito histrionum nomen & famam ferunt.  
Nil simile nostrum est. Nos, ut nostram industriam  
Vobis probemus omnibus, ut communi hero  
Hilarem animam, cui debemus omnia,  
Unum id petentes, hunc laborem cupimus.

Quamquam ô supremi cœles, quem jam omnium  
Pudere debet personatum conspici,  
Cum id omnis ætas, omnis ædo factu et?  
Sed nolo nunc ulcera cujusquam tangere,  
Ne quis satyram esse hanc dicat, non comædiam.

Nunc unum à vobis priusquam hinc abeam, postulo:  
Si vos, quod vestri honoris causa sit, juvat.

*Averte, & vigilate animis, vigilate auribus,  
Dormite linguis, qui tacere non queunt,  
Benefecerint, si cesserint iis, qui queunt,  
Ne & turbent alii, & morbum prodant suum.  
Facite, ad conanda in posterum nos talia  
Benitas ut vestra, atq; æquanimitas excitet.*

AD ANT. MONTECA-  
TINUM.

**T**andem querelis pone modum tuis,  
Et fata mæstis invida vocibus  
Clamare, crudelesq; Divos  
Cum gemitu lacrumisq; parce.  
Nam, quid Lycei juverit avios  
Lustrasse saltus, fontibus ac sitim  
Ex vulgo inaccessis levâsse,  
Ingenioq; adisse Divos:  
Si mentis stud præsidium tuum  
Perrumpit, & sese intus agit dolor,  
Imisq; fervens in modullis,  
Te quasi perdomito triumphat?  
Magnam doloris fata quidem tibi  
Causam obtulerunt, qui tibi cognitum,  
Longoq; earum usû sodalem  
Hannibalem ante diem abstulerunt.  
Qui quanquam avitis sat titulis domi  
Fortisq; clarus, non tamen id sibi  
Satis fore ornando putavit,  
Ni proprios etiam ipse poneret  
Labore magno quereret impiger,  
Comamq; lauro duplici necteret,  
Et qua ferox Gradivus, & qua  
Pulcher Apollo suos coronat.

Heu quis Deorum mentibus addidit  
 Fame illam honestis immodicam sitim?  
 Quam saepe multis illa tristem  
 Funeris acceleravit horam?

Sed, quorsum inanes jam querimoniae?  
 Ille ipse, quem urges questibus, Hannibal,  
 Felix, & insertus Deorum  
 Concilio, mala nostra ridet.

M. ANTONII MURETI IN-  
 STITUTIO PUERILIS COMPREHENS  
 A  
 versibus ad captum puerulorum, qui  
 primis literis imbuuntur, ac  
 commodatis.

AD MARCUM ANTONIUM  
 FRATRIS F.

**D**um tener es, MURETE, avidis hæc auribus  
 hauri:  
 Nec memque modò conde animo, sed & exprime fa-  
 ctis,

Inprimis *venerare Deum: venerare parentes: Venerare gen-  
 Et quos ipsa loco tibi dat natura parentes.*

Mentiri noli, nunquam mendacia prosunt.

Si quid pecceris, venia est tibi prompta facienti.

Disce libens, quid dulcius est, quàm edere multis?

Discerunt emulantur opes, consulantur honores.

Si quis te objurget, maledicet, qui facit, id.

Gratiam habet, & ne iterum quod objurget, faciat.

Ne temere hunc credas, tibi qui blanditur, utis.

Peccantem puerum quis pater non corripit?

Qui semel incautum blandi facit, ne faciat.

Ille quidem, dabitur prodes ut sis.





Blanditur primus, sed perdit inertia famam:  
 Aspera res primo est, sed forte industria laudem.  
 Aut vinum ne tange, aut multa proluet lympba:  
 Cum vino indulges, igni puer adjuvis ignem.  
 Fac tibi sit vultus comis, sermoq; modestus:  
 Sic multos facile tibi conciliabis amicos.  
 Semper opum studio praefer virtutis amorem.  
 Non pibus virtus, sed opes virtute parantur.  
 Discite, & quae discis, memori sub pectore conde,  
 Aut facies tantundem, ac si cribro hauseris undam.  
 Irasci noli temere, nil facilius ira:  
 Quam quaecumq; movere solent, ea temere laus est.  
 Venti agitant celsis positas in montibus ornos,  
 Aquibus in media tuta est arbuscula valle.  
 Sic & opes agitant majora pericula magnas:  
 Tutior angustus comitatur vita penates.  
 Pauca loqui puero, sed tempestita decorum est:  
 Haec etenim ingenium res indicat, illa pudorem.  
 Scire cupis, quae sit famae via certa paranda?  
 Talem te praesta, qualem te postcis haberi.  
 Verbera non metuet, metuet qui iussa magistri:  
 Haec qui contemnet, merito miser ille timebit.  
 Quam felix puer est, virtus in quo anteit annos.  
 Illum omnes meritis certatim laudibus ornant:  
 Et spectant cupide, & felicia cuncta precantur.  
 At contra nemo alloquio dignatur inertes.  
 Spernuntur cunctis, & vulgo fabula fiunt:  
 Vix oculis pater ipse illos satis aspicit aquis.  
 Non tantum in praesens obsunt peccata: sed hoc plus,  
 Ad mala quod proclivem animum ad consuetudine red-  
 dunt.

Quae bona sunt, sectare, etiamsi dura videntur *Dura, dura.*  
 Principio, longus tantum ea mollet usus.

Acceptum officium memora atq; extolle: sed abs te  
 Collatum extenua, & potius sine prædicet alter.  
 Utilitas quoties pugnare videtur honesto,  
 Ne dubitare quidem fas est, quin vincat honestas,  
 Pauca quidem hæc: sed quæ studio servata perenni,  
 Mirificos fructus progressu temporis edent.

Adspiciat tantum capitis Deus: omnia cuius  
 Consilio eterno & certa ratione reguntur.

Quem tu & luce puer prima, cum strata relinquis  
 Surgere ampiger, & dulcem repetis cum vespere somnum,

Supplicibus facito plates ante omnia votis.

Ille tibi ingeniumq; sagax, corpusq; salubre,

Et multo meliora dabit: diffidere noli.

Tu multo ad illius semper refer omnia laudem.

JOHANNES MATTHÆUS TOSCA-  
 nus Ad M. Antonium Muretum Pres-  
 byterum, civem Romanum &  
 Oratorem, &c.

Certamen, MURETE, novum: te Gallia civem  
 Afferit hinc; illinc terra Latina suum.  
 Quem nunc implentem Romana palatia voce  
 Eloqui priscum restituentem decus:  
 Attonitus stupuit p. st ter sibi seculâ quina,  
 Tybris manditos dum b. diu aure sonos:  
 Te mea Roma suis dum super civibus ultro  
 Annuerat, gaudens tali. verba dedit:  
 Terra mihi tales Lemovix dum tenuit alumnos,  
 Nil te, ARPINE, moror municipesq; tuos.



SEQVUNTUR QVÆDAM  
CARMINA, VEL CARMINUM

Fragmenta ejusdem Auctoris; vel  
aliorum in eundem.

*Nunquam antea in lucem edita.*

MARCI ANTONII MURETI  
CARMEN

DE S. ANDREA APOSTOLO.

**I**c mihi musa virum, Geticas qui primus in  
oras  
Intulit æternæ fulgentia signa salutis:  
Mox se regna ferens alacris per Achaica vi-  
tor.

Dum parat usq; novos antiquo ex hoste triumphos,  
Sacra vit veteres generoso sanguine Patres.

Tu modò tot, sævis quo tempestatibus actæ  
Se tamen, ut possint, solantur præsule Senæ,  
Huc adhibe Franciscæ animæ, mecumq; revolve  
Egregii ANDRÆ laudes, dignataq; cælo  
Facta libens, aram tu illi statuamq; duasti,  
Quæ Vaticanæ insignis spectatur in ade.  
Nos dabimus vena ductas è paupere versus.  
Quod poterit, det quisq; est & sua gratia parvis.

Sustulerat cælo victor se Christus opimis  
Insignis spoliis, princeps Acherunte recluso  
Clara triumphatæ referens insignia mortis:  
Lustrataq; suos sancta cum matre fideles  
Munere linguarum, & promissi fluminis aurâ.



Conveniunt paucis post illa expleta diebus  
Magnanimi heroës, Petro indicente senatum,  
Tum monstrante Deo, qua sit provincia cuiq;  
Demandanda, agitant, sacri quam semine verbi  
Conserat, atq; viam populis præpandat Olympo:  
Et sparsæ intrepidus testetur sanguine Christum.

Ergo alias alii: Thracum, Illyricumq; Getasq;  
Perpetuis nixibus glacięq; informia regna,  
Suscipit Andreas: quanquam illi plurima frontem

Ruga erat, & seros cunum caput indicat annos.  
Sed stimulat, viresq; sui amor ipse ministrat.

Vade, ait, & lacrymis vultum illiusq; suumq;  
Irrorat, Petrus, vade ô charissime, qui me  
Deducti ad Christum primus, germane, mei;  
Vive memor, memor usq; tui vivam ipse, vicissim.  
Qui tibi caussi via est, idem tua cæpta secundet.

Ingeminant eadem hæc alii, fletuq; madentes  
Amplexi inter se, felicia cuncta precantur.

It senior, Christumq; unum, quæcunq; gradum fert,  
Prædicat: hunc unum cunctis in vota vocandum,  
Exitio mentita suis cultoribus esse

Numina: ab una hominum Christo pendere salutem.

Irrident alii, motaq; hac mente putantes

Delirare senem, sputo saxisq; sequuntur;

Sunt etiam qui vincula parent, pœnasq; minentur

Turbanti veterum cultus & sacra Deorum.

Sunt tamen & quorum tetigit præcordia Christus,

Qui veterum fœli errorum caligine pulsa,

Attentas moris præbent caelestibus aures,

Illis fide primum, sine qua nil cætera prosunt,

Suavitas docet cæpta, & sancti connectit amore.

Tum iussu sperare, salubribus abluit undis:

Impunitq; manus, & sancti flumine firmat.

Acce-

*Accedunt extemplo alii, & socia agmina jungunt:*

*Sic quondam latis Cerealia semina campis  
Cum spargit, plenusq; manu diffundit arator,  
Pars cadit in cautes, succoq; carentis saxa,  
Pars leniter terræ nullis radicibus hæret:  
Atque illam volucres rostris populantur acutis:  
Pars etiam in sulcos, atq; ipsa in viscera fertur  
Telluris, gremioq; illic concepta tenaci  
Fruge nova dominos opulentat, & horrea complet.*

*Odrysius tandem in fines, adoperta pruinis  
Arva, bipennifero quondam regnata Lycurgo,  
Peruenit, & torvæ purissima pectora gentis  
Insolui tamen eloquii dulcedine mulcet.*

*Conveniunt fluviiq; Getæ, picliq; Geloni,  
Quosq; imposta vagis agitât domus annua plaustris,  
Cormipedisq; sui solitus potare cruorem  
Sarmata, quasq; alias sinuosa binominis Istri  
Ripa vehit gentes, rigidis corda obsita feris,  
Paulatimq; truces animas, eduraq; ponunt  
Corda volente Deo, & moniti meliora capeffunt.*

*Editus his ipsis olim regionibus Orpheus  
Creditus est cantu liquido, fidibusq; canis  
Et rabiem dempsisse feris, & sistere iussis  
Fluminibus, silvasq; post se traxisse sequentes.*

*Prior hic Orpheus, homines qui vivere raptâ  
Affueos, solisq; sibi jus ponere in armis,  
Quosdam etiam cæsis, feritas horrenda relatu,  
Hospitibus vesce, & sectos in grandia frustra  
Aut torrere veru, aut mollire tepentibus undis,  
Taliaq; obscænis imponere fercula mensis,  
Impulerit fando ritus abolere nefandos,  
Et prius effera colla iugo submittere Chæisti.*

*Jamq; Borysthenios fluctus nitidumq; Dyraspen;*

*Quiq;*

Quis Europæis Asiam determinat arvis  
 Multifidum Tanain, teq; ô saxose Cynapos,  
 Quæq; alia ex alta spectat piger arce Bootes,  
 Plurima nunc ratibus, nunc per via flumina planstris,  
 Illa sacrum Christi pervaserat omnia nomen.  
 Unum omnes Christum ripæ, unum antra sonabant.

Cùm senior, Sat jam his inquit, regionibus actum.  
 Perficiet, quod deest, qui perficit omnia Christus.  
 Queramus nova regna, odit victoria segnes.  
 Substitit hac fatus paulum; dein lumina cælo  
 Attollens, sequor ecce, sequor quocunq; vocaris,  
 Tu modo præsentem mentem mihi numine firma.

Sic fatur, gressumq; ad Achaica dirigit arvis,  
 Multa movens animi, sanctus comitatur euntem  
 Spiritus, & rabur fessis senio artubus addit.

Reliqua desiderantur.

### E J U S D E M.

AD GREGORIUM XIII.

PONT. MAX.

**Q**ui tibi ab Eo repetitas littore conchas,  
 Divitis aut auri pondera multa ferat:  
 Illum ego scire negem, quæ tu Pater optime, dona  
 Longè auro & gemmis anteferenda putes.  
 Uaa tibi virtus, virtus in amoribus una est,  
 Veræ & virtutis gloria vera comes.  
 Ergo ut amans tabulis dominæ referentibus ora  
 Gaudet, & ante oculos semper habere cupit:  
 Sic te expressa juvat veræ virtutis imago,  
 Nec tabula est oculis gravior ulla tuis,  
 Tale igitur manus tibi nunc Picolominus offert,  
 Senensis præsul gloria prima soli:

Biseno

Bissen *Ænea* conclusa volumine facta  
 Pontificis verè nomine reg<sup>is</sup> Pii.  
 Qui virtute olim sedem proventus ad istam,  
 Ad quam eadem virtus te Pater alme tulit,  
 Ingentes toto compescuit orbe tumultus,  
 Et placido reges fœdere composuit,  
 Hortatus bellum Christi convertere in hostes,  
 Atq; *Asiam* illorum faucibus eripere.  
 Ad quæ se accingens magno molimine cæpta,  
 Multa bonis frustra flentibus, occubuit,  
 Forsan & hanc Christus, Princeps ter maxime, laudem  
 Servatam in tempus distulit usq; tuum.  
 Thracius ut tandem p̄sua feritate tyrannus  
 Colla tuis ultro subiciat pedibus.  
 O ita sit: cumuletq; tuas hæc gloria laudes:  
 Gregorij hic titulis adjiciatur honos.  
 Interea hæc placido vultu cape munera, ei<sup>us</sup>  
 Qui tibi summissus porrigit illa, fave.  
 Ille Pii, ut nosti, genus alto è sanguine ducit;  
 Nec vixit prius inficiandus avis:  
 Plurima sed tractans & maxima munera, semper  
 Se culpis expertem omnibus exhibuit.  
 Nunc exacta ætate illud sibi postulat unum,  
 Uti se haut ingratum sentiat esse tibi.

## E J U S D E M.

AD DOMINUM ZAMOSCIUM  
 POLON. CANCELL.

Bina mihi artifice cælato n. misrata dextra  
 Magnus ab Antio. misit Zamoscius orbe  
 Aurea, non vane memorabile pignus amoris,  
 Sæpe meo optatos animo referentia vultus:

Magna-



Magnanimi primum regis, quo Martia gaudet,  
Quoq; caput caelo ductore Polonia tollit.

Aspicis, ut latè veneranda coruscat imago,  
Cunctaq; diffuso circum loca lumine conplet?  
Non ea vis auro: nec per se lamina lucet,  
Nec radiat rutuli nativâ luce metalli:

Majus ab impressâ sed ducit imagine fulgur:  
Atq; ipsum STEPHANI sacer aurum vultus inanrat.

Contemplantur auresq; oculos fr̃ntemq; verendam,  
Et dignam imperii faciem, dignamq; triumphis:  
Ut se omni ex parte animi vis virida profert,  
Degenem luxum mollesq; exosa paratus:  
Ut spirat generosum, ipseq; videtur in auro  
Regales agitare imo sub pectore curas,  
Exitum Turcis, meditari & vincula Moscho?

Hic vir, hic est natus virtuti & fr̃tibus ausis:  
Cui duo tota pares alios si Europa tulisset,  
Thracius haud ultra nobis illuderet hostis,  
Sed pr̃fugus toto latèbras sibi quæreret orbe.

Altera larva loco pariter mihi grata secundo,  
Subjicit ante oculos auctorem muneris ipsum,  
Cujus conveniens meritis imponere nomen  
Qui velit, in vestri regis vocitarit Achaen.

Hinc te igitur, tua mi propius quando ora tueri  
Non licuit, cupidumq; isthac invisere Regna,  
P̃mittis tenuit non detrectanda potestas?  
Zacynthi magne aspiciam, & persæpe nitenti  
In te defixam solabor imagine mentem.  
Zeno oser, per quem Marti sociatus Apollo est,  
Qui vetera herum accumulans, & Nestora dulci  
El̃quid ex æneâ, & forti pectore Achillem.  
Et leges armis firmans, & legibus arma,  
Victtricem laurum pacata intexis olive,


Arbi-

Arbi  
Impar  
Sat  
Pect  
Vos e  
Astra  
Falla  
Aula



M

VIR  
trove  
quo d  
LXXX  
tcha  
cisc



Mergo  
Flebam  
Quis sc  
Hen d

*Arbiter idem almae pacis, bellique minister  
Impavidus, laus egregiæ propriae ULTRAQUE CIVIS.*

*Salvete o animæ fortes, incertaq; honesto  
Pectora: Et ignavo non pervia corda timori.  
Vos ego, quantum ævi dabitur, super ardua cantu  
Astra feram, nunquam reticens vestra inclytæ facta,  
Facta aliis, quæis nomen idem, sed non eadem est mens  
Aut animos facturæ, aut incussura pudorem.*



## E P I C E D I O N

IN

MARCUM ANTONIUM

MURETUM.

VIRUM SUE ÆTATIS SINE CON-  
trovertia eruditissimum, scriptum eo ipso die,  
quo elatus est, Nonis scilicet Junii, anno M. D.  
LXXXV. in summo animi dolore, & dictum in  
schola Rhetorices auditoribus suis à P. Fran-  
cisco Bencio Societatis Jesu, inter quem &  
Muretum, multa extiterant mutua  
caritatis argumenta.

**N**AM quid dissimulo? quid conceita corda tu-  
multu,  
Mendax fronte premo? lacrymas quid in ore  
nocantes.

Mergo? quid misero non rumpi pectora questu?  
Flebitis; est quædam mœrenti flere voluptas.  
Quis scit, an & nostrum de leatis forte d. l. rem?  
Heu dolor immensus, minor o quam causa dolendi,

Tuz

Tuq; dolere minor luctus, quid tenditis ultra?  
 Hui quid certatim consinditis hac miserum cor,  
 Cor lacerum, cor luctificis inamabile curis,  
 Cor siccum, cor lumimbus cupientibus ulla  
 Ferre negat lacrymas, & iniqua mente resistit.  
 Nam cur largifluo non manant omnia fletu,  
 Cur tonat interius pectus modò turbinis instar,  
 Quem claufere cave pectusq; hausere caverna?  
 Nec licet indignans, ceco de carceris antro  
 Evomit undiflas lacrymas fractiq; remugit  
 Marmure, & horrifico se rumpit ventus biatu.  
 Muretus perit, heu perit Muretus, & omnes  
 Divitias linguae secum abstulit, abstulit omnes  
 Delicias Musarum, & amicas mentibus artes  
 Ingenuis quicquid Graecis, quidquidq; Latinis  
 Condiderant veterum chartis monumenta virorum.  
 Nam seu Socraticis sermonibus appulit aures,  
 Sive in Academi lucis, seu forte Lycei  
 Dulcibus alliquis lata spatiat in umbra est:  
 Proximus è primo semper fuit, illicet illa  
 Sicut apes flores & rura balantia circum  
 Omnibus è pratis decerpfit singula libant  
 Dulciaq; è foliis expressit victor amaris  
 Mellis, quibus prisco collectum nectar Hymetto  
 Mirata est nostra atq; omnis mirabitur aetas  
 Sive etiam sacri pendentem oracula iuris  
 Seu morum officia & vite laudanda docentem  
 Munera, & omniq; dulces è fontibus haustus  
 Instillantem animis & grandia verba tonantem  
 Flammis in morem vel caelo fulminis acti.  
 Andit ipsa sui pendens iam civis ab ore  
 Gallia, mixta etiam Italia & Mavortia Roma  
 Emula cognovit Marci, Marci aurea verba.

Is nostram super ætatem, propiorq; vetustæ  
 Ire videbatur, veterumq; retundere fasces.  
 Heu quoties illum plausus populiq; patrumq;  
 Dicentem excepit, nimiumq; libentibus hausit  
 Auribus, ille quidem magnarum nomine regum,  
 Pontifici summo gratatus sæpè liquenti  
 Purius electro eloquium profudit ab ore,  
 Montanis nivibus niveq; similis amari,  
 Ille Pii dudum mæstissima funera Quinti,  
 Mox Caroli funesta tui fera Gallia Regis  
 Atq; Tolosani Fœdi solennia iusta  
 Debita deflevit duri solamina casus;  
 Ille etiam immanes Turcas cum contudit armis  
 Classis Christicolum & victrix dare terga coegit,  
 Atq; constravit trepidantibus æquora Pæuis  
 Lætia ingenti & magnis clamoribus inplens  
 Hanc urbem; Romaq; lætus colimurq; Quirile,  
 Exiit ad cælum divina laude Colummæ.  
 Quid cum etiam nuper (vox ô Cygnea, tener iam  
 Nunc etiam mentem, & dulcis sonus occupat aures)  
 Ad Patricum, patribus quos purpura velat  
 Hortator fuit, ex alto velut æthere missus  
 Pontificis formam evolvens & munera summi, &  
 Quem legere ipsi descripsit pœne legendum.  
 Nec mædo Roma tibi, Muretus cognitus ille,  
 Quem veteris specimen linguae morumq; iuorum  
 Admirata tuis adjungis civibus ultro.  
 Unde etiam attentum fers tristi fronte capillum.  
 Sensit eum, caput Oceano quæ si mirum sol  
 Exeret aut condit celum, quæcumq; perusta  
 Sole rubet, quæcumq; gelu nivibusq; rigescit.  
 Certe illum & bello & paci nova gloria, rector  
 Sarmandum Stephanus, regnum quod protulit armis,



Augeat, ut rerum doctrinarumq; repertis  
 Muneribus magnis excitum accersit olim:  
 Et traheret, si non Romani amittere cives  
 Hunc veritatis sanctusq; Parens migrare parantem  
 Et monitu & precibus tenuissent. Hei mihi dicam,  
 Dicam aliquid, dolor invito de pectore voces  
 Elicit, ipse etiam hortando & fortasse monendo,  
 Pars non magna fui. Quid enim meus ille Magister  
 Quid pater ille meus, nam sera aetate creatum  
 Me sibi iactabat quondam, quid filius eben  
 Filius? ut Patrem tu me, Murete, colebas,  
 Idq; etiam pra te semper deslende ferebas.  
 Ipse ego te contra dulci certamine patrem  
 Dicebam, te quando hiemes certo ordine septem  
 Audii inexpleto discens & sedulus aure  
 Dicta bibi, quae post tenui mihi fluminis alveo  
 Effluerent, parvae ut possent adulescere silvae.  
 Muretumq; omni Muretum fonte sonarem.  
 Ipse mihi sensus animi eurasq; lucentes  
 Concilio & dicto & facta bene dilecte solebas  
 Credere, quae studio te gerem commissa fideli.  
 Sed quamvis persaepe dares mihi commodus aures,  
 Et morem, ut fatear, gereres persaepe monenti,  
 Non tamen omnino tu nostra es dicta sequutus.  
 Nam quoties quoties ignari nescius ori  
 Pervigili studio noctesq; diesq; irabebas,  
 Ipse laboranti contra vigiliq; quietem  
 Praeteritig; memor svasi, metuensq; futuri.  
 Nunc vero infelix vates verissimus augur.  
 Quid quod & urgenti tandem vergente senectus  
 Edere curares, quae cunctis edita prosint,  
 Ex utriusq; opibus poteras? quae plurima linguae,  
 Tu tua non faciens magni, quae maximus orbis

Attonitus colit & pascit, sermone modesto:  
 Spem tamen haud omnem eripiens, plerumq; negabas?  
 Multa quidem sunt à Mureto & magna, sed ipsa  
 Credite plura adeo nec sunt fortasse minora.  
 Quæ jam jam affecta aut potius confecta volebat  
 Promere, & ante diem, nî deesset vita, volebat.  
 Ante diem moritur, quâ viveret utilis urbi,  
 Nec dum etiam bis tricenos expleverat annos.  
 Mitto ea, quæ calidæ abreptus fervore juventæ  
 Quorum & pœnituit, fudit juvenilia, navq;  
 Vera loquor, velut immaturo tempore scetus  
 (Nec satis ille pios dicebat providus à se  
 Expulit expungens, quod præferi pagina nomen,  
 Certus enim & flavio & rapidis commutare flammis.  
 His missis, quantum ô puro sermone Terenti  
 Et quantum ô Tulli, quantum ô Vennifine Piæta  
 Et Tacite & Seneca & sinuosa volumina juris  
 Spissum opus & propriis innectens vincula vinculis,  
 Quantum illi doctæ debes doctissime gentis  
 Doctor Aristoteles? latio sermone loquentem  
 Quem fecit, nîstroq; etiam nonnulla rogatu  
 Ferme opus extremum, sed quis numerare potis sit  
 Omnia, quæ pulchris apparent illita charis?  
 Nam quid carminibus memorem laudesq; virorum  
 Et sanctorum alta cæli quos Christus in aula  
 Exhilarat vultu? Tiburcinumq; recessum  
 Quem Pater Hippolytus priscorum æquavit honori,  
 Magnaq; quæ pueris, tantus vir, condita versu  
 Argolico præcepta dabat versuq; latino,  
 Sunt pueris præcepta, viri quæ implere docendo  
 Latentur, metuant non discere. Magne Tuane  
 Felix morte tua, cui tanti nominis auctor  
 Obligit, ut grandi celebraret carmine vitam.

Tantum ille & versu poterat, Tu Mantua testis.  
 Sanctorum ad laudes Mureti dubciter hymnos,  
 Scilicet in templis sacra inter munera cantas.  
 Lauretana domus testis, cui nobile carmen  
 Quod sacratum olim vates pius edidit, audit  
 Orbis, & haeretica haud potuit contemnere pestis,  
 Anne etiam memorem variarum illustra rerum  
 Doctorum contrita manu monumenta lepore  
 Aspersa egregio, qualem non Itali tellus  
 Nisi fallor, nec fallor enim, gustaverat unquam?  
 An ne etiam ad caros olim quæ crispit amicos?  
 Sed quid ego hæc memorem nostra quæ cognita seculo  
 Postera laudabunt, & noscent secula, dum se  
 In mare præcipiti devolvent flumina lapsis?  
 Dicam ea, quæ multis incognita, nec mihi soli  
 Cognita, cum certos liceat producere testes.  
 Proh quantum amittis Stagira civis, & omnis  
 Historia princeps, Plato quantum tu, quoque, quantum  
 Thucyde & Livy, & Xenophan, & grandis Homere?  
 Proh quantum legum rudis indigestæq; moles?  
 O Tully, o Crispus, o Plin, o lenissime Casar,  
 O qui multarum panatis miracula rerum,  
 Atq; victæ historias & vitæ scribis, & omnes  
 Instruis opibus, tutar be, & moribus ornas.  
 Deniq; quicquid est oculis dignatus & alto  
 Ingenio auctores, quantum amissis in uno?  
 Id quidem maculas tergebat & abrita sensa  
 Exponebat, uti foret ad consulta vocatus  
 Quilibet ut calamo mentem commisit & orti.  
 Sed quid ego hæc miser? Infelix amittere majus  
 Quid potui? in me omnis cecidit collapsa ruina  
 Et prope sum tantæ cumulatus pondere molis.  
 Illius, haud fruar alloquio, lucemq; morantem

Et ma

Et matut  
 Atque in  
 Hæc Ma  
 Beucium  
 Quid me  
 Nam tib  
 Quæppe  
 Ex anim  
 Maximu  
 Redditus  
 Roma fac  
 Atq; fac  
 Puscenti  
 Nec lacry  
 Nec min  
 Instru  
 Militib  
 Commod  
 Quod jam  
 Omnibus  
 Visere  
 Insignis  
 Tam ran  
 Distasti  
 Consilii  
 Quod v  
 O Deus  
 Hunc ag  
 Et tamen  
 Omnia c  
 Ut tua l  
 Quem d  
 Me, me

Et matutinas consumens dulciter horas  
 Atque inter risus delibans seria dicta.  
 Hac Murete unum Franciscum incommoda tangunt  
 Bencium, & agnosci lacrymans: lacrymabilis idem  
 Quid merito debeat, quantumq; amiserit eheu.  
 Nam tibi jam tandem requies concessa laborum.  
 Quippe sacerdotem, ut spero, majora parantem  
 Ex animo Christus perpendens facta, sacerdos  
 Maximus, ætherio in solio considerare jussit,  
 Redditus & merito socium te adscivit Olympo.  
 Roma sacerdotem te nonum viderat annum  
 Atq; sacerdotum tibi rector & arbiter orbis  
 Puscenti veniam Xistius concessit abunde,  
 Nec lacrymas tenuit, quin & miseratus euntem est.  
 Nec minor ex isto spes est, quod tu omnibus armis  
 Instruatus, cæli confors Ecclesia quæ dat  
 Militibus ceu victor abis: quod publica Xistius  
 Commoda quæ tribuit proprius convertis in usus.  
 Quod jam jam Christi satiandus corpore, coram  
 Omnibus ad sacrum obsequium, qui accedere, quig;  
 Visere te poterant, multum lacrymantibus ultro  
 Insignis pietas nullum reticenda per ævum  
 Tam rati o exemplo, famulos quos munere largo  
 Ditasti, & partem haud meritos, veniam petis, auctor  
 Consilii Deus ipse fuit, noctemq; diemq;  
 Quod vidi, hoc tantum consumptum munere vocis,  
 O Deus, ô Christe, hunc anima fugiente vocas  
 Hunc agitante animo singultibus interraptis.  
 Et tamen hæc inter, meminî & memcrare decorum est  
 Omnia cum memorem fugissent avia mentem,  
 Ut tua luminibus fixisti lumina nostris  
 Quem dudum oraras, ne summo in tempore deesset  
 Me, me cognosti & voluisti dicere patrem.



Deseruit prior heu conantem syllaba linguam  
 Atq; p[er] p[er]a, tantum profers & brachia pandis.  
 Heu dolor; hinc tandem luctatus tempore longo  
 Spiritus invito de corpore decedebat:  
 Et pulchrum vultu placido latumq; reliquit.  
 Hinc verò ad templum trino quod numini & uni.  
 Addictum celebrant Galla de gente sodales,  
 Quos coluit semper donisq; ingentibus auctos  
 Quos voluit moriens, dum plures ordine cæcus  
 Funereas de more faces longo agmine portant,  
 Alternantq; preces, sollemni funere fertur.  
 Filius hanc fratris rerum & cognominis heres  
 Prosequitur longè procerum comitante caterva.  
 Jam Murete vale, vale ò Murete, sequar te.  
 Duximus exequias, & vitam ducimus eheu.  
 Te sine vita gravis, sine te sine mente relinquer.  
 Egredi juvenes vos, ò mea maxima cura  
 O vestri memores generis miserescite vestri,  
 Cui suus abscessit, nec opina morte, magister.  
 O ego, si possem vestros auferre dolores  
 Carminibus, nunquam facerent hæc carmina finem,  
 Sufficeretq; dolor lacrimas, lacrimaq; dolorem,  
 Et quantum est vitæ, quantum est in corpore robur.  
 Efficerem ut Mureti, vobis me nòset amantem  
 Atq; quini audiret testantem vulnura fletu.  
 Sed dolor haut ponit vires, crescitq; medendo.  
 Crudefcitq; magis; nec desit causa doloris.  
 Muretus perit, revocari funera longo  
 Haud possunt fletu, ac lacrimæ & testantur amore.  
 Et desiderium prærepti pignoris ingens.  
 Quod mihi si liceat superis extollere molem  
 Atq; tuis Murete equam virtutibus, addam.  
 Hæc etiam æternum ut scribantur verba sepulchro.

Mure-

*Muretus jaceo hîc precibus me attolle viator.  
Gallia me genuit. Veneti florente juventa  
Excepere, virum venerata est Roma, senemq;  
Corpus humi, ingenium in scriptis, mens sedit in astris.  
Hoc ipso claudam lugubres omine cantus.*

PHILIPPI POELARII BRUGEN.  
FLANDRIÆ. C.

IN OBITUM ERUDITISSIMI  
Ornatissimiq; Viri

M. ANTONII MURETI  
POETÆ ATQVE ORATORIS OPTI-  
mi, elegantissimi omnium Philosophi, Juris in-  
terpretis prudentissimi, atq; omnis antiquita-  
tis benè periti, civis Romani, præcepto-  
ris ac patroni optimi.

**R**OMA diu felix insuetos edere questus  
Lucipe; Roma novis mœrens ululatibus adde  
Lamenta, adscriptum nam fata immittit civem  
Eripuere tibi, qualem vix præca tulerunt  
Secula, seu Decios numeres, clarosq; Camillos,  
Facundo doctos seu cum Cicerone Catones,  
Roma flexis studiisq; tuis qui favit, & auxit  
Teq; inopsq; diu, ne possis barbara dici  
Qui fecit vigili cura & conamine miro.  
Deseruit terras, doctissimaq; ora quierunt  
Quæ Phœbi meritò poterant oracula dici.  
Heu quonam blando vultus condita decore  
Majestas abiit? quonam facundia? quonam  
Quæ ornata magnis fuerant virtutibus illæ,  
Illæ, inquàm, ingenii dotes? Prudentia quonam?

*Muretum, cur non servastis, dicite Musæ?  
 Arpinis cuius lavisse liquoribus ora  
 Phœbum non puduit, sophia cui tradidit artes.  
 Quemq; manu apprensū bifidi per culmina montis  
 Musæ duxistis, monstrantes vertice ab uno,  
 Imensos latius campos, felicia rura,  
 In quibus indomiti lusi præceptor amoris,  
 In quibus ipsa suum spatium Mantua gaudet  
 Doctiloquum civem, gaudet Verona Catullum,  
 Versibus ornârunt, & quotquot Tybridis undas;  
 Montrantes alio, puro de vertice, largos  
 Graj rum campus, quis aurea copia vestit,  
 Frugibus & lætis, ubi vatū & fronde coronat  
 Tempora; Nam Andinum puer hic consuevit Home-  
 rum*

*Aleratq; senis decoratq; frondibus ora,  
 Estq; cothurnati hic miratus carmina vatis,  
 Thebanq; lyrae, lyricam non ultima Vatū  
 Pars fuit, heu tristia lugubria dicite Musæ  
 Carmina; Vsq; novi lacrymis urgete sepulchrum  
 Mureti vates; cur illi illuxit Apollo  
 Nascenti? Argolici quem non facunda Periclia  
 Fulmina terrebant? immites dicite parcas  
 Turba Oratorum, cuius pendebat ab ore,  
 Purpureus summo fasces moderante senatus  
 Gregorius, Orator, superas concessit in auras.  
 Nondum prima genas flore exornabat opaco  
 Etas, cū teneram in ioribus applicat orsis  
 Mentem; sanctarum sinuosa volumina legum  
 Aggreditur, discitq; reas servantia jura,  
 In quibus ipse brevi tantū profecit: ut illum  
 Admirarentur cani præcepta magistri  
 Tradentem, cura vigili sed lubrica cuncta.*

Cernit ut immani tua clara Lutetia tecta  
 Ardere benè bellistudio, nec Palladis artes  
 Florere ut solita fuerant, Phœbique remissum  
 Ardorem, & sacras expulsas urbe sorores,  
 Mavortisque feri turbari Gallica sœvis  
 Rura armis, fœdum ramum prætere olivæ  
 Infestas furias, iterumq; iterumq; redire  
 Sacrilegi adversus Musas fera tempora belli  
 Ornatura ducum Musis invisa triumphos,  
 Hec sedes animosa tuas Patavæus Apollo  
 Gallia, cum castis tua tecta sororibus, una  
 Muretum abducens liquit, non ipsa relinquere  
 Digna erat, Aoniis nam fecerat omnia Musis  
 Altrix præstantum semper facunda virorum  
 Gallia; Pegaseis posui locus esse puellis,  
 Hic ubi quæ ipse chori princeps dictavit Apollo  
 Tisiphone ventis & nubibus irrita donat?  
 Ergo Muretus, fidei non infima nati  
 Abiens absenti officia exhibiturus abiit,  
 Jam Rhodani celeres cursus superaverat, & te  
 Magne Garumna, tuos fluctus post terga relinquens  
 Cum Phœbo, nec eum natalis linquere terra  
 Dulce solum piguit, Venetum delatus in oras,  
 Ad Phœthonei pervenit pinguia lassus  
 Rura Padi; laceris quærens grata ocia Musis,  
 Eloqui hic igitur clari dare signa coactus.  
 Scire etenim nostrum nihil est, nisi nos sciat alter  
 Scire, haud exiguas vires in carmine monstrat,  
 Seu canat aurata heroos testudine versus,  
 Seu moveat lyrici modulantiæ crassata plectri.  
 Talem olim referunt miro modulamine dura  
 Saxa chely morisse & nigras carmina silvas  
 Isaurium Vatem & sœvos traxisse leones.



Obstupuit præceps miratusq; Adria pulchri  
 Oris & ipse decus mistum & gravitate pudorem.  
 Hunc etiam virides circum delphines in undis  
 Adnârunt, parva rate dum ferretur in Urbem,  
 Qua caput antiquum medius è fluctibus effert.  
 Hanc colere & vidit benè religionis honores  
 Florere & divæ hic laqueataq; surgere tecta  
 Astræa, clari cui immensis sumptibus alta  
 Cives marmoreis statuerunt fulta columnis  
 Templo, deam sacris maestantes ritè verendis.  
 Cujus consilia antiqui moderantur habenas  
 Imperii paribus, quibus est respublica curæ  
 Auspiciis, regere atq; suos defendere cives:  
 Hic igitur placuit Mureto figere sedes,  
 Eloquium cujus Veneti mirantur & ora.  
 Non aliter Graji celebrant Demosthenis ora,  
 Cujus Palladiæ tonitru decorantur Athenæ.  
 Extemplo Ausonias veloxis fama per urbès  
 Gallum hominem Latias doctum Grajâsq; Camænas  
 Errantem Venetum vulgans in littore castis  
 Nutritum à Musis, cui Pallas tradidit artes.  
 Nec mora quâ trifido Dives Ferraria floret  
 Cincta Pado, pernix cunclis velocior Euris  
 Læta volat, pictis turrata palatii pennis  
 Intrat, Mureti cupido devincit amore  
 Estiadam mentes; inter quos maximus ille  
 Hippolytus, qui purpurei & fuit ipse senatus  
 Gloria, qui Phæbo claros extruxit & hortos  
 Musarumq; chorû, gelida quâ Tiburis unda  
 Labitur, exornans pomaria mille figuris.  
 Solus eo fretus miseris facere ocia Musis  
 Temp re; Muretum accersit, quem munere largus  
 Donatum largo, grata requiescere in umbra

Vati-

Vati-  
 Hinc  
 Divi  
 E quib  
 Nofci  
 In sep  
 Seu qu  
 Abita  
 Mure  
 Seu do  
 Seu tra  
 Seu do  
 Sic om  
 Unius  
 Non m  
 Quæ  
 Turpu  
 Danub  
 A locu  
 Hifori  
 Sic des  
 Venit,  
 Panno  
 Venere  
 Inter q  
 Mureti  
 Rura r  
 Ab fine  
 Ab file  
 Nunc m  
 Versib  
 Non tan

Vatisbus ut quondam Mecenas fecit : at ille  
 Hinc, majora agitans caput sub principe tanto  
 Divini ingenii maturos edere fetus  
 Et quibus ut duro fulvos ex ungue leones  
 Noscimus, est notus, claram hinc accitus in urbem  
 In septem geminis confedit collibus, uno.  
 Seu qua in Cimmeriis tenebris natura latere  
 Abdita vult, tanto solers interprete gaudet,  
 Muretus celsi recolens spatia alta lycæi,  
 Seu docet instabilis vitæ præcepta regendæ;  
 Seu tradit claram clari Demosthenis artem,  
 Seu docet auxilium oppressis præsentia Jura :  
 Sic omnes alios liquit post terga magistros,  
 Unius ut docto solum penderet ab ore  
 Non modò quæ ingenio claret Romana Juventus,  
 Quæ suam queritur sublatam Gallia prolem ;  
 Purpurei & Tagi & latices qui jactat Iberus.  
 Danubium & te Rhene bibens, Germania dives.  
 A locuplete Tago Romam ut delatus Iberus,  
 Historici quo clara Titi olim cerneret ora:  
 Sic desiderio Mureti Gallus in urbem  
 Venit, & ipsa suos natos Hispania misit  
 Pannonius & ferox & flava Britannia prolem.  
 Venere audaces in mutua vulnera Belgæ,  
 Inter quos dulcis patria solabar in urbe  
 Mureti auxilio castis gratissima Musis  
 Rura relicta, nibi superest, nunc omnibus orbo  
 Ab sine te Murete mihi nil urbis in urbe est,  
 Ab silet ipsa chelys quam tu laudare solebas  
 Nunc mea ; Nam lachrymans querulis si fortè quid  
 audet

Versibus, ab solum tua tristia fata recenset.  
 Non tantùm patriæ me turgida prælia curis

Exagin

Exagitant, quantum me me tua funera turbant.  
 Perdita nec tantum jam nunc mea commoda torquent.  
 Me, quantum ipsa ferunt hei publica damna doloris.  
 Pluscula vixisses Antoni tempora, summus  
 Ipse tua fixus claros tribuisset honores  
 Virtuti, sanctus quem Petri in sede locavit  
 Spiritus; extrema sacrum dum voce senatum  
 Exhortareris, nimium sed iniqua negârunt  
 Numina; Quia renouas violentas ira dolores?  
 At nihil hic tristis Iustus, nil proficit ira.  
 Non nîl perpetuum varia sub lampade lunæ.  
 Haud ulli teiuræ didicerunt parcere Parcæ,  
 Quare ege Musa modos, & tristia carmina siste.  
 Ultima dic bona verba, nefas contundere planctu  
 Pectora; Roma tibi non fas lugere Beatos.  
 Ille tuus civis radiantibus additus Astris,  
 Credita Muretus sperataq; gaudia carpit.

F I N I S.



L I P S I Æ,

Impensis G O T F R I D I G R O S S I,  
Bibliop.



Excudebat J O A N N E S A L B E R T U S  
M I N Z E L I U S

---

A N N O  
c l o l o c X X I X .





Purgatorium. pag. 338. l. 13.

\* Moros. l. calamitas ad 4<sup>o</sup> Educ. pag. 338. l. 13.

Divitias nec nimis amare nec spernere  
vid. pag. 454.

Exs

Qu  
Han

Quisquis amat dictis absentum rodere vitam,  
Hanc mensam vitalem noverit esse sibi. Augu

Quisquis amat dictis absentum rodere vitam  
Hanc mensam vitalem noverit esse sibi. S. Augu



